

中央國醫館醫藥叢書之一

楊華亭著

藥物圖考

海三夫



1935年

58

南京市  
人民圖書館  
分類號 2785  
架號 0746  
書碼 #616  
4640

像 肖 者 作



精華萃丁亥之葉物因孝

鑑別精嚴

彭晉光題



## 藥物圖考序

古今著本草者。無慮數十家。其蒐羅可謂宏富矣。而投劑或寡效。蓋一誤於『本草綱目』之博而不精。再誤於『吳儀洛』『汪訥菴』輩之勦說。盲從。不求實驗。遂使上中下三百六十味本草。經真面目掩闔。弗彰。後生沿習。重紕。馳謬。離道日遠。欲吾民族共登於仁壽之域。不亦戛戛乎其難哉。

東魯楊君華亭。平生寢饋醫學。中外藥冊。靡不備究。卒乃竭數十年之心力。入山採藥。實地試驗。成『藥物圖考』一書。雖寥寥僅二百八十餘種。而於動植礦物。選擇精當。固已體具用周。且也於藥性。則明辨精確。不蹈前人恆蹊。於功效。則獨抒心得。可破千秋疑案。觀其內收毒藥數十種。一一驗之於口體。又如本草十八反。俗傳入腹可以致命。亦皆配合親嘗。而得其性質。

功用。甚至極毒之麻。廣烏頭等。亦放膽親嘗。發現特別效能。蓋有千百年。不得其解。或誤解者。執此書以印證之。往往渙然冰釋。是非融會。東西互相啓發。自得左右逢源之妙。其曷克臻此。

是書刊印。適當本館整理醫藥之時。用此以辨別藥品之真偽。矯正舊說之玄虛。並改善其炮製。化驗其成分。且於「產地」「形態」「主治」「考證」「修治」「分劑」「驗案」條分縷晰。合乎「科學化」。使海內學者人手一編。當有以壯其心志。堅其毅力。從此不爲新舊無謂之爭。而努力於實際研究醫藥前途。或有大放異彩之一日乎。余日望之。

民國二十四年立秋日武功焦易堂序於中央國醫館

## 序一

本草類書。雖汗牛充棟。然以『千金翼本草』爲最古。與『本草經』無甚出入。餘如『本經疏證』。徐靈胎『本草經百種錄』。吳其濬『植物名實圖考』。有裨實用外。其他不過廣事搜羅。以備檢查。甚或高談理想。不徵按驗。徒引學者入於歧途而已。

山左楊君華亭。吾道有心人。也。歎藥學之荒蕪。懼墜緒之難挽。瘡痍滿目。怵焉心傷。乃竭畢生精力。歷歲月。閱寒暑。撰繪藥物圖考六卷。書凡五十萬言。學說新穎。措落依傍。中委陳立夫先生。焦易堂館長。一見嘉許。命卽殺青。以公同好。嗟夫。屈子被放。而作離騷。司馬羅刑。乃編史記。楊君空前巨著。成於羈愁窮困之中。名山國門。終遇知己。可以破涕爲笑者矣。

余略舉是書特點。以饗閱者。宋元迄今諸家本草。多取陰陽五行家言。忽視形態原素。模糊影響。已成過去。『陳列品』是編掃除陳腐。詳述產地、性質、主治、考證、分析、各節。注重科學研究。合乎『時代化』。『建築藥物學之基礎』。善一。自行採藥。海澨山陬。不辭勞瘁。且草木之屬。有可移植者。必親自蒔養。以究其形態生性。免貽醫不識藥之譏。善二。所收藥品。雖具動植礦三類。而以植物爲多。各藥主治考證。多未經人道及依其新說解釋。古方一字一句。皆本體驗心得。絕不抄襲舊說。拾人牙慧。與尋常著作有霄壤之判。善三。本草氣味。經一般著述者展轉訛傳。動輒失真。大背神農本經之旨。此則口體親嘗。甘苦辛酸。分析入微。讀者依其形態氣味。自入深山曠野。可以按圖索驥。豈僅爲醫藥學之傑作。抑亦爲植物學之教材矣。善四。不特此也。其痛斥各家炮製誤病之非。如薑之炮黑成炭。將內含之油及香脂澱粉去之。淨盡不啻枯木死灰。地黃拌酒。九蒸九曬。試問地莖塊根。

蒸曬如此其原素尙餘幾何又如他藥醋炒入肝鹽浸入腎徒亂人意予攻擊之口實乃一一證明荒謬一語破的可以釋千百年來之大惑使「雷敦」「王好古」「李時珍」輩却步故是書價直在唐宋以降徵諸藥物學罕與其匹

楊君幼失怙事母孝獨行踽踽儒雅可親去歲邂逅於中央國醫館覲面若舊識余生平亦落落寡合天涯地角琴劍飄零於同道中得良友二長安黃君竹齋私淑長沙其註釋傷寒風行海內楊君撰著本草追蹤炎帝嘉惠醫林余則學殖荒落了無所成形影懷慚現奉館命校訂是書四閱月始蒇事將見膾炙人口紙貴洛陽欣以附驥爲榮故樂而爲之序

民國二十四年孟秋月中央國醫館專任委員周柳亭識於都門本館

藥物圖考  
序

# 自序

藥物學以『本草經』爲最古。當爲『千金翼』所由本。而作者隱其名。託之於神農。以致其人之時代里居。學術源流。無從詳考。惜哉。本經之可貴。在乎實事求是。各藥主證。極其簡要。而收效甚宏。非如後世諸家。踵事增華。由簡入繁。觀其議論。輒誇著作等身。揆諸實際。幾無片言可取。雖多亦奚以爲。

竊謂不辨藥性。無以立方。不能立方。無以療病。細讀傷寒金匱之方。加以臨症實驗。再取本經主治以印證之。無不恰相吻合。乃知古人醫藥之學。一以貫之。相須而成者也。

古者非醫士不能採藥。蒐集體認之勞。醫家自任之。而易得藥性之真。後之藥學所以流於玄虛者。蓋醫士未嘗親自實驗。祇憑閉戶讀書於紙上求之。甚且束書不讀。致力冥想。以冀心悟。不知病侵血肉之軀。藥具物質之實。詎可徒託空言。而以玄哲鳴高耶。

余初習醫。卽自入山採藥。辨認根株。親嘗性味。舉凡寒熱溫平。升降補瀉。無不歷歷於

心。目。間。再。證。以。本。經。發。明。之。功。效。久。而。漸。窺。古。人。堂。奧。拙。著。卽。於。此。時。動。其。機。焉。後。習。科。學。并。讀。西。方。藥。冊。泛。覽。愈。廣。扼。求。實。集。中。之。要。因。擷。取。中。西。之。長。加。之。實。驗。以。成。此。書。所。收。之。藥。皆。經。親。嘗。甚。如。白。砒。之。毒。亦。莫。不。試。之。以。口。體。摹。繪。形。態。多。親。見。生。物。寫。生。惟。謹。不。敢。失。真。務。期。病。者。服。藥。有。效。醫。者。見。藥。能。識。庶。不。負。圖。考。之。名。耳。今。將。付。梓。略。述。成。書。之。經。過。於。此。讀。是。書。者。細。審。主。治。考。證。之。文。再。於。用。藥。之。時。潛。心。體。驗。自。能。得。其。信。徵。也。

惟近世藥學荒蕪極矣。雖經海內學者提倡整理。尙在筭路藍縷之中。拙著無所取法。而於此時間世。自知謬誤必多。深望同道賢達。益加精進。俾此學漸臻完密。以期趨入光明之途。徑吾書得爲引玉之磚。有榮施矣。

民國二十四年七月山東牟平楊華亭謹述

## 凡例

藥物之學荒蕪久矣甚至以偽亂真沿用千百年無人糾正良以古者科學未明印刷未精歷來本草於藥之形態敘述既欠精詳圖印更爲模糊一經誤探則襲訛用謬久假不歸後之人雖欲求真每苦無從稽考本書爲矯正此弊特重形態詳加考證每藥必附詳圖學者可以按圖索驥惟寫生拙劣容或未盡肖妙然未敢假手於人恐滋誤謬識者諒之

本書於藥之主治力求真確不敢人云亦云致多瑣屑之辯蓋當習非勝是之後欲起積重而反之非返覆辯證勢難打破痼結是亦不得已也

藥物之數有加無已實則泛而寡當近今又參用西藥益復浩博學者窮年累月不能盡悉其名將何所適從本書力求實用特選重要藥物共錄二百八十九種惟於每藥之性狀則考證探索務期詳盡學者苟能深入而貫通之臨症處方不患不足傷寒論用藥之數不過九十餘種蓋用藥之理通乎用兵在和不在衆以少許制勝斯爲能者

本書於各藥之後臚列中西精要之學說而綜合較證之以便學者自由探討作者之言則列於諸家之後而以「華亭述言」四字界之

本書所引中西各藥籍皆照原文轉錄不敢改削以便學者參考而免繙檢原書之勞所以惜時力與經濟也惟西書賀氏療學與藥物詳要皆經數版而前後詞句多有不同則不得不節取而刪潤之

本書所用參考書除醫藥專書外亦皆實學要籍古本草往往引據稗官神話之說今一律屏除重實際也

陶弘景以本經與別錄合刻而以朱墨二書爲別屢經翻刻本經與別錄之文往往牽混後人多以別錄或陶氏之言誤爲本經本書所引皆詳爲考證而分析明確

本書於中國藥名皆遵本草經間舉西藥則以審查會審定之名詞爲准如一藥數名則擇其較通行者於正名之下附又名某某

本書間附湯方驗案於藥後皆係作者自擬而經實驗有效者錄之以供參考

凡常引之書爲省文計皆簡稱之另附引書簡稱表於後

本書雖爲藥物專書而植物居多且考核亦最力故亦可供植物學之參考

作者學識譾陋自知差謬必多倘荷海內明達不吝匡教則再版此書必遵訂正俾作者與讀者均拜厚賜

# 引用書名簡稱表

○原書名

神農本草經

名醫別錄

唐本草

本草拾遺

蜀本草圖經

開寶本草

嘉祐補注本草

圖經本草

日華諸家本草

本草衍義

救荒本草

○簡稱

本經

別錄

唐本

拾遺

蜀本

開寶

嘉祐

圖經

日華

衍義

救荒

引用書名簡稱表

引用書名簡稱表

本草綱目  
本草崇原  
本草原始  
本草備要  
本草從新  
本草求真  
植物名實圖考長編  
萬國藥方  
賀氏療學  
藥物詳要  
英國藥制  
西藥擇要  
藥徵全書  
新本草綱目

餘書偶而及之者俱錄全名

綱目  
崇原  
原始  
備要  
從新  
求真  
圖考  
萬國  
療學  
詳要  
藥制  
擇要  
藥徵  
新綱目

# 藥物圖考卷一目錄

人参附黨參	.....	一
甘草	.....	一二
白朮	.....	一八
蒼朮	.....	二二
地黃	.....	二六
麻蕒	.....	三〇
細辛	.....	三八
菖蒲	.....	四一
麻黃	.....	四五
麥門冬	.....	五一
<hr/>		
天門冬	.....	五三
橘皮	.....	五六
木香	.....	六一
遠志	.....	六六
牡桂	.....	六九
茵桂	.....	七〇
桂	.....	七六
杜仲	.....	七九
菊花	.....	八一
龍膽	.....	八六

藥物圖考卷二目錄

荊芥	八九	當歸	九八
栝樓根	九二	乾薑	一〇二
柏實	九六		
芍藥	一	藜蘆	二九
山茱萸	五	烏頭	三五
杏核仁	八	天雄	三五
半夏	一二	附子	三六
黃連	一七	茯苓	四八
五味子	二〇	地榆	五二
大黃	二三	巴豆	五四

地骨	.....	五九
貫衆	.....	六二
麝香	.....	六六
<del>水蛭</del>	.....	七〇
斑蝥	.....	七三
朴硝	.....	八〇
石灰	.....	八四
白堊	.....	八七
石膽	.....	八九
消石	.....	九三
硫黃	.....	九七

白礬	.....	一〇一
水銀	.....	一〇四
氯化高汞	.....	一〇八
氯化低汞	.....	一一二
紅色氯化高汞	.....	一一六
黃色氯化高汞	.....	一一八
鐵落	.....	一二〇
氯化高鐵濃液	.....	一二三
氯化高鐵酒	.....	一二四
甜炭酸鐵	.....	一二五
碘化低鐵糖漿	.....	一二六

鐵香調水……………一二七

### 藥物圖考卷二目錄

升麻……………	一	安息香……………	三一
豆蔻……………	六	阿魏……………	三五
白豆蔻……………	九	樟腦……………	三九
肉豆蔻……………	一一	蘆薈……………	四四
縮沙薯……………	一三	檳榔……………	四九
薄荷……………	一五	馬錢子……………	五二
丁香……………	二〇	茴香……………	五八
沒藥……………	二五	雅片……………	六一
蓖麻子……………	二八	嗎啡……………	六九

科第印	.....	七〇	蒲公英	.....	一〇二
赫羅印	.....	七二	大蒜	.....	一〇五
鹽酸阿浦嗎啡	.....	七五	釀酒	.....	一〇八
小麥	.....	七八	蒸酒	.....	一〇八
麩	.....	七八	醋	.....	一一二
麥奴	.....	八〇	醋酸	.....	一一三
葦澄茄	.....	八六	冰醋酸	.....	一一四
曼陀羅	.....	八九	無食子	.....	一一五
素馨	.....	九三	鞣酸	.....	一一六
大楓子	.....	九六	加泐酸	.....	一一八
芥子	.....	九九	鹽麩子	.....	一二〇

藥物圖考目錄

五倍子	.....	一三二
砒霜	.....	一三四
砒砂	.....	一三一
硼砂	.....	一三五
硼酸	.....	一三七
石膏	.....	一三九

---

中央國醫館  
醫藥叢刊之一  
**藥物圖考卷一**

編審委員楊華亭撰述  
編審委員周柳亭校訂

**人參**

**本草經**

人參味甘微寒主補五藏安神定魂魄止驚悸除邪氣明目開心益智久服輕身延年一名人衙一

名鬼蓋

**名醫別錄**

微溫無毒療腸胃中冷心腹鼓痛胸脇逆滿霍亂吐逆調中止消渴通血脈破堅積令人不忘一

名神草一名人微一名土精一名血參如人形者有神生上黨

屬山西長治縣

山谷及遼東屬奉天在遼河之東二月四月八月


上旬採根竹刀刮暴乾勿令見風

**陶弘景**

上黨郡在冀州西南今魏國所獻即是形長而黃狀如防風多潤實而甘俗用不入服乃重百濟國名三韓之一

者形細而堅白氣味薄於上黨次用高麗高麗即是遼東形大而虛軟不及百濟百濟今臣屬高麗高麗所獻兼有兩種止應擇取之爾實用不及上黨者其為藥切要亦與甘草同功而易蛀蝕唯內器密封頭可經年不壞人參讚曰三極五葉背陽向陰欲來求我椴樹相尋椴樹葉似桐甚大蔭廣則多生陰地採作甚有法今近山亦有但作之不好

藥物圖考卷一



圖經本草

人參生上黨山谷及遼東今河東諸州及泰山山東泰安縣皆有之又有河北樵場及關中來者名新羅

顧名三韓之一

人參然俱不及上黨者佳其根形狀如防風而潤實春生苗多於深山中背陰處近楸樹下溼潤處

初生小者三四寸許一極五葉四五年後生兩極五葉未有花莖至十年後生三極年深者生四極五葉中

心生一莖俗名百尺杵三月四月有花細小如粟蕊如絲紫白色秋後結子或七八枚如大豆生青熟紅自

落如人形者有神二月四月八月上旬採根竹刀削去土暴乾無令見風泰山出者葉幹青根白殊別江淮

出一種土人參葉如匙而小與桔梗相似苗長一二尺葉相對生生五七節根亦如桔梗而柔味極甘美秋

生紫花又帶青色春秋採根不入藥(下畧)

潞安府志

秦上黨郡屬山西長治縣

人參原出壺關紫團山舊有參園今已墾而田矣而索者猶未已張翰林謂其遍別巖

藪根株鮮獲而人慕虛名寺膺實害每值易參僧以倍價市人逮繫彌旬吏緣為奸又司捕者假以巡察橫

索參錢山僧斂而納之至鬻衣鉢翰林名鐸即其邑人

本草綱目

上黨今潞州也民以參為地方害不復采取今所用者皆是遼東其高麗百濟新羅三國今屬於

朝鮮矣(下略)

植物名實圖考

參本經上品昔時以遼東新羅所產皆不及上黨今以遼東吉林為貴新羅次之其三姓甯

古塔亦試採不甚多以苗移植者爲秧參種子者爲子參力皆薄黨參今係蔓生頗似沙參苗而根長至尺餘俗以代人參殊欠考覈（下畧）

### 萬國藥方

*Panax Ginseng* 此藥出高麗滿州等處入藥用根狀如人身故名

（功用）行氣提神開胃暖胃

### 化學實驗新本草

日本學說略載藥學士井上圓治氏之實驗「藥學雜誌第二百四十二號」報告之大

要氏爲研究真人參之階梯先研究竹節人參發見一種糖原質（サホニ）之屬在藥物學上無甚趣味

### 華亭述言

#### 【產地】

產於中國北部及朝鮮等處古有上黨人參今不產矣

#### 【形態】

五加科人參屬多年生草本初年高數寸一極三葉二年二極每極生五葉數年後莖高二三尺一極者

係一葉柄採參人名之曰一披葉至六披葉者生年甚遠其根可達數兩四圍遺傳參子參孫甚多或謂有至八披葉者爲罕見之物六披葉卽輪生六葉柄每柄生掌狀複葉每小葉卵圓形葉緣鋸齒夏秋間由輪中抽出一莖開灰白小花花冠五片雄蕊五枚雌蕊一枚繖形花序結實生青熟赤呈扁圓狀中含種子二

三枚別錄云其根「如人形者有神」苗芽處名曰參蘆根之首段橫紋極細根鬚皆生根瘤色黃白蘆上生根名曰釘羅者多不取一蘆之下分生二蘆每蘆各生一根名曰雙胎在四披葉以上者爲佳蘆下之根分岐者名曰膀海亦佳其根順直名曰鞭此種次之

【主治】

入藥用根無臭無毒味略甘苦主和氣血破堅積心腹氣痛止驚悸生津止渴提神胸脇逆滿腸胃寒除邪氣霍亂潤皮膚人參分緩急兩用於急性虛脫以白晒人參單服有提神和氣之功若用緩劑於氣血衰弱精神不爽或常受風寒每載服白晒人參數兩有奇功若少年無病服之或致鼻衄亦有服後頭腫者以麥門冬煎服卽消

【考證】

人參以出土暴乾爲貴俗名白晒人參別錄云「採根竹刀刮暴乾」卽白晒法也（法見修治條）今作白晒人參皆入鍋蒸熟暴乾雖無糖質其力亦減而說者以爲生質晒乾則參精飛散形態空虛故必須蒸熟則參精始聚考各種草根其生質乾時無不縮緊其形態無不變瘦因水分耗散存者惟元素耳今售者因其形態乾瘦重量亦減故用糖製（法見修治條）充其體則質重且美觀惟元素大耗用以救急常爲所誤况僞者甚多秧參本爲天產只經人工移植其性卽殊子參爲參子所種則較秧參爲尤遜今以子參充天產者十居七八古無秧參卽子參亦無糖質故對症服之無不立效今人多於無病時用之而於湯

方用者轉少但以補品用者日多產量日少價值日昂而作者僞者亦日衆矣近世俗醫每以黨參代人參殊不知別錄云生上黨者乃古產之人參今不適生存已絕種矣潞安府志與本草綱目均已言之而以蔓生植物（說見黨參條）僞充古之上黨人參將何以取效乎西醫提出人參素（是否人參亦未可定）名巴那規倫 *Panasolion* 驗之竟無醫疾之功而中醫屢用屢效千百年一致何能否認豈經分取參素則原生細胞分裂而失其功能耶東醫渡邊熙氏云「凡無論何種植物其天然之生藥均不可製成又狀態及結晶體因製此等狀態必須經過長時間或強熱之蒸發也然則被製品之蛋白質與脂肪性物質等因蒸之故立刻昇騰飛散以至於無有」又東醫藥學士井上圓治氏以竹節人參（圖經名土人參其根有節如竹曰名竹節人參見後圖）化驗誤爲人參無功此與中醫誤以蔓生黨參爲人參正相同也但人參之功效雖偉亦非普救之靈丹用之當適其主否則不但無效且有害近世諸家本草主治太濫妄爲分析如參鬚參條參蘆各分專條甚屬無謂鬚條不過力微耳非有異功綱目以參蘆爲吐劑予曾親服驗之實無其效蓋吐劑俱含惹胃之素或感嘔吐中樞如藜蘆含非拉特丁故有惹胃嘔吐之力若鹽酸阿浦嗎啡爲刺激延髓之吐劑參蘆并無此等質來徐之才云人參反藜蘆千金大石飲礬石圓金牙散大排風散衛侯青膏神明青膏皆藜蘆與人參合用俗以受邪不可服人參以爲能補邪氣也然本經云「除邪氣」而

一部傷寒論用人參者約二十方如小柴胡湯主「傷寒中風往來寒熱」白虎加人參湯主「傷寒脈浮發熱無汗」黃連湯主「傷寒胸中有熱胃中有邪氣」柴胡桂枝湯主「傷寒發熱微惡寒支節煩疼」人參果有能補邪前數方不成殺人之劑乎補邪之說蓋如俗醫之言生痘疹者不可服葢同一誤也管思

醫藥爲救死而設一是一非卽係一生一殺非

若玄哲空論可以數義并存也而中醫往往有

絕對相反之數說並存千百年也大論與金匱

用人參約各二十方均爲天產輪生之人參也

### 【修治】

人參今產北部其地寒冷春日採取在四五

月中秋日採取多在八月作白晒人參將人參

用刷洗去泥土復以線（用洋線不用線車因

洋線帶絨線車光滑）弓輕去橫紋之泥暴乾

入瓶置乾燥處勿令空氣透入否則易蛀別錄

云「勿令見風」卽此意非謂暴時勿令見風




人參

也陶弘景云「而易蛀蝕唯內器密封頭」亦此意製糖參之法以參浸入水中用刷洗淨泥土以線弓去其橫紋之泥與外皮洗淨取出用骨鍼（其鍼多用鹿角或他骨爲之若無卽以鋼絲爲之亦可）二枚粗者徑約二分細者一分若參根粗以粗鍼於參直根（卽參之首端）旁向參身內刺入將至分岐處卽止左右各一刺再用細骨鍼由分岐處向上刺入參之首端以縫衣大鍼刺於橫紋之際將參鬚共縛一處以細鍼刺之再將參鬚疊於參身上捆之外用平底瓷鍋一口冰糖一宗（冰糖酌入參多少用之如用冰糖十斤加水一斤）以水入鍋置於炭火之上熬至糖化而見沸將鍋取下待至溫煖無大熱放參入糖液內上以物壓之至四十八小時取出放於盆中以壺中沸水沖去參上之糖（此次糖未盡入參內）取出再將鍋內糖液溫熱取下至溫煖適宜放參入內上以物壓至四十八小時（此次糖質多入參內）取出再以沸水沖洗外部糖液揭去縛參之線將參鬚順直晒乾卽成若糖質少亦可如法再製一次至此則分劑加重參體不縮而肥乃糖質充實耳去南部者色宜白去北平者色宜黃總之只取美觀於參之效力則無益反損矣

### 【分劑】

白晒人參煎服半至二三錢糖製一至半兩若與他藥配用須單煎





附錄黨參

植物名實圖考

此書乃清嘉慶進士山西巡撫吳其濬著今東西學者傳譯甚廣皆稱爲中國植物學惟一

之書其精要可知

黨參山西多產長根至二三尺蔓生葉不對節大如手指野生者根有白汁秋開花如沙參花色青白土人種之爲利氣極濁案人參昔以產澤遼上黨及太行紫團者爲上皆以根如人形三極四極五葉中心一莖直上爲真今形狀迥殊其可謂之參耶舉世以代神草莫知其非而服者亦多胸滿氣隔之患山西通志謂黨參今無產者殆曉然於俗醫之誤而深嫉藥市之售僞也余飭人於深山掘得蒔之盆盎亦易繁衍細察其狀頗似初生苜蓿而氣味則近黃耆昔人有以野苜蓿誤作黃耆者得非此物耶舉世服餌雖經核辨其孰信從(下畧)

華亭述言

【考證】

別錄云人參生上黨山谷及遼東據此則黨參當爲上黨所產之人參也惟今日通用之黨參實非輪生

五葉之人參即圖考所載之蔓生植物耳而說者仍與人參相混本草從新有黨參條云「參須上黨者佳  
 今真黨參久已難得市中所賣黨參種類甚多皆不堪用唯防風黨參性味和平足貴根有獅子盤頭者真  
 理紋者偽也」按陶弘景云「人參形長而黃狀如防風」乃謂人參狀類防風吳氏所謂防風黨參根有



獅子盤頭者即蔓生植物俗稱之野黨參也而醫學大辭典竟有防風黨參一條近出板之衷中參西錄云「人參方書皆謂出於上黨即今之黨參是也」綜上諸說人參黨參混淆莫辨誠如圖考所云雖經核辨無人信從吾國近世之藥學不考性狀隨意妄名以致偽藥百出甚且著書立說以誤後人亦良可慨矣查通用之黨參有名潞黨參者外皮赤褐係被土色所染即人工黨參之小者有名台黨參或野黨參者外皮黃白乃黨參之本色狀類防風其根粗大首段有突起係累年苗芽後之遺跡即從新所謂獅子盤頭者吾謂今之黨參果有療病之功固不防列入藥類但當分科另立界說何得指鹿為馬混淆於人參之內也

### 甘草

#### 本草經

甘草味甘平主五藏六府寒熱邪氣堅筋骨長肌肉倍力金瘡癒解毒久服輕身延年

#### 爾雅

葍大苦注今甘艸也蔓延生葉似荷青黃莖赤有節節有枝相當或云葍似地黃

#### 名醫別錄

國老無毒主溫中下氣煩滿短氣傷藏欬嗽止渴通經脈利血氣解百藥毒為九土之精安和七十

二種石一千二百種草一名蜜甘一名美草一名蜜草一名游草生河西指黃河以內屬陝西甘肅等處川谷積沙山及上郡

吳陝西綏德縣二月八月除日採根暴乾十日成

**圖經本草**

甘草生河西川谷積沙山及上郡今陝西河東州郡皆有之春生青苗高一二尺葉如槐葉七月開紫花似柰冬結實作角子如華豆根長者三四尺纒細不定皮赤上有橫梁梁下皆細根也二月八月除日採根暴乾十日成去蘆頭及赤皮今云陰乾用今甘草有數種以堅細斷理者爲佳其輕虛縱理及細韌者不堪惟貨湯家用之謹按爾雅云蓄大苦釋曰蓄一名大苦郭璞云甘草也蔓延生葉似荷青黃莖亦有節節有枝相當或云蓄似地黃詩唐風云采芘采芘首陽之巔是也蓄與芘通用首陽之山在河東蒲坂縣乃今甘草所生處相近而先儒所說苗葉與今全別豈種數有不同者乎（下略）

**夢溪筆談**

本草注引爾雅云蓄大苦注甘草也蔓延生葉似荷莖青赤此乃黃藥也其味極苦謂之大苦非甘草也甘草枝葉悉如槐高五六尺但葉端微尖而糙澀似有白毛實作角如相思角作一本生熟則角拆子如小扁豆極堅齒嚙不破

**植物名實圖考**

甚矣草木之同名異物而多識之難也郭景純以甘草釋大苦而謂其葉如荷沈括駁之是矣然沈所謂黃藥者究不識其爲何產李時珍以今之黃藥當之而易荷爲薄荷則改竄而附會之矣（下略）

**萬國藥方**

Glycyrrhiza 此藥各國皆有入藥用根以其味甜故名

(功用)潤劑化痰配膏散煮水等服之或研末配丸類用

(主治)肚腸內皮生炎尿管內皮生炎欬嗽

### 賀氏療學

*Glycyrrhiza? Glycyrrhizae Radix?* 此草產於歐羅巴亞西亞等處入藥者係此草之根如製膏服之有激口生涎之功亦有輕瀉之效因其能改味故常用爲藥引

### 藥料詳要

*Glycyrrhizae Radix? Licquorice Root?* 係 *Glycyrrhiza glabra*, 等之根及根莖去皮令乾長條形未去皮爲深綠色有直槽及脊皮去皮色黃而光滑斷口參差鏤形味特甘不雜苦味能調藥味作摻料且有潤喉之功在喉疼用之

### 英國藥制

甘草根乃潤劑及溫和之祛痰劑多用於普通家庭藥物以治咳嗽及枝氣管炎製丸片時亦可作調味及賦形藥

### 華亭述言

#### 【產地】

產於中國甘肅陝西等處南部歐羅巴栽培甚盛

#### 【形態】

豆科甘草屬多年生草本莖高二三尺互生羽狀複葉每小葉長卵形春秋間由葉腋抽莖開蝶形花冠色淡紅總狀花序結實作角如豆其根莖長數尺徑約半寸外皮赤褐內黃白堅實爲佳截之有粉名粉甘

草

【主治】

入藥用根無臭無毒味甘主潤膜生涎性中和如枝氣管炎致咽喉腫病佐生地元參麥門冬等藥則有清火生津消腫之功如醫欬嗽與通肺止嗽藥並用卽有潤膜生涎化痰之力如佐瀉劑亦有滑腸助瀉之功若與止痛藥並用則有緩和神經減痛之能甘草內含葡萄糖甘草苷澱粉樹脂天門冬素及蛋白質甘草苷爲白色結晶體係鉀與鈣及甘草酸化合而成

【考證】

本經甘草條「味甘平」並無「氣」字惟綱目不知何所本引本經文而曰「氣味甘平」自此諸家本草多宗之本草崇原甘草條張隱菴仲昂庭二氏竟特拈一「氣」字發揮闡論殊堪發噱夫既已無中生有橫屏一字又從而爲之說夢中說夢且詡詡然自鳴獨到使注者事後自知甯不啞然失笑乎後世本草敍每藥效之能多云「氣味」「主治」本經只云「味」「主」概無「氣」「治」二字又「無毒」二字乃別錄之文亦誤入本經學者皆不可不辨

徐之才云甘草與甘遂相反而金匱甘遂半夏湯乃甘遂與甘草並用千金大豆湯大五飲陷胸湯蜥蜴圓外臺乾棗湯芫花丸百病方雞子湯何奴霜宿丸皆甘草與甘遂並用予曾以甘遂一錢甘草四錢煎服而驗之至二十分鐘覺腸鳴至三小時後腹痛旋止至六小時復痛亦卽止無他異也又單服甘遂末四分至

半小時覺胃內炎熱一小時腸胃覺痛其力上下賁豚時而腸鳴時而絞痛此乃刺激腸腺之蠕動以助其瀉洩之力至二小時其疼由漸加重三小時後大解一次又經四小時方見澹便後又水瀉二次始愈經此實驗之結果乃知金匱二藥並用非特不反且用甘草正所以緩和甘遂之猛烈此如大承氣湯中之用厚朴以免芒硝絞腸之患同一理也可見徐氏之說全無實據且徐氏之書遠在金匱之後世人乃不遵金匱反信徐氏更有迴護徐氏之說而曲解金匱者如徐彬解甘遂半夏湯云「甘草反甘遂而加之取其戰克之力也」尤在涇云「甘草與甘遂相反而用之者蓋欲其一戰而留飲盡去因相激而相成也」類此者多不勝指徐靈胎云「後人之書不可反以證前人」正爲此等說而發也雷斅云「甘草頭尾吐人」竊以古今人好爲妄語者常以雷氏爲最而其說能行之及今不亦異乎張元素云「甘草稍治胸中積熱去莖中痛」醫學大辭典與中藥大辭典云「甘草頭治小兒遺尿」其說或有偶驗然亦不必分「稍」與「頭」也本草從新云「甘草中滿忌之甘令人滿然亦有生用爲瀉者」甘旣令人滿生卽不甘耶近世之藥學謬妄至此所以亟待重新整理也

【修治】 採於春秋洗去泥土輕去外皮切片暴乾存貯勿洩氣否則易蛀

【分劑】 散服半至二錢煎服一至二兩

【驗案】

牟平黃守殿以駛帆船爲業五月中旬忽患

腹痛少時身如被杖而發青紫色如金匱所謂

陰毒症船中無藥以黃表燒灰沖以蒸酒服之

少時人事不省船主以爲不救適風順船歸調

治得愈惟足趾黑色尙未退盡亦不覺痛癢求

治於予見左拇趾與第二三趾色黑如鐵第二

趾尤甚惟右足甚輕此症西醫名死肉症（疥）

治法甚難其趾不痛不潰而臭形如枯樹之乾

枝故又名曰乾疥予告以甘草爲末敷之轉覺

疼痛數日後其乾枯之界已與好肉分離不日

爛去乃見鮮紅之肉芽已有就愈之象或者謂天氣炎熱每日包裹恐生疥瘡須以疥瘡藥敷之及敷之後

卽流鮮血日重一日復求治於予則第二趾血出如隔夜猪肝乃與西藥水藥膏令其擦洗至第三日又至

見其流血已止而患處之肉大非前日生肌之態乃仍以甘草末敷之半月始愈民國初年於烟台有劉某



之癰足趾患脫骨疽症以甘草末敷之亦愈後有教員左某亦於足趾潰爛以甘草末敷之而愈下疳爲末敷之亦效

# 朮

又名白朮

## 本草經

朮味苦溫主風寒溼痺死肌瘰癧止汗除熱消食作煎餌久服輕身延年不飢一名山藟

## 爾雅

朮山藟注本草云朮一名山藟今朮似藟而生山中

## 名醫別錄

甘無毒主大風在身面風眩頭痛目淚出消痰水透皮間風水結腫除心下急滿及霍亂吐下不

止利腰臍間血益津液暖胃消穀嗜食一名山薑一名山連生鄧山山谷漢中南鄧二月三月八月九月採根暴乾

## 陶弘景

鄧山南鄧也今處處有以蔣山在江蘇江甯縣東北白山茅山在江蘇句容縣東南者爲勝十一月十二月正月二月採好多

脂膏而甘仙經云亦能除惡氣頭災疹丸散煎餌並有法其苗又可作飲甚香美去水朮有兩種白朮葉大有毛而作極根甜而少膏可作丸散用赤朮葉細無極根小苦而多膏可作煎用（下畧）

圖經本草

朮生鄧山山谷漢中南鄭今處處有之以嵩山在河南登封縣北茅山者為佳春生苗青色無極一名山蒟

以其葉似蒟也莖作蒿蕨狀青赤色長三二尺以來夏開花紫碧色亦似刺蒟花或有黃白花者入伏後結子至秋而苗枯根似薑而傍有細根皮黑心黃白色中有膏液紫色二月三月八月九月採暴乾乾溼並通用今八月採之服食家多單餌之（中畧）謹按朮有二種爾雅云朮山蒟楊抱蒟釋曰此辨蒟生山中及平地者名也生平地名蒟生山中名朮陶注本草云白朮葉大而有毛甜而少膏赤朮細苦而多膏是也其生平地而肥大於衆者名楊抱蒟今呼之為蒟然則楊抱即白朮也今白朮生杭越舒宣州高山岡上葉葉相對上有毛方莖莖端生花淡紫碧紅數色根生極二月三月八月九月採根暴乾以大塊紫花者為勝又名乞力伽凡古方云朮者乃白朮也非謂今之朮矣

植物名實圖考

朮本經上品爾雅朮山蒟楊抱蒟圖經以楊抱為白朮宋以後始分蒼白二種各自施用

萬國藥方

Arctodes Alba? 此藥出安徽浙江江蘇等處入藥用該草之根

（功用）開胃煖胃行氣利小便

華亭述言

【產地】產於浙江等省

【形態】菊科白朮屬多年生草本莖圓高一二尺葉互生橢圓形或有分裂者葉表光澤質堅硬葉緣鋸齒生刺

鉞秋日莖端開頭狀花序總苞為葉片狀形如蒼朮花相似其根為球莖故綱目云如鼓槌外皮褐黑內黃白

【主治】入藥用根有小毒味辛苦主行氣開胃消食嘔吐逆氣風寒溼痺消痰水心下滿霍亂利尿逐皮間水腫

【考證】本經與別錄皆名曰「朮」係一字單名金匱之木防已湯與木防已去石膏加茯苓芒硝湯其木字即

朮字之誤書（說見防已條）綱經云白朮莖方葉對生醫學大辭典亦從其說實誤本草從新野白朮篇云「產於潛即浙江於潛縣者最佳今甚難得即浙江諸山出者俱可用俗稱為天生朮有鶴頸甚長內有硃砂點

朮上有鬚者尤佳以其得土氣厚鬚乃其餘氣也其次出宣歙宣即宣歙歙為歙縣屬安徽者名狗頭朮」按吳氏所云有

鶴頸及硃砂點者乃蒼朮也因苗芽向上彎曲形如鶴頸（見蒼朮圖）云狗頭朮則為白朮也其名始自

陳嘉謨本草蒙筌云「浙朮俗名雲頭朮歙朮俗名狗頭朮以白朮咀後用人乳汁潤之制其性也若脾病

者以陳壁土炒藉其土氣以助脾也」考東壁土始自別錄主下部脫肛未嘗以土補脾也今市售土炒白

朮實淵源于此查蒼白二朮一為球莖一為根莖然本經之朮不知為今之白朮抑為蒼朮未能詳考而金

醫用朮約二十一方傷寒論用朮約十方皆名白朮其白字皆爲後人所加圖經云根似薑係蒼朮綱目云  
 如鼓槌則爲白朮綱目與圖經皆云宋後始分蒼白二種而陶氏已云朮有兩種白朮葉大赤朮葉細蓋赤



朮卽宋之蒼朮別錄一名山薑一名山連係指蒼朮蓋以根莖如薑有相連之意始知別錄時已用蒼朮矣本經與爾雅名山薑者係指地上枝葉而言蓋二朮莖葉花皆類薑故也入藥以天產爲貴白朮味辛苦嗅之氣息大於蒼朮若嘗之其辛烈較蒼朮爲遜後繪帶葉之圖係天產之白朮藥市所稱野於朮仍多人工產本草蒙筌云「浙江俗名雲頭朮」非白朮之球莖者係別具一種其根爲塊根有隆起之突形如所繪之雲頭故名之其價甚廉卽後繪無葉之圖入藥不妥

【修治】

採於秋日去其莖葉及根鬚切厚片曬乾收貯勿洩氣宜用原質不可土炒及用人乳汁潤之一本堂藥選云凡人乳汁潤陳壁土炒脂麻同炒等製皆所弗取

【分劑】

散服二至五分煎服一至二錢

蒼朮

本草衍義

蒼朮其長如大拇指肥實皮褐色氣辛烈須米泔浸洗再換泔浸二日去上蘆皮白朮鹵促色微褐氣味亦微辛苦而不烈古方及本經只言朮未見分其蒼白二種也緣陶隱居言朮有兩種自此人多貴白者今人但貴其難得惟用白者往往將蒼朮置而不用如古方平胃散之類蒼朮爲最要藥功尤速殊不

詳本草元無白朮名近世多用亦宜兩審稽康曰聞道人遺言餌朮黃精令人久壽亦無白字

### 救荒本草

蒼朮近都山谷亦有嵩山茅山者佳苗淡青色高二三尺莖作蒿蕀葉抽莖而生稍葉似棠梨葉

脚葉有三五又皆有鋸齒小刺開花深碧色亦似刺薊或有黃白花者根長如指大而肥實皮黑茶褐色味

苦甘（下畧）

### 植物名實圖考

句容清屬江蘇江甯府茅山產細梗如貓糞者佳

### 萬國藥方

Atropy'odes Reebra, 此藥出湖北山東江蘇等處入藥用根

（功用）與白朮相同

### 一本堂藥選

朮以色青白味苦俗呼為三好嫩根蒼朮者為佳（中略）藥肆又以老根為蒼朮嫩根為白

朮或老為白嫩為蒼皆非也實則祇一種耳惟老根多筋為末尤惡性味亦劣於嫩者故以用嫩根朮為是

中國運來之蒼白二朮形狀迥然各別其白朮即陳嘉謨所謂雲頭朮狗頭朮李時珍所謂吳朮狀若鼓槌

者是也意此種出於後世而非古所用之朮矣（下畧）

### 化學實驗新本草

日本學說藥名有蒼朮白朮之區別嫩根曰白朮老根曰蒼朮據松村任三氏之說云

凡曰蒼朮曰白朮曰唐種曰漢種者皆為蒼朮非異種也（下略）

華亭述言

【產地】 此藥以江蘇產者爲良

【形態】 菊科蒼朮屬多年生草本莖高一二尺葉互生上部葉橢圓中部分生三裂亦有純爲橢圓葉者葉表光

澤質堅硬葉緣鋸齒生刺鉞秋日莖端開花有紅白碧紫等色花爲葉片所苞狀如小薊頭狀花序其根爲根莖粗如指苗芽處由根莖旁向上彎曲卽從新所謂鶴頸者外皮褐黑其形粗燥故圖考比之如貓糞其內黃白中含赤褐點

【主治】 入藥用根有小毒性與白朮相似味略苦而辛烈過之主風溼利關節行氣開胃止吐消食開鬱脹滿利  
尿消水腫脚氣

【考證】 蒼朮以茅山產者爲上品體堅硬富脂肪內白含褐點切時出粘液引之如絲他產者亦含褐點惟體質輕虛幾無脂肪切之亦無絲相連（切時有粘液相連乃謂鮮質或水浸乾質則無）功效甚微綱目分本經朮爲二條於白朮條則收本經與別錄原文而於蒼朮條則將本經朮之主治中刪去「止汗除熱消食」六字於別錄刪去「大風在身面風眩目淚出利腰臍間血益津液」十八字蓋蒼白二朮本爲二種然

而本經與別錄未分李氏自立主治則可而不宜以本經與別錄朮之主治移於蒼朮而半刪半收又假借本經與別錄之名此李氏之大謬也本經之朮後世皆以爲球莖之白朮是否已難詳考若以別錄名山薑與山連者考之當爲蒼朮（說見白朮條）陶弘景云赤朮者卽蒼朮也蒼朮之名始見於宋和劑局方與寇宗奭之本草衍義東醫以蒼白二朮爲一種實久考覈並以嫩根曰白朮以老根曰蒼朮蓋以白字爲嫩白之根以蒼字爲蒼老之根誤矣

【修治】 與白朮同

【分劑】 與白朮同



# 乾地黄

## 本草經

乾地黄味甘寒主折跌絕筋傷中逐血痺填骨髓長肌肉作湯除寒熱積聚除痺生者尤良久服輕身

不老一名地髓

## 爾雅

芫地黄注一名地髓江東呼芫

## 名醫別錄

苦無毒主男子五勞七傷女子傷中胞漏下血破惡血溺血利大小腸去胃中宿食飽力斷絕補

五臟內傷不足通血脈益氣力利耳目

生地黄大寒主婦人崩中血不止及產後血上薄心悶絕傷身胎動下血胎不落墮墜踰折瘀血留血衄鼻

吐血皆搗飲之一名芫一名芑生咸陽

在陝西長安縣西

川澤黃土地者佳二月八月採根陰乾

## 陶弘景

生涇城者有子實實如小麥淮南七精散用之中間以彭城

今江蘇銅山縣

乾地黄最好次歷陽今用江南板

橋者為勝作乾者有法搗汁和蒸殊用工意而此直云陰乾色味乃不相似更恐以蒸作為失平大貴時乃

取牛膝萎蕤作之人不能別仙經亦服食要用其華又善生根亦主耳暴聾重聽乾者黏溼作丸散須烈日

暴之既燥則斤兩大減一斤纔得十兩散爾用之宜加量也

**圖經本草**

地黄生咸陽川澤黃土地者佳今處處有之以同州今陝西大荔縣為上二月生葉布地便出似車前葉

上有皺紋而不光高者尺餘低者三四寸其華似油麻花而紅紫色亦有黃色者其實作房如連翹子甚細而沙褐色根如人手指通黃色籠細長短不同二月八月採根蒸二三日令爛暴乾謂之熟地黄陰乾者是生地黄（下略）

**徐靈胎**

古方只有乾地黄生地黄從無用熟地黄者熟地黄乃唐以後製法以之加入溫補腎經藥中頗為得宜若於湯劑及養血涼血等方甚屬不合蓋地黄專取其性涼而滑利流通熟則膩滯不涼全失其本性矣

**本草從新**

按地黄取其純陰靜重近時多拌以好酒及砂仁末而蒸斃之是反以散動香燥亂其性矣其性甚為不善有用薑汁拌炒者尤不合法今市醫嘗將熟地枸杞等炒作炭用是甘潤養陰之品變而為苦燥傷陰之物非徒無益而又害之矣

**藥徵**

今本邦藥舖以乾地黄為生地黄非也乾者燥之謂如乾薑是也生者新鮮之名如生薑是也故古人言生地黄則必言汁言之順也豈有乾而有汁者哉仲景氏之所用生乾二品而已其熟云者後世之為也不可用矣

萬國藥方

*Rhemannia Chinensis* 此藥出中國等處入藥用根與葉

(功用) 與毛地黄畧同

華亭述言

【產地】

產於陝西四川等處

【形態】

玄參科地黄屬多年生草本初爲根出葉橢圓形網脈葉緣鋸齒表有皺紋初夏由葉中抽莖高數寸至尺許莖有細毛互生小葉數枚莖端分極開唇形花總狀花序色紅黃或白實未熟時其莖多枯萎其根爲塊根天產者根細人工產者粗細不等有大如拳者

【主治】

入藥用根天產味苦力大人工產者味甘畧苦力微無毒無臭主清血燥平脈數瘟毒斑疹鼻衄吐血便血血崩尿血心房驚悸產後熱折跌壓傷逐瘀血

【考證】

天產地黄其力大於人工種植者古用天產者只分乾生二質別錄載地黄之主治最爲精確並云採根陰乾傷寒論只用生地黃一方見於復脈湯中金匱用乾地黄約五方用生地黃惟百合地黄湯與防己地黄湯取生者搗汁煎服至劉宋雷斅倡言用酒拌蒸至元王好古卽用酒九蒸至明李時珍尤以縮砂仁與

酒同蒸清本草備要又盲從而附會之徐靈胎曾言酒蒸之非陳修園亦謂其謬本草從新云無益而有損蓋地黃本爲寒涼之劑故於邪熱血燥脈數者施之若血燥太甚能令洪數之脈變爲緩象尤以生地黃力大故本經云「生者良」此係初採之鮮質爲生活之生非圖經誤解爲生熟之生也彼云「蒸二三日令爛曬乾謂之熟地黃陰乾是生地黃」由此後世皆以陰乾爲生地黃而以本經之生地黃名爲鮮生地矣雷斅云「磁鍋柳木甌拌酒蒸杞銅鐵令人腎消并髮白男損營女損衛」何妄之甚乎夫中醫藥物學須以本經爲主其於地黃當以本經別錄主用生乾二質爲是而後世甘入岐途專崇雷斅惑孰甚焉若謂地黃以酒浸蒸致寒性化爲溫劑殊堪發矇如以此說推之則凡寒涼之藥皆須生啖矣蓋蒸之可以變寒爲溫煎之不亦變涼爲熱乎地黃本性寒涼



始用之於邪熱之症本草經名例云「療寒以熱藥療熱以寒藥」若畏其寒即當別用他藥何必矯揉造作九蒸九晒如之何其不憚煩耶試問一草之塊根蒸晒至九其原素尙能存者幾何豈知酒蒸之後入腹不寒非因蒸晒而變溫實則本藥無力杜康爲政耳欲取此溫常飲以酒何須強地黃「因人爲熱」也萬國云地黃與毛地黃畧同按毛地黃西名狄吉他利味苦大毒爲感心經及血循環之劑能令數脈爲緩患心悸症用之特效故云畧同

【修治】

採根於春秋洗去泥土暴乾此藥莖葉亦可入藥惟力較根爲遜採於夏日盛旺之候陰乾若熬膏以莖葉根鮮質搗爛尤良

【分劑】

乾地黃煎服一至半兩生地黃一至兩

【地黃膏】

採生地黃一宗將莖葉根洗淨切碎或搗爛入鍋熬爛過布淋去渣將汁入鍋熬成膏爲度用時或單服或以他汁沖服最宜

麻黃

又名麻勃西名加喇備

**本草經**

麻蕒味辛平主五勞七傷利五臟下血寒氣多食令人見鬼狂走久服通神明輕身一名麻勃

麻子味甘平主補中益氣久服肥健不老神仙

**爾雅**

廣泉實注禮記曰苴麻之有廣疏釋曰廣者即麻子名也故云廣泉實也

**名醫別錄**

麻蕒有毒破積止痺散膿此麻花上勃勃者七月七日採良

麻子無毒主中風汗出逐水利小便破積血復血脈乳婦產後餘疾長髮可為沐藥九月採入土者損人生  
泰山川谷

**陶弘景**

麻蕒即杜麻杜麻則無實今人作布及履用之麻勃方藥亦少用術家合人參服令逆知未來事其子

中仁合丸藥并醪酒大善然而其性滑利麻根汁及煎服之亦主療血石淋

**唐本草**

蕒即麻實非花也爾雅云蕒泉實禮云苴麻之有蕒者注云有子之麻為苴皆謂子耳陶以一名麻勃

謂勃勃然如花者即以為花重出子條誤矣既以麻蕒為米之上品今用花為之花豈堪食乎根主產難衣  
不出破血蕒脹帶下崩中不止者以水煮服之效瀉麻汁主消渴搗葉水絞取汁服五合主虺虫搗傅蠱毒  
效

**圖經本草**

麻蕒麻子生泰山川谷今處處有皆田圃所許績其皮以為布者麻蕒一名麻勃麻上勃勃者七

月七日採麻子九月採入土者不用陶隱居以麻蕒爲牡麻牡麻則無實蘇恭以爲蕒卽實非花也又引爾雅蕒稟實及禮云苴麻之有蕒者皆謂蕒爲子也謂陶重出子條爲誤按本經麻蕒主七傷利五藏多食令人狂走觀古今方書用麻子所治亦爾又麻花非所食之物如蘇之論似常矣然朱字云麻蕒味辛麻子味甘此又似二物疑本草與爾雅禮記有稱謂不同者耳又古方亦有用麻花者云味苦主諸風及女經不利以麩虫爲使然則蕒也子也花也其三物乎（下畧）

### 萬國藥方

*Cannabis indica* 印度麻出印度波斯等處入藥用該草之乾梗與花內含一精卽加咧邊

（功用）甯睡止疼提神平火安心解轉筋

（主治）痰喘心跳牙關緊閉犬咬瘋

### 貨氏療學

*Cannabis* 此係印度所產之麻入藥者乃麻之雌株未孕之花採時務宜留意因此時雖花含素較多若已結子則體質已重而素少矣因子內無素也其莖亦然惟葉內含素較雌花大遜醫士用時須知坎拿大麻之足分劑大有刺激力與瀉效美國產者與印度功用相同

（生理作用）服足分劑令人不能自主有可笑之小事則大笑之如可樂之小事則極樂之如有憂悶則以爲將死亦有自覺呼吸過大恐肺崩裂此狀一過必致沈睡或睡至十五小時方能醒覺服過分劑者不

曉時間之長短一分鐘常視爲一點鐘其腦之兩半球各主其意不能符合若服過大之分劑則呼吸必緩然卒無因此藥而殞命者如敷於粘膜先覺刺激力甚大後有麻效因有刺激力究不可作麻藥用

(療效)此藥醫乾咳與他類咳藥並用大效且精神如常無便結之患神經痛者此爲妙品顫瘧症此藥能減其顫患膀胱抽搖或膀胱或因痒症所致有效陽痿者如因腦部所致與士的年及麥奴並用有效婦人經絕時或有頭痛者有效兼有大便秘結及貧血症與阿羅鐵類同服產後子宮不復原子宮久炎血崩與抽搖之經痛等症服此藥不但止痛並有平子宮肌之力腎經新久炎二症其腰痛可減淋症有效並免蠶舉硬痛之患惟初患時勿用候新炎已過用之小分劑有激慾心之效按此藥之優點不但能醫症且能令病者思食故與嗎啡迥異蓋格魯撒克遜人服之未有成癮者惟印度人有之並顯癩狂然過數日或數月自能全愈此藥功效無常雖爲妙藥然用之甚難緣藥市所售多無功效此爲誤採之咎前已論之須自行試驗有效方可用之

### 藥物詳要

係印度所產桑科 *Cannabis Sativa* 麻之雌者於開花未孕時採之嗅之味特殊而猛烈不爲外用內服其音能解數種瀉藥絞腸之弊其在組織之效尙未察明只知於大腦有麻醉之功則靈性知覺均致紋亂如識人識時識地之明俱失又兼情意高尙妄自尊大多作幻想繼續吵嚷或其肌舞蹈不停然爲

迷睡者多昔人於服鴉片不適宜之症多以此藥代其催眠鎮痛之用近年多改用抱水氫醛（哥拉）在癲狂症可與溴化鉀同服有效在偏頭痛常用之爲安撫神經藥經痛爲解抽之藥瘴症可製煙吸之

### 華亭述言

#### 【產地】 各國皆產之

【形態】 桑科麻屬一年生草本各地所產高低不等約三至丈餘莖畧作五稜式有縱紋之陷道其葉下部對生

上部互生爲掌狀復葉每葉構合之數不等爲三五七九之小葉而成每小葉形如披鉞兩端尖葉緣鋸齒葉柄長單性花雌雄異株至七月間則雄株（苴麻）莖端及葉腋分極作穗開淡綠小花紫紫數百花冠五片雄蕊五枚總狀花序入藥無功而雌株（苴麻）由莖端及葉腋集生數蕾開時無花冠由一萼及一雌蕊而成大如黍粒色綠卽以此入藥古人以苴麻無花而實因其形態不類花狀故未及覺察也實時每房含一子形如球成熟時約分許色灰黑有光澤及斑紋

【主治】 有毒臭氣甚濃入口嚼嘗先時無味後則微辛而麻主貧血乾嗽安撫神經止抽搐痛風痺症安眠調經

破瘀子宮不復原卵腺痛癲狂花癡膚癢本經主五勞七傷利五藏下血其活血之功用可知矣於貧血症



當酌加黃耆（肺結核症禁黃耆）當爲鐵劑等藥若兼乾嗽宜去黃耆加潤肺之藥若偏枯痛風痺症須與烏頭馬錢子等藥並施失眠症與小兒受驚夜啼宜與溴化鉀或哥拉並用如頭痛宜佐芎藭蔓荊子羌活之類若癩癩狂花癡須加莨菪溴化鉀等藥調經宜與當歸木香羌活並用崩瘕宜佐蛇牀子石苻大黃蝦蟆草芥穗等藥種種變化在臨症者神而明之

### 【考證】

麻蕒卽雌麻之花也由蕒結實卽爲麻子古人不曰麻花而曰麻蕒者蓋因其形態不類花狀且恐與雄花相混故以麻蕒別之也本草經以麻蕒爲要藥故列爲專條云「味辛平」而未附麻子之主治云「味甘平」後人不識此意翻刻本經竟改麻爲專條而以麻蕒附之惟千金翼內附刻之本草經仍以麻蕒爲主金匱傷寒論無麻蕒之名此藥自別錄以後卽混淆莫辨南齊陶弘景以麻蕒爲牡麻之花唐之蘇恭非陶氏之說而以麻蕒卽麻子宋之蘇頌始疑麻花麻蕒麻子爲三物惜亦未能深考只作疑詞而已李時珍以麻勃爲麻花以麻蕒爲代殼麻子不思本草經明云麻蕒卽麻勃焉能分爲二物且旣曰麻蕒卽麻勃而不曰卽麻花則必非麻花矣又於麻蕒麻勃之名下另叙麻子之主治則必非麻子尤明甚矣况別錄云麻子無毒麻蕒有毒更爲鐵證至清本草崇原本草求真本草備要本草從新更不載麻蕒之名惟有大麻仁一條（大麻之名由綱目而起）本草原始中之麻蕒條沿襲諸家之說亦無發明今醫學大辭典以麻蕒

爲大麻子之別名以麻勃爲大麻花之別名則愈去愈遠矣近日出版中藥大辭典所言麻蕒麻勃與醫學大辭典相同究麻蕒所以失傳之故因無花冠僅一綠萼爲苞其狀不顯不易辨識以致掩沒至今而世人反以印度產者始可入藥故植物大辭典於大麻科云「產於印度者可爲麻醉藥及鎮經藥」安知世界之麻蕒功用盡同其不同者誤採之故耳新採之時嗅之久致腦眩暈而痛因內含一種樹脂及二種質鹼與一種揮發油爲刺激性之麻醉劑故本經云味辛平多食令人見鬼狂走別錄云有毒迨其果實已成卽爲麻子則體功已改氣味已殊矣故本經云味甘別錄云無毒予考麻蕒之效初以二十六噀（卽庫秤四分五厘五毫）於晚八句鐘沖服至二小時覺週身癢甚至夜半一時始眠至第二日以三十噀（卽庫秤五分二厘五毫）煎至一刻鐘其色深綠於夜服之至一旬鐘覺首部與上肢作癢漸及下肢小時卽睡此爲初驗時之單服劑未敢多加蓋此藥中分劑僅能活氣血足分劑卽能催眠矣後有一孕婦喘息難臥失眠三日乃與以麻蕒二錢麻蕒一錢杏仁三錢甘草三錢煎服二次卽愈又醫一腦充血症（非中風類）原因怒氣未發以致氣血上充日間無他疾惟夜時爲夢魘驚醒數夜失眠與以麻蕒五分令其煎汁沖溴化鉀十噀一服卽愈後於小兒因驚夜啼與此服之亦效

（分劑以小兒年歲酌加）本草經主五勞傷七是爲中分劑如爲安眠藥須用足分劑本草經云「多食令

人見鬼狂走」西醫亦謂過分劑則致癲狂此藥常服致癲癆學云盎格魯撒克遜人服之無癲似不足信  
 蓋人之體質不能相去懸殊凡可成癲之物任何民族不能獨異惟遲早或有間耳古人發明重要之靈藥  
 且為隨地皆生之物竟使失傳約二千年此非醫藥界之遺憾乎今所考驗未敢遽云詳確繼續研究竊深  
 望於醫界俊彥也

【修治】

採於七月於雄花盛開之際擇其雌株未孕之

花蕊易於分辨見其莖端與葉腋寥寥數枚於外

部視之如未花之綠蒂大如米粒碎之內含脂質

嗅之時久令人頭痛即採其枝端與葉腋之花蒂

及嫩葉（莖葉含素甚少）陰乾於無人之屋內

乾後碎貯於瓶中勿洩氣

【分劑】

單煎半至一錢複煎一至二錢

【麻蕒膏】

採麻蕒切碎入鍋熬爛過布淋再以汁入鍋

熬成膏為度麻蕒每斤約熬膏八錢至一兩用時

分劑一至五分

雄麻

雌麻



(印度麻膏) Extractum Cannabis Indicae 分劑一哩四分之一至一哩  
(印度麻酒) Tinctura Cannabis Indicae 分劑十五量滴

### 細辛

#### 本草經

細辛味辛溫主欬逆頭痛腦動百節拘攣風溼痺痛死肌久服明目利九竅輕身長年一名小辛

#### 名醫別錄

無毒主溫中下氣破痰利水道開胸中滯結除喉痺齷鼻風痼癩疾下乳結汗不出血不行安五

藏益肝膽通精氣生華陰山谷二月八月採根陰乾

#### 陶弘景

今用東陽臨海者形段乃好而辛烈不及華陰高麗者用之去其頭節人患口臭者含之多效最能除

痰明目

#### 圖經本草

細辛生華山山谷今處處有之然它處所產者不及華州者真其根細而其味極辛故名之曰細

辛二月八月採根陰乾用今人多以杜蘅當之杜蘅吐人用時須細辨耳杜蘅春初於宿根上生苗葉似馬蹄形狀高二三寸莖如麥蘖蒼細每窠上有五七葉或八九葉別無枝蔓又於葉莖間罅內蘆頭上結地生紫花其花似見不見闌結實如豆大窠內有碎子似天仙子苗葉俱青經霜即枯其根或空有似針蒂密闌細長四五寸微黃白色味辛江淮俗呼爲馬蹄香今人多誤用故此詳述之

夢溪筆談

東方南方所用細辛皆杜蘅也又謂之馬蹄香也黃白拳局面脆乾則作團非細辛也細辛出華山極細而直深紫色味極辛嚼之習習如椒其辛更甚於椒故本草云細辛水漬令直是以杜蘅偽爲之也襄漢間又有一種細辛極細而直色黃白乃是鬼督郵非細辛也

本草綱目

博物志言杜蘅亂細辛自古已然矣沈氏所說甚詳大抵能亂細辛者不止杜蘅皆當以根苗色味細辨之葉似小葵柔莖細根直而色紫味極辛者細辛也葉似馬蹄莖微粗根曲而黃白色味亦辛者杜蘅也一莖直上莖端生葉如繖根似細辛微粗直而黃白色味辛微苦者鬼督郵也（下畧）

植物名實圖考

細辛本經上品圖經云他處所產不及華山者真夢溪筆談以爲南方所用細辛皆杜蘅今江西徑密以葉大而圓者爲杜蘅葉尖長者爲細辛殊有分別過劑亦能令人氣脫而死不必華山所產

萬國藥方

Heteropa Asaroides 此藥出關東及陝西浙江等處入藥用根根細味辛故名

（功用）與洋細辛同

洋細辛西名伯里脫離 Pyrethrum 此藥出土耳其國入藥用根味酸鹹而辛無臭

（功用）生口涎治牙疼舌硬

華亭述言

【產地】 產於陝西及東三省者爲良

【形態】 馬兜鈴科細辛屬多年生草根出葉呈心臟形而尖全緣葉基陷入葉表無光澤亦無斑紋葉柄長二三

寸葉腋生花接近地面筒狀花頂端三裂大約三四分色紫褐葉至秋末卽枯其根爲根莖細如釵股下生細根累累密布長約三四寸乾質細如鍼而脆色黃白

【主治】 入藥用根有毒味極辛而麻舌主欬逆下氣生涎化痰喉浮鼻鼈頭部神經痛明目胸中結氣痛風關節拘攣死肌癩痢通乳結利水

【考證】 萬國所載之洋細辛藥料詳要名派利吞藥物詳要又名洋菊其形態與細辛迥異惟性味相似圖經有杜蘅敘述苗葉花頗詳惟於細辛則只言根細味辛而已夢溪筆談亦只分根之曲直綱目云細辛葉似小葵查小葵綱目與植物辭典均無此名竊疑小字當是水字之誤因水葵（蒼菜）葉如細辛相類故耳圖考云細辛葉尖長杜蘅葉圓按細辛與杜蘅形態相似爲同屬植物之變種也細辛葉較杜蘅爲薄心臟形而尖其葉未綴霜卽枯花筒內有似縱線之突起杜蘅葉厚如革作心臟形葉表或生白斑其葉至冬尙有存者花筒內有縱橫如網之突起細辛以華陰產者爲佳今東三省多產之金匱用細辛約十三方傷寒論約五方多與麻黃半夏五味子同用宋陳承云「若單用末不可過一錢多則氣悶塞不通者死」此係單

服劑以細辛爲散服之不可過一錢因服至毒

分劑必致呼吸受阻以至欠氣而死但爲末一

錢單服之其力當有入煎劑三錢之多蓋與他

劑合煎其力必爲他藥吸收且渣滓中仍必少

含質素也俗云細辛不可過錢未免懼之太甚

耳徐之才云細辛反藜蘆千金大五飲外台欵

冬花大腹水瘰九皆藜蘆與細辛並用

【修治】 採於春秋洗去泥土晒乾收藏

【分劑】 散服一至三分煎服半至錢半


### 菖蒲

#### 本草經

菖蒲味辛溫主風寒溼痺欬逆上氣開心孔補五藏通九竅明耳目出音聲久服輕身不忘不迷惑延

年一名昌陽

細辛



名醫別錄

無毒主耳聾癢瘡溫腸胃止小便利四肢溼痺不得屈伸小兒溫瘧身積熱不解可作浴湯聰明  
耳目益心智高年不老生上洛今陝西商縣池澤及蜀郡嚴道今四川嚴道縣一寸九節者良露根不可用五月十二月

採根陰乾

陶弘景

上洛郡屬梁州嚴道縣在蜀郡今乃處處有生石磧上概節為好在下溼地大根者名昌陽止主風溼  
不堪服食此藥甚去虫并蚤蝨而今都不言之真菖蒲葉有脊一如劍刀四月五月亦作小蘆華也東澗溪  
例又有名溪蓀者根形氣色極似石上菖蒲而葉正如蒲無脊此止主欬逆亦斷蚤蝨不入服御用詩詠多  
云蘭蓀正謂此也

圖經本草

菖蒲生上落池澤及蜀郡嚴道今處處有之而池州今安徽貴池縣戎州在山東曹縣東南有故城者佳春生青葉長二  
尺許其葉中心有脊狀如劍無花實五月十二月採根陰乾今日五月五日收之其根盤屈有節狀如馬鞭  
大一根傍引三四根傍根節尤密一寸九節者佳亦有一寸十二節者採之初虛軟暴乾方堅實折之中心  
色微赤嚼之辛香少滓(下畧)

本草綱目

菖蒲凡五種生於池澤蒲葉肥根高二三尺者泥菖蒲白菖也生於溪澗蒲葉瘦根高二三尺者  
水菖蒲溪蓀也生於水石之間葉青劍脊瘦根密節高尺餘者石菖蒲也人家以砂栽之一年至春剪洗愈

剪愈細高四五寸葉如韭根如匙柄粗者亦石菖蒲也甚則根長二三分葉長寸許謂之錢蒲是矣服食入藥須二種石菖蒲餘皆不堪此草新舊相代四時常青羅浮山記言山中菖蒲一寸二十節抱朴子言服食以一寸九節紫花者尤善蘇頌言無花實然今菖蒲二三月間抽莖開細黃花成穗而昔人言菖蒲難得見花非無花也

### 萬國藥方

*Acorus Gramineus* 此藥出西國並中華陝西四川貴州等處入藥用根

(功用) 開胃暖胃與水菖蒲同

### 華亭述言

【產地】 產於四川安徽等處

【形態】 天南星科石菖蒲屬多年生草本四時常綠生於溪澗之中或植水邊石磧之內與白菖同種惟形態較

小無中肋白菖蒲葉闊而長有中肋甚爲明瞭石菖蒲葉長尺餘根出葉並行脈葉基連生有青劍及夏日葉中抽出花穗開細小淡黃花花蓋六片雄蕊六枚雌蕊一枚肉穗花序外有劍狀之佛焰葉其根爲根莖形如竹根而扁生石磧莖節較密生於肥壤莖節甚長蒔於盆中其節尤密白菖生於肥壤每寸二三節至

一寸一節色褐黑

【主治】

入藥用根有小毒味辛刺舌者佳主欬逆上氣通竅明目耳聾利濕調經四肢不得屈伸開胸理氣

【考證】

本經名菖蒲後世分石菖蒲白菖爲二種入藥多用石菖蒲究其功用相同惟陶氏所云溪蓀則屬鳶尾科其葉及根亦與白菖相似惟花異古人有謂卽白菖則分類未精耳但此三物功用相似俱以味辛刺舌者始有通竅之功故本經云「味辛」若市售者有名九節菖蒲形態與菖蒲迥異莖間細徑約分許莖間有隆起之橫線與菖蒲節不類內含澱粉無纖維管之味酸無辛氣是否菖蒲之類以未見其生態不敢懸斷然究其味酸必非本經別錄所收之菖蒲也按此藥功效在辛氣之刺激與節之稀密無關也予曾以三錢煎服試之至二小時後覺胸部組織內如鉞刺或抽痛至第二日藥力方退若氣血鬱於經絡組織之中以之通竅最有奇效

【修治】

菖蒲花開於夏日採時宜於秋冬洗去泥土曬乾半寸解之收藏勿洩氣宜用生質雷斅云蒸熟李時珍云微炒皆失其功用因此藥內含香氣如蒸之炒之則辛香之氣必致揮發

【分劑】

煎服半至三錢



石菖蒲



溪蓀

麻黃

本草經

麻黃味苦溫主中風傷寒頭痛溫瘧發表出汗去邪熱氣止咳逆上氣除寒熱破癥堅積聚一名龍沙

名醫別錄

微溫無毒主五藏邪氣緩急風脅痛字乳餘疾止好睡通腠理疎傷寒頭痛解肌洩邪惡氣消赤黑

斑毒不可多服令人虛一名卑相一名卑鹽生晉地及河東立秋採莖陰乾令青

### 陶弘景

今出青州東彭城江榮陽中牟南者為勝色青而多沫蜀中亦有不好用之折除節節止汗故也先煮一兩沸去上沫沫令人煩其根亦止汗夏月雜粉用之俗用療傷寒解肌第一

### 圖經本草

麻黃生晉地及河東今近京多有之以榮陽中牟者為勝苗春生至夏五月則長及一尺已來稍上有黃花結實如百合瓣而小又似皂莢子味甜微有麻黃氣外紅皮裏仁子黑根紫赤色俗說有雌雄二種雌者於三月四月開花六月內結子雄者無花不結子至立秋後收採其莖陰乾令青（下畧）

### 賀氏療學

Ephedrine 麻黃素係一種屢由麻黃而得該草產於中華歐洲等處醫家用者乃鹽酸麻黃素係白色三稜形小晶酒水均易溶解

（生理作用）其生理與腎上腺素相似但其效較久若以硫酸鉀半至八分水百分與此素半至五分製

成溶液注射某處則大有麻木之效

（血循環）此素有激血循環之效

（肺）此素能使肺氣管舒張

（眼）此素有開瞳之功

（療效）氣喘用之大效鼻粘膜腫以此素三分水百分置於噴霧器內噴入鼻孔有效

(分劑) 半啜

### 華亭述言

【產地】 產於山東河南及沿海之地

【形態】 麻黃科麻黃屬亞灌木莖高約尺莖有節長短不一節間輪生鋸齒小葉由葉腋輪生枝莖其數不等約

一至三五莖表微有縱紋如問荆木賊相似但不明瞭耳單性花雄雌異株夏由雌株莖間生花蕾一二枚狀如未裂之松子開小黃花小蕊花序莖質頗堅有中央氣道內含褐粉其本與根堅實無氣道外皮色褐

內黃白

【主治】 入藥用莖味澁後苦末顯麻效其用有四(一)微發表出汗開腠理去邪解熱止痛內經玉機真藏論

云「今風寒客於人使人毫毛畢直皮膚閉而爲熱當是之時可發而汗也」故仲師有麻黃湯因脈浮緊無汗惡寒頭痛項強關節痛有時發熱或喘或嗽卽以麻黃開其腠理令邪熱由汗腺驅出其病卽愈因麻黃有興奮交感神經末梢之力所致血壓增高故有發表解熱之功(二)爲通肺腎喘止嗽劑如金匱之射干麻黃湯厚朴麻黃湯(三)爲利尿消水腫法如越婢湯越婢加朮湯甘草麻黃湯(四)爲利濕法

如麻黃加朮湯麻黃杏仁薤白甘草湯

【考證】

麻黃與問荆木賊狀相似而各異圖考繪麻黃圖有子囊穗實問荆也問荆與木賊節間有鞘約二分抽之於節間分離麻黃雖有節無鞘抽之於嫩莖節間斷下問荆木賊花開於莖端麻黃花開於節間麻黃爲灌木問荆木賊係草本以麻黃鮮質嚼嘗含鹹味乾質先澁後苦末顯麻性其味畧如大黃嚼其本與根二分鐘始覺苦辛而麻力較莖質微大不含澁味若以鮮質嘗之初入口畧鹹後澁苦而辛別錄云採莖陰乾令青有言用莖須去節者又曰煎之去沫又曰根止汗本經別錄無此說金匱用麻黃約十七方傷寒論約十四方未見用根止汗特於麻黃方後屢有去沫二字蓋金匱與傷寒論方後之言是否仲景原文未敢言定考去節去沫見於雷斅之書云「凡使去節并沫若不盡服之令人悶」止汗之說見於陶氏云「折除節節止汗故也先煮一兩沸去上沫沫令人煩其根亦止汗」予服麻黃不去節亦生汗未去沫亦未心煩金匱半夏及麻黃丸係研末爲丸當然未曾去沫何以不令人心煩究其沫由中央氣道鼓出莖內粉粉與氣體融洽已成微細之沫藥徵云「仲景氏曰先煎麻黃去上沫今漢舶所載而來者煮之無上沫共諸藥煎之而可也」蓋以麻黃小分劑單煎其沫無幾不易目視麻黃溫服其水分由汗腺排出若冷服則由尿道排洩麻黃湯方後云「溫服八合覆取微似汗」恐汗多亡陽致人虛別錄云多服之令人虛均此意蓋

愈病不在汗多也故於虛勞人宜慎用之緣虛者多有自汗盜汗之患如誤服之卽成順水推舟不可收拾矣但仲景用麻黃非純爲發表劑只在佐使間耳如桂枝二越婢一方麻黃杏仁甘草石膏等方皆爲禁汗劑非表症也始明古人用藥之神按此發表之功用及分劑實不能人人一律醫者臨症須視人之強弱及問其往日服發表藥其汗易出否不可如俗醫之妄論二三錢卽爲重劑也麻黃山東產者頗多該地土人傷風採取一大握煎服恬不爲怪總未聞有汗出不止而亡陽致命者予曾服至半兩溫服後飲以沸水及以衣被蓋覆而汗出頗難非如西藥之正羅卡品Pilocarpus 服後卽遍體淋漓矣藥徵云「甚矣世醫之怖麻黃也其言曰吾聞之麻黃能發汗多服之則灑灑汗出不止是以不敢用焉惡是何言也予則常試麻黃之效可用之證而用之汗則出焉雖當夏月而無灑灑不止之患」蓋麻黃雖有汗多亡陽之慮然在乎審症用藥亦不可畏之特甚耳西醫以麻黃素爲治喘之用以發表爲副作用蓋亦未盡然嘗以臨症驗之若療水腫於腰以上宜溫服使其汗出乃愈於腰以下宜冷服令其水毒由尿道排洩如醫哮喘類症亦宜冷服勿以煖氣加身汗不易出以致藥力司於呼吸內經四氣調神論云「去寒就溫無泄皮膚使氣亟奪」蓋傷寒喘息與哮喘痰喘殊異哮喘痰喘患於肺經故用麻黃令氣管舒張與曼陀羅遠志杏仁甘草等藥用之頗效傷寒喘息因遇寒冷不隨意神經受其刺激致皮膚收縮汗腺閉結體溫不得放散則血壓加

重脈見浮緊邪熱不能透表上升入肺呼吸加速以代體溫之放散氣管生炎液體化痰故喘息作矣如用麻黃湯發其表而喘息自愈余幼年見一哮喘方用麻黃六錢（方見後）初見為之一驚及遇症用之取效神速始明本經止欬逆上氣非專司發表也今西醫以為新發明治喘之良藥安知中醫於數千年前已言之矣予母年七十餘冬夜咳嗽以麻黃陳皮膏（方見後）服之病愈麻黃有開瞳之功故服之往往散光但時間甚短耳

【修治】 採於秋日別錄云「採莖陰乾令青」因麻黃採

時置日中時久其葉綠體畏光即變黃白之色今市售為青黃鮮色者實不多見故採後勿見日光陰乾半寸解之收藏勿洩氣春夏採取則莖內褐粉（俗名黃）無幾至秋採取始足若冬日採之則莖部往往縱裂褐粉最易失散

【分劑】 一至五錢

【麻黃白果飲】 麻黃 六錢 白果 五錢 杏仁 四錢 茶葉 五錢

麻黃



甘草 五錢 冰糖 一兩 治哮喘症如恐汗出藥宜冷服

【麻黃陳皮膏】

麻黃 六兩 陳皮 四兩 麻黃 二兩 遠志 一兩半 黃芩 五兩 半夏 二兩 蔓陀羅子 一錢 生杏仁 一兩帶皮 甘草 四兩 冰糖 二斤 蜂蜜 一斤 飴糖 半斤 蘿蔔汁 二斤 雅片膏 酌加 先將諸藥煎妥過布淋再以藥汁與冰糖蜂蜜飴

糖蘿蔔汁入鍋溶化過布淋入鍋加雅片熬至成膏為度治久嗽及哮喘有效方內雅片不加亦可蓋恐久服中癩也若為老人夜中咳嗽不能安眠者雅片麻黃尤為要藥

麥門冬

本草經

麥門冬味甘平主心腹結氣傷中傷飽胃絡脈絕羸瘦短氣久服輕身不老不飢

名醫別錄

微寒無毒主身重目黃心下支滿虛勞客熱口乾燥渴止嘔吐愈痿躄強陰益精消穀調中保神定

肺氣安五藏令人肥健美顏色有子秦名羊韭齊名愛韭楚名馬韭越名羊著一名禹葭一名禹餘糧葉如韭冬夏長生生函谷 在河南靈寶縣南 川谷及堤坂肥土石間久廢處二月三月八月十月採陰乾

陶弘景

函谷即秦關而麥門冬異於羊韭之名矣處處有以四月採冬月作實如青珠根似薺麥故謂麥門冬

以肥大者為好用之湯澤抽去心不爾令人煩斷穀家為要二門冬潤時並重既燥即輕一斤減四五兩

**圖經本草**

麥門冬生函谷川谷及堤坂肥土石間久廢處今所在有之葉青似莎草長及尺餘四季不凋根黃白色有鬚根作連珠形似糠麥顆故名麥門冬四月開淡紅花如紅蓼花實碧而圓如珠江南出者葉大者苗如鹿葱小者如韭大小有三四種功用相似或云吳地尤勝二月三月八月十月採陰乾（下畧）

**萬國藥方**

*Ophiopogon Japonicus* 此藥出中國兩江等處入藥用根

（功用）化痰止咳與天門冬同

**華亭述言**

**【產地】**

產於河南兩江爲佳

**【形態】**

百合科麥門冬屬多年生草四時常綠根出葉披鉞形長約二寸至尺許徑二三分全緣並行脈面光滑狀如韭葉初出葉對生久則紊亂叢生夏日由葉叢中抽出花莖高五六寸莖端開粉紫小花花冠六片雄蕊六枚雌蕊一枚結實如桐子生青熟紫黑爲漿果內含白圓核一枚其根爲塊根有連生二三枚者長短不等小者如豆長者至寸色白中心有纖維筋一條與外部相連

**【主治】**

入藥用根味甘苦無毒主口乾喉炎目黃止嗽清肺胃邪熱消食止嘔吐

**【考證】**

麥門冬以寸許者爲良故俗名寸冬此藥產於河南兩江等處其根肥大北部山野亦產惟根下生麥門

冬者甚少即產之亦不過豆許大也陶弘景云「湯澤抽去心不爾令人煩」綱目亦云「潤溼少頃抽去心」考陶氏所謂心即內含之纖維筋一條通於外部有連生二三枚者欲去其內之纖維筋非剖之不易

去云不爾即令心煩亦無其事此藥後世多用於

肺部如欬嗽氣管炎等症即別錄所謂定肺氣也

本經主「傷中傷飽胃絡脈絕」係胃受邪熱致

胃腺失其運化以致消化不良而成脹飽麥門冬

味甘苦故有清火調胃之功即別錄主「口乾燥

渴止嘔吐消穀調中」之症也金匱麥門冬湯用

之大論竹葉石膏湯與復脈湯用之

### 【修治】

採於春秋冬洗去泥土去其根鬚晒乾收藏用


時搗破

### 【分劑】

煎服一至半兩

## 天門冬

麥門冬



**本草經**

天門冬味苦平主諸暴風溼偏 強骨髓殺三虫去伏尸久服輕身益氣延年一名顛勒

**爾雅**

藟藟冬注門冬一名滿冬本草云

**名醫別錄**

廿大寒無毒保定肺氣去寒熱養肌膚益氣力利小便冷而能補不飢生奉高今山東泰安縣山谷二月

三月七月八月採根暴乾

**陶弘景**

奉高泰山下縣名也今處處有以高地大根味甘者為好

**唐本草**

此有二種苗有刺而澀者無刺而滑者俱是天門冬俗云類刺澀草者形貌詔之雖作數名終是一物

二根澆垢俱淨門冬澆草互名之也

**圖經本草**

天門冬生奉高山谷今處處有之春生藤蔓大如釵股高至丈餘葉如茴香極尖細而疎滑有逆

刺亦有澀而無刺者其葉如絲杉而細散皆名天門冬夏生白花亦有黃色者秋結黑子在其根枝傍入伏

後無花暗結子其根白或黃紫色大如手指長二三寸大者為勝頗如百部根相類然圓實而長一二十枚

同撮二月三月七月八月採根四破之去心先蒸半炊潤暴乾停留久仍溼潤入藥時重炕焙令燥(下略)

**萬國藥方**

*Melanthium Cochinchinense* 此藥出中國迤南及安南等處入藥用該草之根

(功用)化痰治咳嗽

華亭述言

【產地】 產於山東及沿海等處

【形態】 百合科天門冬屬多年生蔓草莖長約丈餘葉細如鱗狀片葉腋生枝約二三枚長而尖狀如曲鉞色綠

呈葉狀故俗稱爲葉夏開小黃白花集生約二

三枚花冠六片雄蕊六枚雌蕊一枚柱頭三裂

結實如豆熟紅中藏黑子六枚其根爲塊根攢

簇而生約一二十枚長三四寸徑五六分外皮

微黃內白

【主治】 入藥用根味苦主清肺胃火止嗽潤燥生津

止渴其性與麥門冬畧同

【考證】 本經天門冬云味苦平別錄云甘陶氏云以

味甘者爲好此又與言菊花味之苦甘不同也

唐本草云有二種以有刺無刺分之然其根之



天門冬

甘苦是否有別亦未言之予所見者爲葉滑無刺之種根味先甘後苦（亦有甘苦而辛者）與藥市售者味同（此言生質若去皮蒸熟苦味減輕）本經曰苦別錄曰甘豈各執一偏言之乎究食品中之天門冬味甘無苦是原質爲甘歟抑爲水浸去苦質耶天門冬麥門冬均爲塊根形態類同其於肺胃之主治亦同別錄麥門冬條云「保神定肺氣」今於此條云「保定肺氣」是否誤漏亦未可定此藥內含脂質乾之頗難圖經云「四破之去心」此藥實無心可去又云「曝乾停久仍溼潤」係置空氣中日久吸收水分故溼潤若晒乾收藏勿洩氣卽無此弊焙之則精液耗散效力微矣

【修治】

採於春秋洗去泥土日乾存貯勿洩氣不可去皮蒸熟以失其功用

【分劑】

煎服一至三錢

橘皮

經名 橘柚 附毛橘紅

本草經

橘柚味辛溫主胸中瘕熱逆氣利水穀久服去臭下氣通神一名橘皮

名醫別錄

無毒下氣止嘔欬除膀胱留熱停水五淋利小便主脾不能消殺氣衝胸中吐逆霍亂止洩去寸

白輕身長年生南山即終南山川谷及江南十月採

### 陶弘景

此是說其皮功爾以東橘為好西江亦有而不如其皮小冷療氣乃言勝橘北人亦用之並以陳者為良其肉味甘酸食之多痰恐非益也今此雖用皮既是果類所以猶宜相從柚字皮乃可服而不復入藥用此應亦下氣

### 唐本草

柚皮厚味甘不如橘皮味辛而苦其肉亦如橘有甘酸味者名胡甘今俗人或謂橙為柚非也按呂氏春秋云果之美者有雲夢在湖北安陸縣南係二澤名之柚郭璞云柚似橙而大於橘孔安國云小曰橘大曰柚皆為甘也

### 圖經本草

橘柚生南山川谷及江南今江浙荆襄湖嶺皆有之木高一二丈葉與枳無辨刺出於莖間夏初生白花六月七月而成實至冬而黃熟乃可噉舊說小者為橘大者為柚又云柚似橙而實酢大於橘孔安國注尚書厥包橘柚郭璞注爾雅柚條皆如此說又閩中嶺外江南皆有柚比橘黃白色而大襄唐間柚色青黃而實小皆味酢皮厚不堪入藥今醫方乃用黃橘青橘兩物不言柚豈青橘是柚之類乎然黃橘味辛青橘味苦本經二物通云味辛又云一名橘皮又云十月採都是今黃橘也而今之青橘似黃橘而小與舊說大小苦辛不類則別是一種耳收之並去肉暴乾黃橘以陳久者入藥良（中畧）青橘主氣滯下食破積結及膈氣方用之與黃橘全別（下畧）

**本草衍義**

橘柚自是兩種故曰一名橘皮是元無柚字也豈有兩等之物而治療無一字別者即知柚一字爲誤後人不深求其意爲柚字所惑妄生分別亦以過矣且青橘與黃橘治療尙別矧橘爲別種也郭璞云柚似橙而大於橘此卽是識橘柚者也今若不析言之恐後世亦以柚皮爲橘皮是貽無窮之患矣去古既遠後之賢者亦可以意逆之耳(下畧)

**萬國藥方**

Aurantii Cortex 此藥出法國西班牙與中國南方等處入藥用該果之皮鮮乾皆可  
(功用)溫補祛風開胃暖胃配他藥用味甚適口

華亭述言

【產地】 產於中國南部

【形態】 橙橘科橘屬常綠亞喬木高丈餘莖生刺鉞葉互生長卵形網脈全緣葉柄有翅上有節夏日莖端葉腋

開小白花花冠五片雄蕊數多雌蕊一枚秋日結實呈扁圓狀冬熟色紅或黃包中數瓣瓣中有核數枚色白

【主治】 入藥用果皮嗅香無毒味苦辛主下氣吐逆開痰止咳消食利水止洩衝逆

【考證】 本經橘柚一名橘皮衍義謂元無柚字蘇恭謂柚皮厚味甘不如橘皮味辛蘇頌云柚色青黃味酢皮厚

不堪入藥按橘種不一閩產者多扁圓形色紅故皮名橘紅（非廣東化州之毛橘紅）味甘酸皮薄表光滑  
内生海綿白質及橘絡故易剝脫俗稱福橘粵產者形畧圓而大色黃皮粗厚內亦生海綿白質與橘絡俗  
名廣皮又有一種蜜橘肉甘皮內亦含海綿質蓋柚形圓色黃皮厚內無海綿白質與橘絡故不易剝按橘  
橙柑柚皆屬同科其皮均含苦素惟辛香之氣當以橘皮爲多蘇恭云柚皮味甘實誤惟柚肉有甘酸二種  
甘者卽呂氏春秋所云果之美者有雲夢之柚酸者卽蘇頌云柚味酢江浙稱柚之酸者曰泡又云「黃橘  
味辛青橘味苦本經二物通云味辛」本經用橘皮未言青黃惟別錄云十月採當是橘熟之期入藥之功  
用宜用橘之黃皮因橘已成熟則皮內所含辛香之油與苦素皆足故有下氣止吐開痰消食之力青皮則  
力微矣故本經用橘皮宜以十月採至於用青橘皮則由宋而起若陳皮之名則始於陶氏「並以陳者爲  
良」之說金匱用橘皮約三方俱與生薑并用大論未用圖經青橘皮主「氣滯下食破積結及膈氣」爾  
時未立專條洎乎崇原備要原始求真從新等書皆立青皮之條查今用之青皮係嫩橘大如芡實乃採於  
花落無多日皮肉未分之時囹圖切用名曰青皮其誤不知始於何時夫橘皮青皮分之已爲盡足乃轉而  
用囹圖之橘胎失之遠矣橘皮含一種揮發油約百分之一至百分之二〇五并含無晶形苦糖苷橘皮苷  
及一種無味結晶糖苷與蘋果苷

【修治】

採於黃時取其皮晒乾存貯勿洩氣雷斅云「凡修事須去白膜一重到細以鯉魚皮裹一宿至明取用」雷氏以鯉皮裹橘皮一宿可謂滑稽之極矣彼云去白膜尤爲矯揉造作而李東垣不查竟亦效之考橘皮內含海綿白質卽雷氏所謂之白膜如去之必將細胞刮破以致液體失散功效以微吾不明帶白膜服之有何妨礙觀本草崇原本草經讀俱言雷李去白之非言之切常令人欽佩

【分劑】

煎服一至四錢

【橘皮油】

*Oleum Aurantii Corticis* 此油自黃橘皮榨出色黃褐味與黃橘皮同可與枸櫞油同用（分劑）一至五量滴

附錄毛橘紅

植物名實圖考


橘紅產廣東化州大如柚肉甜刮製其皮爲橘紅以城內產者爲佳然眞者難得俗謂化州出滑石樹生石間故化痰有殊功贗者皆以柚皮就化州作之昔人謂陳皮必須橘皮橙尙可用柚則性味皆異而化州所產則形狀殊非橘也

肇經室

化州橘紅記按志橘紅出化州者佳化州四鄉多橘以城內者爲佳城內多橘矣以及聞州衙譙鼓者

爲致佳及聞鼓之橘多矣以衙內蘇澤堂前者爲致佳蘇澤堂堂祇兩樹矣尤推賴氏園中老樹一株致佳老樹久枯其根下生新樹今數十年高丈許故復稱老樹賴氏守此世爲業買者就樹摘之以示其真花多實少之年一枚享千錢雖官不能擢之園中近老樹者數十株亦佳然惟老樹皮紅有白毛戟手香烈而味辛識者入手能辨之夫蘇澤堂橘官物也徵之者多則州牧不暇給長官買之則官不受價否則擢而已予于庚辰十一月過州知賴園之橘可買也命僕人入園訪老樹賴叟曰老橘賣已盡惟零丁數枚矣卽以數千錢摘之賴叟其古橘中人歟或云化城多蒙石蘇澤堂當石上而賴園老樹根下蒙石之力或更巨物性所秉或亦然歟

## 木香



**本草經**

木香味辛主邪氣辟毒疫瘧鬼強志主淋露久服不夢寤魔寐

**名醫別錄**

溫無毒療氣劣肌中偏寒主氣不足消毒殺鬼精物溫瘡蠱毒行一本作引藥之精輕身致神仙一名

蜜香生永昌即雲南永昌縣山谷

**陶弘景**

此即青木香也永昌不復貢今皆從外國舶上來乃云大秦國以療毒腫消惡氣有驗今皆用合香不

入藥用惟製蛙虫丸用之常能煮以沐浴大佳爾

**唐本草**

此有二種當以崑崙來者為佳出西胡來者不善葉似羊蹄而長大花如菊花其實黃黑所在亦有之

今按別本注云葉似薯蕷而根大花紫色功效極多為藥之要用陶云不入藥用非也

**圖經本草**

木香生永昌山谷今惟廣州舶上有來者他無所出陶隱居云即青木香也根窠大類茄子葉似

羊蹄而長大花如菊實黃黑亦有葉如山芋而開紫花者不拘時月採根芽為藥以其形如枯骨者良江淮

間亦有此種名土青木香不堪入藥（下畧）

**萬國藥方**

Ankardia Lostus 此藥出廣東西藏印度及敘利亞等處入藥用根

（功用）開胃煖胃行氣外用免虫蛀

**藥料詳要**

Aristo'ochia 印度木香係Aristo'ochia Indaca 之幹及根其幹灰黃色常切成塊根黑絳色有

槽橫繞如環臭香而畧似樟腦味苦而亦兼似樟腦為和平苦壯神藥畧似社本塔里

### 附錄馬兜鈴條

#### 藥料詳要

馬兜鈴科社本塔里 *Serpentariae Rhizoma* 即美洲木香俗稱蛇根 *Snake Root* 以為能

解蛇咬之毒係 *Aristolochis Serpentaria* 同科之草將根令乾為扭轉形黃綠色似樟腦之特臭味最香而苦為芳香苦補藥服之能增加胃液且與齋食慾常與酸類或他種補藥合用以治消化不良並用於熱病愈後如患者精神委頓服之更宜

#### 賀氏療學

*Serpentaria, Serpentariae Rhizoma*, 馬兜鈴係一類之草產於美國入藥者係此草之根

(療效) 因此藥味美而煖故常用為引藥且有補藥之力胃經虛弱食物不化者多以此藥醫之或言此藥有激陰陽之力然不甚確如服過分劑惹力甚大致生嘔吐之患

#### 開寶本草

馬兜鈴味苦寒無毒主肺熱欬嗽痰結喘促血痔瘻瘡生關中

五瓣

#### 日華諸家本草

治痔瘻瘡以藥於餅中燒薰病處入藥灸用是青木香獨行根子生越州

今陝西合陽縣

七八月採

圖經本草

馬兜鈴生關中今河東河北江淮夔浙州郡亦有之春生苗如藤莖葉如山芋葉六月開黃紫花  
頗類枸杞花七月結實聚許大如鈴作四五瓣其根名雲南根似木香小指大赤黃色亦名土青木香七月  
八月採實暴乾主肺病三月採根治氣下膈止刺痛

植物名實圖考

馬兜鈴開寶本草始著錄俗呼爲土青木香卽唐本草獨行根也俚醫亦曰雲南根李時珍  
以爲卽郁淋藤其形狀功用具圖經攷荒本草云葉可食今湖南山中多有之唯花作筒似角上彎又似喇  
叭色紫黑與圖經花如枸杞花殊戾其葉實及仁俱無差或一種而地產有異耶

華亭述言

【產地】

產於雲南廣東印度美洲等處

【形態】

木香科木香屬（亦作馬兜鈴科馬兜鈴屬）多年生蔓草葉互生葉基凹入葉端呈舌狀與薯蕷葉相  
似網脈全緣葉表無光澤夏末由葉腋抽出約寸之細花莖無花冠只生筒狀綠萼一枚長約寸許其口坡  
斜如兔耳色紫中部彎曲色綠內藏雄蕊六枚雌蕊一枚結實橢圓形如馬鈴內含種子甚多扁圓形其根  
內含羅孔形如枯骨有黃褐青三色

【主治】

入藥用根有小毒嗅香味辛苦主行氣開鬱止腸胃氣痛開胃煖胃調經煖子宮

【考證】

本經名木香陶氏因根內含青色名爲青木香卽馬兜鈴之根也宋開寶以馬兜鈴入藥而未知其根卽木香也日華子於馬兜鈴條云青木香獨行根子因木香根多獨行李時珍不知木香馬兜鈴爲一物乃云「昔人謂之青木香後人因呼馬兜鈴根爲青木香呼此爲南木香廣木香以別之」考南木香因產雲南永昌縣或名雲南根廣木香因產廣東越州或由外洋運至廣東其名上加南廣二字者顧名卽知藥之原產地如川黃連杭芍藥之意相同若非道地後世多加土字爲別如土常歸土牛膝等類非謂別具一種也後人往往不深究每致一藥變爲數物如赤箭與天麻木香與馬兜鈴皆是唐本草與圖經本草云葉似薯蕷者甚是惟云花如菊則誤矣圖經又云馬兜鈴花如枸杞花者尤誤木香產中國南部及印度等處者其根粗如拇指嗅香味苦辛內含黃褐青三色並含羅孔形如枯骨產於陝西等處者其根較細卽圖經云「似木香小指大」香氣稍遜味苦畧辛內含羅孔較少



惟黃褐青色尙存若產北部者其根細如釵股多獨行根外皮褐黑內黃白無青色亦無羅孔形態迥殊味苦畧辛嗅之別具氣息惟地上形態則同今藥市以南產者統稱廣木香以陝西產者名青木香此藥有行氣之特效陝西產者價廉力微用時分劑倍之其功用亦同醫學大辭典與中藥大辭典所述之木香形態乃木香花屬薔薇科蔓生灌木非入藥之木香也李時珍云「今人又呼一種薔薇爲木香愈亂真矣」新本草綱目云「木香屬菊科形如牛旁根」又云「土木香係大車之根葉長橢圓形」皆誤馬兜鈴亦爲氣分藥其力較根大遜西醫無用者療學云馬兜鈴產於美國入藥者係此草之根木香內含揮發油及苦質廉木香素與鞣酸

【分劑】 木香煎服半至錢半陝西產者一至三錢

### 遠志

#### 本草經

遠志味苦溫主欸逆傷中補不足除邪氣利九竅益智慧耳目聰明不忘強志倍力久服輕身不老葉名小草一名棘菀一名蔓繞一名細草

#### 爾雅

蔓繞棘菀注今遠志也似麻黃赤華葉銳而黃其上謂之小草廣雅云

**名醫別錄**

無毒主利丈夫定心氣止驚悸益精去心下隔氣皮膚中熱面目黃好顏色延年葉名小葉主益

精補陰氣虛損夢洩生泰山及宛句今山東 荷澤縣川谷四月採根葉陰乾

**陶弘景**

按藥名無齊蛤恐是百合宛句縣屬兗州濟陰郡今獨從彭城今江蘇 銅山縣北蘭陵來用之可去心取皮今

用一斤止得三兩皮爾市者加量之小草狀似麻黃而青遠志亦入仙方藥用

**圖經本草**

遠志生泰山及宛句川谷今河陝京西州郡亦有之根黃色形如蒿根苗名小草似麻黃而青又

如畢豆葉亦有似大青而小者三月開花白色根長及一尺四月採根葉陰乾今云曬乾用泗州今安徽 泗縣出者

花紅根葉大於它處商州者根又黑色俗傳夷門在河南 開封縣遠志最佳古本通用遠志小草今醫但用遠志稀

用小草(下畧)

**萬國藥方**

Polygala tenuifolia 此藥出山西河南等處乃小草之根色棕黃味苦

(功用)化痰可代辛衣格而力較遜

(分劑)二至三十噀

**華亭述言**

**【產地】** 產於山東為佳

【形態】


遠志科遠志屬多年生草本春日生苗高數寸至尺許徑半至一分互生鉞形葉長七八分夏由莖端開蝶形花冠色藍雄蕊四枚雌蕊一枚柱頭彎曲總狀花序結實扁圓頂端陷入內含種子兩枚色黑大如黍粒外生白茸毛味苦後辛熟時分裂根狀如人參首部有橫紋苗芽處形如參蘆長數寸至尺許徑一至三分嫩根色黃白老則灰褐微黑外皮為柔組織內為木質

【主治】

入藥用根皮有毒嗅之別具氣息味苦辛主行氣通肺竅止欬嗽化痰能激津液加多濃痰易於滑出除邪氣止驚悸利小便

【考證】

遠志為鉞形葉植物辭典與新本草綱目及醫學大辭典云葉橢圓或卵圓者均誤本經云葉名小草一名細草因遠志莖葉皆細小也故爾雅注「葉銳」別錄云「葉名小葉」圖經云「苗名小草又如學豆葉亦有似大青葉而



小者「考畢豆卽豌豆爲羽狀複葉大青葉倒卵形皆與遠志大異李時珍云遠志有大葉者亦誤圖考云  
「滇南甜遠志葉大花黃」亦非是圖經云「古本通用遠志小草今醫但用遠志稀用小草」按本經用  
遠志係根名末云葉名小草未曾主治惟別錄於葉名小葉下有主治考莖葉較根力大遜遠志力在根皮  
其質爲柔組織味苦辛其心爲木質味淡無力故入藥宜抽去蓋遠志性與西藥森伊加同若醫哮喘痰喘  
類症與麻黃曼陀羅甘草並用有效惟曼陀羅分劑宜慎重稍過則喉乾難忍重則癲狂矣（分劑見該條  
）後世治失眠症多以遠志與棗仁並用予驗之不見效果日人取遠志素名發多擊按遠志內含森伊加  
素千分之六十六枝脂千分之八

### 【修治】

採於春秋勿於花時採取則根力以微此藥力在根皮採時去其莖葉及萌芽處洗去泥土抽去中心木

質陰乾收藏勿洩氣

### 【分劑】

散服二至四分煎服半至二錢

## 牡桂

### 本草經

牡桂味辛溫主上氣欬逆結氣喉痺吐吸利關節補中益氣久服通神輕身不老

名醫別錄

無毒心痛脅風脅痛溫筋通脈止煩出汗生南海山谷

陶弘景

南海郡卽是廣州今俗用牡桂狀似桂而扁廣殊薄皮色黃脂肉甚少氣如木蘭味亦類桂不知當是別樹爲復猶是桂生有志宿者爾亦所未究

唐本草

古方亦用木桂或云牡桂卽今木桂及單名桂者是也此桂花子與菌桂同惟葉倍長大小枝皮俱名牡桂然大樹皮肉理僞虛如木肉少味薄不及小枝皮肉多半卷中必皺起味辛美一名肉桂一名桂枝一

名桂心出融州屬廣西桂林縣交州屬兩廣及安南境甚良

蜀本草圖經

葉狹長於菌桂葉一二倍其嫩枝皮半卷多紫肉中皺起肌理虛軟謂之桂枝又名肉桂削去上皮名曰桂心藥中以此爲善其厚皮者名曰木桂二月八月採皮日乾之（下略）

菌桂

本草經

菌桂味辛溫主百病養精神和顏色爲諸藥先聘通使久服輕身不老面生光華媚好常如童子

名醫別錄

無毒生交趾屬安南北桂林山谷巖崖間無骨正圓如竹立秋採

**陶弘景**

交趾屬交州桂林屬廣州而蜀都賦云菌桂臨巖俗中不見正圓如竹者惟嫩枝破卷成圓猶依桂用非真菌桂也仙經乃有用菌桂云三重者良則明非今桂矣必當別是一物應更研訪

**唐本草**

菌者竹名古方用菌桂者是故云三重者良其菌桂亦有二三重卷者葉似柿葉中三道文肌理緊薄如竹大枝小枝皮俱是菌然大枝皮不能重卷味極淡薄不入藥用今惟出韶州即廣東曲江縣

**蜀本草圖經**

葉似柿葉而尖狹光淨花白蕊黃四月開五月結實樹皮青黃薄卷若筒亦名筒桂厚硬味薄者名板桂又不入藥用三月七月採皮日乾

**植物名實圖考**

菌桂本經上品牡桂本經上品別錄又出桂一條牡桂即肉桂菌桂即筒桂因字形而誤今以交趾產為上湖南徭峒亦多不堪服食桂子如蓮實生青老黑桂之產曰安邊曰清化皆交趾境其產中華者獨蒙自桂耳亦產逢春里土司地余求得一本高六七尺枝幹與木樨全不相類皮肌潤澤對發枝條綠葉光勁僅三直勒道面凹背凸無細紋尖方如圭始知古人桂以圭名之說的實有據而後來辨別者皆就論其皮肉之脂而並未目視桂為何樹也其未成肉桂時微有辛氣沉檀之香久而結桂老逾辣亦俟其時故桂林數千里而肉桂之成如鱗角焉(下畧)

**新本草綱目**

肉桂屬樟科此用其樹幹及根皮以其較尋常桂皮為厚故名桂枝屬於樟科之桂其新幹及

枝之外皮剝下陰乾卽桂枝也

### 萬國藥方

*Cinnamomum* 錫蘭肉桂出錫蘭海島入藥用樹皮色棕黑味香而甜以佐他藥取其味美

(功用) 開胃煖胃收斂祛風加火石粉和服治泄痢加蘇木膏治內部血出

(分劑) 十至二十哩

### 藥料詳要

*Cinnamomi Cortex* ? *Cinnamon Bark*. 由截去其頂之肉桂樹取其皮之內層錫蘭多產之

塊形成捲最薄最脆黃綠色臭香味熱而甘且香中華肉桂皮或曰玉桂皮 *Cassia* *Coffea* 粗糙且厚又

少香臭中洋兩類同用內含揮發油及鞣酸與植物粘液肉桂有香油之效又含鞣酸有收斂之性多種斂

性藥散含之以得其香味及斂性常爲治瀉症之用

### 賀氏療學

*Cinnamomum Saigonicum* 此藥係一類樹之內皮產於西倫島與中華等內含揮發油與鞣

酸服毒分劑而死者先則昏迷後致呼吸衰竭

(療效) 此藥大用有三(一)佐味(二)祛風(三)激腸滌瀉者服之以爲激腸之劑子宮漏血不止者服

此油有效蓋桂油大有免腐之功以至三量滴加水一量兩敷於傷處有效淋症用洗尿道於初患尤妙桂

酸由桂油用化法而得有醫士用治肺勞病以此酸二量滴注射皮下初受疼痛越片時卽止後則身倦頭

暈與腦充血等狀其分劑由此漸增至十五量滴爲止越三四十日其咳嗽減輕身體增重但注射時因受疼痛故用之者少

### 英國藥制

桂皮乃錫蘭桂截斷樹幹所生嫩芽之皮之內層此皮驅風防腐收斂單用或與他劑合併爲腸收斂劑及興奮劑

### 華亭述言

【產地】 產於中國南部及安南錫蘭等處

【形態】 樟科樟屬常綠喬木高數丈葉互生至枝端則對生有短柄質堅厚表光澤背有短毛長卵形或橢圓形

而尖有縱紋三道夏由葉腋及莖端分枝着小花色黃綠聚繖花序

【主治】 入藥用桂皮有毒味甘辛主衝氣通血脈腸胃氣痛欬逆結氣胸脇痛利關節解肌經漏媛子宮白帶淋

症寒瀉腹痛牙痛

【考證】 本經牡桂茵桂皆云味辛溫別錄云無毒按此藥服至毒分劑先則昏迷後致呼吸衰竭而死本經牡桂

條主治分明而於茵桂則統言主「百病爲諸藥先聘通使」別錄亦於牡桂有主治於茵桂無之本經茵

桂列於牡桂條後是否茵桂卽爲牡桂或因二桂功用相同否則主治何其籠統而別錄亦無之本草拾遺云茵桂牡桂是一物究二桂形態同否未曾目睹唐本草與蜀本草云茵桂葉似柿葉唐本草云牡桂花子與茵桂同惟葉倍長植物辭典肉桂條云「葉互生」其桂條圖「葉對生」與圖考蒙自桂葉對生相同按新本草綱目於桂枝條云「多係互生至枝端則對生」然則所謂互生對生者實一種也別錄云茵桂「無骨正圓如竹」是謂茵桂如竹歟抑皮捲成筒如竹歟陶氏云「俗中不見正圓如竹者惟嫩枝破卷成圓猶依桂用非真茵桂也」本草拾遺云「古方有筒桂字似茵字後人誤而書之」圖考云「茵桂卽筒桂因字形而誤」後世以桂皮扁而厚者爲牡桂以皮捲成筒者爲茵桂但本經牡桂茵桂至晉唐後方書多無此名近世皆爲桂枝肉桂二名名桂枝者見於金匱及大論名肉桂者見於唐本草究大論與金匱之桂枝係桂枝之皮歟抑後世皮木合用之桂枝歟按唐本草牡桂一名肉桂一名桂枝一名桂心蜀本草以牡桂嫩枝皮半卷謂之桂枝寇宗奭云「仲景言桂枝者取枝上皮的也」本草綱目云「去粗皮用其最薄者爲桂枝」藥徵云「桂枝也肉桂也桂心也一物而三名也」新本草綱目云「其新幹及枝之外皮剝下陰乾卽桂枝也」以諸說觀之則近世木皮合用之桂枝其誤不知始於何人而東醫所用尙遵古法按本經之牡桂茵桂大論之桂枝圖考之蒙自桂西藥之錫蘭桂均屬樟科其療效皆在皮部內含之揮發

油及鞣酸與粘液質糖質等但皮內所成分多寡不同含脂質多者嚼之無渣味甘辛者爲上故用桂皮之分劑不能一律然則桂之功用既在皮而大論中之桂枝實不能皮木合用也李東垣云「氣薄則發泄桂枝上行而發表氣厚則發熱桂肉下行而補腎」王好古云「桂枝入足太陽經桂心入手少陰經桂肉入足少陰太陰經」此金元醫家玄虛之理想也彼云桂枝卽桂皮未去之表皮非今日皮木合用之桂枝也言桂肉者卽桂皮去其表皮專用內皮之肉故名桂肉金匱用桂枝約四十八方大論約三十九方該書用藥之多以桂枝爲第二大論有汗用桂枝卽別錄主「出汗」又本經牡桂主「上氣」別錄主「心痛脅痛」故金匱與大論桂枝加桂湯主「氣從少腹上衝心」療學云治肺勞以桂酸注射皮下其咳嗽澀輕與本經主「欬逆」同今北部藥市有將桂枝去皮而用中心木質者名曰「桂枝木」此較皮木合用之桂枝尤失之遠矣

### 【修治】

採於秋冬以內含脂質厚者爲佳入瓶存貯勿洩氣如置空氣中雖上品肉桂其油揮發已成乾燥之質沖服用脂質多者若通行之品畧帶粗皮煎之亦可總之上品桂不宜與他藥煎服有以通行之桂與蜜入鍋蒸之去其辛辣而甜並顯油質以充上品

### 【分劑】

上品桂沖服一至三分通行桂煎服半至二錢

【肉桂油】 Oleum Cinnaromi 此油從桂皮蒸出新時色黃久則漸變綠色分劑半至三量滴

### 桂

#### 名醫別錄

桂味甘苦一本作甘辛大熱有小毒主溫中利肝肺氣心腹寒熱冷疾霍亂轉筋頭痛腰痛出汗止煩

止唾欬嗽鼻鼾能墮胎堅骨節通血脈理疎不足宣導百藥無所畏久服神仙不老生桂陽國南二月八月

十月採皮陰乾

#### 陶弘景

按本經惟有菌牡二桂用體大同小異今俗用便有三種心半卷多脂者單名桂入藥最多所用悉與

前說相應仙經乃並有三桂常服食以葱涕合和雲母蒸化為水者正是此種爾今出廣州者好湘州今湖南長

沙始興縣國東即是小桂亦可而不如廣州者交州桂州者形段小多脂肉亦好經云桂葉如柏葉澤黑皮

黃心赤（下畧）

#### 唐本草

菌桂葉似柿葉中有縱文三道表裡無毛而光澤牡桂葉長尺許陶云小桂或言其小者陶引經云似

柏葉驗之殊不相類不知此言從何所出今按桂有二種惟皮稍不同若菌桂者皮堅板無肉全不堪用其

小枝薄卷及二三重者或名筒桂其牡桂嫩枝皮名為肉桂亦云桂枝其老者名木桂亦名大桂得人參等

良本是菌桂剝出單桂條陶爲深誤也

圖經本草

菌桂生交趾山谷牡桂生南海山谷桂生桂陽舊經載此三種之異性味功用亦別而爾雅但言  
浸木桂一種郭璞云南人呼桂厚皮者爲木桂蘇恭以爲牡桂卽木桂及單名桂者是也今嶺表所出則有  
菌桂肉桂桂心官桂板桂之名而醫家用之罕有分別者舊說菌桂正圓如竹有二三重者則今所謂筒桂  
也筒菌字近或傳寫之誤耳或云卽肉桂也牡桂皮薄色黃少脂肉氣如木蘭味亦相類削去皮名桂心今  
所謂官桂疑是此也今觀賓宜詔欽諸州所圖上者種類亦各不同然皆題曰桂無復別名參考舊注謂菌  
桂葉似柿葉中有三道文肌理堅薄如竹大小枝皮俱是筒與今賓州卽廣西賓陽縣所出者相類牡桂葉狹於菌  
桂而長數倍其嫩枝皮半卷多紫與今宜州卽廣西宜山縣韶州者相類彼土人謂其皮爲木蘭皮肉爲桂心此又  
有黃紫兩色益可驗也桂葉如柏葉而澤黑皮黃心赤今欽州廣東欽縣所出者葉密而細亦恐是其類但不作  
柏葉形爲異耳皮厚者名木桂卽板桂是也蘇恭以牡桂與單名桂爲一物亦未可據其木俱高三四丈多  
生深山巒洞中人家園圃亦有種者移植於嶺北則氣味殊少辛辣固不堪入藥也三月四月生花全類茶  
黃九月結實今人多以裝綴花果作筵具其葉甚香可用作飲香尤佳二月八月採皮九月採實並陰乾不  
可近火（下畧）

華亭述言

【考證】

別錄桂條諸家之說不一陶氏以心半卷多脂者名為桂唐本草於牡桂條云「卽今木桂及單名桂者是也」又於桂條云「本是菌桂剝出單桂條陶為深誤也」圖經亦未確定綱目以別錄之「桂」列於牡桂名上故云桂卽肉桂也總之皆以別錄桂非牡桂卽菌桂也予謂別錄之桂絕非菌牡二桂可斷言者有四（一）本經牡菌二桂云「味辛溫」別錄桂云「味甘苦」（千金之本草經味甘苦綱目與圖考味甘辛）（二）牡菌二桂別錄云「無毒」云桂「有小毒」（三）別錄菌桂無主治牡桂主治與桂不同（四）牡桂別錄云「生南海」菌桂云「生交趾」惟於桂則云「生桂陽」其產地與菌牡二桂氣候大異且別錄之桂係一字單名殊不能以菌牡二桂有桂字卽與此桂相同也如薑黃薑芥不得



肉桂

爲蓋蒼不得爲蒼也然則別錄之桂究爲何物也該書未述形態亦無繪圖今實無從懸斷復查桂中有名官桂者其名始見於圖經云「牡桂去皮名桂心今所謂官桂疑是此也」此係圖經疑牡桂去皮或爲官桂乃臆度之詞非實指官桂爲牡桂去皮之藥也而綱目卽定官桂爲上等供官之桂查今日市售之官桂確非菌牡二桂乃別具一種其皮厚薄不等厚者二三分薄者半分內外同一紫色狀如厚朴入口二分鐘先苦後辛至四分鐘卽顯麻效其味略如厚朴麻性可留口中二十分鐘其價甚廉細驗之有行氣開鬱腸胃氣痛調經之功是否卽別錄所著之桂或爲山桂之一種還望桂陽之學者就地考證之總之今日之官桂則決非菌牡二桂用者不可不知

## 杜仲

### 本草經

杜仲味辛平主腰膝痛補中益精氣堅筋骨強志除陰下痒濕小便餘瀝久服輕身耐老一名思仙

### 名醫別錄

甘溫無毒主脚中酸疼不欲踐地一名思仲一名木綿生上虞山谷及上黨漢中二月五月六月

九月採皮

### 陶弘景

上虞在豫州今河南汝南縣虞鏡之虞非會稽上虞縣也今用出建平宜都今湖北宜都縣者狀如厚朴折之多白絲

爲佳用之薄削去上皮橫理切令絲斷也

**圖經本草**

杜仲生上虞山谷及上黨漢中今出商州

屬陝西

成州

屬甘肅

峽州

今湖北宜昌縣

近處大山中亦有之木高

數丈葉如辛夷亦類柘其皮類厚朴折之內有白絲相連三月五月六月九月採皮用（下略）

**萬國藥方**

*Euonymus Japonicus* 此藥出中國西南等處入藥用該樹之皮

（功用）利小便

**華亭述言**

**【產地】**

產於四川湖北等處

**【形態】**

大戟科杜仲屬落葉喬木高二三丈葉互生橢圓形而尖葉基楔形網脈鋸齒葉表暗綠有光澤葉背嫩

時有毛老則光滑柄長未葉先花雄雌異株無花被單生於苞片腋內雄蕊六至十枚不等雌蕊一枚柱頭

分裂果實爲翅果葉與皮含韌性橡皮質折之有白絲皮外色灰內紫黑

**【主治】**

入藥用樹皮無臭味畧苦辛主腰膝痛脚酸痛除溼利尿除癢小便餘瀝

**【考證】**

杜仲入口嚼至二分鐘畧含苦味至五分鐘始覺其辛本經主腰膝等症其功用在內含韌性橡皮質卽

截皮所出之白絲焉入身受其同化作用雷斅乃云炙以酥陶氏云「折之多白絲爲佳」又云「橫理切令絲斷」既云多白絲爲佳又何須斷之且其皮橫直截之均有橫連之白絲陶氏云切斷絲其用意究不可解至備要與從新則云「或酥酒炙蜜炙鹽酒炒薑汁炒斷絲用」醫學大辭典亦云「鹽酒炒斷絲用」今日藥市炒成黑炭否則不能斷絲也是完全去其本性而製成炭素誤病甚矣本經主腰痛後世多爲治腎藥



杜仲



杜仲

蓋腰部痛多係腎病杜仲有利溼通腎之功故本經主小便餘瀝萬國云利小便李東垣云「能使筋骨相著」此又臆度其白絲相連之意吾國醫學之理論多想象之詞所謂醫者意也

【修治】 採於春秋刷去皮外灰塵半寸解之晒乾收藏

【分劑】 煎服一至三錢

### 菊花

本草經 菊花味苦平主風頭眩腫痛目欲脫淚出皮膚死肌惡風濕痺久服利血氣輕身耐老延年一名節華

爾雅 菊治蕚注今之秋華菊

名醫別錄 甘無毒療腰痛去來陶陶除胸中煩熱安腸胃利五脈調四肢一名日精一名女節一名女華一

名女莖一名更生一名周盈一名傅延年一名陰成生雍州屬湖北川澤及田野正月採根三月採葉五月採

莖九月採花十一月採實皆陰乾

陶弘景 菊有兩種一種莖紫氣香而味甘葉可作羹食者為真一種青莖而大作蒿艾氣味苦不堪食者名苦

蕚非真其葉正相似唯以苦甘別之爾南陽屬河南鄆縣最多今近道處處有取種之便得又有白菊莖葉都

相似唯花白五月取亦主風眩能令頭不自仙經以菊爲妙用但難多得宜常服之爾

### 本草拾遺

苦薏味苦破血婦人腹內宿血食之又調中止洩花如菊莖似馬蘭生澤畔似菊菊甘而薏苦語

曰苦如薏是也（下畧）

### 圖經本草

菊花生雍州川澤及田野今處處有之以南陽菊潭者爲佳初春布地生苗夏茂秋花冬實然菊之種類頗多有紫莖而氣香葉厚至柔嫩可食者其花微小味甚甘此爲真有青莖而大葉細作蒿艾氣味苦者花亦大名苦薏非真也南陽菊亦有兩種白菊葉大似艾葉莖青根細花白蕊黃其黃菊葉似萵蒿花蕊都黃然今服餌家多用白者南京又有一種開小花花瓣如小珠子謂之珠子菊云入藥亦佳正月採根三月採葉五月採莖九月採花十一月採實皆陰乾用（下畧）

### 萬國藥方

Anthemis 洋苦菊花出英美等處屬香味類入藥用乾花味香而苦

（功用）補劑開胃

（主治）滯積過服亦能令人嘔吐苦菊花功用與洋苦菊花畧同而力較遜野菊花功用補劑開胃香味不如洋苦菊花甘菊花功用按洋苦菊花法製成泡水洗火眼最妙

### 藥料詳要

Chamomile Flowers 係 Anthemis nobilis 未開之花菜色近白橫徑半寸至一寸四分之三

爲半球形臭香味苦爲開胃藥兼具香藥苦藥之效其花沖於沸水多飲之爲和平吐藥

華亭述言

【產地】 各地皆產

【形態】 菊科菊屬多年生草本莖高一至三尺葉互生卵圓形葉緣缺刻及鋸齒有葉柄秋末莖端分極作花種

類甚繁

【主治】 入藥用花葉芽無毒味苦辛者良主頭風眩暈目痛淚出胸中煩熱溼痺死肌開胃行氣利溼疔瘡腫痛

【考證】 本經云菊花味苦平別錄云甘陶氏云菊有兩種以青莖味苦者名苦薏以紫莖氣香味甘者爲眞攷家

菊以花分之種類甚繁以莖分之不過紫綠二色味之甘苦與香氣不在莖之紫綠山菊多苦家菊亦有純甘純苦者總之家菊味苦平略甘者爲多今入藥之甘菊色白大如錢初入口味甘香後酸嚼至三分鐘味苦平而畧辛其辛能留口中二十分鐘吾謂菊之入藥以味苦辛者爲佳蓋菊性本爲清香寒涼之品有去邪解熱行氣血之功當以苦者爲勝况本經明云苦平尤爲確證再參之西醫所用皆爲苦菊一本堂藥選云「菊花之味本苦神農本草已言之自別錄出始曰味甘陶弘景且以甘者爲眞苦者爲苦薏按菊之專尚甘者乃道家勸誘之故技以其帶甘易餌故爾殊不知菊花之苦此其本味其帶甘者乃肥養之所變非

天性也。朱丹溪云：「須味甘者若山野苦者勿用大傷胃氣。」苦味藥西醫謂開胃而中醫多謂傷胃夫藥之功用須以分劑計如苦菊服過分劑能致嘔吐少分劑能開胃中分劑能除胸中煩熱蓋藥在醫病非食品為適口計也。備要與從新皆將本經菊花改名甘菊自此乃公認苦菊不堪入藥矣何其謬也。西醫以苦菊蒸出揮發油色淡綠透明有行氣止痛之效每服一至四量滴其內含成分為一種揮發油及一種苦

菊花



洋苦菊花



糖昔

【分劑】煎服半至三錢

### 龍膽

#### 本草經

龍胆味苦寒一作苦澁主骨間寒熱驚癇邪氣續絕傷定五藏殺蠱毒久服益智不忘輕身耐老一名陵遊

#### 名醫別錄

大寒無毒除胃中伏熱時氣溫熱熱洩下痢去腸中小蠱益肝胆氣止驚惕生齊胸山谷及冤句

二月八月十一月十二月採根陰乾

#### 陶弘景

今出近道吳興今浙江吳興縣為勝狀似牛膝味甚苦故以胆為名

#### 圖經本草

龍胆生齊胸山谷及冤句今近道亦有之宿根黃白色下抽根十餘本大類牛膝直上生苗高尺

餘四月生葉而細莖如小竹枝七月開花如牽牛花作鈴鐸形青藍色冬後結子苗便枯二月八月十一月

十二月採根陰乾俗呼草龍胆浙中又有山龍胆草味苦澁取根細剉用生薑自然汁浸一宿去其性焙乾

搗水煎一錢匙溫服之治四肢疼痛採無時候葉經霜雪不凋此同類而別種也古方治疽多用之（下畧）

#### 萬國藥方

Gentiana 此藥出歐洲之南及中華等處入藥用根色黃味苦內含一精即珍提昆蘆近時藥

市所售多有次等切成大片者爲上品

### 賀氏療學

*Gentiana?* *Gentianae radix* 此草產於歐洲入藥者乃該草之根味苦內含一素一酸一名龍胆素一名龍胆酸各種苦補藥此爲上品患熱症後而厭食者致精神久失胃不消化服之俱效小兒腸胃粘膜炎與重碳酸鈉並服大效

### 華亭述言

【產地】 中西皆產

【形態】 龍胆科龍胆屬多年生草本高一二尺葉對生披鉞形狀如竹葉無柄並行脈秋日莖端及葉腋生筒狀花冠色青碧雄蕊五枚花冠着生雌蕊一枚其根纍纍附生下抽十數條長約二至五寸徑約一二分色黃白

【主治】 入藥用根無毒味苦主除胃中邪熱令人思食溫熱驚癇黃疸下痢清肝胆火利小便續絕傷

【考證】 予嘗龍胆之味有二一味純苦一味苦而辛其辛如萊菔皮千金翼內附刻之本經云龍胆味「苦寒」當是別錄云生齊胸冤句之苦味者綱目與圖考及徐氏百種錄云味「苦澇」當是圖經所云「浙中又

有山龍胆草味苦澆」之種西醫亦云味苦本經名龍胆圖經云俗呼草龍胆又有山龍胆草醫學大辭典又名山龍胆備要與從新又名龍胆草總之皆是本經龍胆妄立名詞徒亂人意耳馬志云「龍胆葉如龍葵味苦如胆因以為名」醫學大辭典亦從其說考龍葵葉卵圓形龍胆為披鉞葉實大異別錄云除胃中伏熱時氣溫熱與療學云患熱症後而厭食者致胃不消化服之有效相同西醫均以龍胆為苦補藥中之上品而本草從新謂大損胃氣適於龍胆本性

相謬若綱目云過服恐傷胃氣則可但過服藥劑則傷胃氣非獨龍胆為然也張元素為足厥陰少陽經氣分藥李東垣有龍胆瀉肝湯備要與從新俱提綱為瀉肝胆火蓋古人因苦如胆為名非專主肝胆經也此藥內含一種龍胆素與龍胆酸龍胆苦甘樹膠及少許揮發油

【修治】採於春秋洗去泥土半寸解之晒乾收藏

【分劑】煎服半至二錢



# 荊芥

經名 假蘇

## 本草經

假蘇味辛溫主寒熱鼠瘻癰癧生瘡破結聚氣下瘀血除溼一作瘰癧一名鼠莫

## 名醫別錄

無毒一名薑芥生漢中川澤

## 唐本草

此藥卽菜中荊芥是也薑荊聲訛爾先居草部中今人食之錄在菜部也

## 圖經本草

假蘇荊芥也生漢中川澤今處處有之葉似落葵而細初生香辛可噉人取作生菜古方稀用近

世醫家治頭風虛勞瘡疥婦人血風等爲要藥並取花實成穗者暴乾入藥亦多單用效甚速又以一物治產後血暈築心眼倒風縮欲死者取乾荊芥穗搗篩每用末二錢匙童子小便一酒盞調熱服立效口噤者挑齒閉者灌鼻中皆效近世名醫用之無不如神云醫官陳巽言江左人謂假蘇荊芥實兩物假蘇葉銳圓多野生以香氣似蘇故名之蘇恭以本經一名薑芥薑荊聲近便爲荊芥非也又有胡荊芥俗呼新羅荊芥石荊芥體性相近入藥亦用

## 萬國藥方

Sa'via Plebeia 此藥種類各國畧同梗葉鮮乾皆可用

(功用) 補劑解熱發表收斂

華亭述言

【產地】 中國南北皆產

【形態】 唇形科荊芥屬一年生草本莖方高一二尺葉對生色紫卵圓形而狹葉緣鋸齒夏由枝端分極開唇狀

小花穗狀花序秋實即枯

【主治】 入藥用莖葉穗其穗較莖葉力大香氣濃烈味辛無毒主寒熱發表下瘀血破結聚除溼痺膚癢產後血

暈頭痛痲癩瘡瘍鼠瘻癰癧

【考證】 本經名假蘇唐名荊芥至今從之而數典忘祖假蘇之名反晦矣千金翼附刻之本草經主「除溼痺」

綱目與圖考所引之本草經則云主「除溼疸」本書從千金翼因本草經言溼痺處甚多而溼疸之名只

見於此且疸症非因溼而生蓋一因胆汁入腸之路被阻返入淋巴管一因血患病由血紅球被滅所致况


溼疸之名他書亦未經見也此藥有紫綠二色紫色者即本經之假蘇其色與形態類紫蘇故名假蘇惟葉

狹窄為異香氣濃烈入藥有功北部以紫色者名臭芥採藥者多不取淡綠葉者嗅之無味入藥無功北部

名曰白芥以此入藥轉棄紫色者實為大謬南部人工產者多為菜蔬入藥力微天產者內含揮發油與樹

脂甚富故其辛臭濃烈不堪作茹食也該油中含有薄荷精入藥有發表解熱之功後世謂荆芥反黃鱈魚  
 及魚蟹與河豚而從新又云反駟肉綱目云「荆芥反魚蟹河豚之說本草醫方並未言及而稗官小說往  
 往載之」藥之相反係因化合轉成毒質故服之者可以即死惟芥荆是否與黃鱈河豚駟肉等相反則未  
 經實驗亦未敢斷定

荆芥



黃鱈魚

【修治】

採莖葉於未花時陰乾採穗於花盛開之後陰乾此藥內含揮發油收藏勿洩氣以本年者力大陳久者

無力

【分劑】

煎服一至三錢

栝樓根

本草經

栝樓根味苦寒主消渴身熱煩滿大熱補虛安中續絕傷一名地樓

爾雅

果羸之實栝樓注齊人呼之爲天瓜

名醫別錄

根無毒除腸胃中瘡熱入疸身面黃唇乾口燥短氣通月水止小便利一名果羸一名天瓜一名

澤姑（實）名黃瓜主胸痺悅澤人面（莖葉）療中熱傷暑生宏農川谷及山陰地入土深者良生鹵地者有毒二月八月採根曝乾三十日成

陶弘景

出近道藤生狀如土瓜而葉有叉毛詩云果羸之實亦施于宇其實今以雜作摩膏用根入土六七尺

大二三圍服食亦用之

### 圖經本草

栝樓今所在有之實名黃瓜根亦名白藥皮黃肉白三四月內生苗引藤蔓葉如甜瓜葉作叉有細毛七月開花似葫蘆花淺黃色實在花下大如拳生青至九月熟亦黃色其實有正圓者有銳而長者功用皆同謹按栝樓主消渴古方亦單用之（下畧）

### 植物名實圖考

栝樓本經中品爾雅果羸之實栝樓今有苦甜二種葉亦小異炮炙論以圓者爲栝長者爲樓說近所鑿其根卽天花粉救荒本草根研粉可爲餅穰可爲粥子可爲油

### 萬國藥方

Bryonia 此藥出中國美國等處乃以栝樓根作粉其色潔白如雪故名

（功用）化痰多服能吐瀉

（主治）咳嗽肺胞膜發炎

（分劑）二十至六十噀

### 賀氏療學

栝樓係一類之草產於歐美入藥者乃其根

（生理作用）服此藥之過分劑則大見水瀉腸胃受其刺激服毒分劑則漿液膜亦受刺激亦有顛腦發炎之狀服中分劑面色畧紅並有頭痛之患

（療效）此藥有激腸胃液腺之功故腸胃畧失功用以致食滯者服之有效孩童大便乾燥如因腸液缺

少所致此藥爲上品孩童大便乾燥色白者服之有功但以栝樓酒爲宜分劑十至三十量滴有醫士云痺症胸統膜炎此藥大有醫治之功然用之者少以其無醫此類症之確據也

華亭述言

【產地】 中西皆產之

【形態】 葫蘆科王瓜屬多年生蔓草莖長約一二丈互生掌狀葉夏由葉腋開單性花雌雄同株合瓣花冠色黃

柄長秋日結實生青熟黃褐乾時內含脂膏味酢種子約數十枚大如西瓜子色黃白其實與葉分二類一爲橢圓一爲團圓其葉一爲深缺刻一爲淺缺刻其根爲塊根長者約一二尺短者數寸徑約一至三寸外黃白內含澱粉

【主治】 入藥用根及果實其根有毒味苦畧甘主口乾舌燥清肺火欬嗽化痰身熱煩滿肺膜炎胸膜炎消渴黃

疸便結乳癰腸胃瘤熱食滯通經閉

【考證】 本經用栝樓根未及其實別錄末云「實名黃瓜主胸痺悅澤人面」東醫吉益氏藥徵以爾雅果臝爲

根云「若作栝樓則當加根字不然與子相混」是忘本經入藥用根以根名栝樓根也別錄云根無毒生鹵地者有毒實則均有毒非獨生於鹵地者然也圖考云有甜者未見金匱用根約四方用實約三方大論

用根約二方用實一方其實皆全用後世乃子壳分用備要與從新立栝樓仁條注云「俗作瓜蒌實圓長如柿之」蓋汪吳以仁爲實也是與別錄及金匱大論均相謬按栝樓實外壳味苦酸內含脂膏尤酸仁味畧甘究其功用常以壳與脂膏力大西醫專用栝樓根療學云「有醫士言痺症胸膜炎此藥大有醫治之功然用之者少以其無醫此類症之確據也」蓋賀氏只驗有刺激腸胃液腺之功以爲便結之用未驗爲肺膜炎胸膜炎之效藥別錄實治胸痺金匱於胸痺篇多用之栝樓實有橢圓團圓二種雷斅以栝樓二字分之以圓者爲樓以橢圓者爲栝以陰病服樓

陽病服栝無中生有無聊甚矣

徐之才云烏頭反栝樓金匱栝樓羅

參丸係附子(附子即烏頭之旁生根)與栝樓並用千金大排風散係烏頭與栝樓合用

### 【修治】

採根於秋洗去泥土晒乾存貯勿洩氣用時搗碎採實於秋日成熟之期日乾收藏勿洩氣否則易蛀

### 【分劑】

栝樓根煎服一至三錢栝樓實煎服半至一

枚



栝樓

# 柏實

附柏葉根白皮

## 本草經

柏實味甘平主驚悸安五藏益氣除風溼痺久服令人潤澤美色耳目總明不飢不老輕身延年

## 名醫別錄

無毒療恍惚虛損吸吸歷節腰中重痛益血止汗生泰山山谷柏葉尤良

(柏葉) 味苦微溫無毒主吐血衄血利血崩中赤白輕身益氣令人耐寒暑去溼痺止飢一作生肌四時各依

方面採陰乾

(根白皮) 主火灼爛瘡長毛髮

## 唐本草

柏枝節煮以釀酒主風痺歷節風燒取諸瘵癢疥及癩瘡良今子仁惟出陝州宜州為勝泰山無復採

者

## 圖經本草

柏實生泰山山谷今處處有之而乾州今陝西乾縣者最佳三月開花九月結子候成熟收採蒸暴乾

春礪取熟仁子用其葉名側柏密州今河南密縣出者尤佳雖與他柏相類而其葉皆側向而生功效殊別採無

時(下畧)

## 華亭述言

【產地】 各地皆產古以泰山陝西產者爲良

【形態】 松柏科柏屬常綠喬木高數丈葉小如鱗片狀全部密着於莖上夏開單性花雌雄同株果實爲毬果

徑約五六分面生數尖長約分許內含柏子數粒色褐大如麥粒

【主治】 柏實外壳鮮時嘗之味澆其辛香與子之味難別葉味畧辛苦主溼痺止吐血崩漏赤白帶利尿

【考證】 柏有扁柏側柏花柏之分果實皆爲毬果本經入藥未分何種只名柏實緣其形態與性味相同耳後世

入藥用實中子名曰柏子仁其名始於雷斅云「煎柏子仁三兩用酒五兩浸」圖經云取熟仁子用綱目云取仁炒研按實與仁有別或謂本經云味甘主不飢是用柏子仁因服食家爲止飢之品予嘗柏實外壳與內仁皆別具氣息令人生嘔本經云甘或別具一種耶蓋本經於每藥主治之末常有「不飢不老輕身延年等文須知此非醫藥事乃服食家言故陶氏云「柏葉實亦爲服餌所重服餌別有法」別錄於柏葉條主治之末亦有「止飢」二字惟綱目與圖考附刻之別錄柏葉條爲「生肌」而千金翼則爲止飢竊以止飢爲是生肌實傳刻之誤耳別錄用柏葉未分何種至圖經云「其葉名側柏密州出者尤佳葉皆側向而生功效殊別」由斯皆用側柏葉考扁柏花柏與側柏性味相同圖經云功效殊別恐未必然其實子葉

皆含揮發油提出之名曰柏油味惡於風溼歷節痛及癩癬搽之有效

【修治】

採實於成熟之時陰乾收藏用子以新者為

良勿洩氣若置於空氣陳久者即反油而味惡

不宜入藥用葉以鮮者為佳可隨時採取

【分劑】

柏實煎服半至二錢柏葉煎服一至三錢

當歸

本草經

當歸味甘溫主欬逆上氣溫瘧寒熱洗洗在皮膚中婦人漏下絕子諸惡瘡瘍金瘡煮飲之一名乾歸

爾雅

薛山斬廣雅曰山斬當歸也當歸似斬而為大

名醫別錄

辛大溫無毒溫中止痛除客血內塞中風痙汗不出溼痺中惡客氣虛冷補五藏生肌肉生隴西

屬甘 川谷二月八月採根陰乾

柏



**陶弘景**

今隴西四陽里水當歸多肉少枝氣香名馬尾常歸稍難得西川北部常歸多根枝而細歷陽今安徽和縣

所出色白而氣味薄不相似呼為草當歸闕少時乃用之方家有云真常歸正謂此有好惡故也俗用甚多道方時須爾

**唐本草**

今出當州若州翼州松州今四川松潘縣以宕州今甘肅岷縣南者最勝有二種一種似大葉芎藭者名馬尾當歸

今人多用一種似細葉芎藭者名蠶頭常歸即陶稱歷陽者不堪用莖葉並卑下於芎藭

**圖經本草**

常歸生隴西川谷今川蜀陝西諸郡及江甯府今江蘇江甯縣滁州今安徽滁縣皆有之以蜀中為勝春生苗綠

葉三瓣七八月開花似薜蘿淺紫色根黃黑色二月八月採根陰乾然苗有二種都類芎藭而葉有大小為異莖梗比芎藭甚卑下根亦二種大葉名馬尾常歸細葉名蠶頭常歸大抵以肉厚而不枯者為勝下畧

**華亭述言**

**【產地】** 產於陝西四川為佳

**【形態】** 繖形科當歸屬多年生草本其種有二（一）莖高二三尺為一回羽狀複葉每小葉橢圓形葉緣鋸齒

柄長葉表有光澤（一）莖高四五尺為二回羽狀複葉其花皆於夏秋間由莖端抽出花莖開小白花或

紫色花冠五片雄雌蕊各五枚複繖花序果實紫黑色其根外皮黃褐而黑內黃心白長約五六寸至尺許

徑半至寸許

【主治】

入藥用根嗅香無毒味辛略甘苦主活血溫中止痛調經破瘀漏下欬逆上氣皮膚溼癢瘡瘍腫痛

【考證】

常歸葉分二種如一回羽狀複葉者陶氏云少枝蘇恭云似大葉芎藭本經名常歸爾雅名薛山斬陶氏

當歸



名馬尾常歸今名佛手常歸二回羽狀複葉者蘇恭云似細葉芎藭爾雅名薛白斬陶氏名草當歸唐本草名蠶頭當歸救荒名杜當歸綱目名土當歸按入藥以一回羽狀複葉者為佳天產者其根堅實香氣濃厚人工產者其根粗大氣味淡薄新本草綱目云「天然生根小而香氣強栽植者反之根粗而氣味異藥用以天然根為佳」二回羽狀複葉根質乾燥含脂較少性味相同惟力薄耳當歸為行氣活血之藥近德醫提出當歸素亦云活血雷斅以當歸分三

段功用各別云「要破血卽使尾要  
 止血卽用頭若養血卽用中身若全  
 用不如不使」張元素云「頭止血  
 尾破血身和血全用卽一破一止也  
 」李東垣云「頭止血而上行身養  
 血而中守梢破血而下流全活血而  
 不走」以上衆說皆嚙語耳近日出  
 版之醫學大辭典與中藥大辭典亦  
 從其說而俗醫至今遵守牢不可破  
 亦良可慨矣夫用根之藥甚多何獨

當歸分三段耶至於鬚根必力薄亦不獨當歸爲然也李時珍又以凡物之根皆分上中下以法天地人此  
 等無稽之談今日已無須置辯總之當歸行氣活血而已傷寒論用當歸惟厥陰篇於當歸四逆湯與當歸  
 四逆加吳茱萸生薑湯二方金匱用當歸約十一方吉益氏著藥徵於當歸條云「仲景之方中用當歸考



當歸

窮其所主治不可的知也本草以當歸芎藭治血爲產後要藥仲景治血方中無此二藥者多而治他症亦  
有此藥如奔豚湯當歸生薑羊肉湯「本經當歸主」欬逆上氣「別錄主」溫中止痛「故奔豚湯中用  
之本經主」婦人漏下絕子「別錄主」除客血內塞「故當歸生薑羊肉湯用之蓋吉益氏不考本經與  
別錄只引後世本草解釋仲景之方無怪其云不可的知也

當歸內含當歸素有收縮弛緩子宮之力本經主「婦人漏下絕子」卽此意也在瘀血之症有通達血液  
之功本經主「諸惡瘡瘍」別錄主「除客血內塞」當歸味辛而香有行氣止痛之功本經主「欬逆上  
氣」別錄主「溫中止痛」今西醫只知當歸素爲子宮效藥而不知有行氣止痛活血之功其咎將天然  
原質以化學分析其香素無不由強熱之蒸而揮發也

【修治】

採於春秋洗去泥土切厚片陰乾收藏勿洩氣否則辛香之氣散效力微矣

【分劑】

煎服一至半兩

乾薑

本草經

乾薑味辛溫主胸滿欬逆上氣溫中止血出汗逐風溼痺腸辟下痢生者良久服去臭氣通神明

**名醫別錄**

大熱無毒主寒冷腹痛中惡霍亂脹滿風邪諸毒皮膚間結氣止唾血

(生薑) 味辛微溫主傷寒頭痛鼻塞欬逆上氣止嘔吐生健為蜀四川谷及荊州今湖北揚州今江蘇九月

採

**陶弘景**

生薑歸五藏去痰下氣止嘔吐除風邪寒熱久服少志少智傷心氣如此則不可多食長御有病者是

所宜爾今人噉諸辛辣物惟此最常故論語云不徹薑食言可常噉但勿過多爾

**圖經本草**

薑生健為山谷及荊州揚州今處處有之以漢溫池州者為良苗高二三尺葉似箭竹葉而長兩

兩相對苗青根黃無花實秋採根於長流水洗過百曬為乾薑漢州乾薑法以水淹薑三日去皮又置流水

中六日更刮去皮然後曬之令乾釀於甕中三日乃成也

**本草綱目**

食薑久積熱患目眵屢試有準凡病痔人多食兼酒立發甚速癰瘡人多食則生惡肉此皆昔人

所未言者也相感志云糟薑瓶內入蟬蛻雖老薑無筋亦物性有所使耶

**萬國藥方**

Zingiber 此藥出中國印度等處入藥用根味辛而香

(功用) 開胃煖胃行氣去風治飯不消化傷食風與瀉痢同服免肚疼

(分劑) 十至二十噀

**賀氏療學**

此藥乃一類草根產於中華印度與美喀海島等處帶皮乾者色黑去皮色白內含一揮發油並一種香脂家庭常爲驅風補胃之劑婦人行經而子宮痙攣者常以此藥醫之如因受風致經閉者服之大致常加於瀉劑內以免腸絞之痛如醫瀉症能令大便有祕結之功

**華亭述言**

**【產地】** 產於兩江南湖等處

**【形態】** 薑科蕒荷屬多年生草本莖高二三尺葉互生長披鉞形全緣並行脈有鞘夏秋莖端開淡黃小花花冠

不整齊夏末生新根其嫩莖近根處色紅紫故俗稱紫芽薑其根爲根莖宿根色淡黃長數寸徑約寸許

**【主治】** 入藥用根無毒味辛熱主欬逆上氣開胃消食止血止嘔吐胸滿腸胃氣痛寒瀉下利霍亂腹痛調經暖

子宮白帶

**【考證】** 本經乾生二薑列於一條以乾薑居首云味「辛溫」末云生者尤良別錄以乾生二薑分立二條云乾

薑「大熱無毒」云生薑味「辛微溫」而綱目以本經乾生二薑分爲二條於生薑條云味「辛微溫無

毒」係別錄文於別錄生薑條主「歸五藏除風邪寒熱去痰下氣」乃陶氏語非別錄文薑葉互生圖經

云兩兩相對實誤金匱用乾薑約二十六方用生薑約四十一方傷寒論用乾薑約二十二方用生薑與大

棗並用者凡三十二方獨用者約三方仲景用生薑多於發表及嘔吐等症用乾薑多於欬嗽腹痛霍亂脹滿等症按雷斅於乾薑未曾炮製至陶弘景云「薑不能作乾者須去皮置流水中六日取出晒乾」而圖經亦從其說實不足取凡入藥之乾薑以老者力大洗去泥土切厚片即能晒乾決無腐爛之弊金張元素云「乾薑本辛炮之稍苦故止而不移所以能治裏寒」李東垣云「炮則除胃冷而守中」朱丹溪云「止唾血痢血須炒黑用之」李時珍云「凡入藥並宜炮用」本草從新始立「黑薑」條云乾薑炮黑爲黑薑其主治皆宗張李朱三說醫學大辭典又立「炮薑根」條云「取乾薑切厚片入鐵銚內以烈火燒至銚面火燃畧噴水急挑數轉置罈中深藏勿使洩氣候冷則裏外通黑」中藥大辭典亦遵其法殊不思薑之功用在內含揮發油與一種香脂及澱粉等質今如此造作其藥效安在乎試問張氏以乾薑炮之能治裏寒然則本經乾薑主溫中別錄主寒冷腹痛此非裏寒症耶李氏云炮則除胃冷而西醫反取其精爲開胃煖胃藥此非除胃冷劑耶朱氏云炒黑止唾血而本經與別錄云乾薑止血比而觀之始明張李朱之妄爲也一本堂藥選亦言三氏之非云「薑乾薑之味本辛何來苦味所以苦者即炮炒焦黑之變非本味也物經焦黑無不變苦豈獨乾薑哉故用炒焦乾薑者與不用同」夫西醫用藥取其元素棄去精粕而中醫自雷斅出製藥之法多取渣去精迨至今日愈演而愈甚觀夫薑之一藥必須炮至裏外通黑將內含之

油及香脂與澱粉去之淨盡如枯木死灰全無生機者而後已嗚呼此風不息則中醫中藥之前途又堪言乎近俗醫又謂生痘疹者食薑必氣閉而死此謬說深中心雖婦孺亦有戒心夫薑本爲通氣之劑於痘疹之鬱於組織不能透表者以他藥佐薑服之頗效故別錄主「皮膚間結氣」而今反謂食之氣閉此所謂習非勝是也此藥內含一種油與組合而成之一種揮發油一種黃色辛味體及樹脂與澱粉

【修治】 採於春秋以老根者入藥洗去泥土切厚片晒

乾收藏勿洩氣用生薑隨時採取

【分劑】 生薑煎服一至四錢乾薑煎服半至二錢

【薑流膏】 *Fluidextractum Zingiberis* 此膏由生薑

製成形如漿色黃褐味甚辣非藥市自配之薑汁用時以水沖服或與他藥沖服此流膏爲家庭之良藥如胃不消化及胃氣痛或腹痛服之皆效而於婦科用之尤妙如子宮痙攣或經期不準或經水色淡或漏下不止服之常效（分劑）十五至四十量滴



醫治真性霍亂藥並施法（民國二十一年七月之醫稿）

霍亂（又名癘螺痧因指肚螺紋下陷如久浸冷水之態故名之西名虎列拉）有真假之分假性者初亦吐瀉並作與真性霍亂相同此即急性之腸胃炎也惟指肚螺紋不瘡腿肚不轉睛珠不上向頭與手足無青色若驗糞則真霍亂有弧狀細菌假者無之真霍亂之急性者瀉腹一二次即現以上病狀蓋因瀉去血清血因之變濃并吸其組織內淋巴隙之淋巴所致俗醫不明病理只以陰陽分之且以陽症霍亂不可服「乾薑」如服之即死因此延誤病機以致不救者比比皆是霍亂之名始於內經云「土鬱之發民病嘔吐霍亂」又傷寒論云「嘔吐而利名曰霍亂」其方藥惟四逆湯有效（方見後）而俗醫多不講古學於德醫科什氏 Koch 所發明之弧狀細菌尤不知獨持宋太平和劑局方之霍香正氣散等方服之其不死者幾希矣惟傳染病雖因病菌而生而中藥不專注殺菌亦能治愈之何也蓋因湯液入身能令白血球與抗毒素素增其生活之力有治驗可證雖西醫不能加以否認入秋以來膠東一帶虎疫流行到處披猖七月下旬余由芝罘回牟平村中霍亂已起且死四人隣村死一人乃速行醫治迄今已百餘人惟死二人所治愈者多有已至聲啞瀕死者余治之法先服哥羅顛 Chlorodyne 成人服十五至三十量滴只服一次即行針法若初覺而病輕者即愈重者針後繼服四逆湯若指肚已癘四逆湯一日可服兩劑回生之先兆指肚陷

者漸起腿肚不轉惟頭與手足青色須至三五日始能復原由此多患胸部煩悶而燒或心痛者（心痛針巨闕上腕中腕三穴見後針法條）至七八日漸退而愈愈後忌硬食只食稀粥（忌粟米粥）十餘日犯之易發余治急性之重者被其傳染二次皆自醫治病起始覺腹脹腸鳴而痛旋又腿肚抽筋弱而不轉急服哥羅顯二十五量滴卽行針術腹內脹痛立時安撫惟腿肚抽筋至十六小時始愈茲將治驗之效法列左

【鍼法】

先用鋒針（卽三稜針）刺於大椎穴（在脊骨上部第一椎骨卽項後下部隆起之骨上際）再刺陶道穴（在第一椎骨下端與第二椎骨上端之間）再刺印堂穴（在兩眉中）再刺瞳子膠穴一名太陽穴（在目外眥角外五分以手按之陷凹之地左右各一刺）重者刺百會穴（由前髮際上量五寸量此穴之法用綫一條由前髮際量至後髮際共作一尺二寸）再刺手拇指少商穴食指商陽穴（二穴在指內側去爪角二分）再刺中衝穴（在中指端離爪外一分）再刺無名指關衝穴小指少澤穴（二穴在指外側去爪角二分）再刺足大趾隱白穴（在趾內側去內爪角二分）再刺第二趾厲兌穴（在趾端爪角外二分）再刺第四趾竅陰穴足小趾至陰穴（二穴在趾外側去內爪角二分）以上手足皆刺入一分出血二三滴百會印堂太陽四穴皆刺入二分各出血七八滴大椎陶道二穴刺入三分出血一二十滴此二穴爲脊髓神經最要之區霍亂症用針法爲第一緊要之處嘔吐腹痛轉筋皆用毫針（卽氣針非出血針

（嘔吐先刺太谿穴（在足內踝後際五分以手按之陷凹內有動脈處卽是）再刺中腕穴（由臍中上量四寸卽是此穴屬任脈）卽腹中臛）上腹共七穴量此七穴之寸用綫一條由臍中上量至岐骨下際將綫折作八寸）腹痛或心痛先刺巨闕穴（由臍中上量六寸）再刺上腕穴（由臍中上量五寸）再刺中腕穴與下腕穴（由臍中上量四寸卽中腕穴上量二寸卽下腕穴）腿肚轉筋先刺陰陵泉穴（由膝蓋骨前下際正中綫往內側橫平量至四寸當膝內側大筋之上將膝屈之在橫紋端上寸許以指按之陷凹中卽是四肢之寸以患者中指彎如弓形由中節前紋端度至中節後紋端爲一寸）再刺承山穴（在膝後腿肚之正中綫當腿肚下垂陷凹之際）自嘔吐以下之穴皆用毫針刺入三至四分不明針術者皆可照法刺之若無三稜針卽用銀簪磨成三針（針稜不可太細）無毫針卽用縫衣之針惟針眼須帶線恐失手盡入肉中病家放膽刺之決無防礙要知所謂針眼并非組織內有天然之針眼卽差一二分亦能愈病然而不可離之太遠俗醫針霍亂第一手先用繩帶緊紮大臂膊令臂灣靜脈現露用未消毒之三稜針（古人以針入口溫之近出版之針書亦從其說最易傳毒實爲大誤）刺入半寸或寸許以令血出如射謂放血多而能愈病殊不知放血不在多寡在乎緊要之穴能使血液流通則白血球與抗毒素因此增加生活之力亦有謂霍亂而轉羊毛疔者以大針掘起皮下之結締組織謂之羊毛用刀割斷無知妄爲殊屬可恨

## 【手術】

先將鋒針毫針入煮沸消毒器若無卽入潔淨之小鍋內以沸水煮之消其毒氣若病急不待卽用藥棉

蘸火酒拭之亦可醫士潔其手須帶護口罩先以藥棉蘸火酒拭所針之穴用鋒針出血後與出毫針後皆以藥棉揉按眉間印堂太陽三穴皆用左手拇食二指將肉攝起刺之惟百會大椎陶道三穴胖人不易攝起出血之法以兩手拇食二指對擠其針眼一擠一鬆血出如豆放手即止以藥棉拭其血若刺處擠至數滴不出欲再出之即離針眼一二分再刺一竅擠之毫針入穴以右手持針左右轉之少停再為轉之至數分或十數分鐘即緩緩出針以藥棉揉按穴上行針勿信左補右瀉男左女右等說總之鋒針出血為瀉毫針通達氣血為補醫術重在實驗不可向壁虛造或人云亦云以欺世人

【醫方】

生烏頭

八分至一錢中

乾薑 二至四錢

甘草 四錢

腹痛加丁香 一至二錢

小便利加猪苓 四錢

澤瀉 三錢

按四逆湯係用生附子本方因無生附子故改用生烏頭（烏頭即附子之母）須知生烏頭與附子係澱粉質今川產者皆煮熟其質以變色褐而粘形如煮熟甘藷係糖化酵素作用及至藥房復用水浸必達至咀嚼無味切成薄片美其名曰淡附片章太炎先生云「川東夔府湘西辰沅一帶三伏日即以生附子猪肉合煮飲之以防霍亂北方山東河北之民常啖生蒜無霍亂病此皆健胃強心之效也大論四逆湯通脈四逆湯并用生附子市肆所行之淡附片近則殊無絲毫之效也」實為名論惟生烏頭藥房雖有竟有不敢售者須告之再方內之丁香須用原質其色褐管之味極辛麻舌擠之見油質而藥市售者多為取油之精粕俗醫即以此治病取油之物其色黑而齒中圓球之蕾已被取油時壓去僅留四齒之蔓擠之無油嗅之無香嘗之無味入藥無功藥房無原質者改用丁香油二至五量滴若無不加亦可

中央國醫館醫藥叢刊之一 **藥物圖考卷二**

編審委員楊華亭撰述  
編審委員周柳亭校訂

### 芍藥

#### 本草經

芍藥味苦主邪氣腹痛除血痺破堅積寒熱疝瘕止痛利小便益氣

#### 詩經

贈之以芍藥陸玑疏芍藥今藥草無香氣非是也未悉今何草司馬相如賦云芍藥之和揚雄賦曰甘甜之和芍藥之羹七十食也

#### 名醫別錄

芍藥味酸平漸寒有小毒通順血脈緩中散惡血逐賊血去水氣利膀胱大小腸消癰腫時行寒熱中惡腹痛腰痛一名白朮一名餘容一名犁食一名解倉一名挺生中岳川谷及邱陵二月八月採根暴乾

#### 陶弘景

今出白山蔣山對江蘇江甯縣茅山最好白而長大餘處亦有而多赤赤者小利俗方以止痛乃不滅當歸道家亦服食之又煑石用之

#### 圖經本草

芍藥生中岳川谷及邱陵今處處有之淮南者勝春生紅芽作叢莖上三枝五葉似牡丹而狹長高一二尺夏開花有紅白紫數種子似牡丹子而小秋時採根根亦有赤白二色崔豹古今注云芍藥有二

種有草芍藥木芍藥木者花大而色深俗呼爲牡丹非也（中畧）安期生服鍊法云芍藥二種一者金芍藥一者木芍藥救病用金芍藥色白多脂肉木芍藥色紫瘦多脈若取審看勿令差錯（下畧）

**萬國藥方**

*Paeonia Albiflora* 此藥出河南安徽等處入藥用根

（功用）收斂治痢疾經漏

**華亭述言**

【產地】 各地皆產以杭州產者爲佳

【形態】 毛茛科芍藥屬多年生草本高約二尺餘互生複葉每小葉往往三裂葉柄長網脈全緣初夏莖端開花徑約數寸色有紅黃白紫花冠有單複雄雌蕊數不同果實爲蓇葖其根爲塊根長約數寸徑約半至一寸外皮色褐內含澱粉或有粉紅者鮮時色顯若受日光紅色卽退

【主治】 入藥用根有小毒味酸澇而苦鮮質管之畧含鹹味主行氣血破堅積除血痺疝瘕緩中止腹痛調經破瘀白帶經漏痢疾消癰腫

【考證】 安期生云芍藥有二種「一爲金芍藥一爲木芍藥云救病用金芍藥色白多脂肉木芍藥色紫瘦多脈若取審看勿令差錯」按安氏云金芍藥者卽本經芍藥爲塊根澱粉質木芍藥色紫瘦多脈者卽今日誤用之赤芍藥也其根爲條根色紫瘦內含纖維質形態畧同甘草體類木質外皮褐紫內灰白心赤味極澇

今多產東三省山野中夏日開花如芍藥單瓣土人呼爲山芍藥卽木芍藥也究芍藥分爲赤白始自陶弘景云赤者小利係指芍藥根中有含赤色者非言別具一種之木芍藥也本草崇原云「今藥市中一種赤芍藥不知何物草根兒醫瘍醫多用之爲害殊甚此由不察本經不辨物性因訛傳訛固結不解成爲習俗所誤寧不悲哉」張氏痛言誤用赤芍藥之非而世醫至今猶沿用之良可慨也本經云芍藥「味苦」別錄云「味酸平漸寒」崇原云「芍藥氣味苦平後人妄改聖經而曰漸酸元明諸家相沿爲酸寒收斂之品試將芍藥咀嚼酸味何在」本草經讀亦從其說考酸寒二字係別錄中言非後人所改予嘗其味委係酸澆而苦芍藥含安息香酸及樹脂鞣酸等質故有行氣血與收斂之效張陳二氏云芍藥無斂力有誤而朱丹溪又云「產後不可用者」尤爲大誤備要與從新咸謂「產後忌用」由斯俗醫多遵其說觀金匱產後篇云「產後腹痛煩滿不得以枳實芍藥散主之」夫芍藥爲去瘀生新之藥故別錄云「通順血脈散惡血逐賊血」蓋謂有瘀能散無瘀能和故於無瘀之症亦有收斂之功須知芍藥之能收能散在內含之素非在赤白二色而後世多爲白補赤瀉白收赤散故朱氏誤爲產後之不可用也豈知芍藥之含赤色者至經暴乾之後其色已退今誤用之赤芍藥味極澆其爲斂力極大可知矣而於血瘀氣積等症以爲通利劑不亦謬之甚乎金匱用芍藥三十三方大論約三十方皆爲塊根澱粉質也徐之才云藜蘆反芍藥千金大排風散大五飲係二藥並用

【修治】

採於秋末勿採於春因芍藥與牡丹根質充滿於秋取塊根長者勿取老根固結枯腐之處輕刮外皮晒乾存貯用時搗碎勿須切片亦不必炒用李時珍云「今人多生用惟避中寒者以酒炒入女人血藥以醋炒耳」今日多遵酒炒醋炒之法實為誤事夫女人血分症有瘀血漏血之分豈可概以醋汁飲之也

【分劑】

煎服一至五錢

【芍藥苦參飲】

芍藥 一至四錢 苦參 半至二錢 當歸 三至五錢 枳實 一至四錢 木香 半至一錢 黃芩 二至五錢 檳榔 二至四錢

此方治痢疾頗效欲瀉後收斂須加大黃初劑為瀉再劑收斂若渴者加黃連 二至四錢



# 山茱萸

## 本草經

山茱萸味酸平主心下邪氣寒熱溫中逐寒溼痺去三虫久服輕身一名蜀棗

## 名醫別錄

微溫無毒主腸胃風邪寒熱疝瘕頭風風氣去來鼻塞目黃耳聾面皯溫中下氣出汗強陰益精

安五臟通九竅止小便利久服明目強力長年一名雞足一名魁實生漢中山谷及瑯琊東山宛句東海承

縣九月十月採實陰乾

## 陶弘景

近道諸山中大樹子初熟未乾赤色如胡頹子亦可噉既乾皮甚薄當以合核爲用爾

## 圖經本草

山茱萸生漢中山谷及瑯琊宛句東海承縣今海州即江蘇東海縣亦有之木高丈餘葉似楡花白子初

熟未乾赤色似胡頹子有核亦可噉及乾皮甚薄九月十月採陰乾

## 澗水燕談錄

山茱萸能補骨髓者取其核溫潛能祕精氣精氣不泄乃所以補骨髓今人剝取肉用而棄其

核大非古人之意如此皆近穿鑿若用本草中主療只當依本說或別有主療改用根莖者自從別方

## 萬國藥方

Corrus Officinalis 此藥中國美國英國皆有入藥用該樹之皮內含一精卽口而年

(功用) 補劑收斂解瘡

華亭述言

【產地】 產於山東河南等處

【形態】 山茱萸科山茱萸屬落葉喬木高丈餘葉對生卵圓形而尖春日先葉而花數花集生一苞開小黃花花冠四片向外反卷雄蕊四枚雌蕊一枚果熟色赤乾時赤黑有皺紋長約三四分徑約二分許外肉內核核表微呈稜形核內爲蜂窩組織核中有仁一枚

【主治】 入藥核肉並用肉薄而酸核大味澇而苦主頭風目黃鼻塞耳聾面皴止汗除心下邪氣溼痺腸胃充氣退熱生津止渴消食收斂腎氣縮小便別錄主面皴此皴非皮肉分離而鼓起者卽古名瘞今名之粉刺也由皮脂腺分泌之皮脂停留多於面部患之故名面皴此症多患於青年老者無之佐以開鬱活血之劑服之頗效仲景惟於腎氣丸用之主男子消渴婦人轉胞以肉酸有生津解熱之功以核澇有收斂腎氣之效故核肉合用

【考證】 千金翼輿圖考附刻之別錄條有「溫中」二字本草綱目無之新本草綱目云山茱萸中有種子二枚予驗之只一核一仁本草經山茱萸係核肉合用別錄云「採實陰乾」陶弘景云「亦可噉既乾皮甚薄當以合核爲用爾」此藥西名口而奴思入藥用樹皮內含元素名口而年 Cornin 主治收斂解瘧考其

樹皮與果核俱含鞣酸其核之構造較他核迥異有蜂窩組織內含黃色結晶細末形如松香味澆故有收斂之效別錄主強陰益精止小便利遠至劉宋雷斅云「使山茱萸去內核每修事去核子一斤取肉皮只存四兩已來緩火熬之方用能壯元氣祕精其核最能滑精」備要與從新亦云「去核用核能滑精」原始與求真亦從其說醫學大辭典云「製法酒浸去核核能滑精取皮微火焙乾用」新本草綱目亦云「酒煮去核」新本草教本云「以果肉服食」統觀以上諸書悉宗雷斅之謬以澆爲滑不亦慎乎瀟水燕談錄云「山茱萸能補骨髓者取其核溫澆能祕精氣不泄乃所以補骨髓今人剝取肉用而棄其核大非古人之意如此皆近穿鑿」是古人亦知雷氏之失奈何嗜痂者流至今成癖耶今藥市之山茱萸皆去核取肉而醫方中亦改名山萸肉矣藥物學之不講習非勝是良可痛心敢乞今後醫界諸君於藥物一科當於本經加之意也

【修治】 採子於成熟之期晒乾收藏勿洩氣用時搗碎

【分劑】 煎服半至三錢



# 杏核仁

## 本草經

杏核仁味甘溫主欬逆上氣雷鳴喉痺下氣產乳金瘡寒心賁豚

## 名醫別錄

杏核仁苦冷利有毒主驚癇心下煩熱風氣去作往來時行頭痛解肌消心下急一本有滿痛二字殺狗毒

五月採之其兩仁者殺人可以毒狗（花）味苦無毒主補不足女子傷中寒熱痺厥逆（實）味酸不可多食傷筋骨生晉川山谷

## 陶弘景

處處有藥中多用之湯浸去尖皮熬令黃

## 萬國藥方

Amygdala 此藥分甜苦二種俱含油質惟苦者內有毒不可過服

（功用）潤劑化痰治咳嗽類病

## 賀氏療學

此藥有甘苦二種如以苦杏仁加水即釀出氫綳酸少許若甘杏仁則不然如以甘杏仁加水搗勻其味甘美可作引藥之用患糖尿症可以甘杏仁數兩去淨油與糖類製成面包用之因其內無澱粉也  
氣管與喉或腸胃受刺激者以甘杏仁製成乳劑服之有平粘膜之功製法以甘杏仁半兩白樹膠三十喱白糖二錢相合搗爛加蒸水八兩調勻隔渣而成苦杏仁內含一類之油油內含氫綳酸百分之二至四不等故大有毒力如以一滴毒貓可使立死曾有服十七量滴而殞命者按苦杏仁之功用乃醫咳嗽但不常

用因其毒力甚大也如製成乳劑可作藥引之用如患淋症用之最妙因其兼醫小便之燒痛也

### 藥料詳要

甜巴旦杏仁係 *Prunus Amygdalens* (Dulcis) (Jordan Almond) 樹成熟之子形橢圓而微扁兩端一銳一鈍長約一寸外黃綠色內有含油之二白瓣味和平在水中研之則成無臭白色乳劑  
苦巴旦杏仁試於水中研之則發氫脂肪酸之臭甜杏仁內含固定油百分之四十餘為蛋白質及杏仁酶不含苦杏仁苷亦不含澱粉

苦巴旦杏仁係 *Prunus Amygdalus* (Amara) 樹成熟之子多與甜巴旦杏仁相似但較寬較短而味苦在水研之則發氫脂肪酸之臭苦杏仁每百分能榨出固定油五十餘為蛋白質一種名苦杏仁醇與苦杏仁甘苦杏仁苷在水內為苦杏仁酶所化即成氫脂肪酸故苦杏仁油有毒因內含百分之四至八分之氫脂肪酸也

### 華亭述言

【產地】 杏核仁各地皆產

【形態】 薔薇科櫻桃屬落葉喬木高一二丈葉互生心臟形而尖葉緣鋸齒及作波紋狀葉柄細長春日先葉而

花色紅白花冠五片雄蕊約三十二枚雌蕊一枚結實為核果種類甚繁其實大小不等生青而酸熟則紅

黃核中仁心臟形而扁外皮色褐內仁色白

【主治】

有毒味苦主通肺竅化痰止咳嗽逆氣痰喘心下煩熱滿痛奔豚破瘀通血脈

【考證】

杏仁有甜苦二種本經味甘者即甜杏仁無毒別錄味苦者即苦杏仁有毒若綱目與萬國療學詳要所云甜杏仁皆甜巴旦杏仁此物原產中央亞西亞其生態與杏迥異實桃屬也其仁較杏仁窄而長（說見巴旦杏仁）山東所產甜杏仁俗名榛杏因其味甘如榛仁也其枝葉花實與苦杏仁無二係杏類中之甜種者考甜苦二杏仁其功用有別如爲食品兼爲潤劑須以甜仁主之若醫乾嗽哮喘欬逆等症當以苦者爲佳因內含氫精酸其功用專司呼吸及血循環須知毒藥類中當以氫精酸爲最故療學云「不常用者因其毒力甚大也」中醫用苦杏仁係配藥煎服分劑不過四五錢皆去皮炒熟予嘗試用未去皮之生仁其力大於去皮炒熟二倍故用之不可過三錢西醫所用皆爲油質於甜杏仁油分劑一至四量錢於苦杏仁油則只用半量滴蓋因苦者內含氫精酸之毒質也然而中醫雖用原質煎服其分劑亦須謹慎驗方新編云服杏仁死者（說見修治條）即中其毒也綱目收本經條內有「苦冷利有小毒兩仁者殺人可以毒狗」十五字係別錄文綱目與圖考附刻之別錄內有「滿痛」二字千金無之金匱用杏仁約十二方

大論約九方多與麻黃半夏五味子細辛乾薑同用

【修治】

採於果實成熟之期去核取仁晒乾存貯勿洩氣否則易蛀用時搗碎驗方新編云「杏仁生熟服之都  
不爲害若火炒不透半生半熟者服十數粒即死其屍眼閉舌唇耳竅手足十指俱青色肚腹有青色塊每  
有食以詐人者人不易防最難禁化惟急取吐吐出可解用杏樹皮煎湯飲之雖迷離將死者皆可救或用  
麝香一分沖水服亦效」按此非半生半熟之爲害係中苦杏仁中之氫精酸因苦杏仁含苦杏仁甘與苦  
杏仁酶惟甜者不含苦杏仁甘故苦杏仁甘在水內爲苦杏仁酶所化卽成氫精酸云死者手足與肚腹俱  
青因服毒分劑致靜脈之血變如動脈之赤血然旋速卽變黑色係血球被滅所致故死者多現青色古人  
用此藥未言去皮炒熟至雷斅云以沸湯浸去皮及尖用火石並烏豆與杏仁煮至褐色後世所用皆去皮  
尖炒熟

【分劑】

苦杏仁原質半至三錢泡久去皮炒熟一至四錢以上皆配藥煎服非單服劑

附巴旦杏仁

【考證】

薔薇科櫻桃屬產於中央亞西亞落葉喬木高丈餘葉披針形如桃葉花冠五片雄蕊數十枚雌蕊一枚  
果實如桃惟果肉汁液減少成熟後則果皮乾裂出核其核較杏仁長而窄日本呼之爲扁桃考巴旦杏仁  
之名始於綱目非杏類實桃屬也

# 半夏

本草經


半夏味辛平主傷寒寒熱心下堅下氣喉咽腫痛頭眩胸脹欬逆腸鳴止汗一名地文一名水玉

禮記


月令半夏生

名醫別錄

生微寒熱溫有毒消心腹胸膈熱痰滿結欬嗽上氣心下急痛堅痞時氣嘔逆消癰腫墮胎療痿



杏核仁



杏旦巴

黃悅澤面目生令人吐熱令人下用之湯洗令滑盡一名守田一名和姑生槐里在陝西興平縣東南川谷五月八月採根暴乾

### 陶弘景

槐里屬扶風今第一出青州吳中亦有以肉白者爲佳不厭陳久用之皆先湯洗十許過令滑盡不爾戟人咽喉方中半夏必須生薑者亦以制其毒故也

### 圖經本草

半夏生槐里川谷今在處有之以齊州今山東歷城縣者爲佳二月生苗一莖莖端三葉淺綠色頗似竹葉而光江南者似芍藥葉其根下相重生上大下小皮黃肉白五月八月內採根以灰裹二日湯洗暴乾一云五月採者虛小八月採者實大然以圓白陳久者爲佳其平澤生者甚小名羊眼半夏又由跋絕類半夏而苗高近一二尺許根如雞卵大多生林下或云卽虎掌之小者足以相亂（下畧）

### 植物名實圖考長編

半夏有竹葉芍藥二種江西湖南皆有之二種同生一處開花如南星而小高不過六七寸檢方書無有半夏開花之說而固始呼爲蠟子草與錢相公篋中方治蠟螫相符或前人未經察及耳

### 植物名實圖考

半夏本經下品所在皆有有長葉圓葉二種同生一處夏亦開花如南星而小其稍上翹似蠟尾固始呼爲蠟子草凡蠟螫以根傅之能止痛錢相公篋中方亦載之諸家本草俱未及此本草會編謂

俗以半夏性燥多以貝母代之不知痰火上攻昏潰口噤自非半夏南星葛可治乎半夏一莖三葉諸書無異詞而原圖一莖一葉前尖後歧乃似芡姑葉余曾遣人繪川貝母圖正與此合豈互相舛誤耶抑俗方只此一物而兩用耶二者皆與圖說不相應非書不備則別一物

**萬國藥方**

*Pinellia Tuberifera* 此藥出中國等處入藥用根色白味畧苦

(功用) 發表吐劑配雅片表散可代礪強飯

**華亭述言**

**【產地】** 各地皆產山東產者爲佳

**【形態】** 半夏科虎掌屬多年生草初年生一單葉二年後爲三出羽狀複葉每小葉長卵形而尖中葉較長網脈全緣根出葉柄長天產者多生陰地萌芽時多於半夏始生故名半夏花時並葉基抽出花梗高約五六寸至一尺若人工蒔於向陽之地初夏卽萌往往花梗早茁於葉單性花花梗上部著生佛燄之苞由佛燄中抽出一線長二三寸徑約六七釐狀如鼠尾外部色綠內部油黑而光雄花上部雌花下部苞於佛燄之內不見形質剖而視之雄花甚短色黃白如粉雌花較長爲細小之白粒二花俱集生於花軸周圍肉穗花序狀如虎掌(見虎掌圖)其實成熟頗難蓋多爲花後卽枯死間亦有不枯而實者凡並花之葉柄多生肉

芽一枚初則色白老則色黑大如蜀黍粒至秋落地如蓬適宜來年卽生一單葉半夏其根爲球莖形橢圓或團圓鮮時大如羊眼乾時如豆


### 【主治】

入藥用根有毒無臭味畧苦有粘液麻刺甚重主效逆化痰咽喉腫痛胸膈脹滿嘔吐心下痞堅腸鳴其功用多走於咽喉如膿痰留於枝氣管者能刺激粘液加多易於吐出外用蝎螫以鮮半夏搗爛敷患處頗效無鮮質以原質之乾者搗敷之亦可若將元素泡去者無效

### 【考證】

圖經云似竹葉者綠半夏三小葉與竹葉个字相似云似芍藥葉者因芍藥葉每爲三出圖考云開花如天南星則誤蓋天南星雄花橢圓而鈍包於佛燄之內（見天南星圖）惟虎掌花延長如線突出佛燄之外與半夏畧同而古人又多以虎掌與天南星爲一物也半夏每根生葉柄不過三四枚其根鮮時大如羊眼乾質大如玉蜀黍若生時如鷄卵乾質扁圓如盤四圍有芽者非虎掌卽天南星也若比半夏微大扁圓如盤四圍無芽者係由跋也亦卽虎掌或天南星之幼年苗也考虎掌南星半夏初年皆生一單葉圖考云半夏皆爲一莖三葉係未見初年苗也古人謂由跋係別具一種者亦誤考半夏虎掌天南星由跋爲同屬同性之變種子曾食鮮半夏半枚重一分六釐嚼之勤臍之脆微苦有粘液初覺口舌麻刺三分鐘後麻刺入喉間十分鐘後加重覺粘膜破裂咽喉被其刺激而津液加多復覺咽喉如腫氣管若收及思徐之才云

「畏生薑雄黃」陶弘景云「方中有半夏必須生薑以制其毒」乃急食生薑以解之無效又食雄黃亦無效經一小時半適午餐後覺其腐刺減去十之六七惟胃中始覺麻刺小時即退乃知其功力多行於咽喉也金匱用半夏約三十方傷寒論約十八方多與生薑乾薑黃芩黃連人參甘草並用徐陶二氏見仲景用半夏多與生薑並用以爲生薑可制半夏之毒殊不思半夏之毒如被生薑制服則嘔逆或痰疾湧盛於喉嚨危急之際將無效矣蓋仲景用半夏有化痰止嘔之功佐生薑有通氣之力故並用之有通氣化痰止嘔之妙徐之才云烏頭反半夏金匱附子粳米湯係附子與半夏合用（附子即烏頭之旁生根）千金大鱉甲湯大排風散蠻夷酒礬石圓衛候膏外台五噎丸五石鎖心丸大腹水瘕丸百病方均係烏頭與半夏合用由斯觀之則烏頭反半夏之說謬矣半夏爲澱粉質以水浸洗體質不變唯藥效減耳今市售



半夏

之清半夏係入鍋煮熟其澱粉因受糖化酵素作用體變而精切成最薄之片色白微透明嘗之幾無味別錄因半夏之毒云「用之湯洗令滑盡」不究其毒即半夏素如經西醫且將專提其毒素用之矣別錄云墮胎張元素即云孕婦忌之備要從新俱從其說藥徵云「余讀本草綱目半夏條曰孕婦忌半夏爲其燥津液不思之甚矣古語有之曰有故無損此證而用此藥夫何忌之有自後人爲妊娠而建其藥之禁忌也」究半夏於孕婦用者多爲嘔吐之患如金匱云「妊娠嘔吐不止乾薑人參半夏丸主之」是矣

### 【修治】

採於秋日去其莖葉洗去泥土輕搓其皮暴乾存貯勿洩氣用時搗碎藥市浸半夏冬則七日夏則四日每日換水二次清半夏用薑與礬煑之

### 【分劑】

煎服原質三分至一錢藥市之浸質一至四錢

## 黃連

### 本草經

黃連味苦寒主熱氣目痛管傷淚出明目腸澼腹痛下痢婦人陰中腫痛久服令人不忘一名王連

### 名醫別錄

微寒無毒主五藏冷熱久下洩澼膿血止消渴大驚除水利骨調胃厚腸益膽療口瘡生巫陽川

谷及蜀郡泰山二月八月採

**陶弘景**

巫陽在建平今安徽東陽縣今西間者色淺而虛不及東陽今安徽新安縣諸縣最勝臨海今浙江臨海縣諸縣者不佳用之當布裏按去毛令如連珠俗方多療下痢及渴道方服食長生

**唐本草**

蜀道者登大節平味極濃苦療渴為最江東者節如連珠療痢大善今澧州即湖南澧縣者更勝

**圖經本草**

黃連生巫陽川谷及蜀郡泰山今江湖荆夔州郡亦有而以宣城者為勝施黔者次之苗高一尺已來葉似甘菊四月開花黃色六月結實似芹子色亦黃二月八月採根用生江左者根若連珠其苗經冬

不凋葉如小雉尾草正月開花作細穗淡白微黃色六七月根緊始堪採(下略)

**萬國藥方**

*Justicia* 此藥出中華江左及四川雲貴等處其根連珠而色黃故名

(功用)補劑開胃與龍胆草同

**華亭述言**

**【產地】** 產於四川者為佳

**【形態】** 毛茛科黃連屬多年生草本初為根出葉柄長互生二回羽狀複葉三四月間由葉中抽出花莖高四寸

至尺許莖端分極開白花或黃色果實為蓇葖其根狀如雞爪外褐內黃體質堅實

**【主治】** 入藥用根無毒無臭味苦此藥主治可分四部(一)為首部症目紅腫疼痛鼻口內生瘡唇舌裂腫痛或

生紅粒癢痛（非疔）（一）爲胃部症開胃清熱解渴（三）爲腸部症腸炎下痢膿血（四）爲溫熱血燥瘡疾  
產後熱鼻衄斑疹與三七並用尤妙如初受熱痢以致渴甚入煎劑卽加至半兩亦無防礙

### 【考證】

黃連味苦西醫以味之苦者有開胃之功萬國以黃連開胃與別錄主調胃相同卽大論黃連湯之主胃  
中有邪氣也余醫砂眼以此藥加大黃決明子秦皮服之頗效於熱利渴甚黃連加半兩於芍藥湯中服之  
效如桴鼓口舌腫痛以黃連末一錢分爲二次服之亦效本經別錄黃連之主治與黃蘗類同今以化驗分  
析始明黃連內含黃蘗素約百分之八并含一種苦味素足證先哲藥物學之高明矣金匱用黃連約七方  
大論約十二方

### 【修治】

採於秋日種實之後洗去泥土去其根鬚曬乾收藏用時搗碎

### 【分劑】

散服二至五分煎服半至五錢

### 【黃連擦膏】

黃連二兩三七五錢當歸一兩生地一兩胡麻油十二兩將油入鍋熬熱入藥燥枯過布淋將油入鍋再  
熬少時入黃蠟四兩溶化攪勻至冷爲度治唇裂鼻瘡凍瘡擦之有效

### 【驗案】

予母年七十七曾患痢疾以芍藥苦參飲（方見芍藥條）一劑病愈至第三日因食肉復痢渴甚須飲新  
汲之水始可解渴一時家人皆畏寒涼予謂無妨內經刺熱論云「諸治熱病以飲之寒水乃刺之」似不

以寒水為禁也於方內加黃連五錢煎服之約四小時即不渴劑亦漸止而愈若不明其功用必以為苦寒之劑不應加於衰老之人但藥之誤人在性之烈否苟能對症則病當之否則參朮亦足以傷生也

### 五味子

#### 本草經

五味子味酸溫主益氣欬逆上氣勞傷羸瘦補不足強陰益男子精

#### 爾雅

葇荳藟註五味也蔓生子叢生莖頭

#### 名醫別錄

無毒養五臟除熱生陰中肌一名會及一名元及生齊山山谷及代郡屬今河西省八月採實陰乾

#### 陶弘景

今第一出高麗多肉而酸甜次出青州冀州屬今河北省味過酸其核并似豬腎又有建平者少肉核形不

相似味苦亦良此藥多膏味烈日暴之乃可搗篩道家亦須用

#### 唐本草

云五味皮肉甘酸核中辛苦都有鹹味此則五味具也本經云味酸當以木為五行之先也其葉似杏

而大蔓生木上子作房如落葵大如蓰子今出蒲州及藍田山中

#### 圖經本草

五味子生齊山山谷及代郡今河東陝西州郡尤多而杭越間亦有春初生苗引赤蔓於高木其

長六七尺葉尖圓似杏葉三四月開黃白花類小蓮花七月成實如豌豆許大生青熟紅紫今有數種大抵

相近而以味甘者爲佳八月採陰乾用一種小顆皮皺泡者有白色鹽霜一種其味酸鹹苦辛甘味全者真也(下略)

### 萬國藥方

*Kadsura Chinensis* 此藥出中國北方蔓生入藥用子五味具備故名

(功用)行氣去風與衆香子相似

### 華亭述言

【產地】 產於山東山西陝西爲良

【形態】 木蘭科五味子屬蔓生灌木莖纏繞葉互生橢圓形或卵圓形葉緣鋸齒表光澤葉背微生短毛夏由葉

腋抽出花莖開淡黃小花花冠九瓣外瓣較小向內漸大故蘇頌云如小蓮花花落下垂結實呈球狀熟時  
外肉色紅內核殼薄色褐仁色黃

【主治】 入藥用子無毒無臭味酸微鹹核仁苦辛主欬逆上氣生津止渴除熱開胃

【考證】 本經五味子主「欬逆上氣」因肉酸有生津化痰之功核仁苦辛有清熱通肺之力故能醫欬逆上氣追

至金元爲收斂肺氣藥如朱丹溪云「五味大能收肺氣」李東垣云「五味子收肺氣乃火熱必用之藥  
故治嗽以之爲君但有外邪者不可驟用恐閉其邪氣必先發散而後用之乃良」自此諸家本草多宗其

說如備要與從新云「能收斂肺氣」吾不明李氏云有外邪不可驟用者何大論小青龍湯主傷寒表不解者用之是非外邪症耶而大論主病條云「發熱而欬或噎或喘者」金匱云「欬逆倚息不得臥小青龍湯主之」此皆因枝氣管受邪不通所致若五味子倘能收斂肺氣卽如閉門殺賊無異則患者呼吸之困難當如何也蓋後世種種誤解皆因五味子肉酸以內經藏氣法時論篇云「肺欲收急食酸以收之」殊不思內經云肺欲收卽爲欬嗽喘逆上氣之症乎况味之酸者多爲生津止渴開胃消食劑也東醫吉益氏云「余讀本草有五味子收肺補腎之言是非疾醫之言也原其爲說由五臟生尅而來也夫疾醫之道熄而邪術起臆測之說於是乎行無益於治也不可從矣」

【修治】

採於秋日種實之時晒乾收藏用時將核仁搗碎

【分劑】

煎服半至二錢

大黃

本草經

大黃味苦寒主下瘀血血閉寒熱破癥瘕積聚留飲宿食瀉滲腸胃推陳致新通利水穀調中化食安

句五歲

**名醫別錄**

將軍大寒無毒主平胃下氣除痰實腸間結熱心腹脹滿女子寒血閉眼小腹痛諸老血留結一

名黃良生河西山谷及隴西二月八月採根火乾

**陶弘景**

今採益州屬四及北部汝山四川西山者雖非河西隴西好者猶作紫地錦色味甚苦澀色至濃黑西

川陰乾者勝北部日乾亦有火乾者皮小焦而耐蛙堪久此藥至勁利饒者便不中服最為俗方所專道家  
時用以去痰疾非養性所須也將軍之號取其駿快矣

**唐本草**

大黃性濕潤而易壞蛙火乾乃佳二月八月日不烈恐不時燥即不堪矣葉子莖並似羊蹄但莖長而  
厚其根細者亦似宿羊蹄大者乃如椀長二尺作時燒石使熱橫寸截著石上燂之一日微燥乃繩穿眼之  
至乾為佳幽并以北漸細氣力不如蜀中者今出宕州現甘肅涼州現甘肅西羌蜀地皆有其莖味酸堪生啖  
亦以解熱多食不利陶稱蜀地者不及隴西誤矣

**圖經本草**

大黃生河西山谷及隴西今蜀川河東陝西州郡皆有之以蜀川錦紋者佳其次秦隴末者謂之  
土番大黃正月內生青葉似蓖麻大者如扇根如芋大者如椀長一二尺傍生細根如牛蒡小者亦如芋四  
月開黃花亦有青紅似蕎麥花者莖青紫色形如竹二月八月採根去黑皮火乾江淮出者曰土大黃二月  
開花結細實又鼎州今湖南常德縣出一種羊蹄大黃療疥癩甚效初生苗葉如羊蹄累年長大即葉似商陸而狹

尖四月內於抽條上出穗五七莖相合花葉同色結實如蕎麥而輕小五月熟即黃色亦呼爲金蕎麥三月採苗五月採實並陰乾九月採根破之亦有金紋日乾之亦呼爲土大黃凡收大黃之法蘇恭云作時燒石使熱橫寸截著石上燂之一日微燥乃繩穿眼之至乾今土蕃大黃往往作橫片曾經火燂蜀大黃乃作豎片如牛舌形謂之牛舌大黃二者用之皆等（下畧）

萬國藥方

Rheum 此藥出中國四川省及滿州俄羅斯西藏等處質脆臭香味苦畧瀉酒水均能提出功力

（功用）補劑開胃輕瀉微收斂先瀉後斂不相礙也

（主治）滯積便秘泄瀉久痢疾嬰兒霍亂

（分劑）滋補開胃一至五厘輕瀉十至二十厘重瀉二十至六十厘瀉有佐他藥同服者和單綠汞同服即重瀉

賀氏療學

Rhei rhizoma Rheum 此係一種植物產於中華西藏美國多人工產入藥用根內含數類醣類惟合一酸可入藥用

（生理作用）有醫士云此藥感膽液之能無常亦有云服後必增其膽液究此藥原有斂力無重瀉之力

然能令人思食以助消化常服者反致大便乾結

(療效) 孩童大便乾結恐服他瀉藥易成瀉症此藥有斂力庶免此患孩童暑瀉先以此藥瀉出腸內醜壞之物後以他劑收斂此為常法服此藥若尿含酸色必黃若含鹼色即紅

### 藥料詳要

*Rhei Radix* *Rhubarb root* 係大黃 *Rheum palmatum* 草豎生之根去皮如許令乾中華西

藏產之內含瀉酸百分之三至四分又含大黃鞣酸為斂性質及大黃苷與大黃素等質大黃之效專顯於腸胃用小分劑一至五厘則苦味及大黃鞣酸之效發現故為苦開胃及斂腸之劑若分劑加大二十至四十厘則瀉酸之效較大黃鞣酸之效尤顯於是激腸蠕動亦動肝經略有絞腸致瀉之痛閱六至八小時瀉稀薄最黃之糞其色半由大黃半由胆汁然瀉後旋得大黃鞣酸之斂性結腸蓋大黃之用藉為苦開胃藥抑且斂腸在食不消化之瀉症胃食滯肝疾痛風孩童腸胃數種症為最宜之品如夏日瀉症無論成人或孩童用其雜散或加氫化低汞(迦路米)之小分劑同服有效大黃雜散為常用瀉劑但瀉後有斂性故在大便常結者不甚合用

### 英國藥制

乃瀉劑瀉劑性催胆劑及肝刺激劑瀉後而有收斂之功故遇瀉症而需輕瀉劑者莫妙於大黃

其小劑量係開胃之補劑用於消化不良恆與驅風劑合併曾有用於阿米巴痢疾而獲奇效者

華亭述言

【產地】 產於四川甘肅爲良

【形態】 蓼科大黃屬多年生草本莖高三四尺初爲根出葉掌狀淺裂柄長及抽莖其葉互生葉基結合如鞘狀

夏日頂端開淡綠小花無花冠僅萼六片雄蕊九枚雌蕊一枚以上係川甘所產若湖南山東產者其根葉略異卽本經下品之羊蹄係同類之變種故蘇恭云「葉子莖並似羊蹄但鱗長而厚」蘇頌言之頗詳初出葉往往如羊蹄狀及大時如商陸葉狹而長初夏由葉中抽出花莖狀如川產相似其根形態不一川產者如塊根狀他處產者多如牛蒡根大小粗細不等累年者外皮褐黑幼年者色黃褐

【主治】 入藥用根無毒鮮時嘗之苦輕澀重而酸乾質嘗之苦澀相等而亦酸其莖葉酸味較多本經別錄所列

主治皆有奇驗以予所知其主治可分爲三(一)破肝瘀下積血調經閉散癥瘕消癰腫(二)清胃火進飲食(三)動胆汁滌腸胃積食脹滿熱痢瀉血便結推陳致新末施收斂

【考證】 西醫言大黃含鞣酸之斂質常服反致便結本經未載而破瘀之效又爲西說所無此中西有互相補充

之義也後世畏大黃如虎均以爲瀉藥中之峻劑安知其爲輕瀉劑耶今本傷寒論大承氣湯與調胃承氣湯中之大黃注有酒洗二字考雷斅陶弘景均未言及酒製唐宋本草亦無此說至金張元素云「用之須

酒浸煨熟者寒因熱用酒浸入太陽經酒洗入陽明經」李東垣云「大黃苦峻下走用之于下必生用若邪氣在上非酒不至必用所浸引上至高之分」本草備要本草從新俱云「若酒浸亦能引至至高之分」近世多遵其法與酒蒸地黃同一多事予謂大黃破瘀滌蕩若經酒製必減其效而張氏云酒浸入太陽經酒洗入陽明經尤爲奇絕然則酒蒸酒煎酒炙又當入何經耶敢云醫學不打破此等無意識之謬言永無進步之日至今本傷寒論所注酒洗二字安知非與張氏有關耶金匱用大黃約二十二方傷寒論約十四方與枳實厚朴用者較多金匱大黃牡丹湯爲治腸癰之方大概統言大小腸二部西醫有名闌尾炎（盲腸炎）之症歐氏內科學云「闌尾炎惟有用外科治療法內科無療治之法」似未盡當此篇之後附闌尾炎內科療法以供參考 此藥含大黃酸大黃昔大黃素大黃鞣酸亦含澱粉及草酸鈣

### 【修治】

採於春秋洗去泥土剝去外皮及枯朽之處切厚片曝乾收藏勿洩氣此藥最易蛀卽爲末炒熟亦蛀總以不透空氣爲妙藥房之酒軍皆以酒入鍋蒸熟

### 【分劑】

散服三分至一錢煎服半至五錢

### 闌尾炎內科療法

闌尾炎（盲腸炎）又名蚓突炎患此症者多在二十歲以前爲急性腸病中最要之一種其所得之原因

今日醫界尙未明瞭大抵因他物或糞質誤入闌尾因分泌物積滯致粘膜生炎而致凡急性之闌尾炎其腹疼常居右髂窩亦有時痛在腹部中央或滿腹痛者然不多見其痛亦有延及會陰及精腺者如刀刺或絞疼醫者常誤認爲膽石或腎石之絞痛症惟總以居右髂窩者爲多卽迴溪醫案腸癰條云「小腹之右下達環跳隱痛微腫」是矣按之痛楚加甚觀其舌常帶垢濁而溼潤乾燥者甚少或有惡心嘔吐及便秘者初起時或有小便頻數之狀緣腸部生炎失其運化致水分專司腎經故小便加多大便反結患者仰臥時右腿常半屈迴溪醫案腸癰條云「朱季舫少子年九歲腹痛脚縮抱膝」此卽闌尾炎之特徵也最重之急性炎在一晝夜之後腹部卽顯大脹迨三四日後則普遍性之腹膜炎已明顯西醫均以手術治療金匱大黃牡丹湯主腸癰症古人未言患於腸之何部今人於闌尾炎症多用之西醫以謂此症忌用瀉



劑金匱云膿未成可下之蓋因便結所致須以大黃滌蕩之若膿已成故仲景云不可下也余每醫此症以大黃牡丹湯加白芍木香厚朴治之屢效非虛言也

### 藜蘆

#### 本草經

藜蘆味辛寒主蠱毒效逆洩痢腸澼頭瘍疥癬惡瘡諸蟲毒去死肌一名葱苒

#### 名醫別錄

苦微寒有毒療噦逆喉痺不通鼻中息肉馬刀爛瘡不入湯用一名葱茛一名山葱生泰山關山東秦

安縣山谷三月採根陰乾

#### 陶弘景

近道處處有之根下極似葱而多毛用之止剔取根微炙之

#### 蜀本草圖經

葉似鬱金秦芺蕪荷等根若龍膽莖下多毛夏生冬凋即今所在山谷皆有八月採根陰乾

#### 圖經本草

藜蘆生泰山山谷今陝西山南東西州郡皆有之三月生苗葉青似初出櫻心又似車前莖似葱

白青紫色高五六寸上有黑皮裹莖似櫻皮其花肉紅色根似馬腸根長四五寸許黃白色二月三月採根

陰乾此有二種一種水藜蘆莖葉大同只是生在近水溪澗石上根鬚百餘莖不中入藥今用者名葱白藜

蘆根鬚甚少只是三二十根生高山者佳均州關湖北土俗亦呼為鹿葱此藥大吐上膈風涎間風痲病小

兒綴勦用錢匕一字則惡吐人又用通項令人噁（下畧）

萬國藥方

*Veratrum viride* 青藜蘆西名青匪罇稔此藥出北亞美利加入藥用該草之根味苦而辛嗅之令人打噁

（功用）吐劑去火除煩生津液平脉緩氣與葡酸鈹銻畧似

（主治）酒脚風痛風風濕肺體生炎腦氣筋疼多服則昏暈無力切勿妄用研末或配酒用

（分劑）四至六噶

白藜蘆 *Veratrum album* 西名白匪罇稔此藥出歐洲中國等處入藥用根色白嗅之令人掩鼻惟乾者無臭味乍甜而漸覺苦辛

（功用）去火除煩平脉與青藜蘆同

藜蘆又名黑藜蘆 *Elleporus niger* 此藥中西均有入藥用根性酷毒慎勿妄用

（功用）暴瀉調經改病治酸症

（分劑）每服令瀉十至二十噶改病每服二至三噶

賀氏療學

*Veratrum* 此藥係一類之草產於阿美利加入藥者乃該草之鱗莖味苦而辛內含數素最要

者有(1)(1)名直分 Jervina (1)名非拉特丁 Veratridina 本藥用於成人以阻絡部最爲穩妙

(生理作用)無論本藥之生理宜先明二素之功效試以直分之毒分劑用於獸類肌則無力行動甚緩厥後肌略抽搐狀如癱症隨即仆倒流涎不止越片時即成癱瘓至死無知覺因腸胃未受刺激故不吐瀉血循環甚受其阻故脈緩而微後致呼吸中樞受癱心即停止矣其正感乃行於血管舒縮中樞非拉特丁較直分多有刺激力如服過分劑則必吐瀉肌亦畧有抽搐與癱瘓之患然不似直分之甚蓋藜蘆能阻心肌並感祕走神經故令脈緩因阻心肌並阻血管舒縮中樞故令血壓減少

(療效)藜蘆正用乃醫初炎若久炎與身弱者禁用凡肺炎胸膜炎肝炎腦炎等如用於初積血時甚效倘積血時已過則無益而有損腦炎等症有嘔吐之患者如用宜加謹慎因此藥畧能使人嘔吐按藜蘆能令血管鬆大於積血症服之其效如放血同若遇宜放血之症用之亦可產後熱症多有醫士以之爲妙劑然宜謹慎用之產婦瘕瘕多有醫士以之爲上品但須足分劑以藜蘆流膏二十至三十量滴射於皮內射後每半小時服五量滴至脈數如常爲止緣其有阻脊腦動徑之效也但當謹慎用之以免血循環過於受阻健壯者或患心臟肥大或心鬱症此藥有效若血囊症如血循環不週並動脈血壓增高尤宜謹慎以防

血管破裂之險

(禁用) 腹膜炎胃炎虛弱嘔吐忌用

(毒力) 此藥有毒然服毒分劑少有殞命者蓋因其毒未盡吸收必因嘔吐而出其嘔吐之故有二(一)因非拉特丁原有此力(二)因內含一類之脂有令嘔吐之力若中其毒者宜用阿刀平類之激心藥以敵之令其頭底於足亦可用士的年以激其呼吸與血循環二部也

華亭述言

【產地】 各地皆產

【形態】 百合科藜蘆屬多年生草本高一二尺葉披針形長約尺許徑約三寸抱莖互生全緣並行脈夏日開小

花圓錐花序有紅紫二色花冠六片雄蕊六枚雌蕊一枚其根爲鱗莖形如葱其莖外皮枯腐惟纖維尙存狀如襪皮外黑內白根鬚長四五寸

【主治】 入藥用莖有毒味苦而辛嗅之令人打嚏此藥力在鱗莖內含粘液小分劑通竅主欬逆喉痺不通中分

劑於初瘀血能令血管放大故療學云如以刀放血相同腦充血產後瘀血洩痢頭瘍惡瘡馬刀爛瘡跌打壓傷若爲嘔吐須用足分劑



### 【考證】

此藥有二種（一）近水生者其莖青葉大即萬國名青藜蘆其力為遜（一）山野生者其莖老者色黑嫩者色白即萬國名白藜蘆與黑藜蘆按藜蘆只分青白非三種也因有老嫩之別耳入藥以老莖力大嫩莖力小青者尤小其藥力較莖力更小用之分劑宜分黑白青及莖與葉本經主欸逆別錄主噦逆喉痺不通鼻中息肉此為小分劑有通竅之功為散喫之令人打嚏如細辛皂角通竅相同本經主瘡疥蠱毒別錄主馬刀爛瘡此為中分劑有破瘀活血之用至宋圖經本草始云「此藥大吐上膈風涎闇風痲病」張子和儒門事親云「一婦風痲於荒年誤食藜蘆致吐而愈」由斯後世專以藜蘆為吐風痰之劑殊不知小分劑有止嗽通竅之用中分劑有行血破瘀之功足分劑方顯嘔吐瀉腹等效非只能吐風痰而不能醫他症也金匱跌蹶手指臂腫轉筋狐疝虬虫篇用之該條云「病人常以手指臂腫動此人身體困暈者藜蘆甘草湯主之」其方未見或只用二藥耶而後世注金匱之家皆云為吐風痰劑殊不思此方既未列入「痰飲」篇中而此條所列之症又與風痰風馬牛不相及何得以後人發明之主治而轉以誤古也徐靈胎云「後人之書不可反以證前人」而後世學者偏認定藜蘆為吐劑竟不惜曲解手指臂腫等症為痰疾以俯就其說豈非削足以就屢乎按藜蘆內含數種元素其最著者有二（一）名直分（一）名非拉特丁蓋直分之正感行於血管舒縮中樞如服至毒分劑即顯抽搐癱瘓之狀而腸胃不受其刺激即不顯

吐瀉惟血循環與心肌受阻故令脈緩而微以至呼吸中樞受癱必致心停而死若服非拉特丁過分劑即顯嘔吐亦畧有瘕瘕之象故此藥於血循環大有破瘀生新之力予謂金匱之手指臂動即爲瘀血所致以藜蘆破瘀以甘草緩其猛烈及吐瀉之弊也徐之才云「藜蘆反人參沙參苦參丹參細辛芍藥」千金大五飲礬石圓金牙散大排風散衛候青膏神明青膏外台大腹水瘕丸皆與藜蘆並用

【修治】 採於春秋洗去泥土去其外部黑皮及葉

根只用鱗莖陰乾切碎收藏勿洩氣

【分劑】 純煎鱗莖二至一錢帶葉煎半至三錢

(藜蘆流膏) Fluidextractum veratri

療學云健壯者患各類新積血症每半或一  
句鐘當服此膏一量滴過二小時皮如濕而  
鬆脈畧緩而平或畧有惡心是此藥之效已  
顯即當止服如病勢沉重多用一二劑亦可  
倘服者藥效未顯如再服宜防嘔吐須於前



一刻鐘服阿片酒五至十量滴可免此患（分劑）至三量滴

### 烏頭

#### 本草經

烏頭味辛溫主中風惡風洗出汗除寒濕痺效逆上氣破積聚寒熱其汁煎之名射罔殺禽獸一名

奚毒一名耿子一名烏啄

#### 名醫別錄

甘大熱有大毒消胸上痰冷食不下心腹冷疾臍間痛肩脾痛不可俛仰目中痛不可久視又墮

胎

（射罔）味苦有大毒療尸疰癥堅及頭中風痺痛

烏喙味辛微溫有大毒主風濕丈夫腎濕陰囊痒寒熱歷節掣引腰痛不能行步癰腫膿結又墮胎生朗陵

蜀河南 確山縣山谷正月二月採陰乾長三寸已上為天雄

### 天雄

#### 本草經

天雄味辛溫主大風寒濕痺歷節痛拘攣緩急破積聚邪氣金瘡強筋骨輕身健行一名白菴

#### 名醫別錄

甘大溫有大毒療頭面風去未疼痛心腹結聚關節重不能行步除骨間痛長陰氣強志令人武

勇力作不倦又墮胎生少室在河南登封縣北山谷二月採根陰乾

### 附子

#### 本草經

附子味辛溫主風寒欬逆邪氣溫中金瘡破癥堅積聚血澁寒濕痿痺拘攣膝痛不能行步

#### 名醫別錄

甘大熱有大毒主脚痛冷弱腰脊風寒心腹冷痛霍亂轉筋下痢赤白堅肌骨強陰又墮胎為百

藥長生健為山谷及廣漢在四川遂寧縣東北冬月採為附子春採為烏頭

(側子)味辛大熱有大毒主癰腫風痺歷節腰脚疼冷寒熱鼠瘻又墮胎

#### 陶弘景

今採用八月中旬天雄似附子細而長便是長者乃至三四寸許此與烏頭附子三種本并出建平故

謂之三建今宜都屬湖北荆南道俱山屬湖北長陽縣最好謂為西建錢塘間者謂為東建氣力劣弱不相似故曰西水猶勝

東白也其用灰殺之時有水強者不佳

(附子)以八月上旬採八角者良凡用三建皆熱灰微炮令拆勿過焦惟蓋附湯生用之俗方每用附子

皆須甘草人參生薑相配者正以制其毒故也

(側子)即附子邊角之大者脫取之昔時不用比來醫家以療脚氣多驗凡此三建俗中乃是同根而本

經分生三處當各有所宜故也方云少室天雄朗陵烏頭皆稱本土今則無別矣

**唐本草**

天雄附子烏頭等並以蜀道錦州龍州

在四川平武縣東南

出者佳餘處從有造得者力弱都不相似江南來

者全不堪用陶以三物俱出建平故名之非也按國語寘董於肉注云烏頭也爾雅云芟董草皆註云烏頭苗也此物本出蜀漢其本名董今訛為建遂以建平釋之又石龍芮葉似董故名水董今復為水葇亦作建音此豈復生建平耶檢字書又無葇字甄立言本草音義亦論之天雄附子側子並同用八月採造其烏頭四月上旬今云二月採恐非時也

側子只是烏頭下共附子天雄同生小者側子與附子皆非正生謂從烏頭旁出也以小者為側子大者為

附子今稱附子角為側子理必不然若當陽屬湖北襄陽道已下江左即今江蘇等處及山南終南嵩高五岳之一在河南登封縣北齊魯間

附子時復有角如大豆許夔州今四川奉節縣已上劍南在四川劍閣南所出者附子之角微如黍粟持此為用誠亦難充比

來京下皆用細附子有效未嘗取角若然方須八角附子應言八角言取角用不近人情也

**圖經本草**

烏頭烏喙生朗陵山谷天雄生少室山谷附子側子生隄為山谷及廣漢今並出蜀土然四品都

是一種所產其種出於龍州（中畧）其苗高三四尺以來莖作四稜葉如艾花紫碧色作穗實小子黑色

如桑椹本只種附子一物至成熟後有此四物收時仍一處造釀（中畧）其長三二寸者為天雄割削附

子傍尖芽角爲側子附子之絕小者亦名爲側子元種者母爲烏頭其餘大小者皆爲附子以八角者爲上如方藥要用須炮令裂去皮臍使之（下略）

**爾雅翼**

烏喙今之烏頭也釋草云芫葶草郭璞云卽烏頭今江東呼爲葶晉饒姬譜申生寘鳩於酒寘葶於肉者是非葶葶之葶說文云芫烏頭也今烏頭與附子同根春時莖初生有腦形似烏鳥之頭故謂之烏頭或曰有兩岐相合者名烏喙要之烏喙卽烏頭之異名耳本草冬月採爲附子春月採爲烏頭（中畧）蘇秦曰饑人之所以不食烏喙者以其雖偷充腹而與死同患也後魏書曰匈奴秋收烏頭爲毒藥以射禽獸淮南子曰天下之物莫凶於奚毒然而良醫橐而藏之有所用也奚毒卽附子漢霍顯使醫淳于衍擣附子齋入長定宮皇后免身後衍取附子并合大醫大丸以飲皇后后曰我頭岑岑也藥中得無有毒是其事

**萬國藥方**

Aconitum 草烏頭西名厄哥尼貨此藥出於歐洲印度中華等處根葉皆入藥味甜而苦辛入口能令唇舌麻木刺痛內含一精名厄哥匿類 Aconitina

（功用）甯睡止痛平腦平脈解熱解炎

（主治）痛風胃氣疹毒癰心體變大梅核生炎牙關緊閉勞痰過服能使遍體麻木

（外治）治風濕疹腦氣筋疼但藥性酷烈宜慎用之

(烏頭葉) 此用鮮葉配膏汁等其力較根稍遜

(烏頭根) 此藥色外棕內白嗅味若泥土用乾根配酒及搽酒等功力比葉尤峻

(分劑) 半至一厘

### 賀氏療學

*Aconitum* 烏頭係草類之根產於歐洲印度中華美國等處其力之大小乃在素之多寡市售之

烏頭素 *Aconitina* 有非晶形亦有純爲晶形者其效力不同有醫士云除此素外另含非晶形二價鹽一

名扁莖口慙 *Banzaconine* 一名阿口慙 *Aconine* 烏頭素之毒力較扁莖口慙大二百倍較阿口慙大二

千倍

(生理作用) 此藥敷於舌上必覺麻熱漸至滿口皆然以其先有激刺覺系末之力後有麻覺系末之能也此藥之力顯於身內甚速離去亦速

(神經系統) 服足分劑覺知中樞與脊腦覺徑均受其阻然正感乃阻覺系之末稍若敷於粘膜該處必覺麻木因其刺激力過大故不可爲眼科麻藥之用足分劑無感脊腦動徑之能毒分劑則脊腦動徑與動系末俱被其癱

(血循環) 服中分劑者惟血循環大受其感脈即畧緩因祕走神經中樞被激亦因心肌受阻也蓋心肌

受阻故血壓畧緩耳如用足分劑其脈尤緩而血壓更顯減少乃因血管舒縮中樞受阻也服毒分劑者脈浪甚緩血壓甚微漸次加重心於舒時停止

（呼吸）服中分劑畧有平呼吸之能作燒時其效尤顯如服毒分劑則呼吸中樞被癱矣

（體溫）此藥有令人生汗並血運畧緩之功故作燒時服之體溫可減

（吸收及排泄）此藥吸收甚速排泄亦速但於身內爲氧化者居多服足分劑其感力約存三小時之久凡服者其尿必多

（療效）此藥乃醫家通爲重要之劑其效尤爲他藥不能及且於身內之成效與生理所言之效無不吻合其正感乃平血循環與覺系末稍也如因孕吐或某處發炎以致腦系受其刺激而血壓加增者此藥有平腦系並減血壓之能若各類新炎初發時服之有效系痛者如腦系及皮膚相近處可以此藥二厘猪脂六十厘研勻製成抹膏敷之有效血旺之鼻衄此藥常效淋症初患時勤服小分劑有效如初程已過亦可用之以免莖舉硬痛之患因其有阻腦中樞之能也哮喘（格魯布）扁桃體炎咽喉痛傷風氣管炎受寒氣喘初患時服之有效受風經閉與熱茶同服令坐熱水盆內其經或可復至心包炎服之有平心之效亦有退熱之功健壯之肺炎初發時血壓之力必大此藥能減其力孩童猛燒此藥有安撫腦經及血循環之

功惟各類虛弱症忌用倘於各類熱症若常久用之不但無益反致有損患氣喘症先有鼻涕者於初起時服之有功如因神經過敏或心臟肥大致患心跳此藥有效與毛地黃（狄吉他利）並用尤妙因患此症則心經少得腦系之功用此藥能平心肌兼阻毛地黃之激力太過故二藥並用有最佳之效亦有良方於下烏頭酒二錢毛地黃酒四十五量滿煎茄酒一錢半龍胆雜酒加至三量兩每六小時服一小勺

（乖效）人服此藥有皮作癢或如生疹狀或起小胞狀者

（中毒）服過分劑者粘膜先受麻力後則痛如火燒越片時痛即不覺唇與指尖或全身皮膚皆覺癢痛形神倦怠先則脈緩而微後則速而難診遍體生汗或至暈仆亦偶有嘔吐者呼吸甚微所吸之氣謹保其不死而已面白容戚如不暈仆至氣絕方無知覺目之凸凹如常鞏膜青白似珠少有癢癢者瞳孔或散或縮或如常而無定式體溫甚減心於舒時停止或驟然而停或漸而停亦無常例

（解毒法）中此藥毒宜臥於床令其首畧低於足可使生命中樞於延腦內多得血循環且宜煖身之法如中毒甚重不當令其嘔吐恐嘔吐時心即停止也且其胃已甚受阻雖服吐劑恐亦無效即嘔吐其首不宜離牀當以布掠其吐若宜用胃抽器即可洗其胃經否則形勢甚危宜先射伊打於皮肉後則射酒再則射狄吉他利蓋伊打之效甚速其效未過酒效亦顯酒效未過狄吉他利之效即至蓋狄吉他利為烏頭生

理之抗毒藥但顯效較遲而存效較久故先以伊打激刺以待狄吉他利之效至也若血循環受阻可以阿力平注射以激刺血管舒縮中樞如呼吸將止宜用人工呼吸法倘心經將停可略嗅亞硝酸澱粉（校氣弱礮）或效然不宜多用恐有阻心之患亦可用士的年之足分劑注射即一哩二十分之一至十分之一以激其呼吸與血循環二部

藥料詳要

*Aconiti radix* 烏頭根係 *Aconitum napellus* 之根候秋採之令乾頭巨尾細成圓錐形長二至四寸頭端橫徑半寸至一寸四分之三外絳色有細根宜去之其體脆可折內白含澱粉微臭若慎意嚼之少許口即麻刺其實內含數種醣其力大者為烏頭素（厄哥尼類）*Aconitine* 另有本乍可甯 *Berri-zaconine* 阿可甯 *Aconine* 及一種酸質名烏頭酸 *Aconitic acid* 用烏頭接觸外皮致感覺系末稍先覺麻刺後減知覺故用烏頭素擦膏敷於單處止疼有效但其性甚毒若於近口近目之處尤宜謹慎內服烏頭素雖極淡之溶液（如千分合一）能致唇舌麻刺旋至涎多入胃覺煖如分劑畧加致胃疼痛抑或嘔吐烏頭入血至組織內如連服小分劑即大減脈速之度及血壓之力能令外皮發紅生汗小便加多若分劑加大易於中毒烏頭之用在退熱減痛如扁桃體炎氣管新炎胸膜新炎等熱症可服烏頭酒一量滴每二十分鐘服一次至出汗病者甚覺舒暢但須關注其險倘肺與心經有病禁用若腦系痛而尤在三叉

系者不但外用擦膏須宜內服烏頭酒一量滴每小時服三次至收效而止亦須關注其險

### 華亭述言

### 【產地】 中西皆產

【形態】 毛茛科烏頭屬多年生草本莖圓高一至三尺互生掌狀分裂葉緣缺刻及鋸齒九月莖端分極開藍

花花冠五片不整齊狀如兜雄蕊四十四枚至四十六四十八枚雌蕊三四枚結實多成三莢總狀花序天  
產爲圓錐根形如烏烏之頭長約一至三寸徑約半至一寸（此指鮮質）外皮褐黑內爲澱粉其附生之  
數與形態及大小隨年代變更天雄附子側子均爲烏頭一母附生（見後圖）非有數種也

【主治】 入藥用根與子其莖葉亦可惟力較遜耳有大毒微臭鮮質嘗之味先甜微苦後則辛熱麻刺（毒烈嘗

時須謹慎）烏頭天雄附子側子性味俱同行於皮膚則生汗若與桂枝並用亦能止汗傷寒論桂枝加附  
子湯用之能令血管舒縮中樞微阻故能止其漏汗若走於神經系統能平腦止痛醫風寒溼痺頭痛目中  
痛不能久視欬逆項強關節炎肩臂痛腰痛四肢拘攣膝痛不能行步寒氣腹痛霍亂經痛子宮塞白帶等  
症均有效行於血循環能令血壓減少因祕走神經中樞被激致心肌受阻則血管舒縮中樞亦受阻是以  
血壓爲緩故於脈波洪數因血旺鼻竅心跳等症佐生地三七等藥服之能令脈數爲緩但至脈沈微欲絕

時如四肢厥逆霍亂吐瀉等症與乾薑等藥相配又能加增血壓有回陽通絡強心溫經之功故仲師四逆湯通脈四逆湯用之再走於腎經能激刺小便加多故桂枝加附子湯內用之主小便難療學云「此藥乃醫家爲重要之劑其效尤爲他藥不能及」但此藥功效雖多其毒性亦烈只在醫士臨症變化惟於虛弱症慎用若於局部神經系痛以烏頭素擦膏擦之有效惟於近目近口處不可用此藥能惹胃足分劑多令人眩暈嘔吐金匱烏頭桂枝湯云「加至五合其知者如醉狀得吐者爲中病」此係烏頭入腦及惹胃之力毒分劑則致呼吸中樞被癱脈波弛緩以至心舒停止而死

【考證】

本草經烏頭天雄附子雖分三名而主治相同惟烏頭條下有可爲射罔殺禽獸等語別錄云「烏頭生


朗陵」屬河南  
許山縣李時珍以川產者爲烏頭他處爲草烏頭實大誤近世烏頭附子天雄側子皆用四川人工

產者其形態與天產稍異其根粗圓而短（見後圖）其鮮質大者兩餘乾者約七八錢若天產鮮質至大不過四錢小者一二錢乾質大者約一二錢小者數分西國入藥統名烏頭非西國烏頭不生附子亦非棄去附子蓋烏頭附子天雄側子漏蓋子其性味皆同實不能強爲分別獨恨雷斃云「隊附烏雄側中毗者服之令人喪目」自欺欺世誠醫藥界之罪人也予曾以天產之烏頭附子等爲末試服三厘至一小時覺腦中如感電機顫動迅速而動力輕浮微茫如分劑再加卽至眩暈因知此藥先至腦部故漢霍顯使醫淳

于衍以烏頭毒皇后曰我頭岑岑也或謂中西烏頭其效用不類但余曾爲種種試驗其功用實相同其不同者中西用法有異耳中醫多用原質配藥煎服西醫多用烏頭酒單服而配劑較少故其取效與主治常覺不類非藥之本質有懸殊也別錄於烏頭等之修治云「採根陰乾」至雷斅與陶弘景云「熱灰炮製」由是炮製之法日益加多至宋乃有釀造之法明李中梓以薑汁鹽水煮之今四川人工產者均以鹽水煮熟色褐黑而光形如煮熟甘藷因此藥內含澱粉如被煮熟則體質已變而粘係糖化酵素作用（藥市以此爲生附子生烏頭實誤）及至藥房復用水浸必達至咀嚼無味切成薄片美其名曰淡附片俗醫往往用至兩許皆此造作物也陳修園云「按製藥始于雷公炮製荒謬難以悉舉要知此人名數宋時人非黃帝之雷公也」日人和田啓十郎云「後世修治之法甚煩去酷烈之本味棄偏性之毒氣使鈍弱無能之物而欲以除毒治病是猶緣木求魚也蓋藥之本性在毒無毒則不成藥豈能專司修治以洩藥之毒耶」夫藥之大毒小毒以病當之以分劑計之何毒之有本經凡例云「若用毒藥療病先起如黍粟病去卽止不去倍之不去十之取去爲度」可知用毒藥再慎其劑量非去其毒而後用也再西醫之用藥多提取元素去其精粕如烏頭素（西名厄哥尼顛）以極淡之溶液（如千分之一）嘗之能令唇舌麻刺而執近中醫之用藥乃去其元素取其糟粕反謂之去毒精製不思既用毒藥又去其毒何如不用之爲愈烏

頭附子等雖極毒而入藥主治之功能則為諸藥所莫及單服者甚少宜與他藥並用為妙明其病理與分劑即勿須畏其毒能用毒藥方為良醫夫兵者凶器也而仁人用之可以救民用藥通乎用兵也故內經多稱毒藥周禮曰「聚毒藥以供醫事」淮南子云「天下之物莫凶於奚毒然而良醫橐而藏之有所用也」李時珍云「吾斬郝知府自負知醫因癱服草烏頭木鱉子藥過多甫入腹而麻痺遂至不救可不慎乎」余謂郝氏之死非死於毒乃死於不善用毒耳李氏又云「李東垣治馮翰林姪陰盛格陽傷寒面赤煩渴引飲脈來七八至按之則散用薑附湯加人參投半斤服之得汗而愈此則神聖之妙也」按以上所云陰盛格陽其脈七八至面目赤而煩渴者無一非烏頭之正治用之而效固其宜也又何神奇之有李氏不知乃以不奇為奇非所謂習非勝是者歟惟云共投半斤則幸為製造無力之物如同啜粥噉飯否則立時致命矣金匱用烏頭約五方用天雄約一方用附子約十八方傷寒論用附子約十九方

全產 履質鳥




人王附子切 戊酉片形



古用皆天產也近日藥市  
 所稱之草烏頭折之內含  
 灰質形如朽木非澱粉質  
 此種不知何處所產管之  
 亦麻刺惟其力較澱粉質  
 者大遜徐之才云烏頭反  
 半夏括樓白斂貝母金匱  
 附子粳米湯係附子與半  
 夏合用（附子即烏頭之  
 旁生根）千金大鯨甲湯  
 大排風散蠻夷酒礬石圓

衛侯青膏皆為烏頭與半夏合用外台五噎丸五石鎮心丸大腹水瘕丸百病方係烏頭與半夏合用金匱  
 栝樓瞿麥丸係附子與栝樓合用千金大排風散係烏頭與栝樓合用千金八風十二痺散係烏頭與白斂



合用千金金牙散係烏頭與貝母合用蓋徐氏云烏頭相反之藥俱爲古方所並用也此藥內含烏頭素與本乍可甯及阿可甯並合一種烏頭酸

【修治】

烏頭附子天雄側子俱用原質此藥喜生深山向陰之地採根於春日及花後莖枯之時洗去泥土及根鬚輕刮去外皮陰乾收藏用時搗碎採子於成熟之後採葉於夏日陰乾用之今藥市以川產之熟附子烏頭等再入水浸夏則三日冬則七日每日換水兩次洗之至辛味殆盡始切片售之

【分劑】

原劑煎服半至一錢半(原質係陰乾之質內含澱粉非四川以鹽水煮熟之質藥市謂之生附子實誤)  
烏頭素(厄哥尼頭) *Aconitina* 由烏頭等提出無色透明稜柱晶不可內服可作擦膏用之

烏頭酒 *Tinctura Aconiti* 烏頭爲末一分酒八分製成(分劑)五至十五量滴

烏頭素擦膏 *Unguentum Aconitinae* 烏頭素八厘酒三十滴豬脂一兩以酒將藥化開入豬脂內調勻爲度治神經痛擦於患處有效若破皮及近眼處忌用此藥極毒恐毒吸入宜慎之

茯苓

本草經

茯苓味甘平主胸脅逆氣憂悲驚邪恐悸心下結痛寒熱煩滿欬逆口焦舌乾利小便久服安魂養神

不飢延年一名茯菟

### 名醫別錄

無毒止消渴好睡大腹淋瀝膈中痰水水腫淋結開胸膈調臟氣伐腎邪長陰益氣力保神守中  
其有抱根者名茯神茯神平主辟不祥療風眩風虛五勞口乾止驚悸多悲怒善忘開心益智安魂魄養精  
神生泰山山谷大松下二月八月採陰乾

### 陶弘景

今出鬱州彼土人乃假研松作之形多小虛赤不佳自然成者大如三四升器外皮黑細皺內堅白形  
如鳥獸龜鼈者良作丸散者皆先煮之兩三沸乃切暴乾白色者補赤色者利俗用甚多（下畧）

### 圖經本草

茯苓生泰山山谷今秦華嵩山中嶽屬河南皆有之出大松下附根而生無苗葉花實作塊如拳在土底

大者至數斤似人形龜形者佳皮黑肉有赤白二種或云是多年松脂流入土中變成或云假松氣於本根  
上生今東人採之法山中古松久爲人斬伐者其枯折槎枿枝葉不復上生者謂之茯苓撥見之卽於四面  
丈餘地內以鉄頭錐刺地如有茯苓則錐固不可拔於是掘土取之其撥大者茯苓亦大皆自作塊不附著  
根上其抱根而輕虛者爲茯神然則假氣而生者其說勝矣二月八月採者良皆陰乾（下略）

### 本草衍義

茯苓乃樵斫訖多年松根之氣所生此蓋根之氣味噫鬱未絕故爲是物然亦由土地宜與不宜  
其津氣盛者方發泄於外結爲茯苓故不抱根而成物既離其本體則有茯之義茯神者其根但有津氣而

不甚盛故止能伏結於本根既不離其本故曰茯神此物行水之功多益心脾不可闕也或曰松既樵矣而根尚能生物乎答曰如馬勃菌五芝木耳石耳之類皆生於枯木石糞土之上精英未淪安得不爲物也其上有莖絲下有茯苓之說甚爲輕信

**植物名實圖考**

茯苓本經上品附松根而生今以滇產者爲上歲貢僅二枚重二十餘斤皮潤細作水波紋極堅實他處皆以松截斷埋於山中經三載木腐而茯苓成皮糙黑而質鬆用之無力然山木皆以此剪薙尤能竭地力故種茯苓之山多變童阜而沙崩石阻阻遏溪流其害在遠聞新安人禁之

**萬國藥方**

*Pachyna coos* 此藥出中國北方等處屬腐木類在松根上寄生

(功用) 開胃解熱西醫不入藥用

**華亭述言**

**【產地】** 古稱產於泰山嵩山者爲佳今多產雲南

**【形態】** 芝柄科地中菌屬寄生地下截斷之松根其形成塊大小不等大者數斤小者數兩天產者體堅實外皮褐黑有縐紋內白爲澱粉切片影於日光內含波紋

**【主治】** 無毒無臭無味主利尿消水腫生津止渴潤燥化痰止驚悸心下結痛胸脇逆氣煩滿

【考證】

衍義云「乃樵斫訖多年松根之氣所生如馬勃菌五芝木耳之類」圖考云「人工產者以松截斷埋於山中經三載木腐而茯苓成」蓋松根斷於土中約經五六載後即生出一種菌蕈之物本經名曰茯苓別錄以抱根者謂之茯神至陶弘景始分赤白考白茯苓係黑松（松皮色黑故名黑松）所產赤茯苓係赤松（松芽及樹皮呈赤色者故名赤松）所產陶氏以白者補赤者利此又用分析赤白芍藥之法而演之皆斤斤以色為判也李時珍又專立茯苓皮條云「主水腫膚脹開水道開腠理」本草從新亦云「以皮行皮之義」蓋茯苓本為利水之藥何曾以皮專療水腫惟分劑加多則利尿頻數耳故於表證用者甚少因小便加多則津液失大便反艱故仲景云「屬府者不令溲數溲數則大便艱」金匱用茯苓約二十八方傷寒論約十六方多為利水潤燥止悸之劑此藥內含匹克聖

【修治】

採無時洗去泥土刮去皮切成小塊存貯勿洩氣雷斃云「凡用心去皮搗細於水盆中攪濁浮者瀝去之此是茯苓赤筋若誤服餌令人瞳子并黑睛小兼盲目」茯苓本無毒云誤服

茯苓



能令腫縮兼盲目乃嚙語耳陶氏云先煮兩三沸亦大不可

【分劑】 煎服一錢至一兩

### 地榆

#### 本草經

地榆味苦微寒主婦人乳痃痛七傷帶下十二病止痛除惡肉止汗療金瘡

#### 名醫別錄

甘酸無毒主止濃血諸瘦惡瘡熱瘡消酒除消渴補絕傷產後內塞可作金瘡膏生桐柏山名屬河南桐柏縣

及宛甸山谷二月八月採根暴乾

#### 陶弘景

今近道處處有葉似榆而長初生布地而花子紫黑色如鼓故名玉鼓一莖長直上根亦入釀酒道方

燒作灰能爛石也乏茗時用葉作飲亦好

#### 圖經本草

地榆生桐柏及宛甸山谷今處處有之宿根三月內生苗初生布地莖直高三四尺對分出葉葉

似榆狹細長作鋸齒狀青色七月開花如樺子紫黑色根外黑裏紅似柳根二月八月採乾

#### 萬國藥方

Hedysarum 此藥出中國湖南湖北等處入藥用根酒醋均能提出功力

(功用) 收斂止血崩經漏

(服法) 配醋酒等用

### 華亭述言

【產地】 各地皆產以山東河南產者較良

【形態】 薔薇科地榆屬多年生草本莖高二三尺初為根出葉至夏抽莖互生羽狀複葉其葉有大小二種每小

葉卵圓形或橢圓葉緣鋸齒狀如榆葉故名之秋日莖端開小紫花集生橢圓形畧如桑椹子其根為塊根

長短不等長者五六寸徑約五六分外皮褐黑

內黃白

【主治】 入藥用根有小毒無臭味苦澇而酸主赤白

帶經漏血崩消渴止汗乳痲痛諸瘻惡瘡熱瘡

除惡肉金瘡止膿血痛調敷治湯火傷疔瘡潰

爛以藥末撒之有效金瘡敷之有止血之力

【考證】 綱目云「地榆除下焦熱治大小便血證止

血取上截切片炒用其稍則能行血不可不知



「李氏言之津津以為心得而備要與從新不察即隨聲附和云」取上截炒黑用稍反行血「由斯醫方中多稱地榆炭矣考地榆味澆有斂性故於婦科白帶經瀉血崩用之係本性所使非因炒成炭素而後然也

【修治】 採於春秋洗去泥土剝去外皮切厚片曬乾收藏

【分劑】 煎服半至三錢

### 巴豆

本草經 巴豆味辛溫主傷寒溫瘧寒熱破癥瘕結聚堅積留飲痰癖大腹水脹蕩滌五臟六腑並開通閉塞利

水穀道去惡肉除鬼毒蠱疰邪物殺蟲魚一名巴椒

名醫別錄 生溫熱寒有大毒療女子月閉爛胎金瘡膿血不利丈夫除殺斑蝥毒可鍊餌之益血脈令人色

好變化與鬼神通生巴郡今四川巴縣川谷八月採陰乾用之去心皮

陶弘景 出巴郡似大豆最能瀉人新者佳用之皆去心皮乃秤又熬令黃黑別擣如膏乃和丸散爾道方亦有

鍊餌法服之乃可神仙人吞一枚便欲死而鼠食之三年重三十斤物性乃有相耐如此爾

圖經本草 巴豆出巴郡川谷今嘉眉嘉州今四川樂山縣眉州今四川眉山縣戎川皆有之木高一二丈葉如櫻桃而厚大初生青後

漸黃赤至十二月葉漸凋二月復漸生至四月舊葉落盡新葉齊生卽花發成穗微黃色五六月結實作房生青至八月熟而黃類白豆蔻漸漸自落卽收之一房有三瓣一瓣有實一粒一房共實三粒也戎州出者殼上有縱文隱起如線一道至兩三道彼土人呼爲金線巴豆最爲上等他處亦稀有

### 本草綱目

油主治中風痰厥氣厥中惡喉痹一切急病咽喉不通牙關緊閉以研爛巴豆綿紙包壓取油作燃點燈吹滅熏鼻中或用熱烟刺入喉內卽時出涎或惡血便甦又舌上無故出血以熏舌之上下自止

### 萬國藥方

*Arolonis oleum* 此藥出印度及中國等處油從巴豆子內榨出色本清後棕而黃味辛而悶其子

西醫不入藥用

(功用) 重瀉暴瀉宜慎用

(主治) 大便乾結中風昏倒疹子後變癍症

(服法) 每服一厘三分之一至一厘治膨症宜用一厘八分之一至四分之一加白樹膠漿水糖汽水和服或用香油調服亦可

(外用) 弔炎治風濕酒風脚腦氣筋疼癩癰結核胸內諸病均照病患各部搽之

(解藥) 解此毒先服吐劑後服阿片潤水類

賀氏療學

*Oleum tiglii* 巴豆油由一類樹子榨出之油產於印度中國等處其色淡黃敷於皮上有生皰之力如以此油一量滴與俄利乏（洋橄欖）油五量滴置於舌上過一旬鐘大顯瀉水之效腦充血如不省人事服之最妙因其分劑無多功效甚速昏謔症亦可用之顛狂者兼有腦充血及大便乾燥等患此為最妙之劑分劑一量滴加俄利乏油少許置於舌上或製乳藥服之俱可若腸胃被刺激者忌用腦經系幹觸痛或枝氣管炎加俄利乏油等分敷於患處有外惹內效之功倘為吸收必有瀉腹之虞服此藥過度以醫腸胃炎之藥療之

藥料詳要

*Croton oil* 巴豆油由巴豆 *Croton tiglium* 之子榨出黃絳色或紅絳色稠粘流質臭惡味辛而灼舌巴豆子橢圓形大如咖啡豆灰絳色無臭其油內含行效之酸名巴豆油酸外敷於皮覺如火灼為最烈刺激之品其皮先紅繼生小粒旋即起皰須待數日始能結痂痂落成痕昔人用為外惹內效藥近年用之較少內服此油有極大之刺激力能令喉部灼痛胸膛覺熱或嘔吐且為重瀉之藥服後一二小時瀉效即顯初為半乾之糞然於十二小時內水瀉數次兼有絞腸之痛此效未至小腸首段瀉力即行大約半由反應之力與胃系受刺激所致在數種腦流血症或腸閉塞或大便結曾用他瀉藥無效者此為合宜之品不但能令速瀉且大減血壓之力在中風不省人事最為使用之藥其分劑甚少可與牛乳等調和置於

舌上易於咽下但其性最烈於腸胃炎禁用

### 華亭述言

【產地】 產於四川印度等處

【形態】 大戟科巴豆屬常綠喬木高丈餘葉互生卵圓形而尖網脈葉緣鋸齒葉基有二密線夏日稍頭開小黃

白花雄花居上部雌花居下部果實八月成熟外壳色黃每壳多爲三房每房含豆一粒形橢圓而扁外壳色褐內仁黃白體長三四分徑約二分許

【主治】 入藥用豆及油有毒味辛熱主急性腦充血腸內積聚便結破癥瘕留飲大腹水脹通經閉若腸胃炎禁

用外用油與斑蝥酒草麻油樟腦酒等作生髮劑有效與白柴油火酒治筋扭肌痺症搽患處

【考證】 巴豆入口嘗至三分鐘辛熱始顯其刺激如火燒辛熱留於口中約二小時方退此藥開關通竅最速故

於急性腦充血用之有效學者畏其力猛罕用之亦有慎之太過處但於虛人便結則須禁忌按巴豆入煎劑者少丸散較多如傷寒論之白散卽是余於湯劑用巴豆爲末以煎汁沖服若以三粒與他藥同煎乃無瀉效而以三粒沖服其效乃立顯陶氏云吞一枚便欲死殊不然予見六歲之幼女誤食巴豆五粒惟洩腹而已凡爲洩劑欲止之須先備粳米粥冷飲卽止此卽療學云以醫腸胃炎之藥療之卽此理也西醫純用

其油中醫古無取油之法至李時珍始用紙包壓取油療中風氣厥等之急性與西醫以油療腦充血相同  
 近以巴豆仁用紙包壓去油名巴豆霜是為大誤宋王碩云「巴豆不壓油而用之」蓋巴豆瀉力在油去  
 之即成精粕矣幸而出油未淨尚存微效耳按巴豆大論中白散用之云「寒實結胸無熱證者與三物小  
 陷胸湯白散亦可服」至外台名桔梗白散主治肺癰故後世收入金匱肺癰篇中而大論白散未主肺癰

即金匱肺癰篇中亦無此方究白散是否能醫肺癰  
 余亦未曾實驗藥徵以桔梗白散主「欬而胸滿及  
 吐膿」非金匱中語乃外台之主治也此藥內含巴  
 豆酸與數種固定油及揮發酸

【修治】 採於熟時晒乾入瓶勿洩氣否則易蛀用時帶壳

搗碎煎服

【分劑】 巴豆仁散服一至三粒煎服一至五粒巴豆油半

至一量滴



# 地骨

## 本草經

枸杞味苦寒主五內邪氣熱中消渴周痺久服堅筋骨輕身不老一名杞根一名地骨一名枸杞一名

地輔

## 爾雅

枸檮註今枸杞也

## 詩經

集於苞杞陸璣疏杞其樹如檮一名苦杞一名地骨春生作羹茄微苦其莖似莓子秋熟正赤莖葉及子

服之輕身益氣

## 名醫別錄

根大寒子微寒無毒主風濕下胸脅氣客熱頭痛補內傷大勞噓吸堅筋骨強陰利大小腸耐寒

暑一名羊乳一名卻暑

一本名卻老

一名仙人杖一名西王母杖生常山

陽浙江金華道

平澤及諸邱陵阪岸冬採根春

夏採葉秋採莖實陰乾

## 陶弘景

今出堂邑

蜀山東東臨道

而石頭烽火樓下最多其葉可作藥味小苦俗諺云去家千里勿食羅摩枸杞此言

其補血益精氣強盛陰道也羅摩一名苦丸葉厚大作藤生摘之有白乳汁人家多種之可生噉亦蒸食

也枸杞根實為服食家用其說甚美仙人之杖遠有旨乎

枸杞生常山平澤及邱陵阪岸今處處有之春生苗葉如石榴葉而軟薄堪食俗呼爲甜菜其莖幹高三五尺作叢六月七月生小紅紫花隨便結仁實形微長如棗核其根名地骨春夏採葉秋採莖實冬採根（中畧）今人相傳謂枸杞與枸棘二種相類其實形長而枝無刺者真枸杞也圓而有刺者枸棘也枸棘不堪入藥而下品澠疏條注李當之云子似枸杞冬月熟色赤味甘苦蘇恭云形似空疏木高丈許白皮其子八月九月熟似枸杞子味甘而兩兩相並今註云雖相似然澠疏有刺枸杞無刺以此爲別是二物相似而二物又有別澠疏亦有巨骨之名如枸杞謂之地骨當亦相類用之宜細辨耳或云澠疏以高大爲別是不然也今枸杞極有高大者其入藥乃神良（下畧）

夢溪筆談

枸杞陝西極邊生者高丈餘大可作柱葉長數寸無刺根皮如厚朴甘美異於他處者千金翼云甘州者爲真葉厚大者是大抵出河西諸郡其次江淮間埂上者實圓如櫻桃全少核暴乾如餅極膏潤有

味

萬國藥方

*Berberis lycium* 此藥出江蘇河南陝西甘肅等處用樹根之皮

（功用）補劑解瘧發表

華亭述言

【產地】 各地均產惟甘肅產者良

【形態】 茄科枸杞屬落葉灌木枝呈蔓狀其種有二（一）初生嫩枝其葉互生披針形全緣網脈老幹葉叢生

倒卵形夏日開花結實七月重花八月又實故圖經云隨便結實花梗細長五分合瓣花頂端五裂色紫雄蕊五枚雌蕊一枚實爲漿果長約一寸形狀如茄色鮮紅如珊瑚光彩奪目內含小種數枚色白其根黃白如骨（一）爲互生橢圓葉徑約半至一寸長約一至二寸網脈全緣秋日結實花色與上同惟花梗甚短漿果長三四分其色與根與上同惟種子較多

【主治】 入藥用根皮味苦澀主邪熱消渴涼血止渴清胃火

【考證】 圖經云如石榴葉其實形長卽余所云之披針葉者圖經云圓而有刺爲枸棘者卽余所云之橢圓葉者

按以上二種皆無刺惟橢圓葉者其旁之短枝枯後其端尖銳如刺實非刺也予得甘州枸杞蒔於園中卽圖經所云之石榴葉其實長約一寸山東所產皆橢圓葉實小而種多夢溪筆談與李時珍所云實圓如櫻桃者予未得見有以瘦疏爲枸杞或枸棘者誤矣按瘦疏葉緣鋸齒面背粗糙夏由稍端開圓錐花序色白與枸杞迥異本經云枸杞味苦寒主五內邪熱消渴等症係指枸杞爲根故一名杞根一名地骨蓋本經未嘗以實入藥至別錄云根大寒子微寒無毒後世以枸杞爲子實故本書以本經地骨爲名因世醫以子實

有補腎益精之效陶氏引諺云「去家千里無食枸杞」極言其強盛陰道之效也備要與從新俱附會之余自植甘州枸杞每年結實數斤且獨居十年矣連日食之竟毫無所覺盡信書則不如無書學者豈可人云亦云乎

【修治】

採根於春秋洗去泥土剝其皮寸解晒乾存貯

【分劑】

煎服半至四錢

貫衆

四名非利瑪

本草經

貫衆味苦微寒主腹中邪熱氣諸毒殺三虫一名貫節一名貫渠一名百頭一名虎卷一名扁苻

爾雅

深貫衆注葉員銳莖毛黑布地冬不死一名貫渠廣雅云貫節

名醫別錄

有毒去寸白破癥瘕除頭風止金瘡花療惡瘡令人洩一名伯萍一名藥藻此謂草鷓頭生玄山



枸杞

山谷及宛甸少室山二月八月採根陰乾

### 陶弘景

近道亦有葉如大蕨其根形色毛芒全似老鷓頭故呼爲草鷓頭

### 圖經本草

貫衆生玄山山谷及宛甸少室山今陝西河東州郡及荆襄間多有之而少有花者春生苗赤葉

大如蕨莖幹三稜葉綠色似小雞翎又云鳳尾草根紫黑色形如大瓜下有黑鬚毛又似老鷓三月採根曬乾荆南人取根爲末水調服一錢匕止鼻血有效

### 萬國藥方

*Flix-masi Aspidium* 此藥出英國及亞非利加等處入藥用該草之根其色深綠味苦而辛

(功用) 微補收斂殺虫治扁虫妙今但爲此用研末服之候兩點鐘再服大瀉劑助瀉

(分劑) 六十至一百八十厘

### 賀氏療學

此藥係一類草根產於印度爲殺帶虫上品其力惟遜於石榴印未服之先必禁飲食十二小時使虫無食物之助於早晨服一劑過半小時再服一劑後服硫酸鎂一劑迨受毒之虫瀉下再用飲食卽視帶虫有頭否如無頭必如法再服否則帶虫仍能生長服毒分劑則胃腸受其激刺以致瀉腹如藥吸收先則腦部受阻以至癱換後至腦力脫失而殞命服此藥之脂油如過一量錢半不爲無險日本有二名醫查明草麻油有助此藥吸收故二藥同服易於中毒

**英國藥制**

貫衆乃水龍骨科貫衆之根莖秋末採集剝去其根葉及枯死之部份細心令乾不堪存至一年以上（中畧）此劑補而稍收斂其流膏大抵作殺虫劑以治繸虫蓋爲各種繸虫之毒藥

**華亭述言**

**【產地】** 各地皆產

**【形態】** 羊齒門羊齒類水龍骨科貫衆屬隱花植物多年生草本葉自根莖互生爲羽狀複葉每小葉呈楔狀全緣面光滑葉背生扁圓形不規則之子囊羣莖葉約長一二尺其根爲根莖長數寸上附歷年不朽之葉基作刺狀全個畧似猬

**【主治】** 入藥用根有毒味先甜後澆主解毒破癥瘕惡瘡金瘡止血殺寸白（卽帶虫因節斷約寸而白故名寸白）治寸白之法須於夜餐不食待至明晨以貫衆飲服之其虫卽下（方見後）先將藥煎兩次合勻分爲二劑先服一劑至半小時服硫酸鎂（洋朴硝）五六錢至二小時再服第二劑瀉腹時以器盛之待寸白瀉下用水洗淨驗其有頭否若無頭仍須再服蓋虫頭未下仍可再生外用若受汞毒致牙活動眼腫流血口流涎液不能食物以貫衆煎水漱之有效（方見後）

**【考證】** 別錄云花療惡瘡有誤因此藥爲隱花植物故蘇頌云少有花者別錄云寸白卽西醫所云之帶虫別錄

云令人洩此服過分劑故療學云「服毒分劑則胃腸受其激刺以致瀉腹」此藥有毒如藥力吸收至腦部受阻以至癱瘓而損命矣此藥西名非利瑪內含一種黃色晶形原素名非利酸與固定油及揮發油並鞣酸等質但未會提出分用西醫殺帶虫多用非利瑪流膏

【修治】

採於春秋洗去泥土晒乾收藏勿洩氣英國藥制云不堪存至一年因無力耳

【分劑】

煎服半至三錢

【貫衆飲】

貫衆 三至五錢 檳榔 一兩 石榴根皮 半至一錢 以此藥煎二次合勻分爲二服治帶虫有效

（非利瑪流膏）

Extractum feleis liquidum

（分劑）十五至六十量滴此膏專治帶虫

卽由貫衆製出之流膏也

【漱口方】

貫衆 一兩 黃連 四錢 冰片 五分 先

將貫衆黃連煎汁沖化冰片涼時頻漱有效



### 麝香

#### 本草經

麝香味辛溫主辟惡氣殺鬼精物溫虐蠱毒痼瘡去三蟲久服除邪不夢寤寤寐

#### 名醫別錄

無毒療諸凶邪鬼氣中惡心腹暴痛脹急痞滿風毒婦人產難墮胎去面翳目中膚翳通神仙生

中臺川谷及益州雍州山谷春分取之生者益良

#### 陶弘景

麝形似麋而小黑色常食柏葉又噉蛇其香正在陰莖前皮內別有膜袋裹之五月得香往往有蛇皮

骨今人又蛇脫皮裹香云彌香是相使也麝夏月食蛇蟲多至寒則香滿入春臍內急痛自以爪剔出着屎

溺中覆之常在一處不移曾有遇得乃至一斗五升者此香絕勝殺取者昔人云是精溺凝作殊不爾也今

出羌夷者多真好出隨郡屬湖北義陽在河南桐晉漢諸蠻中者亞之出益州者形扁仍以皮膜裹之多偽凡

真香一子分作三四子刮去血膜雜以餘物裹以四足膝皮而貨之貨者又復偽之彼人言但破看一片毛

共在囊中者為勝今惟得活者看取必當全真耳佩服及置枕間辟惡夢及尸疰鬼氣又療蛇毒

#### 圖經本草

麝生中臺川谷及益州雍州山谷今陝西益州河東諸路山中皆有而秦州今甘肅文州屬甘肅諸

蠻中尤多蘄州今湖北光州今河南潢川縣或時亦有其香絕小一子纔若彈丸往往是真蓋彼人不甚作偽爾其香

有二等第一生香名遺香乃麝自剔出者然極難得價同明珠其香聚處遠近草木不生或焦黃也今人帶香過園林則瓜果皆不實是其驗也其次臍香乃捕得殺取之其三心結香乃獸見大獸捕逐驚畏失心狂者墜死人有得之破心見血流出脾上作乾血塊者不堪入藥又有一種水麝其香更奇臍中皆水瀝一滴於斗水中用洒衣物其香不歇唐天寶中虞人曾一獻之養於囿中每以針刺其臍捻以真雄黃則臍復合其香倍于肉麝此說載在酉陽雜俎近不復聞有之或有之而人不識矣

### 本草綱目

麝居山巖居澤以此爲別麝出西北者香結實出東南者謂之士麝亦可用而力次之南中靈貓囊其氣如麝人以雜之見本條

### 萬國藥方

Moschus 此藥多出滿洲西藏等處乃麝鹿陰莖前膜袋所裹之香色紅而棕別具一種大氣息

(功用) 行氣解轉筋行血

(主治) 病人虛弱心悸久暖氣

(分劑) 五至十厘

### 賀氏療學

此藥多出西藏乃麝鹿陽莖前袋所含者香味甚濃藥市所售多不純

(療效) 此藥有補力之效並有解抽平腦之功各類低熱症如其力過於微弱致腦部受阻宜以此藥五

至十噲加以澱粉水射入肛內有效如腦系受激或腦力失脫此藥有功但不可早用須至危急時用之可使病者出此危險若早用之則藥力漸失及至病危之時反無功用矣呃逆重症此為最妙之品

藥料詳要

麝香係麝 *Moschus Moschiferus*? 之陽莖包頭所生之泌結成乾物紅降色或紅黑色其形不等之粒所成滑澤而有特臭其臭極善佈散且觸之歷久仍存味微苦麝香原含於橢圓形之袋內袋之位置居臍與陽莖之間而去陽莖尤近在皮下貼近腹肌市中售者袋外有粒硬短毛在袋口重重環繞袋之內面光滑

華亭述言

【產地】 古產陝西四川河南等處今不適生存雲南產者為佳今西比利亞南部多產麝香

【形態】 屬脊椎動物哺乳類有胎盤類有蹄類反芻偶蹄類麝科體小形似鹿高二尺許長三尺毛長而縮色灰褐自頸至脚有白斑二條雄雌俱無角耳殼大雄有細長犬齒露於口外長約三寸雄者腹部生一線囊在臍與陰部之間分泌之物名麝香此囊形卵圓或輪圓小者如粟大者如雞卵下扁平上陷凹有毛被之作迴旋狀中央有一小孔外皮似革內膜殊薄中藏分泌之物鮮時稠厚如膏乾時成大小不等之顆粒色褐黑每產四子產不一處雄至交尾期則香腺發達

【主治】 有毒味畧辛苦香臭濃烈嗅之令人頭痛主通竅行氣平腦系解痲癢止呃逆心腹痛痞滿

【考證】 麝香雲南產者香氣濃烈其囊大者如鷄卵皮囊及毛作赭褐色西比利亞產者多馨香皮囊及毛俱作

灰白色卽俗名白毛麝香其囊小者如栗其香較遜若麝牛麝貓麝鼠之香尤爲遜矣此香遇硫黃與木炭及動物炭其香卽消化矣雷斅云「凡使多有僞者不如不用其香有三等一名遺香乃是子臍閉滿自於石上用蹄尖剔出落處一里草木不生並焦黃人若取得此香價與珍珠同也二名臍香採得甚堪用三名


結香被大獸捕逐驚畏墜死被人取得擘破見心血在臍上結作一個

麝

乾血塊不堪入藥凡使麝香勿近火日磁鉢中細研任用」雷氏遺香結香之說已妄極矣陶氏乃重演之世人且信守勿替吾國醫藥學迄今未脫神話意味殊堪浩嘆此藥內含一種香精其化學性未曾查悉及脂肪膠質蛋白質纖維質無機鹽類安母尼亞水分質

【修治】 用刀剖開腺囊將麝香取淨收入瓶中勿洩氣

【分劑】 五釐至一分半



## 水蛭

### 本草經

水蛭味鹹平主逐惡血瘀血月閉破血瘕積聚無子利水道一名蛟

### 名醫別錄

苦微寒有毒主墮胎一名至掌生雷澤池澤五月六月採暴乾

### 陶弘景

處處河池有之蛟有數種以水中馬蟻得嚙人腹中有血者乾之爲佳山蛟及諸小者皆不堪用楚王

食寒俎見蛭吞之果能去結積雖曰陰祐亦是物性兼然

### 唐本草

有水蛭草蛭大者長尺許並能啞牛馬人血今俗多水中小者用之大效不必食人血滿腹者其草蛭

在深山草中人行卽着脛股不覺入於肉中產育爲害山人自有療法

### 萬國藥方

Indo 此虫中西均有惟身體緊小而有金黃點者佳

(功用) 吮血去炎猶中華之用鍼砭用此後若血流不止用止血劑如上磺強鉄水白礬沒石子末嗎提  
口濃鉄綠水銀丹錠等是也

### 藥料詳要

蛭有數種其體融和而光滑長約二寸兩端尖爲環節九十至一百連成背綠絳色有紅直帶六  
條腹綠黃有黑點或爲綠絳色而無點前段有小吸盤盤中有三波形之牙嘴後段有大吸盤蛭常用於外

皮吮血每次所出之血或爲吸出或爲迨後流出每次約半兩其功用令血減少爲外惹內效之法在盈血發炎或淺在皮膚或深在臟腑或心漲盈血皆可用之

### 賀氏療學

美國所用之蛭有二類皆出自歐洲至於中華之蛭今尙未詳無論何處發炎或積血以蛭吸患處之血必效蛭吸時由口中流出一種特別之液體能令血不凝結常有齧破之後致血流不止此係該液體之力腦膜炎置蛭於左右顳與項等處吸之有效結合膜炎或他類眼症置蛭於顳或耳後（切不可置於臉上）吸之俱效此法妙處不僅在吸血且有外惹內效之功用法先將吸處洗淨以蛭置於小玻璃盃內合於患處以免逸出如其不吸以乳加糖或血少許敷於該處引之亦可如吸血已足仍吸不止以礮化鈉撒於其身立止每一蛭吸血約一量錢吸畢宜洗淨該處以止血流如血不止以絨布蘸止血藥覆之或用布捲纏裹其血必止吸處所留之癢痕雖不大究不可用於面上

### 華亭述言

【產地】 產於池沼及水田中

【形態】 屬蠕形動物環虫類蛭類顎蛭類水蛭科體長而扁背黑綠有縱紋六條或五條腹色黃綠有黑點或無之全體生環節約九十至一百各環節皆有排泄器一對頭端左右有眼五對口在下面係三箇半圓形之

顎片合成顎片緣生細菌有嚼膚之力雄雌同體長約二寸八分寬約三分

【主治】 有毒無味主破瘀血通經閉逐惡血利水道癥瘕積聚食道癌及腸胃癌之初程

【考證】 西醫用活水蛭療炎症以作吸取其外惹內效之功無內服之用中醫內外皆用於外部吸血法以活


水蛭裝入竹筒內用時不令患者見之僞云筒內置藥能吸收瘀血將竹筒之蓋拔開速對於患處病者微覺刺痛待吸足時即將竹筒邊際用力一剝即取下將筒蓋合如四肢痛或關節炎用之取效甚速即不對症亦無妨礙西醫顯露於外患者往往畏之婦孺尤甚本草經主「逐惡血瘀血月閉破血癥積聚」因此物內含一種亞蛋白脈名水蛭素能化瘀血亦能使活血不凝陶氏云以水蛭嚼人則水蛭腹中有血者乾之為佳此係臆度與彼云蜚蠊須取噉牛馬血者同以為該物吸收他物之血始有破瘀之力不知破血在其液體非在血也別錄云「暴乾」後世皆炒枯黃大明云「以微火炒色黃乃熟不爾入腹生子為害」李時珍云「昔有途行飲水及食水菜誤吞水蛭入腹生子為害噉啞臟血腸痛黃瘦惟以田泥或播黃土水飲數斤則必盡下出也」陳藏器云「以火炙之經年得水尤活」由斯皆炒枯而後用則內含化瘀之液體已盡耗散失其效矣陶弘景云「楚王食寒俎見蛭吞之果能去結雖曰陰祐亦是物性兼然」李時珍云「按賈誼新書云楚惠王食寒俎得蛭恐監食當死遂吞之腹有疾而不能食令尹曰天道無親惟德是

輔王有仁德病不爲傷王病果愈此楚王吞蛭之事也王充論衡亦云蛭乃食血之虫楚王殆有積血之病故食蛭而病愈也與陶說相符」由斯觀之則水蛭之入腹只在破瘀入藥須用生質勿炙者力大因其水蛭素未耗故耳若如陳氏言以火炙之經年尙活是炒之亦不可用也金匱與傷寒論抵當湯用水蛭二十

條考水蛭有大小二種入藥用小者活時長約二寸七八分寬約三分乾質每條約重三四分今藥市所售之乾質長約二至四寸寬約四五分每條重六七分至一錢三四分以二十條之分劑計之可至二三兩入藥用條者不可不知有大小二種余用皆以分劑計之蘇恭云草蛭東醫名山蛭生於山谷之溼地體長圓如筒色褐人被所吸脫離後卽出血不止其性亦與水蛭素能阻血凝結之力耳

【分劑】 煎服二至四錢

斑蝥



水蛭

內口顎片形

本草經

斑蝥味辛主寒熱鬼疰蠱毒鼠瘻疥癬惡瘡疽蝕死肌破石癰

名醫別錄

寒有毒療血積傷人肌墮胎一名龍尾生河東川谷八月取陰乾

陶弘景

此一虫五變主療皆相似二三月在芫花上即呼為芫青四五月在王不留行草上即呼為王不留行  
蟲六七月在葛花上即呼為葛上亭長八九月在豆花上即呼為斑蝥九月十月復還地蟄即呼為地膽此  
是偽地膽耳為療猶同也其斑蝥大如巴豆甲上有黃黑斑點芫青黑色亭長身黑頭赤

唐本草

古今諸方並無王不留行虫若陶氏所言則四虫專在一處今地膽出幽州今河北涿縣芫青出甯州凡屬

國甘亭長出雍州斑蝥所在皆有四虫出四處可一歲周遊四州乎芫青斑蝥形段相似地膽狀貌大殊且

采自草葉上陶蓋浪言爾

圖經本草

斑蝥生河東山谷今處處有之四虫皆是一類但隨時變耳深師方云四月五月六月為葛上亭  
長七月為斑蝥九月十月為地膽今醫家知用芫青斑蝥而地膽亭長少使故不得詳也

本草綱目

按本經別錄四虫采取時月正與陶說相合深師方用亭長所註亦同自是一類隨其所居所出  
之時而命名爾蘇恭強開陶說亦自久明按太平御覽別神農本草經云春食芫花為芫青夏食葛花為亭  
長秋食豆花為斑蝥冬入地中為地膽黑頭赤尾其說甚明而唐宋校正者反失收取更致紛紜何哉陶氏

之王不留行虫雷氏之赤頭方藥未有用者要皆此類固可理推餘見地膽

### 萬國藥方

Cantharis 洋斑蝥西名甘道疊思此藥乃豆莢上飛虫出西班牙佛蘭西俄羅斯等國中國所產

狀殊而功力同內含一精卽甘道殿

(功用) 行氣利小便補陽

(主治) 久悸病類久白濁便澀陽痿內服斑蝥酒使用多服令小便熱痛宜慎用

(分劑) 一至二厘作丸用

(外用) 弔炎起水泡引病外出治肺體生炎心胞絡生炎肺胞膜生炎照胸前部位搽之

(解藥) 解此毒先服吐劑或用抽水節後服雅片與蓖麻油

### 賀氏療學

此藥乃一類之虫產於西班牙義大利西西力烏俄羅斯等國以俄羅斯產者爲上其起胞之能  
在乎所含之素名斑蝥素

(生理作用) 以此藥敷於皮上先有刺激力後則生胞如用之過多生胞必大或致藥力吸收而作燒痛  
服中分劑胃經覺暖泌尿生殖系統俱受其激惟腎經及尿道受感最重服毒分劑腰部痛甚膀胱與尿道灼  
痛陽莖強直甚至膀胱起急性炎致溺血小便先短後閉尿管口大痛最重者則陽莖陰道或有生瘍之患

且口渴思飲尿道發炎

(療效) 此藥有服敷二用可服者惟洋斑蝥酒有激子宮之效病者虛弱以致經閉此為妙劑腎經虛弱之晚程以致失其功用乃效若因嗜酒致腎脫膚久炎失其功用服之尤妙雖不能使之全愈亦能利小便使其病勢減輕腎盂炎膀胱久炎服之均效有悻症與年邁之婦人或咳或嘔或笑致有遺尿之患即久症亦常效莖舉硬痛服此酒半量滴日服二三次或效有名醫云若因貪色太過以致陽痿者服此藥酒五至八量滴與氫化高鈣酒(鈣氣酒)之足分劑並馬錢子等藥同服或不絕嗣但此係過分劑用之最宜謹慎蓋此藥不幾及毒分劑無激陰陽之效也久淋症與前列腺溢液等症服之有效外科醫士謂服此酒有醫牛皮癬溼疹苔癬癢疹等症但分劑必使胃腎不受刺激方為合宜外用此藥敷於皮上有外惹內效之力必致皮生皸有去積液之功故輕炎不用須重炎為宜亦不可用之過多恐被吸收有刺激腎經之患致有小便淋漓刺痛之虞腎積血或腎炎者不宜用此藥生皸蓋此類症易吸收藥力致有中毒之患有醫士云有人無腎炎之症敷此藥致患腎炎重症且受尿毒病又有醫士云用此藥酒半量滴加水四十量滴敷燙傷有效

藥料詳要

Cantharides 洋斑蝥係一種甲虫 Cantharis Viscatoria, 令乾長一寸四分之三至一寸寬

一寸四分之一有絳色透明薄翼外有綠色長翼殼覆之臭強而惡每百分含斑蝥素四至一分此素恐係酸質常得者爲無色彩薄片熱之則飛散最有刺激力其效多賴乎此外敷於皮發紅起皰其感腦系及血循環與芥末同其異處顯效時緩而力較烈如用貼膏閱數小時覺皮膚熱如火燒始起數小皰至八及十二小時卽合成一大皰若貼後六小時宜將貼膏取去用硼酸熱襪敷之則起皰較黃而舒暢若起皰後應慎意劃破皰內嫩皮敷以和平軟膏使其速愈按外惹內效之藥其功用無過斑蝥之廣在臄腑盈血發炎用斑蝥貼膏可使退散在大腦充血可敷於項背在急性胸膜炎心包炎腹膜炎腦膜炎均可用之或用於初程安撫其痛或用於末程以助其滲液又在急緩性之中程炎如肺炎關節炎均可激之退散在腦系炎與痛痺或有安撫之功在數種胃痛而吐者擦於胸部其痛或止有時以斑蝥酒和以他藥擦之於頭以激生髮在小兒或老年而弱者或患腎疾須謹慎用之在久臥床者不可擦於背臀等處因易患褥瘡總之不拘何部敷之須爲留意致免潰爛之弊

(內服)斑蝥有刺激口喉及胃經故宜服小分劑以斑蝥酒爲專用之品倘服毒分劑能令心經與呼吸及腦部之功用紊亂脈速頭痛知覺異常終至久竄而死如久服小分劑或致微血管或肝脾等變壞頗與中砒毒相似斑蝥素由腎排泄因借尿至胱及生殖器其顯效與直接相同故以小分劑能使會陰覺熱尿

道外口作癢若分劑較大能致腎管新炎以顯特殊之症如尿內少含血或尿閉或硬舉而痛故有以斑蝥為激陰陽之藥若係婦女或能令子宮充血以致月經行動在腎症或可用之利尿但未免過烈在遺精與久淋或有用以其太險故不為普通之用即敷於外皮宜須注意免其吸收入血以致顯其乖效

**英國藥制**

此素之液劑及其他斑蝥製劑用於禿髮症促進頭髮之生長並防止其脫落內服用極小劑量能利尿催慾兼可治癱瘓性之小便失禁但須謹慎免刺激腎臟

華亭述言

**【產地】** 中西皆產

**【形態】** 屬節肢動物昆蟲類鞘翅類斑蝥科體長五六分眼凸觸角十一節成鞭狀甲翼作黑色其兩側之中央

各含黃色但其色與大小隨地變更弗能一律

**【主治】** 有毒味腥微苦性麻刺主通腎利尿久淋石淋遺尿激子宮破血積通經閉鼠瘦惡瘡疽蝕死肌瘋狗咬

此藥宜與他藥配服外用引炎外出其效甚廣如急性喉炎腫痛以斑蝥帖膏帖於外部兼服湯液與刺法並施尤效

**【考證】** 陶氏云一虫而能隨時五變可謂善於變化矣蘇頌亦云隨時變化並引深師之說此等神話多由五代

而起故千金翼序云「晉宋方技既其無繼齊梁醫術曾何足云」誠哉是言本草綱目竟以蘇恭強闢陶說之誤（說見前）且以太平御覽所引之神農本草經云「春食芫花爲芫青夏食葛花爲亭長秋食豆花爲斑蝥冬入地中爲地膽」等說據爲真有其事何不察之甚也陶弘景云「此虫黑身赤頭如亭長之著玄衣赤幘故名也」試問著本經時何來玄衣赤幘之亭長予於戊辰秋捕斑蝥十數箇以豆花飼養之其於食時相爭食足則羣聚一處靜而不動觸之或飛或作假死五十餘日方斃既草此書至斑蝥條惟見本經云味辛餘書未詳其味及試嘗之初入口微苦而腥後卽麻刺難禁急漱之難盡去待三小時後則脣舌熱如火灼六小時後兩脣起泡數粒未幾卽合成一大泡惟舌無泡而燒痛飲食頗難數日始愈因知其毒之烈亦正其效之神如爲內服分劑尤宜謹慎其力在內含之素每百分含斑蝥素四至一分係無色光彩之薄片熱之卽升散此藥服足分劑多致尿道發炎而痛以鷄子清服之卽愈如服毒分劑能致久羸而死

【修治】 於秋日豆花開時捉入瓶中晒乾收藏

【分劑】 煎服一至二箇

（斑蝥酒）Tinctura cantharides斑蝥一份爲末酒八十份浸七日過淋紙爲度（分劑）倘服數次則

分劑二至五量滴若偶服之五至十五量滴

(斑蝥貼膏) *emp. astrum cantharidis* 斑蝥十二分 黃臘七分

軟肥皂三分 松香三分 猪脂十分 除斑蝥共入鍋鎔化再入斑

蝥調勻至涼為度用時攤於布上貼患處

(斑蝥素擦髮油) *linimentum cantharidis curato* 斑蝥

素一厘 醋酸伊打六錢 化勻再加酒三盞 草麻油一盞 拉變

大油十五量滴 共和勻為度擦髮際能使脫髮重生

### 朴消


又名 硫酸鈉 又名 鈉硃強礬 又名 磺強礬

### 本草經

朴消味苦寒主百病除寒熱邪氣逐六腑積聚結固留癖能化七十二種石鍊餌服之輕身神仙

### 名醫別錄

辛大寒無毒療胃中食飲熱結破留血閉絕停痰痞滿推除致新鍊之白如銀能寒能熱能滑能  
澀能辛能苦能鹹能酸入地千歲不變色青白者佳黃者傷人赤者殺人一名消石朴生益州山谷有鹹水



斑蝥

之陽採無時

別錄芒消味辛苦大寒主五臟積聚久熱胃閉除邪氣破留血腹中痰實結搏通血脈利大小便及月水破五淋推陳致新生於朴消

### 本草綱目

消有三品生西蜀者俗呼川消最勝生河東者俗呼鹽消次之生河北北青齊者俗呼土硝皆生于斥鹵之地彼人刮掃煎汁經宿結成狀如末鹽猶有沙土猥雜其色黃白故別錄云朴消黃者傷人赤者殺人須再以水煎化澄去滓脚入蘿蔔數枚同煮熟去蘿蔔傾入盆中經宿則結成白消如冰如蠟故俗呼爲盆消齊衛之消則底多而上面生細芒如鋒別錄所謂芒消者是也川晉之消則底少而面上生牙如圭角作六稜縱橫玲瓏洞徹可愛嘉祐本草所謂馬牙消者是也狀如白石英又名英消二消之底則通名朴消也取芒消英消再三以蘿蔔煎鍊去鹹味卽爲甜消以上消置之風中吹去水氣則輕白如粉卽爲風消以朴消芒消英消同甘草煎過鼎礮升蝦則爲玄明粉陶宏景及唐宋諸人皆不知諸消是一物但有精粗之異因名迷實謬猜亂度殊無指歸詳見消石正誤下

### 萬國藥方

Sodii sulphas 此藥生於土中或泉間由煎煉而成者亦有製造諸法或用磺強水與食鹽或青礬與食鹽或磺強阿摩尼亞與食鹽等等不一結冰色白過光味苦鹹而涼久存則原含之水化氣飛去變爲

白散分兩畧輕一半此卽玄明粉市肆所存土朴硝宜用法淨之方可內服

(功用) 瀉劑利小便解熱

(分劑) 一百十厘至一兩成散者減半服之

(外用) 去眼內雲翳研細末點之

### 賀氏療學

此藥爲瀉劑中最有力者故人服之較少惟醫畜用之人服之分劑半至一兩若腸胃炎者忌用服此藥必致水瀉並有腹痛之患喀婁巴水昏亞地亞奴水昏亞地阿怕水俱含此鹽近有名醫云微血管或大血管出血每小時服此鹽二厘有效或注射靜脈內大效但注射皮下無效

### 藥料詳要

硫酸鈉西俗名革老巴氏鹽 *Na<sub>2</sub>SO<sub>4</sub>* 華俗名朴消由氫化鈉與硫酸交感而成斜軸稜柱

晶透明無色露置則發花味鹹而苦此藥在體胸水腫腹水腫(由肝經所致)或匯靜脈盈血常用之取其水瀉之功此鹽亦爲尋常通腸之品

### 英國藥制

乃水瀉劑瀉劑乃催膽劑用於膽石及肝病皆有益於胃腸內刺激其蠕動

### 華亭述言

【產地】天產多生鹽地及湖澤之中

【形態】屬銻硝酸礦類含水硝酸鹽類其成分爲硫酸鈉天產者常見於湖澤之沿岸或與泥質攙合於湖澤之底著名之產地爲美國之窩民州之拉拉美及猶太之大鹽湖有黃赤色者須以水提淨色白結斜稜晶體光澤似玻璃透明至不透明如置空氣中水分飛散化成白散名風化消

【主治】有毒味苦鹹而涼主水瀉退熱除邪逐腸胃積聚水腫服之有吸收水分消腫之能肝病匯靜脈盈血用之  
常效

【考證】朴消西名硫酸鈉分天產人工二質人工者以食鹽與硫酸交感而成此藥之刺激力大於硫酸鎂（俗名洋朴消）西醫多用硫酸鎂用硫酸鈉（朴消）者甚少此藥單服劑三至五錢瀉效即顯并覺絞腸痛金匱用朴消約三方傷寒論約六方多與大黃並用如大承氣方之瀉腹實以朴消之力居多因朴消吸收腸內血管之水及激刺腸部之蠕動故有水瀉軟堅之功而大黃有感膽液之力推陳致新排出腸內醜壞之物末施收斂（參看大黃條）兼清胃火令人思食至於厚朴枳實專爲行氣開積以助朴消大黃下行之功免去朴消絞腸之患如西醫用瀉劑而佐以丁香茴香等藥同一理焉此藥性味與硝石（火硝）相似王好古湯液本草以朴消與硝石爲一物云「硝石者硝之總名也但不經火者謂之生硝硃硝經火者謂之益硝芒硝」不知硝石又名火硝西名硝酸鉀屬鉀鹽之物其質入火即焰故又名焰硝醫學大辭典亦

以硝石爲硫酸鈉實誤古人多以硝石與朴消牽混李仕材藥性賦解與藥徵亦以硝石爲朴消

【修治】以天產朴消加水沖化去渣候結晶去水以紙吸收水分入瓶存貯勿透空氣若不結晶再入朴消一塊卽

結晶矣

【分劑】沖服一至三錢煎服二至五錢

## 石灰

本草經

石灰味辛溫主疽瘍疥癢熱氣惡瘡癩疾死肌墮眉殺痔虫去黑子息肉一名壘灰

名醫別錄

有毒療髓骨疽一名希灰生中山川谷

陶弘景

近山生石青白色作甯燒竟以水沃之卽熱蒸而解俗名石壘性至烈人以度酒飲之則腹痛下利古

今多以搗塚用捍水而辟虫故名塚中水洗諸瘡皆卽瘥

圖經本草

石灰生中山川谷今所在近山處皆有之燒青石爲灰也又名石塚有風化水化二種風化者取

煨了石置風中自解此爲有力水化者以水沃之熱蒸而解其力差劣

萬國藥方

Q<sub>2</sub>X生石灰卽青石燒灰未見水者成塊色白遇水溼卽鬆漲變爲熟石灰製法生石灰三十二

分汽水二十分用水將石灰化爲粉過羅入玻塞瓶爲度不耐久存臨用現配可也此藥粉色白味鹹屬反酸丹類

(功用) 解酸平胃

(主治) 肚酸作瀉嘔吐不止孕婦惡阻

(服法) 內服皆用石灰水

### 賀氏療學

石灰鹼性甚大與酸性藥類不合其製法乃以大理石及石灰石燒成無水性者每百分至少含氫化鈣九十分密貯瓶內置於乾處此係白色或灰色之硬塊經空氣則吸收水分及二氧化炭而漸成白粉無臭而有苛性之味若以一半之水淋於其上則發熱而漸成細粉卽成氫氧化鈣

(療效) 石灰有苛性潰瘍敷之可激勵而使之收口內服係石灰水有解酸及消化牛乳之功因能免乳內之乾酪素變成甚硬之塊也且能激勵胃液加多亦畧有收斂之力嬰兒或乳婦服之能助嬰兒之骨發育糖尿病及尿酸素質服之有效成人或小兒因胃酸過度致嘔吐者服之俱效嘔吐以石灰水與牛乳各半匙同服用他藥無效用此每效石灰水分劑一量錢至二量兩亦可作敷藥用於髮癬敷之亦效有醫士於燒傷以石灰水亞麻子油或俄利乏油製成石灰水擦劑有效白喉病可用之以去假膜但其效不及二

氧化氫爲大卽置於噴霧器內噴之或以棉蘸敷亦可

石灰水製法以石灰一塊大如核桃加濾過之沸水四量磅候其沉澱傾清貯於瓶內再加水至石灰力盡爲止

### 華亭述言

【產地】 各國皆產

【形態】 由大理石及石灰石燒成爲淡白或灰色之塊遇水則分裂成粉同時發熱

【主治】 有毒主解胃酸燒痛（俗名燒心）嘔吐止洩帶下尙僂外用敷疽瘍頑瘡癬癩止血此藥反酸類

【考證】 石灰生者成塊名氧化鈣熟者成粉名氫氧化鈣內服宜用石灰水以熟石灰用水洗濯去其內含之雜氫化物再入汽水用力振盪傾其水泌之卽得分劑一至三兩與他藥合服亦可此藥有解酸及收斂作用能阻止胃液凝乳之大塊故嬰兒服之最宜此藥爲胃部之鎮靜劑能使胃膜結成一種沉澱蛋白質之薄膜故於嘔吐及酸性消化不良服之有效

【分劑】 石灰水一至三兩

# 白堊

又名白土粉

## 本草經

白堊味苦溫主女子寒熱癥瘕月閉積聚

## 名醫別錄

辛無毒陰腫痛漏下無子洩痢不可久服傷五臟令人羸瘦一名白善生邯鄲山谷采無時

## 萬國藥方

鈷粉 *Calc* 由地內採出色灰白無味近年恆用者多產自英法二國入藥煉石粉即鈷粉用水

漂淨者色白無臭

(功用) 收斂解酸宜佐他藥和服

(主治) 肚酸作瀉弓腰痠癱類亦解惡酉酸之毒

(分劑) 每服十至六十林士

(外用) 治湯火傷潰瘡作油膏用

## 賀氏療學

白堊係天然之碳酸鈣由微物之壳積合年深而成入藥用煉者此藥醫漿液性瀉腹與兒茶阿

片樟腦等酒佐服尤效

## 藥物詳要

煉白堊爲天然之碳酸鈣用水淘去不純之質爲易粹之白色塊或爲粉忌配合物爲各種酸及

硫酸鹽此藥爲解酸劑及物理性之潔牙藥白堊有止瀉收斂之效因能使腸粘膜面之蛋白質沉澱而成一種不能溶解之碳酸鹽遮於腸之上皮面而行其保護作用故也

華亭述言

【產地】 各國皆產

【形態】 白堊係白堊虫 *Foraminifera* 爲孔虫及其他微小動物介壳所成色白性軟狀如土

【主治】 無毒無味主解胃酸發酵（俗名燒心）嘔吐水洩經漏帶下驚悸尙僕瘰癧止血

【考證】 白堊北部俗名土粉又名餈餈粉因團餈餈於表面使其不粘故名之衍義名白土粉者則今用之粉筆亦此物也衍義云賣於人浣衣卽萬國所名之石粉係石類色綠白粗而粘爲浣衣之物非入藥之白堊也白堊係微小動物之介壳其成分爲碳酸鈣萬國與療學云用煉白堊非入火中煨煉乃以水淘汰令其潔淨故謂之煉北部所售之餈餈粉皆淘汰之質可入藥用今藥市無售皆不知白堊爲何物也蓋因後世本草不載而醫家皆以備要從新崇原求真原始爲讀本也此藥外用於皮膚有收斂及除溼之效於火傷溼疹之潰爛可使之癒合內服爲腸炎瀉腹之效藥因能使腸膜面之蛋白沉澱成一種不能溶解之薄膜其於經漏帶下因鈣質有凝血及收斂作用

【分劑】 一至四錢煎服

### 石膽

又名膽礬又名藍礬又名硫酸銅

### 本草經

石膽味酸辛寒主明目目痛金瘡諸癩瘻女子陰蝕痛石淋寒熱崩中下血諸邪毒氣令人有子鍊餌服之不老久服增壽神仙一名畢石一名黑石一名碁石一名銅勒

### 名醫別錄

有毒散癥積欬逆上氣及鼠瘻惡瘡能化鐵為銅成金銀生羌道山谷羌里勾青山二月庚子辛

丑日採

### 陶弘景

仙經時用俗方甚少此藥殆絕今人時有采者其色青綠狀如琉璃而有白文易破折梁州信都無復有俗乃以青色礬當之殊無髣髴

### 唐本草

注此物出銅處有之形似曾青兼綠相間味極酸苦磨鐵作銅色此是真者出蒲州虞鄉縣東亭谷窟及薛中有塊如鷄卵者為真陶云似琉璃者乃絳礬也比來人亦以充之又以醋揉青礬為之並偽矣

### 圖經本草

石膽生羌道山谷羌里勾青山今惟信州鉛山縣有之生於銅坑中采得煎鍊而成又有自然生者尤為珍貴並深碧色今南方醫人多使之又者其說云石膽最上出蒲州大者如拳小者如桃栗擊之縱

橫解皆成堯文色青見用久則綠擊破其中亦青其次出上饒曲江銅坑間者粗細有廉稜如釵股米粒本草言偽者以醋揉青礬爲之全不然但取粗惡石膽合消石銷溜而成之塊大色淺渾渾無脈理擊之則碎無廉稜者是也亦氣扶石者乃削取石膽牀溜造時投消石中乃疑則相若也

**萬國藥方**

Lupri Sulphas 磺強銅製法不一有銅礦之水製出者有銅磺礦煉出者又有自銅片與硫磺

煉出者更有銅片與磺強水製出者結冰甚大色藍而豔味澇且烈露天氣發潮

(功用) 收斂補劑多服爲吐劑

(主治) 羊癩瘋跳舞瘋久瀉久痢哮喘吐血

(分劑) 每服一林士四分之一至二林士爲丸服吐劑每服五至十林士加水二兩沖服後宜多服溫水  
令吐凡受寧睡藥毒如雅片者用此吐之最良

(外治) 治頑瘡瘰癧子止血

(反藥) 反酸類

(解藥) 解此毒先服鷄蛋白青後服雅斤酒外用亞麻子敷藥敷於大小腹上

**賀氏療學**

銅不入藥用入藥者乃硫酸銅係藍色之晶體味澇

(生理作用) 敷於粘膜大有收斂之力敷瘡口畧有潰力服過分劑則死因有甚重之腸胃炎且使力衰



之有效此藥之液劑在潰瘍及陰道直腸尿道分泌物過多有收斂與抗膿毒之效治眼炎宜用百分之四之一至二分之一之液劑在錢癬與禿髮可用百分之二

內服此藥能治牙齒槽膿病惟連續服之則齒上顯綠色污點此藥入胃即被食物化成蛋白銅為嘔吐迅速之劑服麻醉藥及磷毒有效磷遇硫酸銅能使還原而成磷酸銅擁於磷面致磷不至為害吐劑用三噓於水服之如服後不吐須用胃抽器勿再服以免中毒之患瀉腹及霍亂佐雅片有收斂作用過分劑必致腸膜腐蝕瀉腹而出血用於不宜手術之瘡以免復發及減少疼痛與溢液之患然無治療之效

### 華亭述言

【產地】 各國皆產之

【形態】 屬硫酸鹽類其成分為含水硫酸銅由硫化銅礦受氧化分解而成多含於礮水中人工產者由銅與硫酸及水交感而成屬三稜結晶體光澤如玻璃微透明色深藍斷口色白

【主治】 味澇有毒主足分劑令吐小分劑收斂久瀉久痢白帶經漏吐血痢風癩癢乾皮病及結核病外用治沙眼瘡瘍潰爛肉芽高出鼠瘻

【考證】 本經與別錄主明目目痛陰蝕鼠瘻惡瘡係作洗藥用於崩中下血諸癰瘡係作內服陶氏云狀如琉璃

係言其光澤非比綠礬之色也石膽係藍色故又名藍礬係銅礦所產綠礬（皂礬）係黃鐵礦所產其成分爲含水硫酸鐵色綠以火煨之色綠故蘇恭名綠礬服砒毒者可用綠礬解之服雅片者多用石膽解之無奈鄉人不明分劑竟有服數錢者多因服後不吐而增加其數也以爲救毒反被此藥所殺矣療學云如以分劑服之不吐不得再服當以硫酸銻代之

【分劑】 散服半至二釐煎服一至四釐吐劑一至二分加水沖服

## 消石

又名火消

### 本草經

消石味苦寒主五藏積熱胃脹閉滯去蓄積一本作結飲食推陳致新除邪氣鍊之如膏久服輕身

### 名醫別錄

辛大寒無毒療五藏十二經脈中百二十疾暴傷寒腹中大熱止煩滿消渴利小便及瘦蝕瘡天

地至神之物能化七十二種石一名芒消生益州山谷及武都隴西西羌采無時

### 陶弘景

消石療病與朴消相似仙經用此消化諸石今無真識此者或云與朴消同山所以朴消一名消石朴

也又云一名芒硝今芒硝乃是煉朴消作之並未磨研其驗有人得一種物色與朴消大同小異舐舐如握

鹽雪以火燒之紫青烟起云是真消石也今宕昌以北諸山有鹹土處皆有之神農本經無芒消只有消石一名芒硝名醫別錄乃出芒硝療與消石同疑即消石也舊出寧州黃白粒大味極辛苦今醫家多用煑煉作色者全白粒細而味不甚烈皇甫士安言朴消可用消石消石生山之陰鹽之膽也取石脾與消石以水煑之一斛得三斗正白如雪以水投中即消故名消石其味苦無毒主消渴熱中止煩滿三月采于赤山朴消者亦生山之陰有鹽鹹苦之水則朴消生于其陽其味苦無毒其色黃白主療熱腹中飽脹養胃消穀去邪氣亦得水而消爲真消石但不知石脾是何物也以朴硝作芒硝者用煑湯淋汁煑之着木盆中經宿即成矣今益州人復鍊礬石作消石絕柔白而味猶是礬爾又曰朴消今出益州北部汶山郡西川蠶陵二縣界生山崖上色多青白亦雜黑斑土人擇取白軟者以當消石用之當燒令汁沸出狀如礬石也

### 開寶本草

硝石主風熱癩癩小兒驚邪瘕瘕風眩頭痛肺壅耳聾口瘡喉痺咽塞牙頰腫痛目赤熱多眵淚  
(注)此即地霜也所在山澤冬月地上有霜掃取以水淋汁後乃煎煉而成狀如釵脚好者長五分以來陶說多端蓋由不的識之故也又曰生消石茂州西山岩石間形塊大小不定色青白采無時

### 本草綱目

諸消自晉唐以來諸家皆執名而猜都無定見惟馬志開寶本草以消石爲地霜煉成而芒消馬牙消是朴消煉出者一言足破諸家之惑矣諸家蓋因消石一名芒消朴消一名消石朴之名相混遂致費

辨不決而不知消有水火二種形質雖同性氣迥別也惟神農本經朴消消石二條爲正其別錄芒消嘉祐馬牙消開寶生消俱係多出今並歸併之神農所列朴消卽水消也有二種煎煉結出細芒者爲芒消結出馬牙者爲牙消其凝底成塊者通爲朴消其氣味皆鹹而寒神農所列消石卽火消也亦有二種煎煉結出細芒者亦名芒消結出馬牙者亦名牙消又名生消其凝底成塊者通爲消石其氣味皆辛苦而大溫二消皆有芒消牙消之稱故古方有相代之說自唐宋以下所用芒消牙消皆是水消也南醫所辨雖明而以凝水石猪膽煎成者爲芒消則誤矣今通正其誤

### 萬國藥方

*Potassi nitras* 硝強鉍中名火消產自涵地及山洞間乃煎煉而成結冰色白味鹹而涼市肆

所售含雜質須用法煉淨煉法火消三十分甜水六分入鍋熬之濾去不化之渣再熬再去渣漸加水熬至無渣爲止渣卽鹹鹽熬則與消分離又少加水膠澄清之再加水足十分入淺銅鍋散氣以木板調至結冰爲度

(功用) 解熱利小便發表平脈過服令人煩悶甚至害人

(主治) 痛風吐血厥症

(分劑) 每服解熱利小便治膨症五至二十林士平脈治痛風吐血二十至三十林士多加水沖服

(外用) 漱口喉最妙

**賀氏療學**

硝酸鉀(鉍氫強礬)此藥結針狀之晶味甚鹹而辣其毒力在鉀鹽中除特化鉀及鉍酸鉀二者外未有更大於此者若用過大之分劑必有極重之腸胃炎於血雖不顯何感但其刺激力較氫酸鉀尤大氣喘以此藥二十分蒸水八十以無礬紙蘸之待乾作捲燃而吸之此乃妙法風溼病用此藥一兩加大麥水一量磅每於三小時服半兩有效

**華亭述言**

**【產地】**

產於直隸熱河山東山西甘肅四川等處著名之產地以印度錫蘭爲多

**【形態】**

屬鐘消酸鹽類硝酸鹽類其成分爲消酸鉀產於陰溼地之上在大雨後氣候較熱時產生最易形如白霜掃取以水溶之淋其汁去其沙土等物入鍋煉至結冰爲度色白形如稜柱之晶體微透明

**【主治】**

有毒味苦鹹而辛主解熱利小便黃疸膨脹滯腸胃積聚氣喘傷風身痛

**【考證】**

本經消石入火卽焰故又名焰消天產者多生溼地之上或產石灰石之洞中凡動植物之廢物與含鈣之土壤接觸後則生鈣之消酸鹽該鹽復與加里炭酸相感化卽生消石人工產者令消酸鈉與氫化鉀交感而成西名消酸鉀本經朴消天產者生於湖澤之沿岸或存於湖澤之底與泥質攪合人工產者係由氫

化鈉與硫酸交感而成西名硫酸鈉此藥由晉唐以來皆以二藥爲一物其誤因別錄硝石一名芒硝因消石與朴消（又名芒消）凝結時皆有芒稜其色味又相似故致爲一物未考消石入火卽焰在空氣中暴露之無變化朴消入火不焰露空氣中水分飛散化爲白粉名風化消綱目辨之頗詳醫學大辭典以消石爲硫酸鈉（朴消）誤矣大論用朴消未用消石惟金匱消石礬石散大黃消石湯用之皆主黃疸此藥於黃疸腹滿或致小便不利用之常效

【分劑】 煎服半至一錢半

## 硫黃

經名石硫黃升煉名硫黃粉

### 本草經

石硫黃味酸溫主婦人陰蝕疽痔惡血堅筋骨除頭禿能化金銀銅鐵奇物

### 名醫別錄

大熱有毒療心腹積聚邪氣冷癰在脇欬逆上氣脚冷痿弱無力及鼻衄惡瘡下部匿瘡止血殺

疥虫生東海牧牛山谷中及太山河西山礬石液也

### 陶弘景

東海郡屬北徐州而箕山屬山東亦有今第一出湖南林邑色如鵝子初出殼者名崑崙黃次出外國從

蜀中來色深而煌煌此云礬石液今南方則無恐礬石不必爾

**萬國藥方**

Sulphur sublimatum 硫黃粉即硫黃升煉而成者色淡黃無臭無味見熱則發一種氣息

(功用) 輕瀉發表化瘡治痔瘡久風濕

(外用) 治疥疾最妙作油膏用

(服法) 每服發表化瘡十至二十噶輕瀉二十至六十噶

**賀氏療學**

此質入藥者有三種(一)升華硫 Sulphur Sublimatum (二)洗淨硫 Sulphur Lotum (三)

沉澱硫 Sulphur Praecipitatum 此三類硫黃醫士多難分清升華硫乃以硫黃用升法而得洗淨硫乃將

已升者用水洗之而得爲去淨所含之硫酸也沉澱硫乃以升過之硫置於鍋內加白灰氫氟酸去水等養

之後用化法沉澱而得三者之中此爲最純

(生理作用) 此藥於身內無甚顯效服者能使大便成爲稀糜且有非常之臭因內含硫化氫

(療效) 此藥可爲輕瀉劑不能爲重瀉劑腸狹者服之可使腸內結糞柔輒易過患處大便乾結服他瀉

劑無效者此藥或可醫之若兼患痔瘡服之尤妙有醫士云此藥所醫久痺與坐骨腦系痛等症然未必盡

效慢性枝氣管炎致痰盛者日服三次每服五至十噶有去痰之功皮科用爲敷藥較內服尤妙須以此粉

製成軟膏敷之其效乃顯如以乾硫粉敷之少效但久用之或有刺激力患疥症以硫黃軟膏敷之最妙夫疥虫有公母公者寄於皮外母者寄於皮內公者易滅母者難殺用時以石鹼洗淨患處用粗布擦乾再敷此藥方能滅盡用畢之布埋於地下免染他人用時宜在晚間以爲藥力終夜常存患處如法不過三次即愈幼婦行經時面部常生瘰瘡致面顯黃色有良方於下

沉澱硫一錢濕羊毛脂一兩製成軟膏日敷患處二次即愈

### 藥料詳要

升硫製法從天然之硫或硫化物直接或間接取出黃綠色粗糙細粉無味無臭加熱揮發外用硫黃軟膏有激皮令血運之功兼有按撫腦系之效擦於久痺症能止其疼於瘰瘡用之頗效與石灰調和善治疥瘡內服至胃不受變化惟入腸始有幾分化成硫化物而顯瀉效此藥本爲輕瀉劑能令糞質融和且無絞腸之痛若硫黃含於泉水其效亦然此藥多用治肝充血或肛積血兼患痔瘡皆頗效

### 英國藥制

乃輕瀉性變質劑及發汗劑內服治痔瘡及肝充血與瘰瘡木（乖阿科）合併治慢性風溼有效外用治皮膚病於疥癬及錢癬脂瘡尤見效驗

華亭述言

【產地】 各國皆產之

【形態】

非金屬化學原質之一自然礦產者多而與他質化合亦爲不少往往含有微量之鐵與硫化砷萬物多含此質天產者狀如橄欖色黃質脆見熱生臭性易燃其光爲淡藍色西法製者無臭爲淡黃粉末

【主治】

有毒此藥以西法製者潔而無臭沸水沖服不化微有氣息以藥糞服之爲妙主軟堅無水瀉及絞腸之痛虛寒便秘者宜之卽將結糞化爲中和之質臭氣頗烈患痔便秘者服之便時無痛苦肝充血肚門充血大便失血宜與大黃三七生地並用枝氣管炎致痰盛者宜與開痰藥並用如大便時覺粘於肛門乃腸液缺乏或謂溼氣所致非也以此藥三至五分服之無瀉效便時覺肛門津液加多如油滑下白帶腥臭佐乾薑芍藥牡蠣龍骨等藥服之有效患疥毒致腫痛而癢外用硫黃擦膏不愈者以硫磺粉一至二錢於空腹服之卽愈

【考證】

按硫黃後世用爲破腹軟堅劑者甚少古人實早明之觀別錄療心腹積聚可知矣此藥不可入煎劑煎之生臭難服須以藥汁送服爲宜麝香見硫黃卽消化

【分劑】

散服三分至一錢

(硫黃擦膏) Unguentum Sulphuris 硫黃粉一份安息香猪脂四份若無用花士荅亦可調勻爲度治疥虫常用之

# 白礬

經名礬石

## 本草經

礬石味酸寒主寒熱洩痢白沃除蝕惡瘡目痛堅骨齒鍊餌服之輕身不老增年一名羽礬

## 名醫別錄

無毒除癩熱在骨髓去鼻中息肉歧伯云久服傷人骨能使鉄爲銅一名羽澤生河西山谷及隴

西武都石門采無時

## 陶弘景

今出益州北部西川從河西來色青白生者名馬齒礬煉成純白名白礬蜀人以常消石其黃黑者名鷄屎礬不入藥用惟堪鍍作以合熟銅投苦酒中塗鉄皆作銅色外雖銅色內質不變俗中合藥火熬令燥以療齒痛多則壞齒卽傷骨之說也而經云堅骨齒誠爲可疑

## 萬國藥方

A'men ; Potassa 白礬白礬石煉成色白透光味甜而澇後則畧酸

(功用) 收斂吐瀉解血中鉛毒

(主治) 血痢久痢疾消渴尿變甜內腎血出嘔吐痰涎

(外用) 收斂止血治咽喉類病白帶白濁

(服法) 每服十至二十厘日三次蜜水調服治內部血出及解鉛毒宜用十至十五厘吐劑用二至四錢  
治小兒哮喘每服一錢加蜂蜜和服以吐為愈治小兒哮喘咳嗽每服二至十厘按小兒大小酌加可也治嘔  
吐痰涎每服十厘加雙葡萄酸鈹(酸性酒石酸鉀)十厘薑末三厘和勻日三次服之

賀氏療學

*Ailmen Purificatum* 此藥自礬石煉成色白透光管之味澆其後畧酸

(生理作用) 此藥敷於粘膜畧白而縮敷於皮上漸厚而硬

(療效) 喉痛者以二十厘加水一兩用拭子蘸而敷之大效因其易於傷牙故不用為漱劑流血症敷之  
為止血妙藥其止血之能有三(一)凝結血內蛋白質(二)使傷處縮緊(三)用布蘸此藥之溶液  
即成晶體血遇此品即凝成血塊拔牙流血不止者此藥大效勞症盜汗或手足妄汗以此藥二厘加水或  
酒精一量兩洗之有效枝氣管炎致生痰過多或喉嚨久炎亦可用之凍瘡作癢或陰門癢裂成溶液洗之  
可解白帶以十至二十厘加水一量兩洗於陰道扁桃體微核炎用白礬莖塞於微核竅內或用溶液敷之  
俱可趾甲入肉用棉花蘸濃溶液塞於甲旁大效若用吐劑小兒一錢成人四錢初受鉛毒可為抗毒劑  
煨白礬撒於頑性潰瘍有效患牙齦腫用煨礬敷於齦上大效但用時須謹慎因其有傷牙之力也  
(中毒) 此藥雖有毒力然服之少有死者因令人嘔吐故也

## 華亭述言

【產地】 多產山西壽陽山東益都河南彰德等處

【形態】 屬石膏式礦類硫酸鹽類因二氧化硫及水蒸氣作用於含鉀鉛之岩石而生體近方狀之菱面或纖維

及板狀常爲結核之塊或爲粒狀之集合在塊體之縫隙中常含褐鐵礦之被膜結晶爲半透明色白或帶紅黃灰色通用白礬由礬石煉成

【主治】 此藥味甜澇而酸有毒內服小分劑有收斂之用主血崩久洩利疾白帶尿血糖尿尿足分劑爲宣吐痰涎外用爲止血之妙劑於齧腫或出血以枯礬散敷之勿撒於牙齒之上扁桃體炎火眼前後陰癢白帶以溶液洗之頑瘡肉牙高出以枯礬撒於患處均有效

【考證】 本經與別錄名礬石係天產之原質傷寒論未用此藥惟金匱礬石湯礬石丸硝石礬石散皆用礬石至陶弘景云「煉成純白名白礬」陶氏云白礬傷齒與西醫吻合又云「本經堅骨齒誠爲可疑」余謂本經堅齒或取其能愈齧腫流血歟但用之治齧必須謹慎過則有傷齒之患也若因刀傷及他症之血出不止者以白礬末敷之卽止

【修治】 煨枯礬以白礬入礬鍋加水少許鎔化加熱約三百度候冷卽枯每百分計有枯礬五十四分研爲細末

入瓶勿洩氣否則便潮外用為吸收劑最妙

【分劑】 散服半至二分吐劑二至三錢服後以物探吐為宜

### 水銀

又名汞

#### 本草經

水銀味辛寒主疥癩癩瘍白禿殺皮膚中蠱墮胎除熱殺金銀銅錫毒鎔化還復為丹久服神仙不死

#### 名醫別錄

有毒以傳男子陰陰消無氣一名汞生符陵屬四平土出於丹砂

#### 陶弘景

今水銀有生熟此云生符陵平土者是出朱砂腹中亦有別出沙地者青白色最勝出於丹砂者是今

燒粗末朱砂所得色小白濁不及生者甚能消化金銀使成泥人以鍍物是也燒時飛著釜上灰名汞粉俗

呼為水銀灰最能去風還復為丹事出仙經酒和日暴服之長生

#### 唐本草

水銀出於朱砂皆因熱氣未聞朱砂腹中自出之者火燒飛取人皆解法南人之得水銀雖少而朱砂

不損但色少變黑爾

#### 圖經本草

水銀生符陵平土今出秦州商州道州屬湖南邵武軍現福建而秦州乃來自西羌界經云出於丹

砂者乃是山石中采粗次朱砂作爐置砂於中下承以水上覆以盆器外加火煨養則烟飛於上水銀溜於下其色小白濁陶氏言別出沙地者青白色今不聞有此西羌人亦云如此燒取但其山中所生極多至於一山自拆裂人采得砂石皆大塊如升斗碎之乃可燒煨故西來水銀極多於南方者（下畧）

### 萬國藥方

Hydragyrum 汞原質出中國西班牙美國等處有自然成者又有丹砂造成者常見者為紅

汞礦（即丹砂）純汞為亮白之金其體甚重性為流質冷至下三十九度則成軟軛之定質受大熱則沸而化氣入藥先用熟鹿皮包扭去渣方合或用硝酸水潔淨者

（淨法）水銀一百份硝酸水五份汽水五份先將硝酸水與汽水和勻共入淺磁盤內或淺玻璃盤內浸三天間時搖動將酸水挤出再用汽水將汞洗淨上用綿紙提出水溼晒乾為度

（功用）改病動膽汁瀉劑生津液純服汞者功力不效必研之極細分析星珠纔能發其功力

（主治）新久炎症肝腎積血熱病類楊梅類此病服汞類宜慎用否則不惟無益且使病變重

（服法）單服者少下見汞類凡服藥之後若見口損流涎均宜停止

（外用）行血作貼膏油膏等用外用與內服同效但宜較多用

### 賀氏療學

汞係流質其體甚重

(生理作用)常服汞類藥者先無顯狀若驗其中毒與否以物敲其牙如覺疼痛即爲中毒之證倘仍服之必致口臭舌腫齒即鬆輒易於流血最顯著者口多流涎如服之不已各類病狀必至加增如常流涎於頰胸二部必致該處生濕疹因涎內含汞惹皮故也後致牙齒脫落上下頷骨已壞全身組織功用均失血虧而血球缺少至此則殞命矣三正歲以內之孩童服汞中毒者則不甚流涎醫士不可以不甚流涎爲未中毒也匠人用汞惟製鏡者易中其毒病狀不一有時神經系統受傷甚重且顯微顫後漸成顫癱

(吸收與排泄)此藥吸收之遲速宜視何類汞藥易溶者則速難溶者則遲其排泄由汗淚乳涎及大小便如服氯化低汞過二小時始行排泄至二十四小時排泄淨盡如日服數次必積於各經之內此藥每日排泄一厘十六分之一若患梅毒症如先服足分劑見效即宜服中分劑其效與足分劑同故常服汞藥宜每月服碘化鉀數次以免積效

(療效)此藥之用有三(一)梅毒(二)瀉腹(三)免腐第一用凡汞類藥皆有此效第二用惟氯化低汞與汞丸塊有效第三用惟紅色碘化高汞與氯化高汞有效醫梅毒最妙汞藥乃黃色碘化低汞若不能服汞藥者宜用熏法

(熏法)令病者沐浴坐於椅上用棉被自頸至足和椅嚴密圍裹以氯化低汞三十厘置於熏器上放於

椅下令藥化氣熏蒸達於皮內

(吸法) 以氫化低汞四五厘置於熏器上令首距藥器六寸吸八或十口吸畢用水漱口以免中毒

(瀉效) 此藥有瀉力且有感肝之能常用瀉劑乃汞丸塊或氫化低汞但氫化低汞瀉力較大如與重碳酸鈉兼服其感肝之能加增患瘰癧症令服奎寧宜先服氫化低汞不然則奎寧解瘰之力不全顯因其能助奎寧吸收也

(免腐) 氫化高汞與紅色碘化高汞大有免腐之能外科醫士常用之氫化高汞一分加水二千至二萬分用之但宜加酒石酸(菓酸)數厘以免與組織內之蛋白素化爲不易溶之蛋白鹽用紅色碘化高汞亦然但紅色碘化高汞少爲免腐之用

### 華亭述言

【產地】 產於兩廣兩湖四川等處

【形態】 水銀金屬化學原質之一其鑛產者有三(一)金屬自然汞(二)硫化物丹砂(三)氫化物角汞惟丹砂

爲產汞之重要鑛石其他二種產量甚少尋常丹砂含汞不過百分之一純汞爲白亮之金液體甚重熱至三五七度則化爲氣體冷至攝氏零度下四二度則成固體純粹者露空氣中不變狀如水色如銀故名水

銀若含他金屬則痒化其表面發生灰色粉末狀之被膜

【主治】

無味有大毒入藥須研至極細分析不見星珠斯能顯效內服水銀原質甚少多用升煉之質（見下各

藥條）

【考證】

按汞名在醫書中始見於別錄汞受熱則化為氣體又道家言男子得先天之真氣為汞女子為鉛蓋隱

語也非有形之鉛汞而術士竟以鉛汞鍊而餌之有中其毒而死者其愚誠不可及焉復以水銀與硫磺升煉名曰靈砂庚辛玉冊云「為至神之物奪天地造化之功竊陰陽不測之妙」烏知此為人工化成之硃砂耳何奇之有

氫化高汞 附白降丹

又名雙綠汞又名汞氫強鹽

萬國藥方

Hydrargyri Perchloridum 此藥自上磺強汞與黑錳養及食鹽製成性甚毒無臭色白味辛

中華藥肆所售乃水銀礱砂火硝食鹽硃砂雄黃等藥煉成不及西法純淨

（功用）改病解楊梅毒

(分劑) 一厘十六分之一至八分之一多水沖服過服傷人

(外用) 免臭爛爲上品作洗水或漱水油膏等兼洗各瘡及金及損傷治久皮類病楊梅結喉化水內藥  
臭虫妙

(解藥) 解此毒先用鷄蛋清調水服之後服吐劑或用抽水節抽之凡受毒者宜核計誤服四厘者用鷄蛋清一枚或用白麵代之亦可

### 賀氏療學

Hydrargyri Chloridum Corrosivum 此藥之毒力與刺激力甚大中此毒者先則胃痛嘔吐瀉腹初瀉如常繼而粘液再則帶血終至腦力脫失暈仆而死解法多服卵青後用抽胃器抽之及煖身與呼吸等法或不致殞命然愈甚緩或有胃腸受傷歷數月而死者此藥不但服之中毒即敷破傷之處或灌於陰道子宮過多者亦然但其狀與服者不同其腹先絞而後瀉所瀉者有血色其尿或少或閉遇此狀宜立換他藥中此毒雖可漸次全愈亦有忽爾殞命者醫梅毒症除用薩乏散(六零六)外此藥爲注射皮下最佳之劑較氯化低汞尤佳每二三日可用一厘六分之一深射於臀肌處但針與手術務宜潔淨於射處先以石鹼水洗之再以酒洗始以針深入皮內緩緩注射扁桃體炎常用此藥醫之如因血球缺乏致患血虧症以此藥小分劑即一厘六十分之一至四十分之一日服三次大效若因梅毒血虧者其效尤著無論

成人與孩童若大便色綠且有臭惡服微分劑卽一厘五百分之一有效或以此藥半厘加蒸水五量兩每句鐘服一小匙至大便如常而止新久之粘液瀉腹如上法服之尤妙成人痢疾或瀉症每小時可服二小匙但此類症醫士須留意於患者飲食衣服等事倘於生理有礙雖用此藥恐難愈症頑性梅毒皮症以此藥半兩與氫化銻一兩置於沐浴沸水內每三四日沐浴一次有效後淋將此藥半厘加水六量兩每三日射入尿道大效各類寄生病以此藥二厘加水一量兩用藥棉日擦三次有效

### 藥物詳要

氫化高汞西國俗名潰升丹 *Corrosive Sublimata* 此藥體質最重稜柱晶形塊透明無色此

藥在汞劑中爲最強之藥在滅菌劑中亦爲最強之一種如一分消於萬分水中亦能殺球菌及桿菌如以千分之一能殺芽胞及寄生虫如以五千分之一常爲洗傷口之用如以二千分之一可爲噴霧以治白喉症或洗臭惡之瘍倘爲梅毒潰瘍更爲妙品有時用於五百分之一但須謹慎用藥棉浸入爲敷傷料如寄生虫及錢癬等症其液劑內服尤爲梅毒妙藥在數種瀉腹症常爲用之治梅毒症有以此藥與氫化銻各八厘消於蒸餾水一量兩內注射臀肌之內

### 英國藥制

此劑消毒殺菌強烈而有價值但其性頗毒並爲一種苛性藥其小劑量內服可治梅毒暨梅毒性及其非梅毒性皮膚病其千分之一之溶液堪制阻各種細菌之生長可用爲洗劑合漱藥洗眼劑或供注射

華亭流言

【形態】 體重色白透明晶形塊

【主治】 此藥極毒味辛熱刺痛無臭能殺菌免膚解梅毒

【考證】 氯化高汞爲最烈之劑其性畧與中藥白降丹相似惟製法與配藥不同其同者唯水銀與食鹽耳中國

白降丹約宋元後卽有此方非清金鑑方也諸書配藥與分劑尤不劃一能殺菌免腐可外用而不可內服多爲頑瘡潰肉及洗瘡免腐之用氯化高汞於內外之主治西書論之甚詳今將中藥白降丹製法列下

(白降丹) 水銀二兩五錢 食鹽一兩五錢 火硝五錢 白礬五錢 硼砂五錢 硃砂二錢 雄黃二錢 (有加皂礬  
礪砂二藥較爲不妥) 將衆藥爲末後加水銀研至不見點爲度盛於罐內於微炭火上緩緩溶化如火急  
則水銀升散徐徐以竹板撥之令其化盡無藥層用木杵將藥質力壓於罐底務須貼實牢固再用一空罐  
合於該罐之上用棉紙條密封之萬勿洩氣再用煨石膏封於紙上一層紙一層石膏至四五層卽足如有  
裂縫再以石膏封之妥時將地下挖一小坑用大碗盛水放於坑內令其穩固將無藥之罐置於碗內則盛  
藥之罐底露於地上其封口約比坑口畧底沿坑之四圍以瓦覆之不令炭火落於坑內乃將燒紅之炭火  
埋於藥罐上不見罐底以扇微煽之炭火隨加勿令間斷若封口裂縫卽有綠烟出急以石膏封補其煉約

三小時即退火俟冷謹慎開之勿令什物落於罐內則下罐內有白霜即為白降丹取下以瓶存貯中醫多為頑瘡潰肉之用或成膿未破者以清水調塗瘡頭上即潰或為藥水洗瘡亦妙但不可內服

(汞黃洗藥) *Lotio Hydrargyri Flava* 氫化高汞十八厘石灰水十兩化勻為度治梅毒

(氫化高汞軟膏) *Unguentum Hydrargyri Perchloridi* 氫化高汞二厘豬脂一兩調勻為度治禿瘡

及皮病類

### 氫化低汞 甘汞 附輕粉

西名迦路米又名單綠汞 又名汞氣弱鹽 又名汞粉 又名水銀粉

#### 嘉祐本草

水銀粉氣味辛冷無毒主治通大腸轉小兒疳癆癩殺瘡疥癬虫及鼻上酒皰風瘡癢

#### 本草綱目

升鍊輕粉法用水銀一兩白礬二兩食鹽一兩同研不見星鋪於鐵器內小烏盆覆之篩灶灰鹽

水和封固盆口以炭打二炷香取開則粉升於盆上矣其白如雪輕盈可愛一兩汞可升粉八錢治痰涎積

滯水腫鼓脹毒瘡

#### 萬國藥方

*Hydrargyri Subchloridum* 單綠汞自上磺強汞與汞及食鹽煉成色白無味體重長光宜用

黑色之瓶存貯中華藥肆所售乃水銀白礬食鹽升煉者又有轉升爲粉霜者不如西法純淨

(功用) 改病動膽汁瀉劑解炎

(主治) 楊梅類瘰癧類久皮病類久肝炎黃病膽汁多致頭疼肝塞生厥症吐黑血腦炎中風痢疾腸胞膜生炎肺胞膜生炎黑睛生炎此藥瀉性較慢服藥後半日不瀉宜服洋朴硝或草麻油以助瀉

(服法) 瀉劑每服二至八厘改病每服半至一厘日三次動胆汁每服半至一厘晚間服解炎每服二厘加雅片一厘四分之一四點鐘一服

(外用) 治白濁楊梅結毒去眼內雲翳

### 賀氏療學

Hydrargyri Chloridum Mite 此藥不易溶解而易於吸收如爲瀉劑每半小時服一噶六分

之一至半噶服至一或二噶其功效與服十噶同且不能中毒蓋此藥必藉鹼性液體吸收始顯瀉效若服十噶則腸中鹼性液體一時不足消化其數故服大分劑吸收較緩如用小分劑間時服之則腸內之液漸生故足消化之用與重碳酸鈉內服其效力尤大蓋因此藥含有鹼性故也以上所謂大小分劑效力相同者須於溫道則然若於熱道須用大分劑始有感肝生液之功焉若服大分劑越二十四小時不見瀉腹宜服硫酸鎂否則恐中其毒以此藥療梅毒較服他類汞藥最易中其毒若常病之孩童腸胃氣脹口出臭氣

大便味惡其形如漿每半小時服小分劑卽一厘二十分之一至四次爲止隔三日如法再服大效患泡性結合膜炎以此藥撒於目內常效若係斯科夫拉性其效尤佳如服碘劑忌用因碘由淚離去若撒此藥於目則與碘化合成一新物質以致結合膜發炎甚重水腫症此藥能利小便可單用之亦可與海葱或狄吉他利並用或兼服阿片以免瀉腹之患用法日服三次每服一喱其效最大若瀉腹其效必小此藥之力不能久存越二日如不見效不可再服腸熱症初起時如大便不通每小時宜服一厘四分之一與重碳酸鈉兼服用至一喱有效大便乾燥糞色淡黃兼有頭痛口臭者服之最妙熱症愈後而厭食者舌有黃苔服此藥中分劑令其瀉腹有效嬰兒反乳此藥有時能醫之每小時服一喱十二分之一至三次爲止梅毒性溼疣以藥撒上有效肛門癢以此藥一錢加豬脂一兩製成軟膏敷之大效此藥體重故分劑小多有醫士將乳糖重碳酸鈉加入其內

藥料詳要

氫化低汞卽迦路米 Calome 俗名輕粉質重色白無味炙之則全升散此藥內外並均有消毒

解梅毒及瀉腹之效外用爲撒粉於結合膜炎及梅毒初瘍與梅毒溼疣有效作軟膏以治寄生皮類病作黑洗劑以療梅毒性潰瘍內服氫化低汞乃爲最良瀉藥因其兼有消毒之效少有惹胃與腹痛之弊治水腫有利尿之功並能間接動胆激肝

華亭述言

【形態】 此藥色白體重之粉性畏光宜貯深黃瓶內

【主治】 此藥有毒無臭無味主梅毒積食腸胃氣脹大便結瀉腹消水腫動胆汁熱利結合膜炎以藥粉撒於目中肛門癢以此藥一錢加豬脂一兩調勻搽之即愈

【考證】 氫化低汞其性與中藥輕粉相似西醫係用水銀食鹽與硫酸製成中醫係用水銀食鹽白礬三藥（製法及主治見上嘉祐與綱目書中）氫化低汞為兒童積食之妙藥如屢患之即為痞症之基礎及小兒秋痢與水瀉綠症均為棘手之病因兒童多不能服煎劑也妙哉氫化低汞體重質小無臭無味無色與糖相合則引藥入腹兒童不自知也考兒童痞病多為飲食所傷因其父母不明衛生且嗜愛不忍拂其意任其過食初積為瀉久而成痞其症多受於十二指腸初患時腸受急炎由瀉而愈久則腸壅盈血乃成久炎指腸絨毛由漸而傷由傷而窒以失其吸收滋養之功能由斯粘膜炎腫其內之羅組織漸生蛇形之瘧病至面黃浮腫肌羸腹脹其痞已成則無能為力矣是故為父母者不可不講求育兒之法凡小兒積聚瀉腹及痞病之初期以此藥服之最為相宜蓋其有瀉十二指腸之特效也惟分劑宜謹慎若中毒則口臭眼腫流涎所流之處即生溼疹在三歲以內之兒流涎較少服此藥十數小時若不見瀉腹宜服硫酸鎂以助其瀉

恐有中毒之患今市售之嬰兒藥片即此藥也余療初期瀉腹亦常用此藥如一服不愈即改用煎劑

(黑汞洗藥) *Lotio Hydrargyri Nigra* 氫化低汞三厘石灰水一兩化勻為度洗梅毒惡瘡

(氫化低汞軟膏) *Unguentum Hydrargyri Subchloridi* 氫化低汞八十厘安息香猪脂一兩調勻為度治癩及皮類病

## 紅色氫化高汞

附紅升丹

又名紅汞養 又名紅粉 又名三仙丹 又名赤澱汞

### 萬國藥方

*Hydrargyri Oxidum Rubrum* 紅汞養一名三仙丹一名紅粉製法汞八分硝強水四分半水

二分先將硝強水與水和勻加汞四分消化入鍋加熱散氣至乾入臼加餘汞研至不見星珠再入破鍋熬煉慢調至無強水之氣味為度中華藥肆所售乃水銀火硝白礬煉成不如此法純淨此藥結冰色極紅亮味辛無臭

(功用) 改病與雙綠汞同但性猛烈令人吐瀉故內服者少

(分劑) 一厘四分之一至一厘

(外用) 丹類治楊梅疔毒頑瘡去菌肉

### 賀氏療學

此藥體質與功效俱與黃色氯化高汞同其軟膏功效亦同

### 藥料詳要

此藥由硝酸低汞(由汞與硝酸交感而成)加熱至酸氣散盡為度橘紅色晶形片或為粉如

加熱則放氫惟汞存留

### 英國藥制

紅氯化高汞鮮作內服其軟膏可作殺寄生藥並治梅毒結及瘍且可治腫大之淋巴腺及甲狀

腺腫而使減消此劑性易結晶故不適用於眼睛

### 華亭述言

【形態】 此藥色紅為晶形片或為紅色之粉

【主治】 此藥極毒無臭味辛內服者少多作搽膏治梅毒頑瘡淋巴腺腫

【考證】 紅色氯化高汞其性與中藥之紅升丹相似西醫係用水銀與硝酸交感而成中國製法與配藥不同(

說見後)主治外部梅毒頑瘡等症或為散敷或作搽膏或作洗藥俗以為生肉之藥誤矣蓋殺菌去腐之後則肌肉自生今將金鑑配藥及製法列後

(紅升丹) 水銀一兩 硃砂五錢 雄黃五錢 火硝四兩 白礬一兩 皂礬六錢 功用拔毒去腐長肉治一切瘡

湯潰後瘡口堅硬肉黯紫黑製法先將二礬與火硝共研爲末投入鍋內化開炒乾入水銀硃砂雄黃研至不見星點爲度入藥罐內罐口以鐵蓋蓋定以鐵絲繫緊用綿紙條蘸蜜塞於罐口縫間勿令洩氣外用煨石膏爲末和水封固令乾將罐架於鐵架之上罐之四圍以洋鐵作圈穿數十小孔以便收束炭火先以炭火加於鐵架之下再加火於罐之四周鐵圈之內直至罐口先備沸水於旁以毛筆類蘸沸水刷於鐵蓋之上使終溼勿乾共煉三小時卽止候冷輕將蓋取下刮取所升之粉入瓶存貯

(紅色氮化高汞軟膏) *Unguentum Hydrargyri Oxidi Rubri* 紅色氮化高汞六十二哩研細硬石臘一百零九哩半軟石臘三百二十八哩先將二臘化勻待冷時入臼加此藥搗勻爲度外用運血治惡瘡頑瘡

## 黃色氮化高汞

又名黃汞養又名黃汞強養

### 萬國藥方

*Hydrargyri Oxidum Flavum* 黃汞養製法雙綠汞四兩鎊養水四十兩汽水酌用先將雙綠

汞入八十兩汽水內加火化勻再加鎊養水調洽候澄清降散擄出上面淨水取降散放淋布上用汽水洗淨再入滾湯鍋焙乾爲度此藥結散色黃無臭見光色畧深

## 賀氏療學

此藥能醫梅毒瘡以此藥一分加白堊一分令勻敷之有效如專用此藥畧有潰力故與他藥合用爲妙腸胃發釀以致噫噎且大便惡臭者以此藥一厘六十分之一至五十分之一服之有效此藥製成軟膏其力甚大宜與豬脂等分用之醫乾皮久症敷之有效粒性結合膜炎與臉板腺炎等症亦效須宜新製爲宜

## 藥料詳要

此藥由氫化高汞液內加以氫氟化鈉則有黃色氫化高汞之澱下沉爲黃色無晶形粉末不能溶解加熱則飛散其組織與紅色氫化汞相同惟無結晶形

黃氟化高汞爲消毒及苛性藥其主要者乃其軟膏治梅毒疹慢性溼疹癩疹及他種皮膚病其軟膏以各種石臘爲基底合此藥自百分之二至十用眼廉以治臉板炎並治結合膜炎

(黃色氫化高汞軟膏) *Unguentum hydrargyri oxidi Flavi* 黃色氫化高汞十份豬脂七十二份黃臘十八份先將脂與臘用火化勻候冷再加此藥調勻爲度治皮類病

## 又方

黃色氫化高汞一噶鯨腦油膏六十噶(用白花土芥亦可)共調極勻爲度治眼胞類病角膜潰爛極妙(汞類不合之藥)氫化高汞只與碘化鉀及氫化錘相合與他藥幾盡不合若與碘化鉀合用立即沉澱

但速為溶解令其混合大有改病之能氫化低汞不可與碘化物或溴化物相合亦不可與氫氰酸合用因此酸能令氫化低汞變成氫化高汞氫化低汞亦與安替派林不合

### 鐵落

#### 本草經

鐵落味辛平主風熱惡瘡瘍疽瘡痂疥氣在皮膚中

鐵主堅肌耐痛

鐵精平微溫主明目化銅

#### 名醫別錄

甘無毒除胸膈中熱氣食不下止煩去黑子一名鐵液可以染皂生牧羊平澤及朮城今山東或

析城在山西陽城縣西南採無時

#### 開寶本草

鐵華粉味鹹平無毒主安心神堅骨髓強志力除風邪養血氣延年變白去百病隨所冷熱和諸

藥用糞膏為凡作鐵華粉法取鐵鍛作葉如笏或團平面磨錯令尤淨以鹽水洒之于醋甕中陰處理之一

百日鐵上衣生即成粉矣刮取細搗篩之乳鉢研如麵和合諸藥為丸散此鐵之精華功用強於鐵粉也

#### 萬國藥方

Ferrum 鐵質為金類中最多最要凡動物有脊骨者血內必少含之厥色藍灰管之微瀆嗅之

微臭結力甚大而固見熱至二千七百八十六度自化恆與天空養氣化合成鉄養雜質故鐵之自然純者各處罕見常用之質純者亦少人所煅鍊最良者尙含炭質或玻養及硫磺與磷等質也入藥配各樣鐵劑宜用被煆炎之細鐵絲或鐵釘及淨鐵錯爲末西國醫士用鐵劑已三千餘年矣

(功用) 補劑能使血內紅輪生多有內火忌服

### 賀氏療學

鐵係金屬因人血中含有鐵質故爲人身必需之物或謂不但入藥亦爲養素揀藥冊所載鐵製藥類甚繁然不常用者居多

(生理作用) 此藥只服一劑無甚功效若連日服之血與赤血球俱必加增服過分劑有不能吸收者則由大便離去如被吸收離去甚緩其排泄不藉胆腎二經由血運至腸內仍由大便排泄若於糞中以化法可得回此藥或謂此藥既已吸收永不能去然絕無此理夫鐵能令氮變爲臭氮故改變物體甚速始知其有養育人身之功效也鐵之入藥有二類(一)爲可溶者(二)爲不可溶者可溶者入胃卽被胃液沉澱成爲不易溶之鐵後被溶解甚緩故以不可溶者爲妙劑按鐵劑無效力者少若服之過多必致大便結燥及胃經畧失功用

(療效) 鐵藥常用於貧血症因赤血球素缺少若醫此等症須以赤血球素驗之如血旺者忌用此藥小

分劑之功效與中分劑同並無大便乾結之患如貧血重症因血中鐵質排泄過多用足分劑補之最妙然必於症之適宜否則必有傷損故於各類鐵劑一一論之

**藥料詳要**

鐵藥從煅煉之鐵絲或熟釘去盡其氮而得外用鐵劑不能由未破之外皮吸收入血如以高鐵鹽溶液敷於破皮或粘膜則有斂性使成皺紋能令蛋白質沉澱與血凝結如流血症能止之在鼻及子宮等處流血均可敷鐵溶液以止之

(內服) 鐵劑味澀舌及牙均為變黑由硫化物化分所致故服鐵劑溶液宜用玻璃管直接吸入咽部庶免此患在數種喉炎用筆蘸塗為宜鐵鹽入胃均化成氯化物若服之過多則鐵鹽在胃中有收斂並刺激作用故在健康人多致消化不良鐵鹽至小腸首段即變炭酸銨銨化鐵及蛋白銨始畧為吸收如經吸收即成硫化物而排出以致糞色暗黑鐵入血中顯效洵為特別因其效非顯於血汁亦非顯於組織惟專顯於赤血球以圓滿其赤血球素即無病者如服銨劑數星期亦能令赤血球素增多以致美滿在貧血症其效洵為奇異故銨為增赤血球素之劑也

**華亭述言**

**【考證】**

鐵金屬化學原質之一近世產量甚多用途最廣故稱鐵器時代其入藥之用亦由來久矣本經與別錄

主治未言補血至宋開寶始云養血亦未明其特效較之西醫所考則遠不及鉄能補血可使赤血球增加  
圓滿凹者可以變凸於貧血者用之適宜若血旺有火者忌服如用之失宜亦足以致他症內經病能論治  
狂症云「使之服以生鐵落飲夫鐵落者下氣疾也」蓋鐵質非專主補血亦有降氣之功予辨煉化低鐵  
糖漿之功效會服二十量滴服後四小時偶覺腹左有氣下墜痛如疝狀未幾此氣由腋達至外腎痛甚急  
煎升麻茴香飲（見升麻條）服之始愈再鐵質反酸類與植物含鞣酸者不可合用合之即成鞣酸高鐵  
矣以下之鐵劑為西醫常用之品故錄之於後以備參考

## 氫化高鐵濃液

又名濃鐵綠水又名鐵氣強鹽濃溶液

### 萬國藥方

Liquor ferri per Chloridi fortior, 濃鐵綠水製法細鐵絲四分鹽強水二十分半硝強水二分半

汽水 酌用 先將鐵絲入化學玻璃瓶復用鹽強水十二分半與汽水七分和勻入內加文火化至不自沸為止  
再用武火熬之過淋紙又加鹽強水七分調勻慢傾硝強水內若不發紅氣加文火助之再入燙鍋散氣至  
無硝強水味並欲結降散為止再加鹽強水一分與汽水共足十七分半為度此藥為棕黃流質味極酸而

澇每百分中計有鉄質二十分

(功用) 配淡鐵綠水鐵酒等外用止血此藥加收斂草藥類立變黑色惟與爪沙高林布等藥和服不變色

(淡鐵綠水) 製法濃鐵綠水一分汽水四分和勻爲度(分劑) 十至三十量滴

## 氫化高鐵酒

又名鐵綠酒又名鐵氣強鹽酒 *Tinctura ferri perchloridi*

### 萬國藥方

濃鐵綠水一分酒一分汽水二分共和勻再加汽水足四分爲度

(功用) 補虛收斂鐵類中爲上品

(主治) 虛弱經閉內部血出尿變甜白濁尿帶蛋青類

(分劑) 每服十至三十量滴加水服

### 賀氏療學

此藥爲常用之品鐵藥類中能利小便者惟此藥效力最大有謂醫丹毒爲特效藥宜服足分劑並當勤服如胃中能忍受每小時服五滴亦不爲過腎久炎服此藥有效並有減蛋白質素之功貧血服之其

酸有助胃消化之功而鉄有益補之力是有雙效也扁桃體炎此藥服敷均可宜用足分劑切當加水以玻璃管吸服庶免齒牙受傷

(分劑) 七至三十量滴

## 甜炭酸鐵

又名甜炭養鐵 又名甜鐵炭強替 *Ferri Carbonas saccharatus* :

### 萬國藥方

製法 磺強鐵 四分 炭養阿摩尼亞 二分半 沸汽水 六百四十分 煉白糖 二分 先用水一百六十分化磺

強鐵次用水一百六十分化炭養阿摩尼亞 二水用力調勻入大玻璃缸內蓋嚴待一天用酒撒抒出上面淨水再將餘水與降散和勻候澄清又抒出上面淨水使布將降散包好用絞盤絞乾入白加白糖研勻再入燙鍋加熱不過二百二十度烤乾為度每百分內計有炭養鐵三十七分此藥結冰色灰棕味甜微有鐵臭

(功用) 生血補而不斂

(主治) 血虛經閉室女經閉

(分劑) 五至二十厘

**賀氏學療**

此藥效力甚少如爲丸服之美分劑四厘英分劑十至三十厘貧血經閉常以此藥醫之或用鐵  
雜合劑半至一量兩

**碘化低鐵糖漿**

又名鐵碘糖又名鐵糖氣漿 Syrupus ferri iodidi

**萬國藥方**

細鐵絲一分碘片二分煉白糖二十八分汽水十三分 先用汽水十分入鍋化白糖置爐旁聽用再將  
鐵絲碘片與汽水三分入化學玻璃瓶慢火溫之搗勻至起白沫再加前化之糖水二分慢熬十分鐘趁熱過  
淋紙入前化之糖水內調勻爲度每量錢內計有碘質四厘有奇

(分劑)二十至六十量滴

**賀氏療學**

此藥乃透光之漿味甜似鐵每百分含碘化低鐵五分若加澱粉於內其色不變倘變藍色則不  
可用因內含未成鹽之碘質也(未成鹽之碘大有刺激力)此藥大用乃醫貧血病兼有斯科夫拉病如  
孩童患癩兼患貧血症者其效尤妙二正歲可服二至三量滴成人可服三十至六十量滴滴於水內以玻  
璃管吸服庶免牙齒受傷

# 鐵香調水

又名鐵香勻水 *Mistura ferri aromatica*

## 萬國藥方

製法細鉄絲二分紅金雞那皮四分末加林啤二分末丁香一分末砂仁製酒十二分陳皮酒二分薄荷汽水

四十八分先將鐵絲金雞納皮加林啤丁香等藥入有蓋器內用薄荷水浸三天間時搖動過淋紙加薄荷汽水足五十分再加砂仁陳皮二酒和勻爲度玻璃瓶存貯

(分劑) 每服一二量兩補虛用

## 賀氏療學

有效

此藥含鐵甚少倘病者服鐵宜多則不使用之若因熱症致微有貧血症者於飯後服一二量兩

藥物圖考卷二

中央國醫館  
醫藥叢刊之一

# 藥物圖考卷二

編審委員楊華亭撰述  
編審委員周柳亭校訂

## 升麻

西名參米思

### 名醫別錄

升麻味甘苦平微寒無毒主解百毒殺百精老物殃鬼辟瘟疫瘴氣邪氣蠱毒入口皆吐出中惡腹痛時氣毒瘡頭痛寒熱風腫諸毒喉痛口瘡久服不天輕身長年一名周麻生益州山谷二月八月採根日乾

### 陶弘景

舊出寧州者第一形細而黑極堅實頃無復有今惟出益州好者細削皮青綠色謂之鷄骨升麻北部間亦有形又虛大黃色建平間亦有形大味薄不堪用人言是落新婦根不必爾其形自相似氣色非也落新婦亦解毒取葉按作小兒浴湯主驚忤

### 圖經本草

升麻生益州川谷今蜀漢陝西淮南州郡皆有之以蜀川者為勝春生苗高三尺以來葉似麻葉並青脆四月五月著花似粟穗白色六月以後結實黑色根紫如蒿根多鬚四月八月採日暴乾醫家以治

咽喉腫痛口舌生瘡解傷寒頭痛（下畧）

**萬國藥方**

*Cimicifuga* 參米思出美國等處入藥用根色外黑內白味苦辛而畧濇別具一種氣息酒水均能提出功力

（功用）溫補平腦平脈化痰

（主治）腦氣筋疼新久風濕欬嗽類病過服令人眩暈作悶及抽筋

（分劑）二至三十喱

**藥料詳要**

洋升麻係 *Actaea racemosa* 之根莖令乾約長二至六寸厚半至一寸絳黑色微臭味苦而辛內含一種香油二種脂及鞣酸但其行效之精尙未查出此藥味苦用小分劑開胃微加則能壯心與狄吉他利同且能激皮及陰陽具在系痛痺症枝氣管炎及數種子宮疾與遺精用之（分劑）二至三十喱

**賀氏療學**

升麻乃美國一類宿根之草入藥用其根內含一脂並一揮發油如用其油或流膏當隨製隨用並常用本年所產者因其力易失也

（生理作用）試將此藥之大分劑注射禽獸皮內則脊腦覺徑被癱故激反應之能減少雖肌與腦系不受阻而心與血管舒縮中樞俱受其阻終因呼吸停止而殞命服小分劑微有激心之力用足分劑鮮有不

額痛者但其生理作用與療效無甚干涉

（療效）腎肌跳之妙劑砒爲第一此藥居第二如無他恙此藥尤妙但宜防大便乾燥並常常與鐵類同服若有痺症之根用之實最合宜有醫士以此藥爲治系痛之妙劑若卵腺之系痛尤爲妙劑婦人經閉子宮痛與子宮不復原等症或降階時覺卵腺或子宮作痛用之尤妙以其大有激發子宮之力故懷孕者宜慎用之可免小產之虞然有醫士特用爲免小產之劑因其有激發子宮之能可代麥奴之用過用目力之頭痛用之有效

### 英國藥制

升麻乃溫和之祛痰劑其味苦所用者爲醇溶液（膏或醇劑）治舞蹈病風濕痛及腦經痛

華亭述言

【產地】 各國均產

【形態】 毛茛科升麻屬多年生草本莖高三四尺三出羽狀複葉葉緣缺刻及鋸齒每小葉卵圓形夏日莖端開

小白花總狀花序其根爲根莖長數寸徑半至一寸外皮褐黑而紫內黑白相兼有羅孔如木質輪中心常有空虛

【主治】 入藥用根有毒味先苦後畧辛主頭痛口瘡咽喉腫痛欬嗽化痰止咳驚悸疝氣痛風肌跳溼痺經痛卵巢

系痛遺精脚氣

【考證】

張元素李東垣李時珍均以升麻專爲上升之藥清諸家本草多宗之俗云「上升須用升麻柴胡升之下降須以牛膝引之欲使藥力上行則以桔梗載之」此派學說今日盛行予非謂升麻無上行之功特不可專爲上升藥耳新本草綱目附錄云「前人以升麻之升推想爲升降之升其論功用往往牽強附會香川修德著一本堂藥選已闢其謬誤摘錄數語如左張元素曰升麻升陽氣於至陰之下李杲曰升麻升胃中清氣自二氏創此謬說後之醫家遂往往以升提爲言抑何深拘於升字乎」本草綱目誤升麻爲本經藥並云「今別錄作周麻非省文卽脫誤也」此非別錄之誤乃李氏自誤耳按此藥中分劑有醫頭痛療咽喉之功足分劑致額痛眩暈毒分劑能阻心經與血管舒縮中樞終至呼吸停止而死金匱升麻蜜甲湯爲療咽喉痛吐膿血而後人皆爲喉症禁忌之品豈未見別錄主風腫諸毒喉痛口瘡之症乎若近世於喉症用之必謂庸醫殺人此皆不究實際專憑耳食之誤也予於調經方中多爲諸藥之導引於經閉腹痛令其激動子宮頗著功效而於卵線痛尤效療學云「升麻爲治肌跳之妙藥砒爲第一此藥居第二」其於脚氣冲心及疝氣類症均效小兒科多用爲定驚之劑蓋取其安撫神經而驚悸痲癩自止矣故於神經痛與烏頭等藥並用尤妙此藥內含一種揮發油與二種樹脂及一種鞣酸

【修治】採於春秋洗去泥土去其根鬚及枯朽之處陰乾勿洩氣用時搗碎勿切片緣內含揮發油最易失散故

療學云「常用本年所採者因其力易失也」

【分劑】煎服半至三錢

【升麻蕒飲】升麻一至三錢 麻蕒一至二錢 蒼

朮二至三錢 吳茱萸一至二錢 檳榔二至四錢 威靈

仙一錢 若骨痛加柴胡二至三錢 治脚氣冲心

【升麻茴香飲】升麻一至三錢 茴香一至二錢 麝香

二至三分以藥汁送服 絲瓜半至一兩 川棟子二至四錢 荔枝

核五錢 治疝氣

【驗案】民國二十一年秋虎疫流行到處披猖有

黃姓婦年七十餘因患霍亂愈後飲食不禁致患瀉腹及口顫四肢麻木初則一日口顫二三次至三日後每日顫動七八次如風痺之狀余開「升麻山查飲」(方見後)服之一劑顫動即止而瀉腹及四肢麻木皆愈惟頭部畧為眩暈即療學所云如用足分劑鮮有不額痛者始知此藥為安撫神經肌跳之妙劑也



【升麻山查飲】

升麻三錢山查三錢麻黃膏二分菊花三錢麥芽三錢薄荷三錢甘草牛兩

豆蔻

又名草豆蔻又名草果

名醫別錄

豆蔻味辛溫無毒主溫中心腹痛嘔吐去口臭氣生南海

陶弘景

冷爾

味辛烈者為好甚香可常含之其五和糝中物皆宜入廉薑溫中下氣益智熱枸櫞溫甘蔗麩目並小

蜀本草圖經

豆蔻苗似杜若春花在穗端如芙蓉四房生於莖下白色花開即黃根似高良薑實若龍眼而無鱗甲中如石榴子莖葉子皆味辛而香十月收今花中亦種之

圖經本草

豆蔻即草豆蔻也生南海今嶺南皆有之苗似蘆葉似山薑杜若輩根似高良薑花作穗嫩葉卷之而生初若芙蓉穗頭深紅色葉漸展花漸出而色漸淡亦有黃白色者南人多採以當果實尤貴其嫩者并穗入鹽同淹治疊疊作朵不散落又以木槿花同浸令其色紅耳其作實者若龍眼子而銳皮無鱗甲中子若石榴辨候熟採之暴乾根苗微作樟木氣其山薑花莖葉皆薑也但根不堪食亦與豆蔻花相似而微

小耳（下畧）

**植物名實圖考**

豆蔻別錄上品卽草果桂海虞衡志諸書詳晰如繪嶺南尚以爲食料唯南越筆記以爲根葉辛溫能除瘴氣雲南山中多有之根苗與高良薑相類而根肥苗高三四尺高良薑根瘦苗短數十莖叢生葉短面背光滑潤紋細葉淡綠草果莖或青或紫葉長紋粗色深綠夏從葉中抽葶卷籜綠苞漸舒長莖分綻尖杪淡黃近跗紅赭拆作三瓣白花兩瓣細長翻飛欲舞一瓣圓肥中裂爲兩黃鬚三莖縈繞相糾紅蕊一縷未開如鉗一花之中備紅黃白赭四色圖經諸說旣不詳臚而含胎充果又與良薑之紅豆蔻穉子蓋之軟紅麥粒互相輻輳若以三種並列則花實幾無一肖余就滇人所指名而名之不識嶺外所產與此同異滇南本草性溫味辛無毒生山野中或蔬圃地葉似蘆開白花結果內含瓢藏子如豆蔻而粒大能消食積解冷宿結滯之鬱開通胃脾快利中膈令人多進飲食今人多用爲香料調劑飲食甚良又能去除蠱毒辟夷人藥毒佩之能遠患也

**萬國藥方**

Cardamomum 草豆蔻出印度暹羅等處入藥用菓味香而辛

（功用）溫補開胃祛風佐瀉劑同服能免肚疼

（分劑）五至二十厘

賀氏療學

豆蔻乃一類草子有苦補藥之力且有香味胃與小腸虛弱者服之有效如與金酸類或龍胆草

等苦補藥並用其效尤妙

藥料詳要

係豆蔻 *Allettaria cardamomum* 成熟之子令乾然常留於殼中臨用時剖出其果爲橢圓形淡

黃色長一寸五分之二至五分之四內含之子深紅色長約一寸八分之一寬厚亦如之爲角形有縐紋味

臭熱而香內含香油特質如樟腦質豆蔻爲調藥味及祛風最佳之品其效頗似胡椒

英國藥制

豆蔻子用作開胃驅風和味和入瀉劑作爲佐劑防止絞痛頗著功效普通應用者乃其醇劑

華亭述言

【產地】

產於中國南部

【形態】

薑荷科豆蔻屬多年生草本莖高三四尺互生單葉長橢圓形全緣並行脈狀如杜若夏日葉中抽葶卷

籜綠苞漸舒花冠三片色白總狀花序結實淺殼內爲重子集合而成每子長約一分色灰褐

【主治】

入藥用果無毒味畧香而辛主溫中行氣開胃止嘔吐去口臭除脹滿腸胃氣痛佐瀉劑免腸部絞痛

【考證】

按豆蔻至宋又名草豆蔻或名草果皆一物也藥性賦解本草原始本草從新本草求真醫學辭典中藥

辭典皆以草果與草豆蔻爲二物究此藥形態微異因產地而殊實則一種也故李時珍云「草豆蔻草果

雖是一物然微有不同建甯所產大如龍眼而形微長其皮黃白薄而稜峭滇廣所產長大如訶子其皮厚黑而稜密而諸家本草皆引李氏之說誤爲二物矣此因不究名實以訛傳訛惟植物名實圖考言之甚詳按豆蔻性與白豆蔻縮砂蕾相同此藥內含揮發油油內含松烯及一種樟腦

【修治】

採子於成熟之期晒乾收藏勿洩氣用時搗碎

【分劑】

散服去殼二至五分煎服帶殼搗碎一至三錢

白豆蔻


開寶本草

白豆蔻味辛大溫無毒主積冷氣止吐逆反胃消殺下氣出伽古羅國呼爲多骨形如芭蕉葉似

杜若長八九尺冬夏不凋花淺黃色子作朵如葡萄其子初出微青熟則變白七月採

圖經本草

白豆蔻出伽古羅國今廣州宜州亦有之不及番舶者佳苗類芭蕉葉似杜若長八九尺而光滑



豆蔻

冬夏不凋花淺黃色子作朵如葡萄生青熟白七月採

**萬國藥方**

*Annonum cardanum* 白豆蔻亦有紫色者謂紫豆蔻苦者謂益智子此藥出暹羅並中國廣州

等處入藥用葉帶殼者佳

(功用)與草豆蔻同

**華亭述言**

**【產地】** 產於暹羅等處

**【主治】** 入藥用果無毒味辛香主開胃行氣消食止嘔吐

**【考證】** 白豆蔻形態未見係開寶時收入云形如芭蕉圖考繪圖爲本立植物近日程登瀛由暹羅寄稿於廣州

醫林一謬云白豆蔻係蔓生草莖粗如少指密生芒毛萌芽即生葉結實嫩葉卷曲平行脈葉漸展花已成胎此藥分野生人工二種野生者人皆自由採取不待成熟遇見即折故蔻樨殼光白仁瘦小人工自主者待熟採取故仁滿殼厚而起稜色微含黃褐今藥市以黃褐色者呼爲紫豆蔻以白壳者用褐土染而充之蓋紫白二蔻本爲同種因白壳者係失時採取其壳揉之易破內有三房含種子九至十二枚色黃褐含於口中有辛溫之氣其功用與豆蔻砂仁相似本草從新云「火升作嘔因熱腹痛氣虛諸證咸宜禁之」按

白豆蔻係微辛之劑非刺戟性之大熱藥也如嘔吐積食腹痛爲行氣消食常用之品彼云氣虛諸證咸宜禁之蓋白豆蔻本非治氣虛之藥但若因氣虛致胃脹失其功用以致消化不良宜與他藥配服

【修治】 與豆蔻同

【分劑】 散服與煎服亦與豆蔻同

## 肉豆蔻

### 開寶本草

肉豆蔻味辛溫無毒主鬼氣溫中治積冷心腹脹痛霍亂中惡冷症嘔沫冷氣消食止洩小兒乳霍其形圓小皮紫緊薄中肉辛辣生胡國胡名迦拘勒

### 圖經本草

採

肉豆蔻出胡國今惟嶺南人家種之春生苗花實似豆蔻而圓小皮紫緊薄中肉辛辣六月七月

### 植物名實圖考

肉豆蔻開寶本草始著錄今爲治洩泄要藥李時珍云花實如豆蔻而無核故名

### 萬國藥方

Myrsinica 肉豆蔻出印度羣島乃樹所結之菓去外壳用子屬香味類

(功用) 行氣去風亦解他藥惡味

(分劑)五至十五厘

### 賀氏療學

此藥係樹所結之菓產於東西印度羣島有平腦系部之能與安睡之效亦有改味之功盪瀉症與他藥同服有效內含一類精油其氣易散名肉蔻油此菓之外皮名肉蔻花

(毒力)服過分劑者必致中毒其形狀與中印度麻相同

### 藥料詳要

係肉豆蔻 *Myristica fragrans* 樹果之子去殼令乾卵形或球形長約一寸外灰綠色而有成網之窩內灰紅色而有絳紅色紋臭味香且熱而微苦肉豆蔻之效多與他種香油相似餐中用之調味其油有時用於擦藥貼膏以得其激皮之功

### 華亭述言

【產地】產於東印度羣島

【形態】肉豆蔻科肉豆蔻屬常綠喬木高約三丈葉互生長橢圓而尖網脈全緣面光滑由葉腋抽出花莖單性花雄雌異株結實爲肉果形卵圓長約一寸初色綠白後則黃褐色面光滑熟時由殼上方開裂種子落下外被赤色多肉性之種衣割開有褐色斑紋狀如栝榔紋

【主治】入藥用果有毒味辛香主平腦安眠行氣開胃消食破積聚心腹脹痛嘔吐霍亂止洩若因食積致瀉常與大黃並用有推陳致新行氣之能若寒瀉或五更瀉與補骨脂乾薑吳茱萸配服有溫腎煖腸及收斂之

效如失眠症宜與麻蕒並用

【考證】

肉豆蔻係喬木非芳草也產於東印度等處蘇頌謂嶺南人家所植春生苗者非也而原始備要從新求真俱云出嶺南似草豆蔻皆隨文附會耳醫學大辭典中藥大辭典云肉豆蔻屬芳草類及言其形態則謂常綠木本矛盾甚矣此藥分劑加多如中麻蕒毒相似西醫云有平腦安眠之功則為中醫所未道及此藥內含脂肪油與揮發油及澱粉等質

【修治】

採於成熟之期收藏勿洩氣用時去壳搗碎

【分劑】

散服一至五分煎服半至二錢

縮沙蔻

又名 砂仁

藥物圖考卷三



嘉祐本草

縮沙蕾味辛溫無毒主虛勢冷瀉宿食不消赤白洩痢腹中虛痛下氣生南地苗似廉蓋形如白豆蔻其皮緊厚而皺黃赤色八月採

圖經本草

縮沙蕾生南地今惟嶺南山澤間有之苗莖似高良薑高三四尺葉青長八九寸闊半寸已來三月四月開花在根下五月六月成實五七十枚作一穗狀似益智子皮緊厚而皺如栗文外有刺黃赤色皮間細子一團八隔可四十餘粒如黍米大微黑色七月八月採

南越筆記

陽春屬廣東高雷道砂仁一名縮沙蕾新興屬廣東粵海道亦產之而生陽江屬廣東高雷道南河者大而有力其種之所(此句有錯漏)曰果山曰縮砂者言其壳曰蕾者言其仁鮮者曰縮砂蕾乾者曰砂仁八月採之以嫩者靈漬為貨於嶺外最珍其稅頗重

植物名實圖考

縮沙蕾嘉祐本草始著錄圖經苗莖似高良薑今陽江產者形狀殊異俗呼草砂仁

萬國藥方

*Amomum xanthioides* 此藥出暹羅安南等處與草豆蔻同用而力稍勝

華亭述言

【產地】 產於廣東及安南暹羅等處。

【主治】 入藥用子無毒味辛香主行氣開胃消食嘔吐脹滿腹痛寒瀉利疾

【考證】

嘉祐云苗似廉蓋圖經云苗莖似高良薑惟圖考云「陽江產者形狀殊異」蓋謂不似廉蓋或高良薑之屬觀其圖為掌狀葉與廉蓋及高良薑之長橢圓葉者迥異但未言是草是木耳察植物辭典無圖亦無解釋惟云係蕁荷科豆蔻屬是仍以爲廉蓋高良薑之

類也今將圖考之圖繪之於後以備參考而藥市所售

多爲去壳之仁係重子集合而成漸呈三稜體徑約二

分半長約三分每單粒大如黍而畧長每體約合子三

四十粒外色褐黑內白後繪之圖是否爲縮砂薑遠望

陽江學者就地考證而教正之

【修治】

採於成熟之時帶壳收藏用時去壳搗碎而藥市所售皆爲去壳之仁其力較微

【分劑】

散服二至五分煎服半至二錢

薄荷

縮砂薑



唐本草

薄荷味辛苦溫無毒主賊風傷寒發汗惡氣心腹脹滿霍亂宿食不消下氣養汁服亦堪生食人家種之飲汁發汗大解勞乏註莖葉似荏而尖長根經冬不死又有蔓生者功用相似

圖經本草

薄荷舊不著所出州土而今處處皆有之莖葉似荏而尖長經冬根不死夏秋採莖葉暴乾古方稀用或與薤作齏食近世醫家治傷風頭腦風通關格及小兒風涎爲要切之藥故人家園庭間多蒔之又

有胡薄荷與此相類但味少甘爲別生江浙間彼人多以點茶飲之俗呼新羅薄荷近京僧寺亦或植一二

本者天寶方名連錢草者是石薄荷生江南石上葉微小至冬而紫色此一種不聞有別功用凡新大病差人不可食薄荷以其能發汗恐虛人耳字書作菝葜

本草綱目

薄荷人多栽蒔二月宿根生苗清明前後分之方莖赤色其葉對生初蒔形長而頭圓及長則尖

吳越川湖人多以代茶蘇州所蒔者莖小而氣芳江西者稍粗川蜀者更粗入藥以蘇產爲勝（下畧）

植物名實圖考

薄荷唐本草始著錄或謂卽菝葜芡之訛中州亦蒔以爲蔬有二種形狀同而氣味異俗亦謂之臭薄荷蓋野生者氣烈近臭移蒔則氣味薄而清可噉亦可入藥也吳中種之謂之龍腦薄荷因地得名非有異也

萬國藥方

*Mentha piperita* 此藥出英美及中國等處係從龍腦薄荷鮮葉按公法蒸出者臭香味辛

(功用) 嘔吐胃口疼肚風絞疼佐瀉劑同服免其肚疼解他藥惡味常用之

(分劑) 一至四喱

(外用) 治頭疼面部腦氣筋疼

### 賀氏療學

此藥係一類草之乾葉及生花之稍嗅管俱有香味因內合一類香油如以此油敷於皮上有刺

激力且有麻效其油內含薄荷冰形如樟腦味辣亦大有麻效

(療效) 此藥常醫腸胃氣脹及嬰孩疝症有醫士以此油加於瀉劑庶免疝患此油香味甚濃如加惡味藥內必易服之六月至一正歲之嬰孩如患重疝症且腦系受累者良方如下

哥拉十六哩溴化鉀三十二哩薄荷水二盞每小時服一小匙加於沸水內

腦系痛以此油滴於布上覆患處有效且宜謹慎須妨起飽及去布後如覆處甚作燒痛即以軟石蠟或俄利乏油敷之其痛即止患牙痛者以此油一滴於綿花上塞於牙孔有效此油含薄荷冰多麻力必大中國所含之冰較多於美國

(薄荷冰) 由薄荷油而得無色結晶形成三角狀之似薄荷油孕吐者服之常效胃痛者此藥有祛風之效分劑一至二喱製丸日服三次胃粘膜新炎忌用此藥敷於皮膚或粘膜皆有麻效故製成筆形之錠於

系痛或頭痛擦之有效

**藥料詳要**

薄荷油由薄荷 *Mentha piperita* 草於開花時所採新鮮者蒸出無色或淡黃或黃綠流質愈

陳則色愈深臭特別有刺透之香味口中繼續覺涼（分劑）半至三量滴

（薄荷冰）由薄荷油及綠薄荷油令冷結出無色針形晶約常粘連因面含油質一層有薄荷之臭味先

畧灼舌旋由呼吸則喉覺涼（分劑）半至二煙

薄荷及綠薄荷之效一如他種香油而用者最多常為調藥味及驅風之劑其特性有二（一）敷於單處則

毛細管不舒而縮並覺其涼（二）內服不增血白脉之數而反減之薄荷冰用於單處可止痺症之痛系痛

牙痛皆有單處麻效之功擦於頭太陽穴能止偏頭痛

**英國藥制**

薄荷乃芳香之興奮及驅風劑所用者大抵係其油

（薄荷腦）內服作興奮劑及驅風劑以治腸胃充氣及胃痛其在胃內有麻醉功用外用乃局部止痛劑

並暫時發生麻木及不全性之知覺失脫用於頭痛腦經痛風濕牙痛及騷癢等

華亭述言

【產地】

各地皆產

【形態】 唇形科薄荷屬多年生草本莖高約尺許葉對生卵圓形葉緣鋸齒莖方色紫秋日由葉腋開輪繖花序

花小色白唇形花冠雄蕊四枚雌蕊一枚其根爲根莖長約數寸附生以出新苗繁殖甚盛

【主治】 入藥用莖葉芽有小毒味辛涼畧苦有麻性主發表嘔吐去風邪頭痛心腹脹滿霍亂腸胃充氣佐瀉劑

止絞痛其油與冰功用相同惟力大耳外用治頭痛及神經痛牙疼擦患處有效

【考證】 西醫入藥用薄荷油由薄荷開花時所採之鮮質蒸出薄荷冰由油取出外用於局部止痛係有麻醉神

經之功用中醫用薄荷莖葉然此藥之效在內含之

揮發油須用本年者力大尤宜收藏得法否則功效

以徵此藥由唐時收入主「傷風發汗」後世每於

傷風症以薄荷爲發汗統主之藥殊不知發表藥性

不同須隨其症而施之如頭痛發熱身痛骨節疼痛

惡風無汗而喘者的是麻黃症實非薄荷所能醫也

而後學每於病理不究以爲麻黃服之易於汗出亡

陽故致近世於傷風症者多以薄荷蘇葉主之



【分劑】

莖葉煎服一至二錢薄荷油半至三量滴薄荷冰半至一瓩

(薄荷冰搽油) *Linimentum menthol* 薄荷冰三份哥羅芳<sub>三</sub>份甘油六十份共化勻爲度治腰骨疼痛及腦系痛以棉蘸擦患處有效

(薄荷冰軟骨) *Unguentum menthol* 薄荷冰六十厘白油膏一兩杏仁油一量兩半硫酸銻六十厘石炭酸三十厘大楓子油半兩量共研勻爲度治痔瘡漏瘡腎囊風

丁香

附 鷄舌香

名醫別錄

鷄舌香微溫療風水毒腫去惡氣療霍亂心痛

陶弘景

此用不正入藥惟療惡核毒腫道方頗有用處

唐本草

雞舌樹葉及皮並似栗花如梅花子似棗核此雌樹也不入香用其雄樹雖花不實採花釀之以成香

出崑崙及交愛以南

開寶本草

丁香味辛溫無毒主溫脾胃止霍亂瘧脹風毒諸腫齒疔醫能發諸香其根療風熱毒腫生交廣

南番二月八月採

**圖經本草**

丁香出交廣南番今惟廣州有之木類桂高丈餘葉似欒凌冬不凋花圓細黃色其子出枝藥上如釘子長三四分紫色其中有窠大如山菜萸者謂之母丁香二八月採子及根又云盛冬生花子至次年春採之

**萬國藥方**

*Caryophyllum* 丁香出印廣羣島等處入藥用該樹花蕾味香而辛

(功用) 行氣祛風

(主治) 嘔吐肚風飯不消化

(分劑) 五至十厘佐他藥同服

丁香油從丁香按公法蒸出者(分劑)一至四量滴

母丁香又名雞舌香此藥即丁香樹所結之果味似公丁香功用與上同但力較遜

**賀氏療學**

*Caryophyllus* 丁香係一類樹之花蕾產於東西印度羣島皆嗅俱有香味初採色黃後則漸

變深灰內含一類揮發油名丁香油

(療效) 此油能驅腸風如瀉腹或服瀉劑者服此油可免絞腸之痛並有改味及外惹內效之功且有麻

效與殺寄生之力肺勞症於飯後以此油五量滴置於藥囊內服之或以此油五量滴加滅菌之甜巴旦杏仁油三十量滴注射皮下每日一次雖受疼苦其效最妙因有滅菌之功陰虱之患以此油敷患處有殺死之力牙痛以此油一滴於棉花上塞於牙孔則有麻效肌痺症以此油製成擦藥擦之有外惹內效之功嘔吐不止以此油半至一量滴加水服之或效（分劑）一至五量滴

（中毒）服毒分劑者先則暈倦後則腸胃生炎終則呼吸被癱而死

丁香係 *Engenia Caryophyllata* 樹之花蕊令乾長約半寸黑絳色面有直槽頭戴四齒有毛由中央伸出香臭最強味香而辛每百分約含丁香油二十及鞣酸與一種無色無臭之結晶體丁香油由丁香蒸餾而出新製無色或淡黃久存色變紅褐有丁香之臭及味

（外用）用效多與松節油相似能免腐使皮發紅而疼後於單處麻木然此油外敷解毒未免過費有時含於擦劑令其味美於神經系痛坐骨腦系痛腰痛製成擦藥有安撫之功

（內服）此油治胃食滯及消化力弱與苦補藥同服能使胃液加多亦有驅風之效在胃抽呃逆飽脹等狀最爲合用在他經亦受其反應之激如令心加增其血壓之力又脊腦延腦大腦之中樞亦受激故在數種積症及痒症心慌而痛均有安撫之能在腸有驅風之效與瀉藥同服能解絞腸之弊在絞腸痧能解其

抽而安撫之（分劑）半至三量滴

### 英國藥制

丁香乃桃金娘科丁香乾燥之花蕊長約一五耗各具棕黑色皺縮約圓筒形而略具角之萼管其管向下則漸尖上戴明顯厚硬之齒四枚齒間有顏色較淺之覆瓦狀花瓣四片包含許多雄蕊及一單獨之花柱氣濃郁而芳香味頗刺舌而香以指甲刻劃之則滲出丁香油燃後餘灰不越百分之七此油新鮮者無色或淡黃陳者或露空氣中則漸變暗黑味臭皆如丁香芳香開胃驅風防瘴服之可防除作嘔促進消化丁香油作為反感刺激藥製入擦劑治百日咳及枝氣管炎頗有價值牙痛時可作止痛藥

### 華亭述言

### 【產地】

產於印度等處

### 【形態】

桃金娘科丁香屬常綠喬木高約一二丈葉對生橢圓而尖網脈全緣作波紋狀花時集生於枝端花冠四片雄蕊數多雌蕊一枚色淡紅實為長圓形肉果作革質

### 【主治】

入藥用花蕾有毒嗅香味極辛麻舌主行氣嘔吐霍亂腹痛腸胃氣疼開胃消食若胃氣痛（俗名心痛）宜與金匱括樓薤白白酒湯並加乾薑厚朴官桂同服有效（其方列後）腹內塞痛宜佐吳茱萸芍藥之類如嘔吐宜與生薑梔子並用若加大黃枳實則有消積之功如瀉劑加之可免腸絞之痛

【考證】

別錄名雞舌香丁香之名自宋始萬國云「母丁香又名雞舌香此藥卽丁香樹所結之果」雷斅以果實名雌顛力大以花蕾名雄顛力小後世分爲公母丁香由此而起中醫用原質西醫取其油此花萼長三四分徑約分許作圓柱形向下漸細萼瓣四裂內附淡褐色之花瓣四片狀如球摘取後如見日光卽成濃褐色之脂肪狀之光澤上部分爲二房中藏多數卵子氣味芳香其蕾小如蜀黍粒係未放之花冠四片卽藥制云「齒間有顏色較淺之覆瓦狀花瓣四片包含許多雄蕊及單獨之花柱」以此原質嘗之味極辛麻舌擠之見油質而內地普通之售品皆已取油之精粕俗醫卽以此治病取油之物其色黑而齒中圓球之蕾已被取油時壓去僅存四齒之萼擠之無油汁嗅之無香嘗之無味於數雨中往往可揀出原質數枚視嘗最易辨識願今後之醫界勿再以糟粕入藥則病者幸甚矣雷氏云雌顛力大實誤蓋果實之力遜於花若體質不圓而扁多被取油時所壓色褐黑嘗之無味者卽是藥房多以黃色染之入藥無效此藥內含揮發油約百分之二十與鞣酸及一種無臭無色之結晶體名加里奧費魯林

【修治】

採花蕾陰乾存貯勿洩氣雷斅云「凡使有雌雄顛小雌顛大似棗核方中多使雌力大膏煎中用雄若用須去了蓋乳子發人背癰也」雷氏所云之蓋卽花蕾亦卽藥制所云「如覆瓦狀」言乳子發人背癰不足信



圖書本

沒藥

西名密兒拉

【分劑】 丁香原質煎服半至二錢丁香油一至四量滴  
 【丁香栝樓薤白飲】 丁香二錢栝樓一枚薤白三錢乾薑二錢厚朴二錢官桂三錢連翹五錢白酒二兩靈樞經筋篇云「其急者以白酒和桂以塗」按古無蒸酒所謂白酒者亦釀酒而色白者予用以蒸酒二兩於盅內以火煉至一兩將藥汁煎好沖服若不能飲酒者以蒸酒二兩入藥內煎之亦可  
 丁香油 *Oleum Caryophylli* 此油從丁香蒸出初為淡黃色久存漸變褐色（分劑）一至四量滴

沒藥味苦平無毒主破血止痛療金瘡杖瘡諸惡瘡痔漏卒下血目中管暈痛腐赤生波斯國似

藥物圖考卷三



安息香其塊大小不定黑色

**圖經本草**

沒藥生波斯國今海南諸國及廣州或有之木之根之株皆如橄欖葉青而密歲久者則有膏液流滴在地下凝結成塊或大或小亦類安息香無時採今方多用治婦人內傷痛楚又治血暈及臍腹疝刺者

**萬國藥方**

Myrris 沒藥出亞拉伯及印度亞非利加波斯等處屬膠類臭香味苦色紅黃或紅棕成塊大

小不一透明者佳

(功用) 行氣補劑化痰調經

(主治) 痰喘久欬嗽經閉處女經閉

(外用) 治牙齦潰爛口瘡

(分劑) 十至三十厘佐他藥同服

**藥料詳要**

沒藥由 balsamovendron myrrha 樹或他樹取出之珠形塊紅黃色或紅絳色面有一層細粉包裹最脆臭香味辛苦而香內含一種香油名沒藥油內服能漱口喉胃腸之粘膜亦能增加白血球在白虧症與鉄劑同服在處女經閉用之與阿羅或鉄劑同服爲通經之用昔人用爲去痰劑今少用之

英國藥制

沒藥係開胃驅風通經及祛痰劑有時用於慢性氣管炎和入瀉藥內防除痠痛普應用者乃其醇劑作為洗口及含漱劑

華亭述言

【產地】 產於阿拉伯及印度等處

【形態】 橄欖科沒藥屬為厚皮之灌木葉互生為複葉自三小葉構成每小葉倒卵形叢生枝上開小花作叢束

狀萼形如杯花冠四片長橢圓形雄蕊八枚花冠着生雌蕊一枚柱頭三裂實為核果中有核一至三枚卵圓形色褐以刀割破其皮流出液體凝固後即成赤

黑之塊入藥

【主治】 有小毒臭味辛苦主行氣破血化痰止痛通經

閉腹痛瘡癰腫痛

【考證】 沒藥西名密兒拉瘡科疼痛多加沒藥乳香為直

接止痛劑究其功用為行氣破瘀其於止痛亦為間接之力非與鴉片嗎啡有立止之效此藥於行經腹



痛與芍藥等藥配服常效若於經閉宜與破瘀劑並用詳要云「亦能增加白血球在血虧症宜與鉄劑同服」此藥同水研磨殆如乳汁遇硝酸或鹽酸立變紫色此藥內含樹膠百分之四十揮發油百分之二至四并含一種樹脂百分之四十五

【分劑】煎服半至二錢

## 蓖麻子

### 唐本草

蓖麻子味甘辛平有小毒主水瘰癧水研二十枚服之吐惡沫加至三十枚三日一服差則止又主風虛寒熱身體瘡癢浮腫尸注惡氣窄取油塗之葉主腳氣風腫取仁搗蒸傅之注此人間所種者葉似大麻葉而甚大其子如牛蟬又名蓖麻今胡中來者莖赤樹高丈餘子大如阜莢核用之益良油塗葉炙熱熨頸上止蝨尤驗也

### 圖經本草

蓖麻子舊不著所出州郡今在處有之夏生苗葉似葎草而厚大莖赤有節如甘蔗高丈許秋生細花隨便結實殼上有刺實類巴豆青黃斑褐形如牛蟬故名夏採莖葉秋採實冬採根日乾（下畧）

### 萬國藥方

*Ricinus communis* 蓖麻產中國印度美國及西非利加等處入藥用葉及該子榨出之油

(蓖麻鮮葉) 外用治乳汁短少法用蓖麻鮮葉烤熱貼之或用鮮葉八雨水一筋煮一點鐘乘溫用布浸貼乳上亦效

(蓖麻子油) 自蓖麻子榨出無臭味惡涼榨者爲上功用輕瀉瀉力速而平和老幼皆可服

(主治) 便秘肚腸生炎疔疹痢疾初得者滯積泄瀉凡腹中有火服此皆宜

(分劑) 半至一兩治小兒便秘每服一至三量錢作勻水易服

### 賀氏療學

*Oleum ricini* 蓖麻油由蓖麻子榨出內合一酸名蓖麻酸

(生理作用) 此藥令人瀉腹之故今尙未盡知或因內含之酸或因油質原有瀉腹之力

(療效) 此藥爲最和平之劑與硫酸鎂同然硫酸鎂顯效較速且多祛血清空腹服之半至一小時其效

即顯此藥必至四五小時方顯其效人食腐肉及爛菓或他不潔之物以致胃經不安服之最爲妙劑如覺

胃經發炎服之亦可若誤吞桃杏等核或他硬物以致育道被惹此藥有潤腸與護粘膜之功較服硫酸鎂

爲妙孩童瀉症常有粘液積於腸內如先用斂藥必致有損宜先服此油爲宜將積液瀉出後服斂藥方能

有效此藥不合人意之處有三(一)氣味不美(二)係油質(三)常用易患痔瘡

### 藥料詳要

蓖麻油由蓖麻子榨出無色或淡黃稠粘流質微有特臭味先和平後辛而惡此油爲專瀉之劑

其效確實而迅速且不疼痛服後四至六點鐘則下稀薄之糞至二三次不等

**英國藥制**

蓖麻油乃溫和迅速之瀉劑治便秘之由於糞塊硬結者此乃一種最良之瀉劑用於諸症其腸發炎而被惹激者如腸疝腹瀉由於不消化而起者兼治胃部異常此油爲用於嬰兒最安全之瀉劑可和入漿劑或油性液質而作灌腸劑

**華亭述言**

**產地**

中西皆產

**形態**

大戟科蓖麻屬一年生草本高五六尺莖中空有節節上生白粉蠟質葉互生掌狀脈單葉葉緣鋸齒葉柄長秋日由葉腋相對之節間生出花莖長五六寸開圓錐花序單性花雌花上部色淡紅雄花下部色淡黃果實爲裂果外壳生銳尖熟時分裂內含種子三枚形橢圓而扁外壳有黑白斑紋內仁色白蓖麻油爲稠粘之液體幾無色或帶微黃色

**主治**

入藥用油無毒無臭味苦辛而惡主瀉腹腸胃食滯脹滿便秘誤吞硬物致育道被惹服之潤滑易下

**考證**

蓖麻子多於外科作敷藥之用內服甚少唐本草「治水燉服二十枚令吐」此法不妥倘不吐恐生他

患蓋此藥內含蓖麻素又名蓖麻白蛋白其性極毒西名黎新 Ricin 以此素服之則致腸胃炎而出血植

物學中有云「如以蓖麻所含之黎新少量注射鼠兔等體中則其血液忽焉凝固遂至死亡」若以微許注射則血內生一種抗毒素名抗蓖麻素無中毒之患由此漸加至毒分劑亦無中毒之患此與受嗎啡毒之人注射至毒分劑而無害者同一理也惟油內不含此素即服至數兩亦無中毒之險此油合一酸名蓖麻酸在胃無作用至腸化成鹹性蓖麻油酸鹽能止其蠕動即腸內之水亦少被吸收故無絞腸水洩之弊為瀉劑中緩和之藥在體弱便秘者宜之但此油易發痔瘡與阿羅相同患痔者慎之

【分劑】 蓖麻油三至一兩

## 安息香

唐本草

安息香味辛苦平無毒主心腹惡氣鬼產出西戎似松脂黃黑色為塊新者亦柔韌

萬國藥方

Benzoinum 安息香出暹羅國及隣近諸島種類分數等入藥者大約二種一成塊如松香一顆



粒粘連內含一酸卽辨佐匿酸按百分中計有此酸十五至二十分

(功用)行氣化痰止血

(分劑)十至三十厘

### 賀氏療學

安息香係一類樹之脂產於蘇門搭拉玻羅加拉巴等處爲黃色或棕色小塊折之自似乳其味畧辣內含一酸名安息香酸此酸亦可由安路樹脂用法而得但其惹力甚大故不宜入藥用

(生理作用)以濃酸敷於皮上則有刺激力服過分劑胃覺燒熱有服此藥之特性者致發風疹塊或紅斑疹

(療效)胱久炎尿中含鹹且含磷酸鹽類服之有效淋病晚程與印度麻(麻蕒)同服有效有名醫謂新痺症若一日服二至三錢乃爲特藥與柳酸同但常用安息香酸鈉因其易於溶化也急性喉炎而聲嘶者以安息香雜酒半量兩置於沸水內吸其氣大效用時須以布蒙頭與藥水以免藥氣散失枝氣管久炎服此酸有效日服三次每次十厘

### 藥料詳要

安息香由 *Styrax benzoin* 等樹取出之香脂結合成塊長約二寸厚半寸外黃綠色內稍白冷時脆而熱融和臭香每百分含安息香酸十二至二十分及肉桂酸少許與一種香油二種樹脂

安息香酸由安息香用升華而得針形或片形最輕淨之白晶

外用安息香有抗膿毒及消毒之用且微能激該處之血運在臭瘍臭傷常爲用之

內服安息香酸至胃則微覺發熱而受刺激惟服其鹽之刺激較弱此藥之作用與柳酸同但其力較弱在新痺症曾用之代柳酸鹽然無效果據云安息香酸有增枝氣管分泌令化液體之作用故爲去痰劑於枝氣管久炎痰多而稠或惡臭或粘膜久炎而致弱者在反射力低時用之最宜

### 英國藥制

安息香酸外用係刺激消毒藥內服係奮興消毒解熱利尿兼用於膀胱卡他症安息香酸鹽用於枝氣管炎等症乃有效之祛痰藥

### 華亭述言

【產地】 產於暹羅等處

【形態】 齊墩果科安息香屬落葉喬木高數丈葉互生卵圓形而尖網脈全緣背生白毛夏日開花花瓣外白內

紅褐入藥用該樹所滲之脂凝固後成黃絳之塊內含安息香酸色白體輕成片形或針形

【主治】 有毒原質嚼之而粘味辛別具氣息安息香酸味辛辣而酸水難溶化主行氣化痰痺症止痛脫久炎利

尿外用免腐去毒

【考證】

安息香自唐本草收入主「心腹惡氣鬼疰」按疰字病也如今病菌之意「鬼疰」者即今所謂之轉染病如鬼相使而轉染也後世不明病理以爲安息香有醫鬼之功故大明云治「魍魎鬼胎」李珣云治「婦人夜夢鬼交」本草從新乃云「鬼胎能下」此類學說全似神話非「修詞立誠」之旨也西醫多用安息香酸而中醫於內服則以安息香爲宜因與他藥煎服取其自然之性且其刺激力亦較少而穩安息香內含安息香酸約百分之十八與肉桂酸及二種樹脂并含乏尼林與苦杏仁油蓋此藥化痰因含安息香酸與苦杏仁油及肉桂酸之力故用原質爲宜其功用能令枝氣管液體加多易於吐出西醫常於痰疾用之而中醫用者甚少此藥於痛風痺症之初程與柳酸烏頭等藥並用有效疰久炎宜與車前等藥並用外用以安息香酸取其刺激有消毒止炎之力西醫配各種軟膏常用之

【分劑】

安息香煎服半至一錢半

【安息香酸猪脂】

Adeps Benzozatus 安息香酸百分煉猪脂三

分共入鍋內溶化兩小時屢次攪之過布淋調至冷爲度功用



安息香

配各種油膏用較專用豬脂尤妙更耐久存

## 阿魏

### 唐本草

阿魏味辛平無毒主殺諸小虫去臭氣破癥積下惡氣除邪鬼蠱毒生西番及崑崙注苗葉根莖酷似白芷搗根汁日煎作餅者爲上截根穿暴乾者爲次體性極臭而能止臭亦爲奇物也

### 酉陽雜俎

云阿魏出伽闍那國卽北天竺也加都那呼爲形虞亦出波斯國波斯呼爲阿虞載樹長八九尺皮色青黃三月生葉葉形似鼠耳無花實斷其枝汁出如飴久乃堅凝名阿魏拂林國僧鬱所說同摩伽陀僧提婆言取其汁和米豆屑合成阿魏

### 萬國藥方

*Asioida* 阿魏原產印度之阿弗干取該樹之汁製成酒水均能提出功力色紅黃而白味苦而辛其臭頗烈

(功用) 行氣化痰輕瀉解轉筋

(主治) 肚風鬱病痒病類欬嗽久氣管炎

(分劑) 五至二十厘

賀氏療學

阿魏產於阿弗汗乃以樹汁製成兼紅黃白等色味似蒜其臭頗烈服之胃覺暖有平育道之功亦爲驅風之藥

(療效)此藥常爲驅風藥其功大顯於腸內年邁者因胃不消化致腸胃氣脹服之最妙孩童腸胃充氣之疼痛亦可用之孩童氣厥或腸熱之氣厥可以此藥射於腸內枝氣管炎之晚程可爲去痰藥孩童神經過受刺激服之亦常有效

藥料詳要

阿魏由 *Ferula Foetida* 等類之根割破後流出之油膠樹脂球形或壓扁之塊冷脆而熱融橫徑半至一寸色黃愈陳久則色愈深而質愈脆臭惡似蒜味苦辛亦似蒜在水中研色白如乳在癩症爲最佳激腦之品能阻止其過於動情使感情安息亦能兼解瘰癧之功至腸有驅風之效在大便結製成藥液射入腸內有通腸驅風解抽之功阿魏所含之揮發油在枝氣管久炎有去痰之功在婦科可爲調經之劑

附阿虞 *Galbanum*

由 *Ferula Galbaniflua* 等樹之本或滲出或割破流出所得之油膠樹脂球形或數珠結合成團黃綠色或微兼藍綠色臭特別味苦而惡阿虞之效與阿魏及阿摩特同常與此二藥同服(分劑)五至十五

英國藥制

阿魏乃一種油膠樹脂由割破繖形科阿魏之根使滲出其樹脂而得由他種同屬之植物或亦可取得或係圓形或扁平之膠珠徑自一二至二五垓或爲膠珠結合之塊質其色由灰白而至暗黃不一貯久則畧變黑新鮮之膠珠在普通溫度中性恆韌冷則變硬內部微黃而半透明或作乳白色而不透明初露於空氣之表面每漸變爲粉紅色繼則呈紅色終則成紅棕色臭氣強烈似蒜而永存味苦而辛且亦似蒜和水研末則成白色乳劑（下畧）刺激腦經治花癡及傷寒症中之胃腸充氣此藥有防孳縮及驅氣之功與纈草鹽合併治經絕確有效驗

華亭述言

【產地】 產於波斯及北印度等處

【形態】 繖形科阿魏屬多年生草本莖高數尺在初生之數年內爲根出葉至抽莖結實之年卽枯萎而死根出葉直立地上長二三尺色青綠有灰色之短毛爲羽狀複葉每小葉作披鉞形數年抽圓莖不分歧葉基膨起其狀如靴頂葉變爲苞葉於苞腋抽出花莖約二三枝於頂端開五瓣之小黃花複繖花序果實爲扁平裂果色黃褐卵圓形或橢圓形背生茸毛根爲圓錐根頗肥大外皮灰褐或紫內白中含乳汁

【主治】 有毒味辛臭如隔夜爛蒜主行氣消食破積開痰驅腸胃結氣脹滿腹痛孩童氣厥腹內絞痛瘰癧輕瀉

調經此藥能阻止思情有醫花癡之功宜與溴化鉀等藥并用

【考證】

酉陽雜俎云「波斯呼爲阿虞」按阿虞另爲一種非阿魏也據詳要所載分三類（一）阿魏 *Asioteis-*

*ida* (1)阿虞 *Galbanum* (2)阿摩特 *Ammoniacum* 阿摩特由 *Dorena ammoniacum* 開花結果

之幹取出植物辭典名安母尼亞屈謨屬繖形科高約七八尺葉呈羽狀其味苦辛但無蒜臭爲異主治與阿魏相似今用者鮮矣從新與求真云「人之血氣聞香則順聞臭則逆虛有痞積當先養胃氣胃強則堅積漸磨而消矣不宜用此臭烈更傷胃氣」但此藥實爲痞積效藥其於腸內行氣破積之功較入他經尤

大吳馬二氏之說乃臆度之詞並云虛有痞積當先

養胃氣尤與病理不合考痞積多用攻破之劑絕無

補法蓋藥與食有異藥者須以去病爲宜故曰「良

藥苦口利於病」豈能以香順臭逆爲醫病之證也

阿魏爲圓形或扁圓之塊係由液體凝固而成色灰

白或暗黃露空氣則變紅色此藥內含樹脂與含硫

性之揮發油及一種粘液體其功用能遏止感情之



阿魏

紊亂及他種之神經紊亂此藥爲驅腸風特效良藥在年邁者因消化不良以致腸胃氣脹服之最妙孩童腸胃結氣之絞痛或成氣厥爲顯著之效藥在大便秘結時有輕瀉之功亦可製成液體注射腸內有通腸驅風解抽瀉腹之力在婦科亦可爲調經之劑

【分劑】 煎服三分至一錢半

## 樟腦

### 本草綱目

樟腦出韶州今廣東曲江縣漳州今福建龍溪縣狀似龍腦白色如雪樟樹脂膏也氣味辛熱無毒主治通關竅利

滯氣治中惡邪氣霍亂心腹痛寒濕脚氣疥癬風瘙齧齒殺蟲辟蠱着鞵中去脚氣

### 萬國藥方

Camphora 煉樟腦原出中國日本等處始由樟木提出後經升煉而成色白臭烈味辛質脆別

具一種氣息凡內服宜用蒸煉者

(功用) 行氣平火安心發表解轉筋

(主治) 小便熱疼或閉白濁惹疹瘡瀉霍亂按少服令人心內安穩過服頭暈困倦受其毒者狀如風癩面紫昏迷小便不通等宜急解之

(分劑)一至十瓏

(解藥)解此毒先服吐劑或用抽水節後服行氣藥如酒阿摩尼亞香酒加非精等皆可

### 賀氏療學

樟腦原出於中華日本等處由樟木取出泰西所售者乃屢用升法製成純者色白或淡紅爲半明堅韌之塊其氣易散當貯瓶內置於涼處爲宜味熱而臭烈別具氣息最易燃著其烟色黑冷水千分酒精一分各能溶藥一分

(生理作用)服過分劑必致頭暈耳鳴謔語後則痲痺有如癩症脈數而微皮冷而紫全身生汗或覺腹內燒痛中毒日久者腎必發炎若服小分劑能增氣力脈畧速而有力亦覺胃暖腦部清明全身得快服足分劑有謂其能激慾心者亦有謂其能阻慾心者大概服過分劑必致生殖尿道受惹方顯激慾心毒分劑而發搖擗者因感於顛腦故也此藥於身內改其體質者居多由腎離去亦有由汗與呼吸離去

(療效)此藥服敷皆可孩童或婦女服之可作平腦或解抽藥若經痛之婦女有頭痛或驚悸者此藥有效若與阿西炭尼利或安替派林同用甚效霍亂症與如霍亂相同均可用之漿液性瀉腹亦可用之惟粘液性瀉腹少效陰莖硬痛與溴化鉀同服有效有名醫於各類低熱症曾作散性之激藥無論何症如致腦部驟然受阻有效倘病勢已危恐服藥不及以樟腦五瓏用甜巴且杏仁油溶化注射皮下但用時最宜謹

慎所用之油以無菌爲要。逆症此爲妙劑。如用力太過而致心路者有效。毛細枝氣管久炎或枝氣管粘膜久炎服之皆效。鼻粘膜久炎嗅樟腦酒有助粘膜生液之功。口臭用之漱口有效。初傷風嗅樟腦大效並有良方如下

樟腦五厘 顛茄膏一厘 硫酸奎寧（貴林硫強礬）十厘 共成十九 每小時服一九 一日只可服四五九於初患服之可減頭痛噴嚏鼻嚏等患若不早用無效無故鼻嚏流淚不止以樟腦散或樟腦塊置於滾水內嗅之有效

外用於頑性潰瘍可以此藥激之磨擦傷以白石粉與樟腦散敷之有效因筋扭或痺症以致關節炎者用樟腦擦藥有效腦系痛擦之亦效癩初起時日敷樟腦酒二次後以樟腦油擦之可免生膿之患（分劑）一至三厘

### 藥料詳要

樟腦由樟腦樹 *Cinnamomum camphor* 取出旋以升煉潔淨用之透明無色晶形塊頗有韌性或壓成板或畧碎爲粗糙粉末有刺鼻之強臭味刺舌微苦而旋覺涼爽燒之發光但生濃烟若加熱則升散殆盡

外用其效有三（一）略能抗毒（二）激單處血運（三）先激腦系末枝而後安撫之賴此三效故爲

擦藥類之配製

內服其與石炭酸或哥拉（抱水銀酸）所成流質置磨牙上不獨抗毒尤能止痛樟腦在舌有特味能加單處之血運使涎及粘液增多至胃覺暖畧能抗毒頗似松節油之性能驅風開胃亦能反應激心使脈搏洪大有力又能激大腦與脊腦在癩症嘔吐爲驅風最妙之劑至腸功效如胃同在腹脹霍亂初程瀉症頗效蓋樟腦功用大顯於腦部倘分劑過度則有麻醉之性令人意念言語均顯昏亂狀態舉動均顯奮發迨後或至抽搐服中分劑先激慾情而後平之或由直接或由胃間接均激心在腦力衰弱與心弱而特出自熱症者爲激刺之品在吞雅片或受他種麻醉藥及中酒毒酒狂用之又如癩狂積症啼嗽症陽莖強直遺精皆由大腦脊腦之功用絞亂者亦頗有效若分劑畧大則激動之功變爲阻止且多顯於心經致血壓及血管舒縮中樞受限制而下降至皮膚血管擴張以致汗出故在傷風症常用之（分劑）二至五厘

英國藥制

樟腦鎮靜防攣驅風去痰發表催慾及消毒內服治感冒呃逆啼咳瀉症及腰痛注射可作興奮劑沉篤者尤爲適用罕有單用恆與他藥合併

華亭述言

【產地】

產於兩廣及台灣等處

【形態】

樟科樟屬常綠喬木高數丈葉互生卵圓形而尖革質有光中有直肋三條或五條全緣葉柄長夏日由葉腋抽出花莖開小黃白花冠六片雄蕊數多雌蕊一枚細而長柱頭圓扁果實爲漿果形圓如球色黑大如豌豆入藥由樟樹提出其汁後經升煉而成色白或淡紅其質堅韌

【主治】

有毒嗅之氣息刺鼻味辛涼而苦主行氣運血安撫神經發表解抽腹痛霍亂經痛呃逆積聚瀉小便熱痛或閉白帶下淋莖硬痛口臭可作嗽水

【考證】

樟腦由樟樹提出中國製者不如西藥之純淨此藥不可入煎劑綠煎之飛散尤兼氣息難服須以樟腦小塊用藥汁服之爲宜此藥先興奮大腦外表於腦部驟然受阻有效過分劑頭暈耳鳴毒分劑謔語癡癡兼有如痲症者脈數汗出皮冷而紫終至呼吸衰竭而死小分劑能與奮血循環增其氣力腦部清明胃中覺暖體覺暢快足分劑有謂能激動慾心者余以半分服驗二次服後一小時半覺陰莖口內二三處微作癢無他異蓋此藥真走下部能令尿道受惹微作小刺激非動情慾也故於小便痛或閉及白帶下淋陰莖硬痛等症用之若服毒分劑故亦能致小便不通此藥有平腦及解抽之功婦女經痛或驚悸或真假性之霍亂均效亦能令涎與液體增多故於枝氣管粘膜久炎用之於呃逆症用之尤效外用樟腦擦藥於風濕筋扭或強硬可爲刺激鎮痛之劑按樟樹幾無處不含樟腦卽破葉嗅之亦含樟腦氣息惟含量之多寡

隨樹之種類而異若葉芽與葉柄帶紅色者名曰赤樟含樟腦最多葉芽與葉柄現綠色者次之此外尚有臭樟黃樟各種其含量亦各不同

【修治】 其氣最易飛散宜貯瓶中勿洩氣日人所製樟腦有四種上品含油極微售於歐美西人再精製之其次

者含油頗多品質亦劣專銷中國故用樟腦以西法製者為佳

【分劑】 二至五釐以藥汁送服

(樟腦雜酒)又名阿片樟腦酒 Tinctura Lamphorae Composita

樟腦 三十厘 阿片 四十厘 安息香酸 四十厘 茴香油 半量 雨蒸酒 二十量 爾

共浸七日過淋紙為度治胃氣肚痛泄痢

(樟腦擦藥) Linimentum Comphorae 樟腦一份 俄利乏油 四份 化

勻為度治風濕疼或用此藥九份加濃釐液一份和勻搽之極妙

### 蘆薈

西名 阿羅



**開寶本草**

盧會味苦寒無毒主熱風煩悶胸膈間熱氣明目鎮心小兒癩癩驚風療五疳殺三蟲及痔瘡瘡  
瘻解巴豆毒一名訥會一名奴會俗呼為象膽以其味如膽故也生波斯國似黑錫

**圖經本草**

盧會出波斯國今惟廣州有來者其木生山野中滴脂淚而成採之不拘時月俗呼為象膽以其  
味苦而云耳盧會治濕痒搔之有黃汁者劉禹錫著其方云余少年曾患癩初在頸項間後延上左耳遂成  
濕瘡用斑猫狗膽桃根等諸藥徒令蜚蠊其瘡轉盛偶於楚州賣藥人教用盧會一兩研炙甘草半兩末相  
合令勻先以溫漿水洗癬乃用舊乾帛子拭乾便以二味合和傅之立乾便差神奇又治龔齒（下略）

**敬齋古今註**

政和本草盧會條下本經云俗呼為象膽以其味苦如膽故也雷公云凡使勿用雜脂其象膽  
乾了上有青竹艾斑此物是胡人殺得白象取膽乾入漢中是也而藥譜云盧會樹脂也本草不細委之謂  
之象膽殊非也藥譜破本草不細委謂盧會為象膽為非此說不明本草正言俗以盧會味苦如膽故呼象  
膽則本草非指此物是象膽特名象膽耳其言盧會本胡人殺象取膽為之凡使勿用雜膽者乃雷公之謬  
也而藥譜不專指雷公之謬但言本草之非無別白甚矣

**諸番志**

盧會出大食奴發國草屬也其狀如罌尾土人採而以玉器搗研之熬而成膏置諸皮袋中名曰盧膏

**萬國藥方**

Alig 啞囉出索哥德拉及巴巴豆好望角等處類分三種用則相同近來恆用者推索哥德拉所

產爲上品共合一精卽啞囉咽入藥取該樹葉內之汁焙乾爲團狀如蘆蒼色黑味苦遇熱則軟遇寒則硬索哥德拉啞囉色紅棕而黃味苦臭香研末色濃黃功用瀉劑因瀉力緩常與他藥同服調經巴巴豆啞囉色紅棕味苦臭悶研末色黃而綠功用開胃瀉劑瀉力大於索哥德拉

（功用）瀉劑專瀉大腸殺蟲調經開胃動膽汁

（主治）經脈不調腸膜核疳經閉便燥飯不消化

（分劑）一至五喱

外用作射水兼能助瀉殺蟲

啞囉烟自啞囉提出結珠色淡黃味先甜後極苦

（功用）瀉劑與啞囉同而力較勝

（分劑）半至二喱

### 賀氏療學

阿羅乃由一類草葉之汁曝乾而成產於巴貝豆搜叩他二海島故有巴阿羅與搜阿羅之分內

含一素名阿羅印其功效卽在此素如純淨阿羅體必結晶其味極苦然常售者多品形之散

（生理作用）此藥敷於舌上苦味常存此藥不服過分劑必越十二小時瀉效始顯其大感行於下腸如

服十至二十厘之大分劑必致水瀉若服二至三厘之中分劑必見瀉瀉

(療效)此藥合爲瀉劑以去某處積血則毫無功效其正感乃緩增腸部蠕動之功新久之便結爲常用之品然用之過久其效反失並減腸內生液之功其味苦故能補胃醫士常與鐵藥並用其效尤妙蓋鐵藥原有斂力易令大便燥結故二藥並用大有輔效服足分劑大顯瀉效瀉後常覺直腸重墜亦有肛內粘膜發炎者如專服此藥常致腸痔之痛故宜與免腸瘰癧之藥同服如體虛者致患貧血症且不好運動每有大便秘結若與他類補劑並用頗效於便秘致經閉者此藥大有調經之功新久之肛裂或臥瘡如敷阿羅甘油有效製法以阿羅酒八分置於火上令沸漸加甘油三十分即成輕瀉劑一至五厘重瀉劑十厘常與士的年類茄並香藥類免腸絞之痛

(禁用)體胖而大便秘結或腸膜炎者忌用孕婦尤須慎用恐致小產肝炎肝充血或熱病均不宜服

### 藥料詳要

巴巴豆阿羅(蘆薈) Barbados Aloes 由 Aloe Vera 等阿羅之葉橫割滲出之汁令乾硬塊色黃或紅綠色或近黑色斷口整齊發光或否其不發光者用顯微鏡窺之見有多數細晶臭惡味苦而起嘔性(分劑)二至五厘

索哥德拉阿羅(蘆薈) Socotrine Aloes 由 Aloe Perryi 等阿羅之葉橫割滲出之汁令乾新鮮者黃

絳色有粘性乾者爲深絳色或近黑色之塊斷口不齊臭強不甚惡味苦起嘔性（分劑）二至五噀  
阿羅味苦故可用爲健胃劑然重用爲瀉劑特顯效在結腸服中分劑越十至十五小時能便融和之糞或  
畧有瀉性若服足分劑其效雖緩然性頗烈使腸疝痛肛急流血等弊在肛受炎或患痔子宮流血懷孕皆  
爲禁服之劑

華亭述言

【產地】 產於巴巴豆及索哥德拉二島

【形態】 百合科蘆薈屬多年常綠之草葉爲單葉似肉質而扁平叢生於莖端葉緣生短刺葉端尖銳莖作圓柱  
形高約三四尺由葉間抽出長花莖花開於莖之上部穗狀花序葉內含液體取之晒乾或熬乾名蘆薈色  
黑

【主治】 入藥用葉內汁有毒味先甜微香後苦主瀉腹退熱明目胸腹脹滿開胃經閉殺蟲瀉後肛門充血多致  
炎痛患痔者忌用外治癬瘡同甘草爲末調敷有效

【考證】 蘆薈入口先甜至一二分鐘苦味始顯其苦味能留半小時之久中藥所售皆爲原料內含砂土以法淨  
之爲宜開寶云「俗呼爲象膽以其味苦如膽也」而雷斅竟以爲象獸之膽非滑稽之甚者乎此藥味苦

故有開胃退熱明目之功然其主要之功用在瀉腹其作用限於大腸下部有刺激腸腺之蠕動如專服此藥易患絞痛宜與丁香木香等藥配服婦女常患便秘致經閉或不調而貧血者大有調經和血之功若孕婦或體胖便秘或腸炎及肝炎充血者均禁用服中分劑至十數小時便融和之糞無水瀉之弊服足分劑其性頗烈致患絞腸之痛此藥內含蘆薈素與蘆薈樹脂及蘆薈大黃苷并含一種揮發油

【修治】

以原料入鍋鎔化過布淋入鍋熬至提出成絲爲度凝固打成塊收貯

【分劑】

散服一至三分煎服半至一錢

檳榔

名醫別錄

檳榔味辛溫無毒主消穀逐水除痰癰殺三蟲伏尸療寸白生南海

陶弘景

此有三四種出交州形小而味甘廣州以南者形大而味澁核亦有大者名猪檳榔作藥皆用之又小



蘆薈

者南人名蒟子俗人呼爲檳榔孫亦可食

**圖經本草**

檳榔生南海今嶺外州郡皆有之大如梳榔而高五七丈正直無枝皮似青桐節如桂竹葉生木巔大如桶頭又似芭蕉葉其實作房從葉中出傍有刺若棘針重疊其下一房數百實如鷄子狀皆有皮殼肉滿殼中正白味苦澁得扶留藤與瓦屋子灰同咀嚼之則柔滑而甘美嶺南人噉之以當果實其俗云南方地溫不食此無以去瘡癘其實春生至夏乃熟然其肉極易爛欲收之皆先以灰汁煮熟仍火焙熏乾始堪停久此有三四種有小而味甘者名山檳榔有大而味澁核亦大者名豬檳榔最小者名蒟子其功用不說其別又云尖長而有紫文者名檳圓而矮者名榔檳力小榔力大今醫家不復細分但取作雞心狀存坐正穩心不虛破之作錦文者爲佳其大腹所出與檳榔相似但莖葉根幹小異并皮收之謂之大腹檳榔或云檳榔難得真者今賈人貨者多大腹也

**本草綱目**

檳榔樹初生若筍竿積硬引莖直上莖幹頗似梳榔椰子而有節旁無枝柯條從心生端頂有葉如甘蔗條派開破風至則如羽扇掃天之狀三月葉中腫起一房因自拆裂出穗凡數百顆大如桃李又生刺重累于下以護衛其實五月成熟剝去其皮煮其肉而乾之皮皆筋絲與大腹皮同也（下略）

**萬國藥方**

Arca 檳榔子出中華印度等處入藥用該樹之子

（功用）收斂殺虫治腹內蛔虫

（分劑）半至一兩

（外用）燒成炭研末作刷牙散

### 華亭述言

【產地】 產於印度等處

【形態】 棕櫚科檳榔子屬常綠喬木高數丈其幹亭亭直上無旁枝及傾斜之狀頗似椰子而細葉爲羽狀複葉

每小葉上端宛如嚼斷之狀雌雄異株葉底出花梗花被六片相綴爲穗狀每幹生三四穗每穗約實三四百枚實大如卵外有黃色薄壳皮包之有大腹檳榔鷄心檳榔等名入藥以鷄心檳榔爲佳因形如鷄心故名之大如拇指上端尖圓下底平圓中有陷凹剖開內白有褐色斑紋

【主治】 入藥用檳榔子味苦澇無臭無毒主開胃消食破積行氣利水開鬱氣除痰洩痢殺寸白用以消食宜佐乾薑肉豆蔻砂仁龍膽之類若醫胃脹胸悶氣鬱須佐枳實厚朴木香之類

【考證】 檳榔結實最多者自第五年至三十年卽止其內含之成分有阿萊可林 *Arecolin* 及阿萊加茵 *Are-*

*colin* 圖經云「檳榔得扶留藤與瓦屋子灰同咀嚼之則柔滑而甘美」按扶留藤正名蒟醬係蔓生植物

葉似王瓜而厚大以葉包檳榔食之辛香瓦屋子正名魁蛤一名瓦型子又名蚶殼外淡褐表面有型形如瓦稜以此殼燒灰與檳榔同食其瀉轉為柔滑別錄云「療寸白」蓋古之所謂寸白即今所稱之帶虫此虫身長如帶故名帶虫體白生節於大便乾燥時其體常於節間斷下見於糞外長者約寸故名寸白西醫殺此虫多用非利瑪流膏（即貫衆所製之流膏）今

用檳榔四兩煎服即下余用貫衆檳榔飲（見貫衆條）

較單服檳榔尤妙

【修治】

取雞心檳榔洗淨晒乾以捶搗成塊因切片必須久浸則力減矣藥市冬日須浸至一月夏日半月始能切

片其水已酸臭矣

【分劑】

煎服一至四錢

馬錢子

又名番木鱉

本草綱目

番木鱉生回回國今西土印州諸處皆有之蔓生夏開黃花七八月結實如栝樓生青熟赤亦如



### 萬國藥方

*Nik vornica* 番木鱉出印度羣島及安南等處果大如橙皮黃而硬並含多核核內含二精一

木鱉其核小如木鱉而色白仁氣味苦寒無毒主治傷寒熱病咽喉痒痛消痞塊並含之嚙汁或磨水嚙嚙  
名士的年即馬錢冰一名步魯仙又含一酸即以葛蘇拉酸

(功用) 少服補腦輕瀉多服發肉筋力

(主治) 癱瘋類跳舞風滯積久瀉便秘大小腸無力等病但常用者惟膏酒二種為通行之品藥力慄悍均無妄用可也

(分劑) 一至三哩

(解藥) 解此毒者先服吐劑如錘礬藍礬衣必格等後服骨炭末鈇溴綠養冰阿片等士的年 *Strychnin*  
*is* 自番木鱉子提出結冰無色無臭過光藥肆常售者白色不過光因製時雜有石灰錢養等質少許故也其味極苦性甚酷烈與強水類能化合成鹽類

(功用) 補腦發肉筋力與番木鱉同而力較勝

(主治) 癱瘋鉛毒致癱瘓經不調致羊癩風腦氣筋疼陽痿

(解藥) 解此毒者哥羅方顛茄草烏頭酒煎非精菸葉綠養冰宜速解

### 賀氏療學

馬前子係一類樹之子產於印度內含二層礮一名士的年一名步魯辛其功效多在士的年故論士的年即論本藥也

(生理作用) 服足分劑甚有感應之能耳目鼻與呼吸及血壓俱增如不受其正感即受其惹力矣

(神經系統) 士的年最要之感乃行於神經系統致脊腦動經或感覺中樞受感服過分劑者即患痲瘓

服毒分劑者於痲瘓時或痲瘓後殞命

(血循環) 士的年加增脈力及脈數因血管舒縮中樞受激勵也

(呼吸) 士的年為最能感呼吸中樞之效藥不但能加呼吸之速並能多使肺經舒展

(體溫) 中分劑與身之常溫無關毒分劑因其痲瘓致熱度加增

(排泄) 士的年於肝內被氫毀壞者多由腎排泄者少

(療效) 馬前子有數種功效因其味甚苦故可作苦補藥亦為感神經系統之特劑並可激勵呼吸與心經及目等之功效且能解雅片之毒如因用腦過度致某經機能受阻者服之有效然腦部初得痲病如中風癱瘓小兒癱瘓此藥不但無益反致有損患癱瘓者每服致癱處有抽搐之患腦系新炎禁用油匠用鉛粉多有中毒漸成癱瘓症用此藥足分劑始能抵禦之並當服碘化鉀以排泄身內之鉛黑矽因烟酒過度

所致者士的年幾爲特效之品眼肌之機能不全者致視力疲勞此藥有效以馬前子酒服之最妙服法第一日服三次每次三量滴第二日每次五量滴如此每日增加二量滴至顯生理作用爲止人用此法一日之中有能服此酒六十量滴過用目力者此藥有效肺炎與各類熱症忽顯精力虛脫之症士的年最效觀腦力虛脫之狀常有謂其不能治者而士的年多能救其死亡用法以士的年一哩四十分之一加阿刀平一哩百分之一但不可只用一次當視病者之景况卽用二三次亦可若日久之重症最要者不可常用以激血循環蓋用此藥如車夫之執鞭須於心將停時方可用之人吸哥羅芳有時心將停止或肺經不呼吸用士的年一哩十分之一注射皮內過十分鐘不見效如法再射大有激血循環與呼吸之力若受傷致腦力猝衰者用之大效呼吸困難無論因何所致例如老年之冬嗽或枝氣管溢液或氣腫或勞病發喘等用士的年有效腸無緊張力士的年有效

(中毒)服毒分劑有驟然痙瘓者亦有漸次頸項發板者亦有目發直者至腦系受刺激忽爾痙瘓如狂風之來當此時大概脊必反張形似彎弓呼吸之肌亦以發板或有他類之痙瘓惟脊反弓乃爲常見其死亡之故有二(一)因力量用盡(一)因呼吸之肌發板以致呼吸窒塞而殞命者居多  
(解毒法)人受士的年之毒未至痙瘓之先常立吸亞硝酸澱粉(救氣弱攀)以止痙瘓因易用胃抽

器也宜多用水服鞣酸緣此酸爲化學中抗此毒之劑也洗胃後當服溴化鉀六十噠哥拉二十噠因二藥乃生理之抗毒藥也溴化鉀有制阻脊腦感覺徑之能哥拉有制阻運動徑之能也

**藥料詳要**

馬錢子係 *Strychnus nux vomica* 樹之子約爲圓形片灰色或綠灰色徑約一寸四分之三至一寸邊厚面微凹常見有脊中央直貫至邊外衣最硬無臭味甚苦內含二種質離一爲士的年一爲步魯辛士的年係三稜細品無色無臭水頗難溶內服馬前子或士的年有苦補開胃之功與卡倫巴同士的年至腸能增腸之蠕動在大便結於腸壁無力者可與阿羅同服士的年速離血至組織其特性恆留於組織中遲至數日始能去淨故屢服小分劑卽能蓄積組織之中枝氣管炎肺氣腫脹士的年頗效與去痰藥同服尤妙如心力弱用之最佳或專服或與毛地黃同服爲宜

**華亭述言**

【產地】 產於印度及安南等處

【形態】 馬錢子科馬錢子屬常綠喬木高丈許葉對生卵圓形全緣網脈中有直肋三條或五條由葉腋聚生筒

狀花冠頂端五裂色綠白堆蕊着生雌蕊一枚有限花序果實大如橙色黃被有硬皮內含白籽中有核仁五至八枚卽馬錢子形微圓而扁乾質厚約分半徑約五六分面生絨毛色灰黃內爲角質色紅鴉形如扁

豆

【主治】

入藥用子有大毒味極苦主激刺神經通血脈療痛風麻痺拘攣抽搐閃腰氣痛枝氣管炎或腫脹或肺氣腫脹以致欬嗽氣喘等症與開痰藥並用能令肺經舒展致痰易於吐出用腦過度致目系疼痛或視力疲勞與烏頭等藥並用有效

【考證】

綱目謂馬錢子係蔓生植物並云無毒實為大誤萬國主治癱風類症療學云無益而有損蓋西醫所用多為提出之士的年若中醫以他藥為主以馬錢子微分劑令其畧激神經為導引之劑則較宜也療學云患者服之每令其癱處反有抽搐之患此為足分劑蓋毒藥能令人抽搐者即能醫抽搐之症如烏頭平腦亦能阻腦莖若與麻黃無疾者服之致癲而癲者服之可愈雅片少用激腦多則阻腦俱在分劑與佐使間耳吾母肩背常痛予以馬錢子二分與烏頭黃耆當歸秦艽等藥煎服令其神經受感並加增血循環之力取效較速十八年秋有族叔受病覺胸腹之肌肉與臆府痛如鍼刺以馬錢子末一分二釐烏頭末三分半以沸水沖服即愈病者大為驚奇余自服一分驗其功能至一小時忽覺項後脊腦強硬向後拘攣角弓反張坐立不穩始明此藥入脊腦之力過於大腦凡勞工者往往易致閃腰氣痛以馬錢子末一分半與蒸酒沖服令其微汗即愈此藥內含兩種鹽酸即馬錢子素與李盧辛及一種結晶酸名馬錢子酸并含一種糖

昔

【分劑】 冲服馬錢子製末三厘至一分半煎服馬錢子片半至三分

(硫酸士的年) (士的年硫強礬) *Strychninae sulphas* 此藥由士的年與硫酸製出無色結晶無臭味極苦功用與士的年同用時易化(分劑)一厘六十分之一至二十分之一

(鹽酸士的年) (士的年氫鹽) *Strychninae hydrochloridum* 此藥由士的年與鹽酸交感而成無色稜


柱晶無臭味極苦功用與士的年同用時易化露置空氣則發花割症後如腦力猝衰過甚以空針注射一厘四分之一亦不為過(分劑)同上

(馬錢子酒) *Tinctura nucis vomicae* 馬錢子膏一百

三十三厘 汽水 四兩 蒸酒酌用 先將水與酒足二十兩再加

此膏化勻為度(分劑)三至十五量滴

馬錢子



茴香

又名藜香

### 唐本草

藜香子味辛平無毒主諸瘧霍亂及蛇傷注葉似老胡荽極細莖粗高五六尺叢生

### 圖經本草

藜香子亦名茴香本經不載所出今交廣諸番及近郡皆有之入藥多用蕃舶者或云不及近處者有力三月生葉似老胡荽極疎細作叢至五月高三四尺七月生花頭如傘蓋黃色結實如麥而小青色北人呼爲土茴香茴藜聲近故云耳八九月採實陰乾今近道人家園圃種之甚多古方療惡毒癰腫或連陰辟間疼痛急攀牽入小腹不可忍一宿則殺人者用茴香苗葉搗取汁一升服之日三四用其滓以貼腫上冬中根亦可用此外國方永嘉以來用之起死神效

### 本草衍義

藜香子今人止呼爲茴香治膀胱冷氣及腫痛亦調和胃氣唐本注似老胡荽此誤矣胡荽葉如蛇床藜香徒有葉之名但散如絲髮特異諸草枝上有時大青虫形如蠶治小腸氣甚良

### 本草綱目

茴香宿根深冬生苗作叢肥莖絲葉五六月開花如蛇牀花而色黃結子大如麥粒輕而有細稜俗呼爲大茴香今惟以甯夏出者第一其他處小者謂之小茴香自蕃舶來者實大如柏實裂成八瓣一瓣一核大如豆黃褐色有仁味更甜俗呼舶茴香又曰八角茴香廣西左右江峒中亦有之形色與中國茴香迥別但氣味同爾北人得之咀嚙薦酒

植物名實圖考

按胡荽結子時極與茴香相類衍義未細考老胡荽形狀似斥唐本注殊誤

萬國藥方

Anisum 積香出英法及中國之甘肅等處屬香藥類入藥用之

(功用) 行氣去風化痰治肚風佐瀉藥同服能免其肚痛

(分劑) 二三十厘

藥料詳要

積香果係 *Pimpinella anisum* 草成熟之果合乾橢圓形而微扁底闊頭狹約長一寸五分之

一寬一寸十二分之一灰綠色面有短毛內分二子房每房亦有主脊五條此脊色淡無閃疊形橫剖之見

有多數盛油管嗅之香美嘗之亦香積香有特效於枝氣官粘膜故在治咳藥中多用之

華亭述言

【產地】 中國各地皆產

【形態】

繖形科茴香屬多年生草本高六七尺莖之下部葉基抱莖互生葉成絲狀分裂莖表生白粉蠟質夏由

莖端及葉腋生枝作花複繖花序花小呈黃色花冠五片雄蕊五枚雌蕊一枚秋日結實呈橢圓略扁而微

彎背有五稜此物之莖葉酷似蒔蘿惟蒔蘿係二年生草高不過二三尺結實形橢圓長約分許至六七月

苗根俱枯

【主治】 入藥用子有毒味辛香主行氣開胃疝氣霍亂腹痛調經腸胃氣痛

【考證】 藜香子由唐本草收入至宋云藜香子又名茴香綱目云茴香俗呼爲大茴香以他處小者謂之小茴香

於蒔蘿條又云蒔蘿又名小茴香本草從新本草求真即將茴香改名大茴香於蒔蘿改名小茴香而今藥市又以茴香爲小茴香以八角茴香名大茴香錯綜紊亂不知所從按茴香之枝葉陰乾亦可入藥惟較種

子爲遜中醫用子實西醫取其油胃氣痛宜加官桂乾薑

薤白疝氣痛宜與升麻絲瓜川棟子等藥經痛宜與芍藥

乾薑木香沒藥羌活並用此藥內含揮發油係一種炭酸

醇醴及一種克吞與一種松烯組合而成此油色淡黃

【分劑】 煎服半至二錢

【茴香油】 *Oleum Anise* 此油自茴香蒸出色淡黃分劑半

至四量滴

## 鴉片



果名罌子粟又名罌粟又名粟殼花名罌粟花又名阿芙蓉液體名鴉片

**開寶本草**

罌子粟味甘平無毒主丹石發動不下食和竹瀝煮作粥食之極美一名象殼一名米囊一名銜  
米花紅白色似鴿箭頭中有米亦名囊子罌粟殼去穰蒂醋炒入痢藥用

**圖經本草**

罌子粟舊不著所出州土今處處有之人家園庭多蒔以爲飾花有紅白二種微腥氣其實作瓶  
子似鴿箭頭中有米極細種之甚難圃人隔年糞地九月布子涉冬至春始生苗極繁茂矣不爾種之多不  
出亦不茂俟其瓶焦黃則採之主行風氣驅逐邪熱治反胃胸中痰滯及丹石發動

**本草綱目**

阿芙蓉前代罕聞近方有用者云是罌粟花之津液也罌粟結青苞時午后以大針刺其外面青  
皮勿損裏面硬皮或一五處次早津出以竹刀刮收入瓷器陰乾用之故今市者猶有苞片在內氣味醋澀  
溫微毒主治瀉痢脫肛不止能澀丈夫精氣

**植物名實圖考**

按罌粟花唐以前不著錄開寶本草收入米穀下品宋時尚罌粟湯但其穀粟功用僅止瀉  
斂爲洩痢之藥明時一粒金丹多服爲害近來阿芙蓉流毒天下與斷腸草無異然其罪不在花也列之羣  
芳

**萬國藥方**

Opium 鴉片出印度波斯土耳其及中國等處乃罌粟之汁造成今西醫通用者以土耳其所產

爲上品組製鴉片內含十八精二酸按鴉片十八精內惟莫非爲最要之品而莫非在鴉片內未分之時與美幹泐酸合者亦屬鹽類卽美幹泐莫非總計鴉片一厘能出莫非一厘十五分之一至十分之一而上等鴉片乾土十四分能出細末十二分若煉淨膏則能出七分

(功用) 止疼甯睡發表阻內津液雖能發表總滯周身津液少服提神行血使人脈數而實多服令人昏睡發表頭疼煩渴便燥嘔吐等狀過服則令人沈睡不省常服使人胃弱不化呼吸短少致血內養氣不足  
(分劑) 半至二嚙

(解藥) 解此毒者先用吐劑如磺強銅(硫酸高銅)十嚙或磺強錳(硫酸錳)二三十嚙或白礬半兩或芥末半兩用陰陽水一碗化服令吐後再多飲溫水助嘔至吐清水爲止後再飲加非茶或濃細茶或服加非精又扶助行走勿寐

### 賀氏療學

鴉片產於印度波斯土耳其中國等處係罌粟之汁每百分內含莫非九分方爲合宜若鴉片散每百分含莫非十三至十五分爲宜其中所含罌粟十七種最要者乃莫非與科第印

(生理作用) 此藥有平大腦之力亦有激脊腦之能服小分劑可平此部足分劑能令人酣睡亦有此部受激而不安靜者又有此部雖平而不睡者孩童服之其平力行於大腦激力兼行於脊腦平激之力相等

故不能安睡若服毒分劑無論人與獸必致大腦脊腦受阻令其睏睡覺系少有知覺動系止而不動以至殞命

(血循環) 此藥小分劑與此部無甚關係大分劑能使脈畧遲而有力血壓力畧增夫脈遲者乃因秘走神經之本末受激也有力者因心肌受激服毒分劑脈必漸速而微因血管舒縮中樞與心受阻亦因呼吸中樞受阻蓋因缺氣之故也

(呼吸) 服微分劑或有激此部之力毒分劑即受阻令人殞命

(體溫) 足分劑熱度畧增毒分劑則減

(排泄) 過分劑變成莫非由腸胃排除但多入肝及組織被氮化

(瞳孔) 此藥入腦內能激動目系故使瞳孔縮小

(腸胃分泌) 此藥能阻腸胃之運動故分泌減少以致大便乾燥雖能阻身體各類分泌惟汗不能阻止

(療效) 此藥之效有四(一)止痛(二)安眠(三)止炎(四)減分泌雅片止痛乃為妙劑惟醫

腦系痛則不如安替派林之類為妙若因受傷或忽得此症雅片有止痛之功腎肝疼痛及經痛等與顛茄並用大效如以莫非與阿刀平注射皮下其效尤速此藥常痛時服之不似常人易中其毒常痛極之時倘

不可注射莫非宜將莫非以熱水或酒溶服用雅片酒亦可坐骨腦系痛或肌氫攣最善之法以莫非注射痛處皮下有時局部作痛可用布蘸雅片鉛水覆患處有效屢有疼痛之患醫士最宜著意不可常以莫非雅片醫之恐致病者久服成癮

（安眠）此藥雖有安眠之效但非因疼痛者不能安眠如不能不用宜以哥拉印度麻互相更換須免成癮之患有時以哥拉與莫非之小分劑能致安眠良方於下

硫酸莫非（莫非硫強礬）二厘哥拉一錢糖漿一量兩蒸水一量兩於晚九句鐘服二量錢如不見效於十或十一句鐘再服

（止炎）此藥有止炎之功其功不易解釋如漿膜炎及胸膜炎腦膜炎或心包炎等症用雅片之足分劑或微分劑皆效但近有人謂於腹膜炎未必有效咳血後之乾嗽雅片有止嗽之效痘熱症如皮膚作癢此藥可止膀胱淋瀝刺痛或肛炎等症以雅片膏一厘四分之一至二分之一製成肛丸用之有效嘔吐不止非因雅片所致者可以無臭雅片酒三十量滴加澱粉水四量兩溴化鈉（鈉氫鹽）四十厘射入腸內大效肌痺與傷風初起如以朶斐氏散（雅片表散）五至十五厘與熱茶同服並用熱水浸足甚效若於此散內加樟腦其效尤佳筋扭挫傷以雅片鉛水敷之最妙如皮已破只敷雅片酒可也無論外內湯燒等傷

此藥有止痛之功

(減分泌) 糖尿盟瀉尿過多或他類分泌過多此藥有效惟汗多無效或謂糖尿症此藥先減其尿後減其糖當日加分劑否則見效爲難此病服之少有乖效雖莫非與科第印亦效但不如鴉片爲妙患糖尿者最易動怒皮膚作癢累覺飢渴若服鴉片可減以上諸患惟服之日久若立止其服怒致昏迷不醒或至殞命粘液性瀉腹宜先服蓖麻油或硫酸鎂(銻硫強禁)將腸內粘液瀉淨後服此藥有效總言止痛以莫非爲妙止瀉以鴉片爲佳鴉片樟腦酒爲治瀉腹特效之藥因其不但含有鴉片且另有一類揮發性油及樟腦之功也

近有人查明鴉片與其醜類皆能阻胃之分泌及吸收作用服之則胃內之鹽氫酸減少致胃中食物不易消化故服者須於飯後二三小時爲宜

(成癮) 吸鴉片及注射莫非者久必成癮由此日賴莫非鴉片爲生活其分劑必須日增一日惟莫非尤甚否則精神疲倦淚涕並流以至抽搐等患其脈微細難診成癮者雖素誠樸必致性情變更詎哄欺瞞無所不至如求醫家斷癮必多遮蓋隱瞞之事看護士必須信實之人不貪財物時常看護以防其設法盜取鴉片等物如忽有精神當知其服鴉片無疑矣

(戒法) 戒鴉片莫非爲世界最難之事最善之法卽漸減其分劑於所用之分劑日減六分之一至四分之一若一時盡斷未免過受痛苦然若較此尤漸則又延長其痛苦也其首要之法須將肝腸瀉淨宜服汞丸塊五厘過六點鐘若不顯瀉腹宜服朴硝一劑有一大效之法卽以亥俄辛足分劑注射皮下此法有時可立斷莫非倘血循環之力漸減常用狄吉他利與士的年醫之如有他症當其所顯之狀療之

(乖效) 有服此藥數句鐘之久不能安眠者亦有效力已過始顯惡心或嘔吐者有覺髮悶者令防此弊兼服硝酸甘油(甘油氫強礬)一厘百分之一或用溴化鉀(鉀氫鹽)二十厘俱能敵此乖效若服無臭鴉片其乖效較少曾有用莫非一厘八分之一注射皮下而死者必因針入靜脈之故然爲罕見之事有用莫非一劑卽嘔吐難止此藥於身內變成化合物或如阿浦莫非也

(中毒) 服毒分劑少時困倦後則沉睡呼吸遲而長脈緩而有力皮熱而乾面變紅色瞳孔縮小形狀至此若近耳呼之或力撼之雖能醒覺仍復酣睡此狀與顛腦充血相同面部漸變紫色呼吸甚遲每分鐘僅四五次先遲而長後遲則短至肌鬆懈皮生冷汗則無法令其復甦矣終則瞳孔散大呼吸停止以至殞命(解毒法) 中此毒者宜先服硫酸銨(銨硫強礬)三十厘置於溫水內服之令其速吐待一刻鐘如不吐可再服之若景况甚險不用吐劑或用胃抽器吸淨胃內所存之物尤妙如毒已吸收入血則血仍將所

含之毒運入胃中不可專以上法之宜以過錳酸鉀（鉞錳上禁）一至三厘溶於水中服之蓋此藥爲化學中之抗毒劑也亦當飲濃熱之咖啡或茶數杯以助其不睡與激呼吸及血循環二部之功也如呼吸漸緩可注射士的年一厘三十分之一至十分之一於皮下以激之倘仍見緩可再注射酒與銻溶液有效緣其有激心與呼吸之能若令其沉睡必致呼吸停止以至殞命如用上法仍不能使其醒覺當以樹皮槌其兩腿或以兩人扶掖而行可免沉睡然此二法究不甚妙一恐皮傷一恐過用其力最妙者以電器激之使電極不久停於一處非但皮不受傷並免過用其力如電器不便亦不得不用以上二法耳

藥料詳要

罌粟殼係 *Papaver Somniferum* 近熟之果令乾球形或橢圓之殼皮薄且乾而脆徑二至

三寸子房口有蕊開放各瓣層層蟠如菊皮爲黃綠色或有黑斑橫剖之見其內有薄衣間隔分爲數房每房含多數腰子形之白子無臭皮微苦含雅片少許其子含一種滋潤油罌粟殼之効與雅片相似惟力甚弱

雅片係罌粟未熟之殼劃破所出之汁待水分飛散凝結成濃厚之質新鮮柔和色綠久存漸硬色變綠黑有特別之臭味苦其質令乾每百分應含無水莫非至少七。五迨其甚乾每百分應含莫非九五至十五

內服是分割後則口乾覺渴舌面生苔語言粗澀此係雅片減生涎腺分泌所致雅片至胃有時顯惡心嘔吐之狀非由胃受刺激所致大概係刺激嘔吐中樞故能減少饑餓與胃疼痛之症則胃之運動與胃腺之分泌均爲減少以上所論諸狀有二(一)表明雅片有妨礙胃經之功用(二)表明雅片爲止胃疼止嘔吐最強之品故在胃粘膜炎胃瘍等服之甚妙但常患胃食滯而疼者決不可用雅片至腸有安撫之效其蠕動分泌均爲減少在瀉症霍亂腸熱症俱可服之

### 英國藥制

雅片乃止痛藥中著名最早者亦能減輕發炎免除腦經病止瀉止痢雅片刺激顱腦及腦經兼爲鎮靜及催眠劑其作用係由於其所含之諸要素其主要者即嗎啡兒童頗易感受藥性所應用者係散膏醇劑丸及硬膏等此劑易於成癮故用之宜慎若遇雅片中毒先給以吐劑後施胃唧管以過錳酸鉀洗滌胃臟然後給以濃咖啡或鈣溶液

### 嗎啡

### 萬國藥方

Morphina 此藥自雅片提出結冰過光無色無臭味極苦與強水類能化合成鹽類總計莫非鹽類一嘔可抵雅片士九嘔雅片末八嘔雅片膏四嘔半雅片酒一百一十七嘔用藥者不可不知也

(分劑) 一喱八分之一至二分之一

### 賀氏療學

此係雅片內最要之罌藤因不易溶解故不常用所常用者乃硫酸嗎啡其療效已見雅片條內

### 藥料詳要

藥冊所載查驗各種雅片含嗎啡若干其法有四(一)將雅片十四瓦加熱至六十度令乾為細

末與氫氟化鈣(錫池)六瓦水四十立方裡同研調攪濾汁(二)所得濾液加酒十立方裡伊打五十

立方裡竭力搖之(三)加氫化銻(銻氣鹽)四瓦振蕩多次靜之係嗎啡結晶沉下以紙濾出洗淨令

乾權之(四)將其晶五瓦以十分之一標準硫酸溶液定之按分析法所得約與無水嗎啡百分之十相

稱嗎啡服後入組織內已變成氫化嗎啡在體諸經均受感其大效尤顯於腦部在腦迴先受激旋即受阻

大約直接行於腦脈其激腦所顯之狀令人志願暢滿身體舒服幻想天開靈才銳敏狀態歡悅與飲醇劑

所顯者均過之此後則腦迴之靈性知覺中樞均受阻由斯漸為昏迷終至眠睡

## 科第印

Cocaine 又名口代稿

### 萬國藥方

口代稿自雅片提出結冰色白味苦無色無臭

(功用) 寧睡與鴉片畧同

(主治) 尿變甜聲管久痰久咳嗽

(分劑) 一厘四分之一至一厘

### 賀氏療學

此藥乃鴉片取出之一種質鹹有時內含嗎啡常用者係硫酸科第印(寇第印硫強禁)易於

溶解

(生理作用) 其生理與嗎啡甚似其不同者惟麻醉力與止痛較少故不宜爲止痛藥其阻肺腸分泌亦少且較嗎啡罕致便秘

(療效) 有醫士用爲平腦劑亦有用之醫乾嗽者日服三四次分劑半至二厘加於糖漿內服之或謂此藥於糖尿症大效亦有謂少有效者然遇此病當試用之宜用大分劑一至二厘(分劑)半至二厘

### 藥料詳要

可第印由鴉片或嗎啡取出一種質鹹三軸晶無色此藥激脊腦之力似過於嗎啡其阻腦迥亦

少於嗎啡在糖尿症每服半厘日服數次而分劑慎意加增或能大減尿中之糖又用之按撫腹痛及止煩燥之咳嗽

### 英國藥制

可第印乃溫和之催眠劑減輕癆瘵者之咳嗽治不眠症及卵巢痛有效所用者爲膠凍糖漿丸

錠等

## 赫羅印

Heroin 又名雙醋嗎啡氫氣鹽又名鹽酸雙醋嗎啡又名鹽酸雙醋酸基嗎啡 Diacetylmorphine hydrochloridum; diamorphinae hydrochloridum;

### 賀氏療學

此藥由嗎啡用化法而得結砂粒狀之晶色白無臭味畧苦其用乃醫乾嗽有效服後令平常呼吸畧緩而深分劑一厘二十分之一至六分之一日服三次用大分劑不如勤用小分劑爲佳此藥優點有二(一)不使人昏迷(二)不致大便秘結因此藥水不易化故常用者以鹽酸赫羅印(赫羅印氫鹽)製成溶液用之如以此藥置於水內加醋酸少許亦可溶解此藥與鴉片之各衍化物相同卽久用之亦成癮也

### 藥料詳要

係由醋酸乾與嗎啡交感所生之賈鹼質之鹽酸鹽爲白色晶狀粉味苦其作用似嗎啡但對於感覺區少有鎮靜作用在腸少有秘結於呼吸中樞之制阻較大故令呼吸遲緩而深多用爲呼吸鎮靜劑以療喉炎枝氣管炎及肺結核之刺激咳嗽有效患心病兼有痛與悸懼者大益此品易令病人成癮慎之

(分劑) 一噶二十五分之一至八分之一

### 英國藥制

赫羅印係一種成癮之麻醉藥治癆瘵氣喘及枝氣管炎而兼呼吸困難者此與嗎啡相彷彿除周圍作用並能止痛但不十分麻醉對於呼吸中樞之制阻作用亦稍遜若遇赫羅印中毒可給以嗎啡之解毒劑

### 華亭流言

【產地】 中西皆產

【形態】 罌粟科罌粟屬一年或二年生草本莖高三四尺單葉無柄抱莖互生長橢圓有缺刻莖葉之表生白粉

蠟質夏由莖端獨生一蕾亦有生三四蕾者花未放時花蕾下垂及放之晨其蕾直上先見花萼二片落地轉瞬花開色有紅白赤紫雄蕊數多雌蕊一枚狀如球柱頭分裂十數小瓣房室七至十五中藏種子甚多小如車前子色灰白或黃褐迨至球表生白粉蠟質適為取汁之期以小刀淺割外皮汁自流出中名烟土其汁初白後黃至水盡即成褐黑之色

【主治】 有大毒臭甚烈味苦微澇主行氣血提精神止諸痛減分泌安眠止洩其主症甚多實難枚舉只可暫服救急久則成癮而無效入藥用罌粟殼者須不取雅片之汁方有效

【考證】

今藥市所售之罌粟乃爲取汁之殼外有刀痕可證入藥力甚微與取油之丁香同一誤用鴉片嗎啡服後無論何症必減痛苦若效過症復則不可再三用之否則前症未愈而癮害成矣考大地之植物不下十七萬三千餘種而能含罌粟十七種之多且入藥主治之廣迷人成癖之深實無其匹此藥在中國見之於書者宋時已知食壳中之米至明始取壳中液體綱目卽有阿片之名至清乾隆間英人乃始自東印度運入中國至道光間我國爲禁鴉片而戰敗中華民族立國數千年對外關係之重大當以此敗爲第一也國家旣無禁絕之力人民更無自愛之心遂致流毒朝野舉國沉淪受其害者氣被吸收分泌減少形容枯槁百體懈弛人呼之爲鬼細子曾歷鬼籍數年亦爲深知鬼趣者蓋不爲過來人不知其害之足以亡國破家殺身滅種也而今日嗎啡與赫囉印之害更有甚於鴉片萬萬者洪水猛獸豈足以方其厲哉余痛人類之受其毒轉恨造物之不宜生此物也而以之治病乃有特效然則受其害者乃人之不善用耳造物豈任其咎哉

【分劑】

冲服半至三釐

(鴉片表散) 又名 亞斐氏散 *Pulvis ipæacuanhæ compositus*; *Dovers powder*; 鴉片 一份 衣必格 一份 硫酸鉀 一份 共研極細爲度治痢疾與瀉腹常佐氫化低汞服之若發表與樟腦同服多飲沸水令其汗出須於初傷風服之爲宜(分劑)五至十嚥

(硫酸嗎啡) 又名莫非硫強禁 *Morphinae sulphas* 由嗎啡與淡硫酸交感而成色白針形晶易溶於水功用與嗎啡同(分劑)一喱八分之一至二分之一

(鹽酸嗎啡) 又名莫非氫鹽 *Morphinae hydrochloridum* 由嗎啡與鹽酸交感而成針形晶返光如絲或為白粉功用與嗎啡同(分劑)同上

## 鹽酸阿浦嗎啡

又名 氫氫化阿浦嗎啡 *Aponorphinae hydrochloridum*

## 萬國藥方

此藥自了浦莫非與鹽強水製出結灰白之散見光及熱或露空氣則變綠色

(功用) 上品吐劑誤服毒藥用此妙

(分劑) 一喱二十五分之一至六分之一或作空針射水用

## 療氏療學

此係人工所成之賸鹼由嗎啡取出一分子水而成須貯嚴閉黑瓶內先以淡氫氫酸將瓶洗淨拭乾方可貯藥此藥係灰白色發光三稜狀之細晶無臭味畧苦經空氣或見光則漸成綠色其製法乃以嗎啡與鹽酸同置於鐵管內封嚴加熱而成須知此藥製成溶液存之日久最宜改其體質或有中毒之險

故用時須宜現製按此藥之體質常有改變之時如試之可將此藥一分加水百分搖之越數分鐘色如深綠卽不宜用若所用之水含錫少許雖體質未變亦顯綠色故用之水務宜純淨此藥原分二種（一）結晶體（二）無定體常用者乃結晶體如服過分劑則有激刺力以顯抽搖眩暈感覺過敏等狀若服無定體者之過分劑則腦力虛脫體溫減少遍體麻木心與呼吸亦皆衰弱故此類不宜用之

（生理作用）毒分劑則致抽搖後成癱換此由脊腦而發

（神經系統）服中分劑與腦部毫無感能大分劑有激顫腦之力毒分劑令人抽搖必由脊腦而發

（血循環）服中分劑乃使脈速有力血壓加增因此藥有激勵心系並血管舒縮中樞之能也過分劑則血循環致受制阻

（呼吸）服中分劑與本部毫無關涉毒分劑令呼吸短而不勻

（嘔吐）此藥令人嘔吐與胃中並無感力緣其直接感延腦內嘔吐中樞也故名中央吐藥

（療效）此藥有嘔吐之效如中某藥之毒者如形狀不甚危險亦可用爲吐藥然宜謹慎胃炎與枝氣管粘膜炎無論中程或日久不愈者如用足分劑將所積粘液必能吐出枝氣管新炎而乾嗽者服小分劑有平枝氣管粘膜炎之功且有止嗽之效酒狂者以一厘三十分之一每三小時服一次有安撫腦經之效如用

此小分劑者須免其嘔吐之患也

(用法) 此藥爲吐瀉宜以水溶解用空針注射皮下但當臨時溶之如早溶解須不宜用其分劑一厘十分之一健壯者或可用一厘五分之一如爲去痰劑可服一厘四十分之一至二十五分之一此分劑免去惡心之患孩童用之多顯乖效故不常用

(乖效) 此藥少有乖效然亦有用中分劑致遍體被阻腦力脫失者曾有一婦人氣管發炎並無他症服無定體之阿浦嗎啡一厘十五分之一竟至殞命

### 藥料詳安

將莫非氫氫鹽或可第印氫氫鹽與氫氫酸

同貯管中錐閉加熱則其質鹼每合點失水一合點化

成阿坡莫非灰白色針形小晶暴露空氣及日光則變

綠色無臭有最弱酸效倘用水百分消一分至溶液生

綠色卽知其體質改變宜棄之不用此藥爲一切吐藥

中最確實者其大效顯於延腦而於胃經直接者少故

約爲間接吐藥用注射法閱五至二十分鐘卽顯嘔性



明告粟

吐至數次其於呼吸及血循環之受累亦與他吐劑同倘用足分劑能致胃經之物一概排出如過分劑能令人力竭肌癱呼吸中樞受阻心跳速體溫降夫用此藥爲吐劑之便利因其顯效最確實且於胃經少有刺激之弊倘病者藥汁不能下咽以注射皮下尤爲適宜於小分劑以一喱二十分之一有去痰之功在枝氣管炎可用之（分劑）口服一喱十分之一至四分之一注射一喱二十分之一至十分之一

### 小麥

### 麩

### 名醫別錄

小麥味甘微寒無毒主除熱止燥渴咽乾利小便養肝氣止漏血唾血以作「麩」溫消穀止痢以作麵溫不能消熱止煩

### 陶弘景

小麥合湯皆完用之熱家療也作麵則溫明穰麥亦當如此今服食家噉麵不及大穰麥猶勝於米爾注小麥湯用不許皮圻云圻則溫明麵不能消熱止煩也小麥麵止痢平胃主小兒痢消食痔又有女

### 唐本草

麵黃蒸女麵完小麥爲之一名麩子黃蒸磨小麥爲之一名黃衣並消食止痢下胎破冷血也

### 本草拾遺

麩味甘寒無毒和麵作麩止洩痢調中去熱健人蒸熱袋盛熨人馬冷失腰脚和醋蒸包所傷折處止痛散血人作麵第二磨者涼爲近麩也小麥皮寒肉熱又云麥苗味辛寒無毒主酒疸目黃消酒毒暴

熱麥苗上黑微名麥奴主熱煩解丹石天行熱毒又云麩味甘溫補虛實人膚體厚腸胃強氣力性寒熱小動風氣又云女麩一名麩子按麩子與黃蒸不殊黃蒸溫補消諸生物北人以小麥南人以杭米皆六七月作之蘇又云磨破之謂當完作之亦呼爲黃衣綠塵者佳

### 藥性本草

神麩味甘辛溫無毒主水穀宿食癥結積滯健脾暖胃

### 本草綱目

昔人用麩多是造酒之麩後醫乃造神麩專以供藥力更勝之蓋取諸神聚會之日造之故得神名（下畧）

### 華亭述言

### 【產地】 中西皆產之

【形態】 禾本科小麥屬越年生或一年生草本莖高三四尺葉披鉞形而尖平行脈下部成鞘狀花復穗狀花序

其小穗狀花序由四五花成兩側有穎如舟狀果實爲穎果

【主治】 無毒主除熱止煩渴潤臟府止血利尿安和神經（麩）主消食破積調中下氣止痢

【考證】 別錄小麥與麩爲一條唐宋本草亦宗之惟本草綱目將別錄小麥與麩及唐本草之女麩黃蒸俱分別之首尾段割以失原書之真面矣本書從古共列一條俾讀者得窺全書之本旨於題名處則以小麥與麩

並列之此藥金匱甘麥大棗湯用之以治婦人藏燥唐本草云小麥湯用不許皮圻云圻則溫此不足信按麥之入藥須搗碎始能見其功用蓋小麥入藥之力在皮去之即無醫疾之功因皮內含一種生活素有和緩神經之功用如常服去皮過淨之米麵最易患脚氣症金匱以小麥主婦人藏燥此即祕走神經炎故以甘麥大棗服之以潤其藏府緩其神經故服者立愈別錄入藥之麵係一字之單名至藥性本草始名神麵取青龍白虎朱雀玄武勾陳騰蛇六名謂之六神麵簡稱神麵此為後世醫藥之虛妄處也由斯而今本金匱中之薯蕷丸竟有神麵之名古籍多為妄人竄亂學者不可不辨也

【分劑】 半至三錢

## 麥奴

兩名 麥角一名耳臥達 又名了葛

本草拾遺

麥穗上黑微名麥奴主熱煩解丹石天行熱毒

萬國藥方

耳臥達即高麥此麥西國皆有昔人或以為稜亦作麩未定是否穗之壞者厥質頗脆色

外棕黑而內灰白味畧苦辛別具一種氣息內函一精即耳臥地年又含一酸即士加力亞酸

(功用) 收斂助子宮發力婦人臨盆乏力及胎衣不下者宜服若子宮口未開及橫生者忌服

(主治) 子宮不收血崩產後血崩肺血欬出尿有蛋青類經脈不調經疼腦脊根病類癱瘓癲狂癱病

(服法) 每服二三十噸能使子宮收斂治癱瘋類宜用五至十厘

### 賀氏療學

此藥係黑麥所生之菌絲若存儲經年效力即失化學家由其中分出若干之素但未有一素具

#### 本藥之力

(生理作用) (神經統系) 此藥於神經系統少顯何感

(血循環) 若以中分劑注射靜脈內則動脈血壓立即低減後則畧增其低減者因藥力至心肌而制阻也後畧增者因血管之肌被激也若注射過分劑則血壓低減而不增高血管舒縮中樞漸次被癱以至心癱則殞命矣服中分劑有增血壓之效緣其能激心肌與血管之肌使其縮小也心經不受其阻者因藥力不能驟至於心也

(子宮) 常言此藥有激子宮肌之纖維服者致子宮縮小此言雖確然有未盡近有醫士云其感於子宮肌之神經末稍亦有謂激勵脊腦腰段之子宮中樞也產婦服足分劑子宮縮小內有癱瘓之勢胎即被逼而下如服微分劑只增縮力而無癱瘓之勢此藥能激勵各類平滑肌之能

（療效）此藥常於分娩時用之以免產後失血之患用法以胎頭將過會陰時用麥角流膏半至一量錢服之切不可早服恐有意外之虞然服之者少蓋產後失血爲罕見之事若產婦易犯此症間宜服之如已有流血之勢卽用此膏一至二量錢或服麥角葡萄酒一量兩越一刻鐘卽效其效可存半句鐘之久以常理而論將分娩時此藥不宜用然有時亦可用之如分娩之先並無他患惟子宮漸失縮力服咖啡或士的年或他類激勵藥俱無效者則服麥角流膏五至二十量滴之小分劑有效蓋小分劑只使其縮力如常無至痙攣之患也陰道狹窄者忌用子宮口尙未及舒展者亦忌用產後失血以無毒麥角或麥角印注射皮下最爲妙法藥行所售無毒麥角製成液劑貯於壺腹每一壺腹爲一次之分劑當由壺腹吸入空針以注射皮下若分娩後子宮內有血塊或胎膜留於內此藥忌用恐致子宮口縮緊則血塊胎膜不下以致受毒也產後子宮不復原服中分劑有效有醫士云肺腎二經流血服之大效然非妙法試專以肺言之夫肺無血管舒縮系統若用此藥血必多歸於肺血管是反增其流血之患也鼻衄經旺血崩或有時盜汗服之有效病臥日久致肺充血或他類之充血有效若與狄吉他利同服尤效痢症含血多亦效漿瀉或效頭暈或頭與頭皮作痛以流膏二十量滴與溴化鉀五至十厘日服三次常效子宮粘膜炎下有纖維肌瘤（此瘤常有流血者）曾有醫士以此藥醫之蓋服此藥子宮必致縮小瘤則少得血之養育流血之患亦漸次而止其

連瘤之筋必致腐爛而瘤則脫落矣但其效甚緩且大有疼痛之患若係大瘤此藥禁用流血痔及尿管病此藥或能醫之與溴化鈉（鈉氣鹽）同服其效尤妙

### 藥料詳要

麥角係黑麥（Rye (*Secale Cereale*)）之菌（*Caviceps purpurea*）所生硬黑物為微

曲之條兩端均銳長一寸三分之一至一·五寸兩邊有直槽在凹邊深而凸邊淺外黑紫色內白肉紅色斷口整齊臭特別而惡味亦惡其已霉敗者麥角之大用有二（一）止血（二）令子宮縮在與血咳血嘔血月經過多用之止血但因其能加增血壓故於遠處出血不為無險麥角之用分娩須俟第二期宜於子宮無力時用之若於產後失血此藥為直接最佳之妙品也在子宮息肉慢性子宮炎纖維瘤肌瘤子宮復舊不全等用之有效麥角於脊腦之效意於數種脊腦炎應頗有用在下體癱由發炎所致服之曾收其益在舞跳瘋偏體癱由顱腦充血所致亦曾用之麥角有減少尿量之力大概由收縮腎動脈所致在多尿病（即尿管病）用之甚妙但在糖尿症無效（分劑）二十至六十噠

### 英國藥制

麥角即黑麥之麥角乃麥角科麥角菌之核體生於禾本科黑麥之子房麥角當令完全乾燥藏於絕對不通空氣之器內在一年以上者不堪適用（下畧）於孕婦係催產藥未孕者可為通經藥及子宮之興奮劑男子納之則血壓增加而周圍之小動脈收縮此種作用歷時甚久此劑間接及直接的刺激

平滑肌幾乎完全用以刺激子宮而使收縮

### 華亭述言

【產地】 各國均產

【形態】 黑穗菌科麥奴屬寄生於麥穗呈黑色爲無數孢子構成其質易於飛散落於他麥卽爲花部所包附着

種皮至苗芽時卽復生菌絲始穿嫩葉漸達花間以成黑麥

【主治】 有毒微苦主產後崩血崩經漏子宮不復原子宮纖維瘤子宮炎胎衣不下鼻衄嘔血吐血盜汗脊髓炎

下體癢激勵平滑肌大便失血尿血小便頻數蛋白尿赤白帶吐飯或吐清水眩暈或頭痛

【考證】 麥奴入藥始於唐本草拾遺陳藏器云「麥穗將熟時上有黑徵者也」麥角者西藥之名療學與詳要

及藥制皆言「麥角係黑麥所生之菌」植物辭典麥角菌條云「形如動物之角故名」考麥奴麥角皆

爲大小麥子房所生之菌麥奴者係統指黑麥之名麥角者係專指黑麥之菌伸出如角狀者蓋麥奴麥角

入藥之功用相同係一種也非麥白銹菌與麥赤澁菌之屬蓋此二菌皆寄生於麥之莖葉（俗謂二菌名

黃瘴黑瘴）是與黑麥不同中醫用麥奴原質西醫多用麥角流膏及麥角印按療學云「化學家由其中

分出若干之素但未有一素具本藥之力」蓋藥須以原質爲佳卽以化學分出其素能具本藥之效者其

與原質之功能必稍異矣此藥於產時服足分劑能致子宮縮小內部痙攣即逼胎而下用時不宜早服於兒頭過會陰時服之因早服恐其收斂致生意外之患若於產時欲增其血壓及縮力須用小分劑則無痙攣緊之弊中分劑有增血壓之力因縮心肌與血管令其縮小也毒分劑則血壓低減血管舒縮中樞漸次被癱以致心癱而死此藥能激各類平滑肌之力胃失功用以致食後即吐或吐清水者與鼠婦煎服有效眩暈或頭痛者宜與溴化鉀同服余患小便頻數以麥角流膏服之有效其功用在收縮腎部之動脈惟於糖尿症無效麥奴於產後失血及崩漏可為特效良藥麥奴內含耳戈妥克辛為一種無晶形之醣鹼有致壞疽及收縮子宮之力麥奴素為一種無生理之醣鹼耳戈坦民（又名乾酪素）其性與腎上腺素相似耳甘民（又名組織毒）其性有催生之功耳戈替歐寧另有固定油與色質百分之三十并有司法社林尼酸與可汝廷及耳戈廷尼酸則為不純質

### 【修治】

採麥奴於大小麥將熟之期暴乾取其黑微以羅篩之入瓶收藏若置空氣即失藥效

### 【分劑】

煎服半至一錢半

（麥角流膏）*Extractum ergotae liquidum* 麥角十六份沸水一百二十分蒸酒六份先用汽水八十份浸十二小時取渣再將餘水四十份浸渣十二小時去水用絞盤絞渣將二水共入鍋散氣剩十一份去火候

涼加酒再候一點鐘結凝過淋紙加汽水足十六份爲度（分劑）十至六十哩

田蜀黍黑穗菌又名稔頭又名灰包


按蜀黍穗亦常變壞名黑穗菌圖考名稔頭初於包中農人識之摘去以防傳染因含包於節近上處有凹非同蜀黍含包漸爲粗大嫩時形如圓錐外附白粉內灰黑至成熟每殼含黑灰一宗入藥採取暴乾以細羅篩之入瓶勿洩氣若陳於空氣中即無功效予有黑穗菌鼠婦散治反胃嘔吐如他藥不能醫治者此藥常效

【黑穗菌鼠婦散】 黑穗菌一錢活鼠婦三十個

共研爲末開水送服治反胃嘔吐甚效考此症小女幼婦患之較多俱因鬱氣致傷胃經若與調胃行氣藥並用尤妙

### 萹澄茄

西名 枯背布思



萹角

**開寶本草**

華澄茄味辛溫無毒主下氣消食皮膚風心腹間氣脹令人能食療鬼氣能染鬚及香身生佛誓國似梧桐子及蔓荊子微大亦名毗陵茄子

**圖經本草**

華澄茄生佛誓國今廣州亦有之春夏生葉青滑可愛結實似梧桐子及蔓荊子微大八月九月採之今醫方脾胃藥中多用

**萬國藥方**

白核味辛無毒

(功用) 化痰行氣在溺管內發功力

(主治) 白帶淋症咽喉類症治淋症每服三十至一百二十喱

(分劑) 十至六十喱

**賀氏療學**

此係一種蔓草未熟之菓產於爪哇島色黑形如小豆乾則皮部皺縮味香內含一油一酸並合一素按此藥之力易失藥行收存不可製散為臨用現製為宜服過分劑則腸胃及尿道發炎

(療效) 淋症之晚程若患慢性溢液此藥有效若於初程以此藥抵之然非善法傷風致鼻粘膜分泌多

時以此藥作散於鼻嗅之有效如生液未多忌用枝氣管久炎以此藥之油乃為妙劑嘶頃以此藥為散作

紙捲吸之有效

**藥料詳要**

係萹澄茄 *Piper cubeba* 長成未熟之果令乾近球形橫徑一寸六分之一灰綠色有縐紋縱

橫成網底有柄長於果之半內含一子臭香且強而特別味熱且香而微苦每百分含揮發油六至十五分  
萹澄茄素百分之二中立性樹脂百分之六此藥在多似胡椒服小分劑有香藥之效大分劑則敗胃倘分  
劑尤大則大激刺腸胃此藥作用頗與哥拜巴相似乃為一種消毒利尿劑與去痰劑在淋症及膀胱症多  
用之其味不似哥拜巴之惡在枝氣管久炎亦有時用之（分劑）三十至六十噀

**華亭述言**

**【產地】** 產於印度等處

**【形態】** 胡椒科萹澄茄屬蔓生植物葉互生長卵形而尖網脈全緣花時由葉腋抽出花莖開小花穗狀花序結

實為漿果入藥於半熟採取大如桐子乾則外皮皺縮色褐黑內核圓白核中有仁

**【主治】** 入藥用子有小毒味如胡椒微辛別具氣息主去痰下氣開胃消食腸胃氣痛利尿白帶久淋

**【考證】** 萹澄茄由宋收入其性辛燥於開胃去痰須用小分劑若於慢性淋症及白帶則用中分劑始有效果如

華澄茄

服過分劑其激刺力甚大易致腸胃及尿道受炎此藥內  
含揮發油百分之四至十八華澄茄素百分之二樹膠百  
分之六此脂內含華澄茄酸固定油樹膠

【修治】 採於半熟時期去梗陰乾收藏勿洩氣用時搗碎

【分劑】 散服二至五分煎服半至二錢

### 曼陀羅

又名佛茄兒 又名洋金花 又名喇叭花 又名關東苘麻子

### 嶺外代苔

廣西曼陀羅花徧生原野大葉白花結實如茄子而徧生小刺乃藥人草也盜賊採乾而未之以  
置人飲食使之醉悶則墜簾而趨南人或用為小兒食藥去積甚峻

### 本草綱目

曼陀羅生北土人家亦栽之春生夏長獨莖直上高四五尺生不旁引綠莖碧葉葉如茄葉八月  
開白花凡六瓣狀如牽牛花而大攢花中拆駢葉外包而朝開夜合結實圓有丁拐中有小子八月采花九  
月采實花子氣味辛溫有毒主治諸風及寒濕脚氣煎湯洗之又主驚癩及脫肛并入麻藥



廣西志

閩陀羅人食之則頗悶軟弱急用水噴面乃解土人呼爲頗茄

萬國藥方

*Stramonium* 佛茄兒出歐州及中國美國等處入藥用該草之葉與花及子內含一精卽打都仁

(功用) 寧睡止疼與頗茄同而力較勝在氣管內發其功力亦能令瞳人散大

(主治) 氣喘咳嗽胃氣痛

(分劑) 葉一至三喱子半至二喱

(外用) 止痛作貼膏油膏用其葉當菸吸治氣喘甚效

(解藥) 解此毒者與頗茄同

賀氏療學

此係一類草入藥者乃其葉內含一醱鹼名蔓陀羅素效與阿刀平同

(生理作用) 詳見蘋茄篇

(療效) 其主治與蘋茄同若以其葉八兩加硝酸鉀(鉍氣強礬)二兩燃之爲驅除屋內蚊蟲之良法

藥料詳要

曼陀羅子係 *Datura stramonium* 成熟之子令乾圓腰子形微扁之子長約一寸六分之一黑

綠色或黑色面有多數小凹臭極微味畧苦

曼陀羅葉 *Stramonii folia* 於開花時採之令乾葉長四至六寸寬而尖銳邊爲不等之齒面光滑灰綠色

比背之色較深多細縐紋臭特別味苦而惡曼陀羅之效與阿刀平同然其阻氣膈之藥尤甚多爲治呼吸  
症之用如在氣管炎哮喘症內服其膏每次一厘四分之一

### 英國藥制

其性質與蕘茄相同係制瘧劑於瘧變性氣喘症可作鎮靜劑故製成捲烟及烟薰合劑以治斯  
症內服乃用其醇劑

### 華亭述言

### 【產地】 中西均產

【形態】 茄科蔓陀羅屬一年生草本莖高三四尺葉互生初爲卵圓形大時葉緣缺刻狀如茄葉莖葉之表生柔

軟絨毛撫之油滑夏日由分枝開生一合瓣花冠呈漏斗狀萼長二三寸花冠長五六寸徑約二寸色白外  
向有五裂尖鈎未放時排列褶襞共成十尖雄蕊五枚花冠着生雌蕊一枚花開下午至第二日花冠已萎  
花莖下彎其莖由蒂上數分之處萎折尙餘下數分爲果實之托實圓形畧扁約一二寸殼外生刺內含種  
子數百粒色褐狀如補骨脂

【主治】 入藥用花葉子有大毒其子嚼之幾無味後覺微辛其葉有特臭味苦辛主枝氣管炎痰喘哮喘咳嗽胃

氣痛寧睡止痛

【考證】

此藥過分劑入腦令人癡狂中分劑於枝氣管行其功用服者喉與上腭乾燥難忍余曾試服蔓陀羅酒十五量滴至一小時半上腭即覺乾燥然服此分劑亦無他異若於咳嗽等症用子半分之小分劑（約十六粒）與他藥合煎即無喉乾之患若於哮喘須用一分至一分半始見藥效至三分即呈癡狀口中喃喃不絕頻以手於牆壁衣服之上捉摸自言有虫行走是因瞳孔放大以致視力紊亂至八九小時藥力始退若服四五分即呈神經性之燥動風狂行走立不穩面與結合膜發紅脈與呼吸俱速服至毒分劑自燥動後繼以昏睡脈與呼吸變緩以至微弱無力窒息而死有戒鴉片服癡藥者即此藥之治療多施於呼吸器官之痙攣症因麻痺枝氣管之迷走神經末稍并弛緩其肌組織口與喉咽乾燥因遏止其分泌若鹽酸減少尤為顯著如醫哮喘宜於麻黃杏仁遠志甘草並用頗效以花葉子熬膏分劑一釐四分之一外用於神經痛加豬脂製成搽膏搽之有效可用以止極疼之痔瘡此藥服中分劑散光數小時足分劑有散至月餘者此藥



蔓陀羅

內含亥俄辛與少許阿刀平及黑荳蓉素并含一種樹脂與固定油

【分劑】 與他藥煎服三釐至一分半

【蔓陀羅膏】 將花葉子搗碎入鍋蒸爛過布淋入鍋熬至成膏爲度分劑一釐四分之一若神經痛與豬脂樟

腦調勻搽患處有制阻感覺神經末稍爲局部麻木劑與止痛藥因感覺減小以致麻木而痛止

【蔓陀羅甘油擦劑】 蔓陀羅膏一兩蒸酒一錢入臼研勻再加甘油一兩治瘡子癩瘡未破而痛者可遍擦

之若已破須留瘡口生膿之處於邊際紅腫處擦之甚妙

## 素馨

西名耶悉名 又名黃茉莉

### 南方草木狀

耶悉茗花末利花皆胡人自西國移植於南海南人愛其芳香競植之（下畧）

### 龜山志

素馨舊名耶悉茗一名野悉密昔劉王有侍女名素馨其家上生此花因名

### 汪機

末利根氣味熱有毒主治以酒磨一寸服則昏迷一日乃醒二寸三日凡跌損骨節脫臼接骨者用此則不知痛也

**萬國藥方**

*Calsesminum* 耶悉名出美國等處入藥用該草之根內含一精即耶悉民

(功用) 平脈平腦解熱

(主治) 瘧症腦氣筋疼牙疼過服令人癱瘓

(分劑) 五至三十哩

(解藥) 解此毒先服吐劑後服阿摩尼亞香酒外用電氣

**賀氏療學**

*Calsesminum* 黃茉莉乃美國蔓生之樹入藥者乃此樹之根內含二質一質名黃茉莉印一

名黃茉莉那印

(生理作用) (神經系統) 此藥最易癱脊腦然受其毒者先則覺徑後則動徑

(血循環) 此藥有阻血循環之力而阻心尤甚

(呼吸) 此藥能癱呼吸中樞故令人殞命

(體溫) 服過分劑者體溫大為減少

(眼) 此藥能癱動眼系之末梢故置目內能令瞳孔散大

(療效) 凡因腦經系過於受勞或過用目力致患偏頭痛者此藥有效若與印度麻同服其效尤顯或言

此藥能醫瘧症人多不以爲然某種名醫謂此藥於肺炎肺膜炎等病大效但當於初患時用之爲宜若氣喘乾嗽啼喘蟬鳴性喉癢擊與歪頸及經痛俱有抽搖之患者皆效惟身體虛弱者忌用或謂黃茉莉印開腫之效與阿刀平同但於目內之力易去耳用法將此印八厘加水一量兩溶化滴於目內初一點鐘每刻滴一滴至二三小時每兩刻滴一滴其效必顯

（中毒）服毒分劑先則身倦思臥肌肉無力上臉下垂頷骨下墜脈漸速而微身生冷汗面消瘦而容戚喉嚨瘖啞其殞命之故緣呼吸中樞被癱而心幾於同時停止但必於氣絕時始無知覺

（解毒法）先用吐藥或用胃抽器後用錫及狄吉他利等藥以激心經再用士的年阿刀平以激其呼吸庶可救之

【產地】 中西皆產其性畏寒多產暖地

【形態】 素馨科素馨屬常綠亞灌木高約三四尺枝莖柔弱如蔓狀葉對生羽狀複葉爲五小葉至九小葉而成每小葉卵圓形網脈全緣初秋莖端分枝開白花合瓣花冠頂端五裂雄蕊二枚雌蕊一枚聚繖花序其根爲圓柱形皮色褐有細網紋

【主治】 入藥用根有大毒臭香味苦主平腦系止痺癢痛風偏頭痛頸項強痛卵巢系痛乾嗽哮喘

【考證】

此藥與茉莉同性其花馨香其根苛毒與馬錢子鈎吻相同其力直達春腦以致動覺二徑俱受其激故能醫歪頸項硬之症若醫乾嗽哮喘宜與開痰藥并用偏頭痛當佐芎藭蔓荊子卵巢系痛宜與調經之藥凡有毒之劑可暫服不可久餌用時分劑務須謹慎緣其毒力非與大黃芒硝可比蓋此藥最易癱春腦與癱呼吸中樞故用之適宜能醫癱瘓痛風項強乾嗽哮喘類症內經五常政大論云「大毒治病十去其六

常毒治病十去其七小毒治病十去其八」蓋云用毒藥不可足分劑慎之至也此藥服至毒分劑神昏肌弛臉垂頷墜汪機云「以酒磨服一寸則昏迷一日乃醒二寸二日三寸三日」此係服至毒分劑始現昏迷狀態脈速而微聲啞汗出終至呼吸中樞被癱令人久氣而死此藥內含數種極毒之質鹼與毒芹鈎吻馬錢子相似并含油質與樹脂及脂肪

【分劑】 煎服半至二分

大楓子



毒馨

### 本草補遺

粗工治大風病佐以大風油殊不知此物性熱有燥痰之功而傷血至有病將愈而先失明者

### 本草綱目

能治大風疾故名大風子今海南諸番國皆有之按周達觀真蠟記云大風乃大樹之子狀如椰子而圓其中有核數十枚大如雷九子中有紅白色久則黃而油不堪入藥氣味辛熱有毒主治風癬疥癩

楊梅諸瘡攻毒殺虫大風油治瘡有殺虫切毒之功蓋不可多服用之外塗其功不可沒也

### 藥物詳要

大風子油爲棕黃色或軟脂肪臭特殊味畧辛內含大風子酸及軟脂酸至斤諾卡地酸則爲諸

原素之混合物外用爲有力之發赤劑其軟膏在風濕病牛皮癬濕疹狼瘡及麻風用之內服倘其劑量增大過速則易致惡心嘔吐及瀉腹在瀉腹之效能甚大尤以早用爲妙可製成乳劑由口服之曾有注射肌內者先注射半坩漸加至五坩每三日注射一次大抵注射五六十次注射處疼痛且顯全身反應亦有注射靜脈者(分劑)五至十量滴漸加至一量錢

### 華亭述言

#### 【產地】

產於交趾暹羅印度等處

#### 【主治】

入藥用子與油有毒別具氣息味略辛主麻風風溼瘡毒疥癬外用治癬癩溼疹瘡疥牛皮癬以大楓子仁搗爛用粗布包搽患處外加樟腦少許尤妙

【考證】

此植物生態未見僅見藥房所售之子長約五分徑約三分稍有稜角爲不規則之卵圓或橢圓形外殼褐黑內仁色白含油狀之蛋白質嘗之味辛此藥過服令人吐瀉其主治大風疾始見於宋本草補遺因其有副作用故少用之麻風爲第一苦腦病頗難治愈故千金要方惡疾大風第五論云「予嘗手療六百餘人瘡者十分有一莫不一一親自撫養所以深細諳委之姑與其語覺難與語不受入卽不須與療終有觸損病旣不瘡乃勞而無功也」蓋因此症愈後復發者頗多必須終身戒色不宜食鹽但此二戒須爲人生難事故千金云瘡者十分有一按大麻風古名癩或名癘風卽本草經黃耆條主「大風癩疾」是矣素問風論篇云「瘡者有榮氣熱附其氣不清故使其鼻柱壞而色敗皮膚瘍潰風寒客於脈而不去名曰癘風」靈樞四時氣篇云「癘風者素刺其腫上刺以銳鍼鍼其處按出其惡氣腫盡乃止常食方食無食他食」按麻風分三種一名皮膚麻風卽面腫眉落一名神經麻風手足先屈後則爛去一名混合麻風係皮膚與神經俱患此病多受溼熱之蒸發化生一種麻風菌其病竈多在血分俱生熱溫二帶寒帶甚少余謂此症內服宜清血去溼之劑外用鋒鍼頻行刺術於百會大椎手足攣中靜脈與手足指端各穴刺出惡血靈樞鍼解篇云「苑陳則除之者出惡血也」近世麻風院之醫治藥雖有多種然仍推大楓子油爲靈驗惟昔日所用之油極不純淨故對於治效頗微今日製品精良效亦勝前中國所用都係舶來品聞民國十九

年特向暹羅定購大楓子樹數百株蒔養於廣東中山大學以爲後學實驗之標本也此油內含大楓子酸與軟脂酸及至斤諾卡地酸爲諸原素之混合物今醫報云以蒼耳子葉莖於立秋前熬膏服之甚效

大楓子

【分劑】 帶壳搗碎煎服半至二錢大楓子油五至十五量滴  
漸加至四十量滴

芥子

名醫別錄

芥味辛溫無毒歸鼻除腎經邪氣利九竅明耳目安中久食溫中

陶弘景

似菘而有毛味辣好作菹亦生食其子可藏冬瓜又有莢以作菹甚辣快

唐本草

此芥有三種葉大子麤者葉堪食子入藥用熨惡瘡至良葉子細者葉不堪食其子但堪爲醬爾又有白芥子粗大白色如白梁米甚辛美從戎中來別說云子主射工及疰氣發無常處丸服之或搗爲末醋和塗之隨手有驗



圖經本草

芥舊不著所出州土今處處有之似菘而有毛味極辛辣此謂青芥也芥之種亦多有紫芥莖葉純紫多作齏者食之最美有白芥子粗大色白如梁米此入藥者最佳（下畧）

食療本草

主欬逆下氣明目去頭面風大葉者良（下畧）

萬國藥方

Sinapis 此藥中西皆有分黑白二種黑者有油白者否入藥用黑白各半為佳其研末則色黃味

苦而辛

（功用）行氣吐劑輕瀉

（分劑）輕瀉服數子吐劑服末一二錢溫水送下

（外用）大行氣領皮熱運血弔炎作敷藥用

賀氏療學

黑白二芥均含有惹力之油名芥油功效多在此油

（療效）此藥有外惹內效之功常以醫腸胃脹之絞症或胸與腹之新炎肌痺節炎系痛亦可用之頭痛或顛腦積血敷於頂上有效如敷於皮上過數分鐘其皮如燙傷之狀故皮薄者必用芥末與麥粉各半調勻用之方可若孩童用之宜以此藥一分麥粉三分調勻敷之可免皮膚受傷如製貼膏以芥末與麥粉調勻用熱水或醋調勻攤於布上以敷患處受此藥之惹力其傷全愈最遲雖愈仍有紅色稍觸即痛其紅色

或有永不退者如惹力甚重宜以石灰水與俄利乏油等調和敷之倘石灰水不便只敷俄利乏油亦可

### 藥物詳要

芥子揮發油爲無色或淡黃色液體臭極刺鼻味最辛著於皮上大概立即起胞含同族之硫磺酸蒜素至少爲百分之二但乾黑芥子原無此油至遇水則其中所含之原素被一種酶名邁加辛分解而生芥子揮發油至於白芥子亦含其和平難散油然不生其揮發油惟生一種他質性與揮發油多相似

### 華亭述言

### 【產地】

中國各地皆產之

### 【形態】

十字花科薺屬一年或二年生草至夏莖高四五尺葉互生爲單葉長六七寸葉緣缺刻及鋸齒葉表有皺紋由葉腋抽出花莖開黃花總狀花序結長角內含圓形之種子色分黑白二種

### 【主治】

入藥用實有毒味辛辣主通氣開腸胃氣腸絞痛多服嘔吐輕瀉外敷爲肌痺關節痛神經痛爲引炎外出之用

### 【考證】

芥子中醫用原質以白色者爲佳西醫用油須於黑芥子中取之其內含二素名密倫酸加里與密洛卒若遇水則密倫酸加里被密洛卒之醱酵作用卽化生芥子油此油惹力甚大如以純油敷於皮上過數分鐘卽起泡故以小麥粉各半調勻敷之卽無起泡之患西醫於嗜酒致胃失功用者服之有效

【分劑】芥末散服一至五分令吐一至二錢芥子油一量滴四分之一至二分之一

### 蒲公英

唐名 蒲公英

#### 唐本草

蒲公英味甘平無毒主婦人乳癰腫水煮汁飲之及封之立消一名構耨草

#### 圖經本草

蒲公英舊不著所出州土今處處平澤田園中皆有之春初生苗葉如苦苣有細刺中心抽一莖

莖端出一花色黃如金錢斷其莖有白汁出人亦噉之俗呼為蒲公英訛為僕公嬰是也水煮汁以療婦人乳癰又搗以傅瘡皆佳又治惡刺及狐尿刺摘取根莖白汁塗之惟多塗立差此方出孫思邈千金方云余以貞觀五年七月十五日夜以左手手中指背觸著庭木至曉遂患痛不可忍經十日痛日深瘡日高大色如熟小豆色管間長者論有此方遂依治之手下則愈痛亦除瘡亦即差未十日而平復楊炎南行方亦著其效云

#### 本草衍義

蒲公英今地丁也四時常有花花罷飛絮絮中有子落處即生所以庭院間有者蓋因風而來也

#### 救荒本草

李李丁菜又名黃花苗

## 萬國藥方

Taraxaci radix: 此藥各處有之入藥用該草之根鮮乾皆可宜在中秋節後取之色外棕內白而黃酒水均能提功力

(功用) 輕瀉動膽汁作養水膏等服之

(主治) 肝寒生眩症佐瀉藥同服瘧疾發過後服之

## 賀氏療學

此係一類草各處皆有之因其味苦故有補效肝遲鈍昔常用其鮮根治之乾者無效雖多有人仍用其乾根但毫不見效

## 藥物詳要

係菊科植物蒲公英 Taraxacum officinale 之根在秋季採集而得新鮮根長或至一尺徑約半寸外黃綠色斷口整齊內白汁如乳令乾縮小有直綫紋外黑褐色內黃白無臭味苦內含一種結晶之酸苦素名蒲公英素並含蒲公英精另含糖及菊科澱粉其成分之多寡隨時而異此藥含苦味劑與瀉藥之效故腸胃無緊張力致消化不良及大便秘結極為合宜(前醫界頗重用此藥)其製劑可用於健胃合劑及輕瀉丸中前人謂蒲公英為利膽劑近人以爲如有此種作用必爲間接作用

## 華亭述言

【產地】 各地皆產

【形態】

菊科蒲公英屬多年生草根出葉叢生似倒披針形葉緣有向下之大鋸齒春日由葉叢抽出花莖高約六七寸中空頂上生一頭狀花序花冠呈舌狀深黃色聚藥雄蕊包於雌蕊花柱之外果實爲瘦果上有白冠毛其根外皮褐黑長約三四尺徑約二至四分內白鮮時折之出汁如乳

【主治】

入藥用根鮮質爲佳有小毒味苦主肝癢腹脹輕瀉火眼淚出腸胃失緊張消化力消水腫乳癰惡瘡疔毒

【考證】

唐本草蒲公英卽蒲公英衍義云蒲公英今地丁也按地丁係紫花地丁（見卷六紫花地丁條）其花有紫白二色入藥以紫花爲良其根如丁故名地丁救荒本草又名李李丁係指葉緣鋸齒如丁狀圖經云有細刺其刺字常是齒字之誤因蒲公英係葉緣鋸齒非生針刺也此藥以鮮質力大用時在處有之非難尋也其莖葉力微用之少效其根甚深而脆採至一二尺最易折斷鄉人云蒲公英花生并蒂根下必生球莖食之養生民國八年余見校中有蒲公英花生并蒂余掘至二尺不幸斷折循之不得後聞友人云見農人得之其根下生一球莖砂眼日久致目閉畏光淚出以鮮根煎汁半飲半洗不過二次卽愈惡瘡丁毒以白汁塗之甚效否則以鮮質搗爛敷之亦妙若用乾質無功

【修治】

採鮮質隨時隨地皆有若爲收藏採於秋日洗去泥土半寸解之晒乾收藏

【分劑】煎服二錢至一兩

# 大蒜

別錄名葫

名醫別錄

胡味辛溫有毒主散癰腫蠱瘡除風邪殺毒氣獨子者亦佳歸五藏久食傷人損目明五月五日

採

陶弘景

今人謂葫為大蒜謂蒜為小蒜以其氣類相似也性最熏臭不可食俗人作醬以噉鱸肉損注伐命莫此之甚此物惟生食不中煮以合青魚鮮食令人發黃取其條上子初種之成獨子葫明年則復其本也

唐本草

爾

此物養為羹臛極俊美熏氣亦微下氣消殺除風破冷足為饌中之俊而注云不中煮自當是未經試

本草拾遺

大蒜去水惡瘴氣除風溼破冷氣爛痲癩伏邪惡宣通溫補無以加之初食不利目多食卻明久食令人血清使毛髮白療瘡癬生食去蛇虫溪蠶等毒（下畧）

圖經本草

葫大蒜也舊不著所出州土今處處有之人家園圃所蒔也每頭六七瓣初種一瓣當年便成獨

子蒴至明年則復其本矣然其花中有實亦蒴瓣狀而極小亦可種之五月五日採謹按本經云主散癰腫李絳兵部手集方療毒瘡腫號叫臥不得人不別者取獨頭蒜兩顆細搗以麻油和厚傅瘡上乾則易之頃年盧坦侍郎任東畿尉肩上海作連心痛悶用此便瘡後李僕射患腦癱久不差盧與此方便愈絳得此方傳救數人無不神效（下略）

### 萬國藥方

Allium 此藥各國皆有味辛而熱其臭刺鼻

（功用）化痰開胃外用弔炎

### 賀氏療學

蒜內含一揮發油能激勵胃膜多生液體故助消化作用久傷風致患枝氣管炎者將蒜搗爛敷於前胸有效若皮受刺激可摻以麥麩等分作成粥劑敷之嬰兒患搖搦無論由大腦或脊髓而發者可以其粥劑敷於背或足心有效腸胃粘膜炎敷於腹上其效與味料粥劑相等小兒慢性傷風加於牛乳內以火沸之每數小時服少許有效或以蒜油製成乳劑服之亦可此油之分劑一至二量滴

華亭述言

### 【產地】

各國皆產之

### 【形態】

百合科葱屬多年生草本莖高一二尺葉細長而扁並行脈抱莖互生夏日由葉間抽出花軸開小白花微帶紫色花間雜以肉芽繖形花序其根爲鱗莖外皮作淡紅或白色中心一莖四圍簇生數瓣瓣之大小及多寡不同

### 【主治】


有小毒味辛臭主肺結核殺霍亂菌止欬逆化痰開胃消食散癰腫外用搗爛摻以麥麩敷惡瘡未破有效以蒜切片或搗爛以艾火灸之亦效

### 【考證】

別錄名葫者卽後世所名之大蒜也別錄名蒜者爾雅名山蒜陶氏名小蒜卽澤蒜也李時珍以別錄之蒜爲大蒜之小者以爾雅之山蒜卽野生之澤蒜彼云「爾雅以蒿爲山蒜所以別家蒜也諸家皆以野生山蒜澤蒜解家蒔之小蒜皆失於詳考小蒜雖出於蒿旣經人力栽培則性氣不能不移別錄葫與蒜各立專條非一物之分大小也蓋葫（大蒜）與蒜（山蒜）實爲二種卽經人工蒔養殊不能以蒿（山蒜）變爲大蒜之小者大蒜之莖粗約三四分葉寬寸許山蒜莖細分許葉寬不過二分其鱗莖又與大蒜不同北人多噉生大蒜食後臭氣頗烈令人生厭其於生理作用實有殺菌滅毒之功故別錄云「殺毒氣」拾遺云「去水惡瘴氣」北部勞動者多飲冷水於夏日冷飲之際有先食大蒜兩三瓣者問其故云古人相傳若水中含毒食大蒜可解能免霍亂等患蓋大蒜能治霍亂等症吾國相傳已久後世醫方甚少用之西醫提取其素名「亞力山丁」Allisatin 無臭氣多爲肺結核之用其力較原質爲遜李時珍云能助火傷肺實臆度耳

### 【分劑】

煎服一至四錢若生噉以藥汁送服尤妙



大蒜


釀酒

古名酒

名醫別錄

酒味苦甘辛大熱有毒主行藥勢殺百邪惡氣

蒸酒



山蒜

又名燒酒又名火酒又名酒精又名醇酒又名濃酒

### 本草綱目

燒酒非古法也自元時始創其法用濃酒和精入甑蒸令氣上用器承取滴露凡酸壞之酒皆可蒸燒近時惟以糯米或粳米或黍或秫或大麥蒸熟和麴釀甕中七日以甑蒸取其清如水味極濃烈蓋酒露也

氣味辛甘大熱有大毒主治消冷積寒氣燥溼痰開鬱結止水泄治霍亂痞疾噎膈心腹冷痛陰毒令死殺虫辟瘴利小便堅大便洗赤目腫痛有效

### 萬國藥方

酒種類不一惟按內含酒精多寡判爲三等如淡酒濃酒純酒是已亦有按所成之法而名者一爲火酒類係用甑蒸出者如燒酒洋燒酒洋伯蘭地酒等是也一爲釀酒類乃自發釀變成者如黃酒葡萄酒薯酒等是也

(濃酒) Spiritus rectificatus 自五穀蒸出每百分計含純酒八十四分水十六分

(功用) 天行氣病人虛弱因憊服之甚效須配淡者服

(外用) 治手足扭傷大頭瘡皮膚作癢均可燙熱搽之

(淡酒) 製法濃酒五分汽水三分和勻爲度每百分計含純酒四十九分水五十一分

賀氏療學

酒精係流質以澱粉糖類用蒸法而得入藥用者以伯蘭地酒或穀蒸酒爲醫家常用之品

(生理作用) 此酒之方能激勵動系若服足分劑此部不但受其制阻恐有暫癱之弊若滴於腦系末稍先有激力後則被癱飲者思想敏捷言語繁多然其才能之淺深毫無增加且有制阻按酒有加增感應之能若服過分劑則失和動之功蓋因知覺受阻則捫覺不靈故醉者行動不穩

(血循環) 飲者心經受激脈速有力血壓亦增此故少因血管舒縮中樞受激多因心經受激也服足分劑血循環與腦系部先受激勵後則被癱

(呼吸) 小分劑激之足分劑阻之

(體溫) 酒無增體溫之力然飲之覺煖者非體溫加增乃因身內熱血被催運至四肢也若飲之過多則體溫反減其故有二(一) 因血催入四肢體溫反失(二) 因體溫先激後阻被激時組織虛耗被阻時則生命中樞亦受其阻以致體溫漸減

(消化) 若將食物貯於試管內加消化酵素後則加酒其消化之功卽被制阻或盡停止在分劑之多寡故少飲者有助消化之功以致胃液生多若多飲者則消化之功反受其制阻也

(排泄) 酒入胃吸收甚速其被氫化及排泄亦速若爲療病分劑多被氫化但服若過身體氫化之能則

### 由肺腎皮腸排泄

(療效) 酒之大用或因受傷或因受毒等患以致心經將停用以激心其效甚速在低熱症並一切勞力之久症與熱症後身體無力者或肺炎肺細葉炎用之俱效如因昏倒或受傷用之皆效若血循環受激時不宜用然於阻時用之則可孩童肺炎用之尤妙每於二小時以伯蘭地或穀黍酒五至六十量滴加於乳或水內服之如瘧熱腸熱病者虛甚酒為正用之品每以酒為激勵胃經輔助身力之劑然決不可視為常規總當審明可用與否如脈速而微或全身無力或不思飲食則常用之否則不可有時嘔吐不止將伯蘭地滴於碎冰塊上服之有效按酒非專為內服之藥外部之用亦為不少如挫傷關節炎或打傷以酒擦之可去患處燒痛且有消毒之功

(禁用) 凡腦受激症非因用力太過者禁用各類新炎亦禁用中風腦膜炎腎新炎血囊肝充血皆為禁用之品

(中毒) 若服醋一大勺多有恢復其靈性知覺究其如何成功尙未明悉若中毒甚重而昏迷者肌盡弛緩心與呼吸漸次微弱當以狄吉他利與士的年注射皮下並用煖身之法若身生冷汗當服蘋茄以激之若顛腦顯病狀可用外惹內效之藥敷於頂部

華亭述言

【產地】 各國均產

【形態】 釀酒有白黃紅等色蒸酒多無色

【主治】 釀蒸二酒內服均有行氣運血之功惟蒸酒有刺激力主開胃外用蒸酒多爲打扭等傷與消毒及關節炎等如湯火傷以患處置酒中其痛立止如患處不能置酒中可以棉花蘸酒包患處而時換之亦可若於皮膚已破或傷處甚廣則不宜

【考證】 酒之名稱不一總不外乎釀蒸兩種製法其性刺激常服可以成癮而蒸酒之力尤大人以嗜酒而傷生敗德者有矣遠古皆用釀酒金匱括樓薤白白酒湯按白酒亦釀酒也若蒸酒始於宋元之際中藥與酒合用者較西藥爲少而與蒸酒合用者尤少西藥除用釀酒元素及丸散外以蒸酒合藥者甚多其用未必於病盡宜實便於久存耳

醋

又名苦酒又名酢又名醕醋

名醫別錄

醋味酸溫無毒主消癰腫散水氣殺邪毒

### 萬國藥方

Acetum 醋之濃淡以醋精多寡爲定製法有粟米或果實及別物之異按百分中含醋精三分至六分者爲通行之品

(功用) 收斂解熱利小便

(主治) 熱症自汗盜汗乾渴

(分劑) 一量錢至一兩加水用之

(外用) 治跌打損傷肉腰扭挫石灰迷目

### 醋酸

### 萬國藥方

Acidum aceticum 此藥由木內蒸出復用法煉成者無色極酸嗅之刺鼻其性酷烈不可單服  
惟配佐他藥方可用之每百分中計有醋精三十三分

(淡醋酸) Acidum aceticum dilutum 濃醋酸一份汽水七份化勻爲度每百分中計有醋精四分有奇

(功用) 收斂解熱利小便與醋同

(分劑) 一至二量錢加水沖服

賀氏療學

醋酸由一類之木用蒸法取出嗅之畧甜醫家所用乃無色之液體每百最滴含冰醋酸三十六量滴水六十四量滴

(療效) 此酸少為服劑冰醋酸為苛性藥中最有力者以冰醋酸敷於瘡上有去之之能生瘡日久致肉芽過長敷其上有潰藥之功淡醋酸可作洗藥在盜汗輕流血鼻衄以淡醋酸與水各半洗之有效嘔吐者用布蘸熱酸醋嗅之或可止之陰陽具生瘡敷之有效且不覺痛良方如下

醋酸一量兩柳酸三十厘令勻以筆蘸敷患處

尋常所用之醋與淡醋酸相近乳婦不宜多服恐嬰孩有瀉腹之患服過分劑育道受惹須當多飲牛乳以解之

冰醋酸

萬國藥方

Acidum aceticum glaciale 冰醋酸結冰無色過光味極酸氣息刺鼻按百分中計有醋精九

十九分

(功用) 丹類不可內服

(外用) 治瘰癧等症楊梅瘰癧子禿瘡

華亭述言

【主治】 醋味酸主收斂自汗盜汗解渴開胃止血

【考證】 中醫入藥之醋多以五穀造之傷寒論之苦酒湯金匱中之黃耆芍藥桂枝苦酒湯即醋之又名也唐蘇

恭云「醋有數種有米醋麥醋麴醋糠醋糟醋餹醋桃醋葡萄大棗蓂蓂等諸雜果醋」唐陳藏器非其果醋之說今西醫入藥之醋係由木內蒸出若陳氏聞之又當如何也

### 無食子

又名 沒食子

#### 唐本草

無食子味苦溫無毒主赤白痢腸滑生肌肉出西戎註生沙磧間樹似檉

#### 酉陽雜俎

云無食子出波斯國波斯呼爲摩澤樹高六七丈圍八九尺葉似桃而長三月開花白色心微紅子圓如彈丸初青熟乃黃白虫蝕成孔者入藥用其樹一年生無食子一年生跋屢大如指長三四寸上有殼中仁如栗黃可噉之

**萬國藥方**

Galla 沒食子在柞木等類之上因虫而生出印度羣島及波斯中國等處每百分中計有架朮酸五分炭匿酸（鞣酸）三十五分水與酒均能提出功力

（功用）大收斂亦配炭匿架朮二酸

（主治）內部血出尿血血崩肺血欬出痢疾

（分劑）十至二十厘

（外用）止血治鼻衄牙齦血出白濁白帶

**賀氏療學**

無食子生於各類櫟樹之上因虫卵而生其效在含之鞣酸

**藥料詳要**

無食子係橡樹 *Quercus infectoria* 由虫生卵於皮中所長之瘤近球形物硬而且重橫徑半

寸至一寸四分之三或有餘面多小阜阜與阜間之面光滑暗藍綠色或絳綠色內黃色或絳白色中央有

小孔無臭味甚濇每百分含鞣酸二十五至七十五分或微含加里酸

**鞣酸**

又名炭匿酸又名沒石子霜

## 萬國藥方

Acidum tannicum 此藥原從檲樹皮內取出今有用沒石子者體質輕鬆色畧黃味渣而斂入

口能令舌縮

(功用) 收斂止血

(主治) 血崩痢疾泄瀉

(分劑) 二至十喱

(外用) 治毒癰湯火傷頭風鼻塞喉鬆久白濁

## 賀氏療學

鞣酸自無食子取出純而不雜不能結晶色淡黃味酸惟甘油與水能溶之各類植物之斂力皆

含此酸

(生理作用) 此藥敷於組織上致該處縮緊其血減少蓋因血管收縮故能阻分泌之能按此藥服後必先變加澆酸而後吸收其排澆時仍爲加澆酸倘腎流血症則患處不能敷藥莫如用加澆酸因其吸收尤速也

(療效) 此藥之用有二(一)能止血(二)收斂虛弱之瀉症服之有效易於生汗及初產乳頭痛敷之有效咳血者宜用五至十厘加水一兩置於噴霧器內噴之有效頑瘍用此藥二兩加甘油八量兩用煖

化法化之敷患處有效流血痔以此藥製成肛丸納入大效白帶症以棉蘸鞣酸溶液塞於陰道有效

## 加泐酸

### 萬國藥方

*Acidum gallicum* 此藥自沒石子製出結珠頗細恍似針芒色白而黃味略酸而澆

(功用) 收斂治內部血出虛勞自汗吐酸子宮血出吐血尿帶蛋青類

(分劑) 三至十厘

加泐酸大半由鞣酸提出結晶似針冷水百分沸水三分酒四分半皆能溶藥一分

(生理作用) 此藥為收斂藥中而無凝血之能故於身外流血症敷之無功

(排泄) 此藥由腎排泄仍不改其體質

(療效) 尿血咳血盜汗枝氣管久炎致痰生多等症用之有效尿過多者與雅片並用最妙糖尿症或因腎弱致患蛋白素尿以及新久之瀉症服之俱效潰瘍與多生膿液以加泐酸軟膏敷之有效外痔以此膏與曼陀羅軟膏各半敷之有效

華亭述言

【產地】 產於印度波斯等處

【形態】 殼斗科無食子屬係摩澤樹之嫩葉被無食子蜂產卵於嫩葉肉中孵化由斯嫩葉漸為膨脹名虫窠即

無食子也其形如球徑約五六分有短蒂約半分質堅硬面光滑生數十小凸色絳綠或絳黃而白

【主治】 無臭味瀉畧酸主收斂吐血血崩尿血便血久痢帶下消渴漏汗

【考證】 無食子蜂在虫窠中生成完備即將其旁穿分許之孔而出本草從新云「揀去虫食成孔者」不知此

孔係蜂出巢之路如為虫蛀豈有每枚只蛀一孔乎蓋蜂未化成則無出巢之孔此藥之功用在内含之鞣

酸其有孔者為成熟之物所含之鞣酸尤富豈可捨而不用

按植物有收斂力者皆含鞣酸惟無食子所含最多鞣酸不


可與鉄劑合用合之即化成鞣酸高鉄矣

【分劑】 無食子煎服半至二錢鞣酸散服二至十厘加鞣酸二至

三十厘

(鞣酸麻油擦劑) Oleum tannatum 鞣酸一份胡麻油六

份化勻為度治湯火傷擦患處最效



## 鹽麩子

### 開寶本草

鹽麩子味酸微寒無毒除痰飲瘴瘧喉中熱結喉痺止渴解酒毒黃疸飛尸蠱毒天行寒熱痰嗽  
變白生毛髮取子乾搗爲末食之嶺南人將以防瘴（樹白皮）主破血止血蠱毒血痢殺虺蟲并煎服之  
（根白皮）主酒疸擣碎米泔浸一宿平旦空腹溫服一二升葉如椿生吳蜀山谷子秋熟爲穗粒如小豆  
上有鹽似雪食之酸鹹止渴一名叛奴鹽

### 本草拾遺

蜀人謂之酸桶博物志云酸桶七月出穗蜀人謂之五倍穗上有鹽者可爲藥亦謂之酢桶矣吳  
人謂之烏鹽也

### 本草綱目

膚木卽構木東南山原甚多木狀如椿其葉兩兩對生長而有齒面青背白有細毛味酸正葉之  
下節節兩邊有直葉貼莖如箭羽狀五六月開花青黃色成穗一枝纍纍七月結子大如細豆而扁生青熟  
微紫色其核淡綠狀如腎形核外薄皮上有薄鹽小兒食之瀉蜀人采爲木鹽葉上有虫結成五倍子八月  
取之（下界）

### 萬國藥方

*Galla rhois semii-alata* 五倍子又名鹽麩子此藥出中國四川等處乃鹽麩子樹上因虫而生

(功用) 收斂與沒石子同而力較遜

### 華亭述言

【產地】 產於四川等處

【形態】 漆樹科漆樹屬落葉喬木高一二丈葉互生為羽狀複葉每小葉長卵形葉緣鋸齒總葉柄在每小葉之

間有翼夏日稍頭開小綠白花圓錐花序結實為核果色紫小如豆面生白絨毛至秋成熟時則小虫密集抹布鹽樣之粉末名曰鹽麩子其核色淡綠形如腎

【主治】 無臭味酸鹹無毒主生津化痰癆喉炎止消渴  
收斂

【考證】 鹽麩子係鹽膚木花後所結之子非葉所成之五倍子也萬國以五倍子為鹽膚子實誤(見下五倍子條)而北部藥市尤誤為鹽附子矣



【修治】 採於秋日成熟之期陰乾收藏用時搗之

【分劑】 煎服一至三錢

## 五倍子

### 開寶本草

面鼻疳瘡

五倍子味酸平無毒主齒宣疳蠱肺臟風毒流溢皮膚作風濕癬疥癢膿水五痔下血不止小兒

### 本草綱目

五倍子宋開寶本草收入草部嘉祐本草移入木部雖知生於腐木之上而不知其乃虫所造也

腐木即鹽膚子木也詳見果部鹽麩子下此木生叢林處者五六月有小虫如蟻食其汁老則遺種結小毬於葉間正如蝓蠹之作雀鷄蠟虫之作蠟子也初起甚小漸漸長堅其大如拳或小如菱形狀圓長不等初時青綠久則細黃綴於枝葉宛如結成其殼堅脆其中空虛有細虫如蠶蟻山人霜降前采取蒸殺貨之否則虫必穿壤而殼薄且腐矣

### 通義府志

五倍子蜀語文蛤卽五倍子生於拂烟樹中有小細虫無數飛而留人甚痒名蠟子田居蠶室錄其樹土人名夫煙樹葉大似牡丹者爲泡夫烟細似椿葉而短者爲鐵夫烟鐵夫烟葉大者爲雄小者爲雌

雄者不結子泡夫烟子結葉蒂上鐵夫烟子結葉背結蒂者形似佛手柑結葉者似桃色間紫綠三月發葉子即生六月摘取用沸水微煮其中虫盡死以供染用其未摘盡者明年自破虫飛出一虫一子一枝蓋數百虫也種虫者摘其最老之子懸風處俟葉發時挂之樹一株歲可多得至二斤

### 植物名實圖考

鹽麩子開寶本草始著錄江西湖南山坡多有之俗呼枯鹽其俚方用其虫謂之伍倍子

### 華亭述言

【主治】 此藥主治與沒石子同

【考證】 五倍子係鹽膚木之葉被五倍子虫產卵於嫩葉肉中初生之幼虫多集葉間之傷處蓋葉被傷因而疣起成癭即五倍子也其形圓長不一大者如拳小者如指或似菱或分歧作裂瓣初則青綠後變黃綠而生茸毛中空內白質厚約分許而脆考五倍子虫即蚜虫之一種春初由卵孵化皆為無翅之雌虫不藉雄體而營單性之生殖至夏已達八九代矣入秋生翅雌雄始交尾而營有性之生殖乃產卵至越年春夏復營單性之生殖開寶本草竟誤五倍子一名文蛤李時珍於釋名下即引山海經為證云「其形似海中文蛤」考本經文蛤俗名花蛤乃海中所產之介類金匱中之文蛤湯傷寒論之文蛤散皆本經中之文蛤也五倍子乃虫癭而開寶不察誤以五倍子又名文蛤綱目即收於釋名之下不知文蛤與五倍子一海一陸遠

於馬牛之風矣至清本草原始附錄山海經之說本草從新於五倍子名下特注「一名文蛤」自斯而後如用文蛤則市中卽以五倍子應之醫學大辭典云「世俗誤以五倍子爲文蛤爲一物實則一係虫類一係介類不能混也」新本草綱目云五倍子異名文蛤又云「其五倍子一名鹽膚子因其子實之外面生有白粉一層有鹽味故名」此與萬國所言同爲一誤是未分鹽膚子係子實表白味鹹五倍子爲葉化生其表生茸色黃綠余治消渴以五倍子與他藥并用頗效

【分劑】 一至五錢搗碎煎服

## 砒霜

原質名 砒石 又名信石 煉名 砒霜 又名亞砒酸 又名砒弱酸

### 開寶本草

砒霜味苦酸暖有毒主療諸瘧風痰在胸膈可作吐藥不可久服傷人

### 圖經本草

類本處自是難得之物一兩大塊眞者人競珍之不啻千金古服食方中亦載用之必得此類乃可入藥其市肆所蓄片如細屑亦夾土石入藥服之爲害不淺

## 萬國藥方

Acidum arseniosum 砒霜自砒石煨過再升煉而成色白質重無臭無味性酷毒不可單服常

用者惟信石鈹水（亞砒酸鉀溶液）信碘汞水（碘化砒汞溶液）二方

（功用）補腦改病解熱解瘧順氣

（主治）濕癬皮膚久病久風濕瘡疾腦氣筋疼跳舞風楊梅類病拘攣風濕氣喘

（分劑）一喱六十分之一至十二分之一多加水化之飯後服

（解毒）解此毒先服吐藥後服濕鉄養或鉄綠鉄養水或鎂養或淡阿摩尼亞水或無名異或石灰搽油

皆可總以溼鉄養鉄綠鉄養水爲妙

## 賀氏療學

砒之原質不入藥用入藥者乃亞砒酸（砒弱酸）或砒酸鈉（鈉砒強礬）亞砒酸鉀（鉀砒

弱礬）或砒酸銅此三類砒質皆無味以火烤之則發蒜味水能溶之但醫士使人服砒俱指亞砒酸而言

亞砒酸由砒之原質而得其製法將砒石置於反射爐中煨之則砒由蒸氣（卽昇華）而粘於爐壁一次

煨之不純須復煉之爲佳每百分須含亞砒酸九十九分零十分之八爲宜體質沉重其形有二（一）爲

不透明之白散（二）爲不規則之塊此塊又分二類（一）非晶形無色透明狀似玻璃（二）晶形者

色白不透明形似盜此二類皆無臭無味

(生理作用) 此藥毒分劑於中毒條中詳之如生蕩敷之大有潰力若敷無恙之皮其力不顯或溼癢市醫每用此藥去之

(血循環) 服中分劑於血循環少有效過分劑則心大受制阻以致血壓減少脈緩而微夫血壓減少者乃因血管舒縮中樞受阻以致全身血管弛緩也在腹內血管尤甚

(呼吸) 小分劑大有激勵呼吸之能過分劑則呼吸即受制阻

(吸收及排泄) 此藥吸收甚速其排泄以腎居多亦畧有由汗涎膽液排泄者服中分劑其排泄必逾十六小時始顯乳婦服之乳內必含砒少許若服足分劑其食乳之嬰孩易致腹痛

(療效) 此藥為肌跳之敵藥然非用足分劑不可但初服分劑宜小由漸增加瘡症貧血與鐵劑並用大效腸胃粘膜無緊張力此為上品惡性貧血所用各劑以砒為最其如何成功則醫家尙未明悉白血球增多此藥最妙然必服足分劑始有功效如病者胃經不受宜由肛門射入以所服之分劑三倍或以亞砒酸鉀(鈹砒弱禁) 溶液一分與水四分射於皮下亦可瘧症此藥不但能防之亦能醫治其病至恢復之時且有補助之能若因氣管粘膜易於發炎而傷風者服之有效鱗性乾皮症有效若濕皮類症無益而有損牛皮癬服之其處必先發紅病式似增服至數日其病全愈醫士切宜記之天泡瘡苔癬癩風等症每有功效糖

尿與陰門作癢亦效痛風性糖尿若以碳酸銶（銶強攀）與砒酸鈉（鈉砒強攀）並服亦常有有效枝氣管粘膜易於發炎致患氣喘者此為妙劑服吸俱可久痺症服之每有大效慢性鼻炎走馬疳咽喉炎鼻粘炎勞症均可服之若胃疽或胃瘍如勤服小分劑常能止痛亦能止嘔孕吐與宿醉晨吐均效胃弱無緊張力致食物不化且久瀉者亦可服之藥瀉如勤服微分劑於每小時服一厘百分之一有功胃弱有良方如下

亞砒酸鉀溶液 一錢 馬前子酒一至二錢 水加至三錢 兩每飯後服一小匙以水送下但服時必先搖動藥瓶以免沉澱若胃炎者忌用 又方

亞砒酸 一厘三分之一 鉄粉 十厘 馬錢子膏 四厘 共成二十九每飯後服一九

老人心經虛弱致久立足腫或用力時氣喘此藥大有助狄吉他利與士的年之功如宜服狄吉他利或士的年者若兼用此藥其效尤大生疾者以砒溶液或亞砒酸鉀溶液敷之數日必為脫落若甚堅硬先敷氫化鉀使之柔軟再敷砒溶液其效尤速雞眼以此法治之必效

此藥宜於飯後服之否則恐有惹胃之患多服此藥者醫士宜詢其清晨臉腫否或腹疼痛及瀉腹否如有此狀即止服一二日不然恐全體漸成水腫之症

（乖效）服足分劑皮發炎而燒痛或成膿泡或有顯丹毒狀惟人各不同耳即外敷亦然每有發炎後則

脫屑如猩紅熱症者或有服之致粘膜發炎或鼻粘膜炎等患

(中毒)服毒分劑者則吐瀉甚重咽喉與食管及腹內皆甚疼痛所瀉先則如常後似果湯儼若霍亂延至三四日病似見愈然非真愈也此與中磷毒相同約在三至六日之內必至殞命第三日皮則發疹形狀無常或有立時腹痛腦力脫失而死者

(積毒)漸積此毒者枝氣管被惹腎經發炎皮有變色之處亦有因腦經系受傷全身有麻或滯處若麻在手指或足趾必多於第一或第二骨節之間或有致多數腦系炎其狀與脊腦後柱硬症相同

(解毒法)新毒解法先用胃抽器抽淨胃內之物以煖身法煖之但速服抗毒劑即癩氣化高鐵(高鐵泔)解之其製法以氫化高鐵濃液(鉄氣強鹽溶液)或氫化高鐵酒(鉄氣強鹽酒)加氟化鎂(鎂莠)或用銜水使之沉澱亦可但用銜水製之必以蒸水洗去澱內之銜方可用之否則恐有惹胃之患但銜不如氫化鎂之妙因氫化鎂有敵砒質之能服抗毒劑後宜服吐藥亦宜服雅片以止其痛且宜多飲水不然胃經必甚受損

(積毒解法)使病者脫離砒毒之境當服碘化鉀(鉍氣鹽)以助砒排泄

藥料詳要

亞砒酸一名砒霜白色重粉或白磁形成層之塊至四百度升騰成氣無臭無味微顯酸效此藥

牙科用之以滅牙腔內之腦系疼以備牙後免去疼苦其法用亞砷酸科卡印硫酸嗎啡幾阿蘇調和成膏取少許置牙腔內後加他類硬膏塞於其上嚴密蓋之

內服在胃之小分劑於粘膜畧有刺激作用故服後胃內覺煖無礙於消化酶亦不使蛋白質沉澱故常用於病之恢復期在消化不良或胃經疼痛服之以增其消化之能如因中醇毒或孕吐亦常用之治此等病以砷酸鈉之刺激性較弱故效力勝於亞砷酸服足分劑在口有刺激性能使口涎增多舌現白苔則腸胃亦現同樣狀態及則瀉腹肚痛而腸胃粘膜發顯紅腫或致糜爛而上皮細胞漸有脂肪浸潤此係砷之特殊作用能使腸部小動脈之肌麻痺能使血管放大及而血則壅滯以致粘膜變壞則上皮細胞之下有液體滲出砷劑易於吸收入血由白血球運至肝中貯藏砷畧能減少白血球之數而血色素則不減少能令骨髓有明顯之充血並增加白血球細胞及赤血球細胞故對血分作用大體有益貧血症可與鉄劑並用患惡性貧血或白血病服砷劑亦能增赤血球之數大抵砷劑療症之功其毀滅致病物之功實較大於改善血液之功也

### 英國藥制

亞砷酸補腦解瘧刺激赤血球之產生用於瘧疾台盼原虫病及貧血等兼用於糖尿症舞跳病慢性胃炎牛皮癬及他種亞急性及慢性皮膚病與鉄質合併可治血虧及萎黃病砷霜之各種製皆須服

於飯後不宜飯前

若遇中毒遂用洗胃管洗滌胃臟給以吐劑然後予以洋橄欖油鈣苦土 *Calined magnesia* 或糊劑性飲料

### 華亭述言

#### 【產地】

中西皆產中國古產信州今江西上饒縣故又名信石

#### 【形態】

砒非金屬化學原質之一鑛產甚多形態不一其質多與硫黃及各金屬化合以成如雄黃礬石雞冠石（又名雌黃）等物自然砒為一種錫白之金屬表面多為灰黑之色不透明性脆斷口呈粒狀其體成腎狀或粒狀亦有針狀之結晶但為罕見耳

#### 【主治】

有大毒無臭無味以火煉之則發蒜臭主肌跳貧血瘡疾貧白血球增多梅毒久痺痛風拘攣枝氣管膜炎而喘慢性鼻炎走馬牙疳胃痛鱗性乾皮症如牛皮癬鵝掌風苔癬麻風等症於糖尿除癢亦效外用以大棗去核內生砒於瓦上以火煨至棗肉將枯取下研為細末瘰癧臭爛不堪將膿洗淨搽之有效走馬牙疳亦效生瘰以砒溶液或砒酸鉀溶液敷數日必脫落堅硬者先敷氫氟化鉀使之柔軟再敷此藥

#### 【考證】

岡經以色如鵝子黃明徹不雜者為難得之物此為砒硫化化合物乃雄黃與雞冠石之類非自然之砒質

也砒之原質色白又名砒以信州產者又名信石入藥用者爲砒霜中藥煉質不如西法爲潔西名亞砒酸而常用者尤以亞砒酸鉀溶液爲多西藥之薩乏薩（六〇六）其滅梅毒中之螺旋體乃爲砒之一合質也砒能令赤白血球細胞加增故於貧血白血病等症宜與活血藥并用此藥小分劑於粘膜微有刺激力如胃失其緊張致消化不良或痛或孕吐或胃痛初程服之有效服至毒分劑卽吐瀉腹痛至腸胃腫爛而死余曾嘗服亞砒酸鉀溶液二量滴距五小時後不現藥效又服五量滴至二小時覺皮膚不定處屢如針刺之痛因悟其主治鱗性乾皮類症卽此力也至六小時後則右手食指第二關節忽如錐抉之痛而結合亦覺乾澇第二晨則他患皆去惟結合膜仍乾澇覺如腫以鏡視之未腫蓋服砒如現此狀卽止服二三日否則恐積毒以成水腫等患服此藥宜於飯後服之否則恐有惹胃嘔吐之患

### 【分劑】

砒霜或亞砒酸一釐百分之一至十五分之一

（亞砒酸鉀溶液）Liquor arsenicalis; Liquor potassii arsenicis 亞砒酸八十七厘 炭酸鉀同上 拉變大雜酒五量錢 蒸水二十量兩 先將砒鉀水入鍋熬化候冷加拉變大雜酒加水仍足二十兩爲度每五十五量滴內含砒半厘每於飯後加水沖服二三次（分劑）一至五量滴

## 砒砂

唐本草

又名氫化銻又名銻氣鹽又名阿摩尼亞綠

味鹹苦辛溫有毒不宜多服主積聚破結血爛胎止痛下氣療咳嗽宿冷去惡肉生好肌柔金銀可爲  
鑄藥出西戎形如牙消光淨者良馱馬藥亦用

萬國藥方

*Ammonii Chloridum* 阿摩尼亞綠製法不一古人自駝糞升煉而出今有自蒸煤氣餘水與磺

強水及食鹽製出升煉者又有自鹽強阿摩尼亞二水製出者結冰色白無臭半過光味鹹而辛其形有二  
一種成塊剖開紋理多直一種如砂功力則同

(功用) 化痰動膽汁調經發表利小便改病

(主治) 久氣管痰咳嗽風濕瘰癧症吸核變大面部腦筋痛

(分劑) 五至二十喱

(服法) 治吸核變大每服十至三十喱 加水半杯日服三次治瘰癧症及面部腦筋疼每服二至三十喱 日服三  
次肝體發炎結膿時服之亦可

(外用) 化瘤治瘰癧子與鷄眼等症用此藥搽患處

賀氏療學

氫化銻係白色晶形之散味涼而鹹畧有吸濕性此鹽之功用與他類銻鹽迥異於心及呼吸幾

不顯何感惟激粘膜生液之力甚大此鹽所發之氣能醫枝氣管炎製此氣有數法（一）以此鹽數厘置於鐵勺內以燈火烤之其氣即生可令病者吸之（二）以大盤盛硫酸四量兩以小盤盛濃鹽水二量兩以氫化鈉一錢置於硫酸盤內過一分鐘則氫化銻之氣彌滿屋內此氣一過再加氫化鈉其氣仍生可令病者吸之如令常用此氣惟此法最妙枝氣管久炎或臭性枝氣管炎此法有效昔有醫士以此鹽醫瘧症近少用之亦有名醫以此鹽治卵腺系痛又有治肝經久失功用或肝炎中程肝變硬及肝膿腫者孩童腸胃粘膜久炎此為妙劑並有良方如下

氫化銻四十八厘甘草流膏一量兩蒸水三量兩三至四歲之孩童日服三次每服一小匙製丸服之亦可必多用水或牛乳送下方免惹胃之患有醫士云胃內酸液多存致失功用而作痛者於飯前半句鐘服十厘最妙中漆毒而皮炎者以此鹽一兩加水二磅洗之有效

### 藥料詳要

氫化銻為無色無臭之晶製升騰之氣可吸之療鼻喉數種疾能使氣膈粘膜生液加多以將濃痰化淡易於咳出故在枝氣管炎兼病體甚弱痰少而濃為最佳去痰之藥亦能激呼吸中樞以增其咳時排痰之力（分劑）五至二十喱

### 英國藥制

氫化銻可將銻或碳酸銻之粗溶液用鹽酸中和之再行精製而成係無色無臭之品味鹹而涼

此藥刺激粘膜而使粘液之分泌增加用於亞急性之胃卡他症或腸卡他症慢性枝氣管炎之痰少而緊者與礪砂合用於喉痛氫化銦之蒸氣治呼吸之道之病症極有價值但其蒸氣須具中性

華亭述言

【產地】 中西皆產多產火山附之岩穴中亦有產於鳥糞中者

【形態】 屬鹵石類爲氫化銦之礦物分天產人工二質天產者多產於熔岩之岩穴中鳥糞中亦產之人工產者

以銦溶液與氫氰酸蒸發至乾而成無色晶體成皮壳或粉塊狀

【主治】 有毒味鹹涼而辛主生涎潤膜化痰破血結積聚肝變硬與膿腫卵腺痛通經閉止痛下氣頭部神經痛

腸胃粘膜久炎酸症利尿

【考證】 此藥自唐本草收入主欬嗽而後世用於潤膜止咳化痰劑中甚少蓋此藥能激粘液腺分泌加多其去

痰之功用在乎增加分泌致濃痰潤滑易於欬出故於枝氣管久炎或痛或濃痰粘於喉間服之有效唐本

草云主積聚破結血卽如西醫主肝炎或肝變硬及肝膿腫之意

【分劑】 沖服一至三分

礪砂

日華諸家本草

蓬砂味苦辛暖無毒主消痰止咳破結痺

萬國藥方

Borax 硼砂出西藏印度亞美利加等處生成而經煉者結冰無色過光露空氣微化外成白散

味始畧甜繼則畧鹹而苦內合一酸卽硼酸

(功用) 解熱利小便動經令子宮收縮佐耳臥達及肉桂汽水同服治胎衣不下

(分劑) 五至三十噠

(外用) 治皮類病治白屑風及連環癩宜將此藥入水內至濡而不化洗之最妙

賀氏療學

此藥有由化法而成者然美國喀利佛尼亞及那弗大二省之湖邊採取但必經煉法方可用之

水十二分能溶藥一分昔人常言此藥與硼酸溶液皆有滅菌之功然實無此效惟有免腐之力內服無甚功效只有使尿變鹼之能然有醫士謂癩症用之大效分劑八至十五厘漸次增之至育道受惹爲止其味不美故宜加引藥良方如下

硼砂半量 甘油一量 甘草流膏二量 蒸水六量

每飯後以水送下如病愈而無癩癧之患則每日所服之分劑不宜過十五至三十厘恐久服以成慣性反

使藥力不顯且易有惡心瀉腹消瘦或發猩紅熱性疹或似癩或起泡常顯於關節周圍在白喉症以硼砂製成漱劑漱口有效阿弗他性口炎（鵝口瘡）走馬疳（口頰壞死）等症以此藥製成溶液漱之有效肛門陰戶癢臭汗等患亦頗有效身錢癬髮錢癬等患以此濃溶液敷之有效漱藥良方如下

硼砂一錢重碳酸鈉一錢石灰酸三十厘甘油一量兩純水二量磅令勻漱之

### 華亭述言

【產地】 產於硼砂湖與鹽湖及礦泉中

【形態】 屬尖晶石式礦類硼酸鹽類成分為含水硼酸鈉有時鈉之一部分與鉍交感而成重硼砂鈉人工產者

由碳酸鈉液於天然之硼酸鈣煮沸之而成為透明無色之晶體露於空氣中則略有風化變為不透明

【主治】 有毒味畧鹹帶酸主口炎咽喉痛以溶液漱之驚癇服之有安撫鎮靜之功於前後陰癢錢癬脚臭以濃

溶液洗之有效

【考證】 此藥外用較內服為多均為消毒免腐之用內服此藥易顯瀉腹或生溼疹於關節之周肱炎致尿蘇加

多服之可變酸性湯火傷以硼砂一分甘油六分研勻搽患處有消毒止痛之功

【分劑】 散服半至二分半

## 硼酸

免腐之劑

### 萬國藥方

Acidum boricum 硼酸有生成在火山中後經煉而出者亦有由硼砂與磺強水製煉而成者結

冰形如片珠色白半過光

(功用) 免臭氣治胃內發酸

(分劑) 五至三十嚥

(外用) 免臭爛治火眼及潰瘡惡瘡等用此藥一分沸水三分化合將麻絨布加入浸透提出曬乾敷患

處治瘡症最妙

### 賀氏療學

此藥之效與硼砂相同若製成溶液有醫丹毒之功湯傷敷之亦效常以此酸製成洗眼藥或單用

之或與科卡印並用皆可若令存貯科卡印溶液其中必加此酸方免生絲狀黴菌變壞之虞其良方如下

鹽酸科卡印 四至八厘 硼酸十至二十厘 蒸水二量 以數滴於目內

硼酸軟膏有免皮裂之患有良方於下

硼酸一錢 白蜂蠟一錢 硬石蠟二錢 苦杏仁油二量 攪調勻每於早晚敷之有效 膀胱炎者如小便含鹼服之有變

酸之效雀斑之患敷此溶液有去之之能

硼絨布製法以硼酸或硼砂濃溶液置於火上沸之以絨布於其內浸透提出晒乾而成手術後覆於傷處乃為最妙之法

### 藥料詳要

硼酸係令硫酸與硼砂交感而成或將天然硼酸用法精製多層薄片晶滑澤如油蠟無色或為白亮色無臭味苦而微酸效甚弱此藥為最佳免腐幾無刺激性故為洗眼洗耳之妙藥亦可為洗口漱喉之用常製硼絨布為外科敷傷之用或為洗藥或為熱濕布或為軟膏用於創傷潰瘍火傷等患以淡溶液（每百分含硼酸二三分）加甘油少許以洗膀胱肛門之用以硼酸甘油擦於肛門陰戶可止其癢在痢症服溴化物無效者亦可改服硼砂

### 西藥擇要

硼酸為透明無色之鱗片或為輕鬆油滑極細之粉末無臭味微苦硼酸為緩和之抗膿毒劑及收斂劑外用常作撒粉或單獨用之或攪以其他稀釋劑例如澱粉或滑石或攪以其他主藥例如阿西坦尼利柳酸或碘芳等劑硼酸亦廣用為洗劑而於粘膜之卡他炎膀胱炎結合膜炎咽炎等等其功效尤著

華亭述言

【產地】 產於火山泉山之地

【形態】 屬尖晶石式礦類硼酸鹽類白色或淡黃之小片有真珠光觸之覺滑膩亦有成鐘乳狀及細小三斜晶

體然為罕見

【考證】 此藥天產多於火山地之水或泉水及蒸氣中人工產者以硼砂與硫酸交感而成內服甚少惟於外科

用者較多如藥布藥水藥膏多以此藥製之如結合膜炎及口鼻之粘膜炎與肛門陰戶之癢或洗或擦均有消毒免腐止癢解炎之功硼酸藥布以硼酸濃溶液於火上煮之浸布於內取出晒乾即成以被手術後敷割口消毒之用其分量以硼酸溶液約佔布之一半

【硼酸軟膏】 硼酸一分軟石蠟四分硬石蠟二分先將二蠟化硼酸調勻至冷為度治瘡常用

【硼酸甘油】 以硼酸與甘油煉成硬片用時再加甘油使成液體為免腐之藥在各類膿性眼炎均可用湯火

傷敷之亦效若與石炭酸調勻醫皮類症

## 石膏

又名 硫酸鈣

### 本草經

石膏味辛微寒主中風寒熱心下逆氣驚喘口乾舌焦不能息腹中堅痛除邪鬼產乳金瘡

**名醫別錄**

甘大寒無毒除時氣頭痛身熱三焦大熱皮膚熱腸胃中結氣解肌發汗止消渴煩逆腹脹暴氣

喘息咽熱亦可作浴湯一名細理石細理白澤者良黃者令人淋生齊山山谷及齊廬山魯蒙山采無時

**陶弘景**

二郡之山即青州徐州也今出錢塘縣屬浙江皆在地中雨後時時自出取之如碁子白徹最佳彭城者

亦好近道多有而大塊用之不及彼也仙經不須此

**唐本草**

石膏方解石大類相似而以未破爲異今市人皆以方解代石膏未見有真石膏也石膏生於石旁其

方解不因石而生端然獨處大者如升小者如拳或在土中或生溪水其上皮隨土及水苔色破之方解大

者方尺今人以此爲石膏療風去熱雖同而解肌發汗不如真者

**圖經本草**

石膏生齊山山谷及齊廬山魯蒙山今汾孟饒耀州興元府亦有之生于山石上色致瑩白與方

解石肌理形段剛柔絕相類今難得真者用時惟以破之皆作方稜者爲方解石今石膏中時時有瑩徹可

愛有縫理而不方解者或以爲石膏然據本草又似長石或又謂青石間往往有白脈貫徹類肉之膏肋者

爲石膏此又本草所謂理石也不知石膏定是何物今且依市人用方解石爾

**本草綱目**

石膏有軟硬二種軟石膏大塊生於石中作層如壓扁米糕形每層厚數寸有紅白二色紅者不

可服白者潔淨細文短密如束針正如凝成白蠟狀鬆軟易碎燒之即白爛如粉其中明潔色帶微青而文

長細如白絲者名理石也與軟石膏乃一物二種碎之則形色如一不可辨矣硬石膏作塊而生直理起稜如馬齒堅白擊之則段段橫解光亮如雲母白石英有牆壁燒之亦易散仍硬不作粉其似硬石膏成塊擊之塊塊方解牆壁光明者名方解也燒之則炘散亦不爛與硬石膏乃一類二種碎之則形色如一不可辨矣自陶宏景蘇恭大明雷斅蘇頌閻孝忠皆以硬者爲石膏軟者爲寒水石至朱震亨始斷然以軟者爲石膏而後人遵用有驗千古之惑始明矣蓋昔人所謂寒水石者卽軟石膏也所謂硬石膏者乃長石也石膏理石長石方解石四種性氣皆寒俱能去大熱結氣但石膏又能解肌發汗爲異爾理石卽石膏之類長石卽方解石之類俱可代用各從其類也今人以石膏收豆腐乃昔人所不知

### 萬國藥方

石膏 *Calci sulphas* 此石中西皆有乃自然生成者色白狀如方解石

(功用) 作煨石膏西國入藥用

煨石膏 *Calci sulphas usta* 將石膏入爐加熱不過三百度存性去火研細爲度玻璃瓶存貯此藥結白色之散無臭無味

(功用) 配鈣磺不宜內服

(外用) 此藥見水變硬醫家恆用塗抹布條內外裹扎骨折等症酒水變硬使骨不移動

華亭述言

【產地】 中西皆產中國產類最多者爲湖北之應城與湖南之湘潭

【形態】 屬石膏式礦類含水硫酸鹽類成分爲含 $H_2O$ 之硫酸鈣其質有軟硬二種硬石膏名無水石膏爲粒狀或

大理石狀或纖維狀有白色或帶藍紅二色劈破分三方互成直角軟石膏卽入藥之石膏色白成緻密狀之塊微透明者爲絲絹狀透明者劈破成板狀亦有劈破爲單斜結晶體者考軟石膏由水溶液而生或由含鈣之礦物受硫化礦物分解所出之硫酸作用而生或由無水石膏吸收水分而生

【主治】 入藥用軟石膏之生質不可煨用取其天然含水之晶體無毒無臭無味主傷寒溫疫之邪熱唇裂舌焦煩燥譫語喘息皮膚溼熱解肌止渴清血熱外用爲細末治湯火傷與金瘡潰爛敷之有效

【考證】 天產石膏化學名硫酸鈣其結晶體內含天然之水熱於閉口管中則生水其粉末遇煮沸之弱鹽酸立卽溶解若入火中煨之其結晶之水飛去化爲白粉名熟石膏或名煨石膏化學名硫化鈣可爲模型等用西醫爲塗布條裹扎骨折等用不爲內服劑中醫用石膏已數千年矣皆用天產原質取其內含天然之水以救傷寒溫疫諸症之邪熱至本草綱目云「近人因其性寒火煨過用或糖拌炒過則不妨脾胃」以致備要與從新俱云「或用火煨則不傷胃」而從新又云「老弱虛寒者禍不旋踵」蓋水能克火未聞以



水制水也石膏本爲寒性之劑虛寒禁用又何待言既用以治熱矣而又畏其寒而煨之非矛盾之甚者乎本草源始本草求真亦皆煨而用之實後世醫藥之退化處惟本草經讀云「石膏外糝又能愈金瘡之潰爛也但石品見火則成石灰今人畏其寒而煨用則大失其本來之性矣」藥徵云「用之之法唯打碎之已近世火煨用之此以其性爲寒故也臆測之爲也余則不取焉大凡製藥之法製而倍毒則製之去毒則不是毒外無能也」余謂石膏煨之則近石灰質非石灰不能醫痛但決不能醫傷寒溫疫邪熱之症也化學實驗新本草與漢藥實驗談俱云「石膏無功用僅能作煨石膏」藥物大成云「殆不溶解於水故無生理的及醫療的作用」蓋爲此等說者均於中醫未嘗學問而一味盲從西說者也試問西醫所用之礦中藥不溶解於水者多矣卽無生理及醫治之功耶考石膏無毒非足分劑不易爲功若於邪熱甚盛之候以數錢投之猶杯水車薪耳而俗醫往往用煨者且不敢過兩如服病壞且歸咎於分劑之重不知其失在煨不在多也金匱用石膏共十一方傷寒論用七方其數達至一斤者如白虎湯白虎加人參湯竹葉石膏湯白虎加桂枝湯其數至二兩者有小青龍加石膏湯其數至六銖者有麻黃升麻湯漢之權衡雖與今日不同然以一斤之數以每兩二錢折之則其量與大青龍湯用雞子大一枚者相差無幾竊以漢時之雞卵與今不能相差懸殊余曾以石膏刻成雞卵形（如中等雞子）一枚秤之重三兩四錢若朮防已湯用二

枚者亦可推知古方之重用矣

【分劑】煎服半至二兩

